

იყალბოელი ბიჭები

ლადო მრელაშვილი

წვიმიან ღამეს

ხეების ჭრიალსა და ქარის ქროლას ქუხილი აყრუებდა. ცას პირი მოეხსნა და ღვარად მოდიოდა წვიმა. აქოთქოთებული ნიაღვრები თავქვე ეშვებოდნენ და იყალბოს პირქათიან ხევს უერთდებოდნენ. სულიერი არ ჭაჭანებდა გარეთ. ძაღლებიც კი აივნებქვეშ მობლუნძულიყვნენ და ცხვირები ფუმფულა კუდებში ჩაეყოთ. მხოლოდ სოფლის განაპირას, ტყესთან ახლოს ალანდულ მიტოვებულსა და ძველ საბძელში ელვის თვალისმომჭრელ შუქზე ხანდახან ჩნდებოდა ორი ბავშვის სახე, რომელთაც აინუნშიაც არ მოსდიოდათ ხევის ბღღვინვა და ცის მრისხანება.

- ე, როგორი ღამე დადგა, - წაილაპარაკა ერთმა და ნამჭაზე წამოჭდა.

- კარგ დროს კი შემოვასწარიო, ერთი წინწკალიც არ დაგვცემია თავზე...

- ხა-ხა-ხა-ხა! ახლა ჩვენებს მე თქვენსა ვგონივარ და თქვენებს შენ - ჩვენსა.

- ჩუმად, გოგი, ეგრე ნუ იცინი!

- არაფერია, სანდრო, მაინც ვერავინ გაიგებს ამ გუგუნ-გრიალში.

- კარგი პატრონი ძაღლს არ გააგდებს ახლა გარეთ, მაგრამ მაინც ჩუმად ყოფნა სჯობია.

- ეს ღამე მართლაც ზედგამოჭრილია, თორემ სხვა დროს გროზნას ძაღლს ჩიტიც ვერ მიეპარება იმ ვაშლზე. თუმცა ერთი კი მაკვირვებს: რალა მაინცდამაინც მაგ კაცსა ვპარავთ, მელანასაც ხომ უდგას ასეთი ვაშლი? - გოგიამ ბნელში მოათვალიერა მეგობრის სახე და მცირე ხნის შემდეგ დაუმატა: - კარგა ხანი კია, რაც აღარათფერი მოგვიპარავს.

- მოგვიპარავსო? - გაიკვირვა სანდრომ, - განა კიდევ ბაღლები ვართ, მოვიპაროთ! მეხუთე კლასში ვართ, შე წყეულო!

- მაგრამ მელანასაც ხომ ჯერ არ დაუკრეფია თურამაული?

სანდრო მხარ-თეძოზე წამოწვა.

- მელანა მარტოხელა ქალია, ერთადერთი შვილიშვილი ომში დაეღუპა. იმას მოპარვა კი არა, დახმარება უნდა... განა გროზნას კი ვპარავთ? არა, გოგი, ეს ვაშლი მაგ კაცის საყვარელი ვაშლია. ძალიან უფროხილდება და სწორედ ამიტომ მინდა დავეუკრიფოთ.

- თუ არა ვპარავთ, მაშინ ვინა გვცემს კეტს, გინდათ თუ არა, დაუკრიფეთო?

- შენ ხომ გახსოვს, მე და ჩვენი ბიჭები როგორ ვეხვენებოდით, საყდრის ქვეშ რომ გვირავია, იქ ჩავეშვით, მაგრამ იმან არამსეთუ გასაღები მოგვცა, ჯობით დაგვიფრინა იქიდან.

- მერე, ვაშლი რა შუაშია?

- როგორ თუ რა შუაშია? განა ჩვენ მაშინ გულდანყვეტილები არ წამოვედით იქიდან?

- წამოვედით.

- ჰოდა, ახლა იმას დავეუკრიფოთ ეგ ვაშლი, რომ გაიგოს, გულისდანყვეტა როგორია.
- მერე, სად უნდა წავიღოთ ვაშლი?
- აქვე, ნამჭაში დავმაღავთ.
- და ზამთარში ვჭამთ, არა?
- შენ სულ მუცლის ამოყორვაზე ნუ გიჭირავს თვალი! - განყრა სანდრო, - ცოტა ხანს არ გამოვუჩინო, ცოტა ხანს ვანრუნუნებთ და მერე ერთბაშად ვეტყვი: „დიმიტრი პაპავ, თუ გვირაბში ჩაგვიშვებ, დაკარგულ ვაშლს გიპოვით და სულ უკლებლივ ჩაგაბარებთო“. მიხვდი?
- მიხვდი, მაგრამ რატომ სხვა ბიჭებიც არ წამოვიყვანეთ? ხომ არც ისინი ჩაუშვა გროზნამ? მოგვეხმარებოდნენ.
- რა საჭირო იყო მთელი ხროვა? ვაშლის ხე პატარაა - მე და შენაც კარგად აუვალთ.
- ლუკას ბიჭი მაინც წამოგვეყვანა.
- ლუკას ბიჭი ჩვენს რგოლში არ არის.
- მერე რა? თვითონ ბიჭი ყოჩაღია და რგოლი რა შუაშია? ერთ კლასში ხომ ვართ! - გოგია ჩათიქრდა. - იცი, რა, სანდრო, მოდი, ჩვენს რგოლში მივიღოთ.
- შენ ხომ არ გასულელდი, ეფრემას ბიჭო, იქ არ იყავი, რომ ნიკომ მაგის გულისთვის კინალამ არ წამოგვარტყა? უფროსმა პიონერხელმძღვანელმაც ნება არ დაგვრთო - რგოლში სულ ბიჭები ხომ არ იქნებით, ეგ ორი გოგო მაინც შეიფერეთო.
- წაიღეს რა ტვინი ამ პიონერობითა და პიონერხელმძღვანელობით. გოგია ჩათიქრდა და მცირე ხნის შემდეგ ელვის შუქზე სანდრომ მისი დაკრეჭილი კბილები დაინახა.
- რაზე იცინი?
- იცი რა, სანდრო, მოდი, ნუ გავაგებინებთ ნურავის, ისე მივიღოთ, ჩუმად.
- როგორ თუ ჩუმად?
- მარტო ჩვენმა რგოლმა და იმან იყოღეს.
- სანდრო ერთხანს წყნარად იყო, მერე ნათქვამი ჭკუაში დაუჭდა და მეგობარს მხარზე ხელი ალერსით დაჰკრა.
- ყოჩაღ, ბიჭო! მაშინ სხვებიც შეგვიძლია ასე მივიღოთ.
- ვინ სხვები?
- ზოგიერთები, ვინც ყოჩაღია. ენუქიშვილები ხომ მივიღეთ.
- ეგრე ვუყოთ, სანდრო, მაშინ ყველაფერს უფრო ადვილად გავაკეთებთ და ფეხბურთის გუნდიც საკუთარი გვეყოლება. - გოგია სიხარულისაგან შესტა. - წარმოგიდგენია, სანდრო? ფეხბურთის გუნდი ერთი კლასიდან. არა, არა! ერთი კლასიდან კი არა, ერთი რგოლიდან! მთელ რგოლში ფეხბურთელები იქნებიან. ბუჩუკურთელის რგოლი! ფეხბურთელთა გუნდი! ხედავ, სანდრო, რა იქნება? სანდრო ისევ წამოჭდა ნამჭაზე და სიამოვნებისაგან შეიმშუშა.
- ჭკუის კოლოფი ხარ, წყეულო, საიდან მოიგონე? კაპიტანი მე ვიქნები.
- მე კიდევ - შენი მოადგილე.
- მოადგილე არა, ტოროლა! კაპიტანს სადა ჰყავს მოადგილე. შენ თუ გინდა, მეკარედ დაგნიშნავ.
- არა, სანდრო, მეკარედ ხახაბო დავაყენოთ, ერთ ბურთს არ გაუშვებს კარში. ერთი ძელიდან რომ გადაწვეს, თავს მეორე ძელთან დასდებს. არა, მე მეკარედ არ ვივარგებ. ისევ სჯობია, თავდასხმაში ვითამაშო, შუამარბი ვიქნები.
- არ შეიძლება, შუამარბი მე უნდა ვიყო.

- არა, ძმაო, მე მეკარედ არ ვივარგებ, თუ გინდა, ბერძენაანთ ვანო იყოს, ხახაბო კი ზედგამოჭრილია.
 - არ ივარგებს, ვანო დამცველად გამოდგება, ღონიერია და ბურთს მაგრად არტყამს. აი, თუჯიშვილიც რომ ჩვენს რგოლში იყოს, ისიც კარგი დამცველი იქნებოდა.
 - იქნებოდა და, მივიღოთ.
 - უნდა მივიღოთ, კარგი აზრია, ნუგზარი კი ფიცხია და გარემარბად კარგი იქნება.
 - ლეოც ფიცხია, ზალიკო კი ცოტა ზანტია, მაგრამ ღონიერია. დამცველად კარგი იქნება.
 - ზალიკო აღარ გამახსენო.
 - რატომ, ეგ ხომ ჩვენს რგოლშია.
 - იმიტომ, რომ მამბეზლარა და შურიანია.
 - მამ რა გამოდის? რგოლში ითვლება, თამაშით კი არ ითამაშოს?
 - არც ითამაშებს. აი, რას ვიზამ: გავრიცხავ და მაგის ხარჯზე სხვას მივიღებ. ვეხვეწე და „ზლაპრების წიგნი“ არ მათხოვა. შურიანია - სხვას ჩემზე მეტი არა ჰქონდეს ნაკითხულიო.
 - მერე, დანარჩენი ბიჭები მხარს დაგიჭერენ? პიონერხელმძღვანელს ეტყვის.
 - ეტყვის და ნახავ, როგორ მივბეგვავ. ბიჭები კი როგორმე უნდა დავითანხმობო.
 - კარგი, ყველა სათითაოდ ვნახოთ და მოველაპარაკოთ. ცემით კი, მოეშვი, ღონიერია და...
- სანდრო ფეხზე წამოვარდა და წაიღრინა:
- განწყვიტე ხმა, თორემ იქნება შენც იმას მიგაყოლო.
- გოგია დაუტკბა.
- კარგი, ჰო, დაჯექი, ნამდვილი ყარამანი ხარ! ჰო, მართლა, აბა ყარამანს როგორი მუშტი ჰქონდა?
 - მე რა ვიცი, როგორი მუშტი ჰქონდა?
 - შენ არა სთქვი, დევს რომ დაარტყამდა, თავს მუცელში უძვრენდაო?
 - მერე, რომ ვთქვი?
 - ჰოდა, იმას რაღაც სხვანაირი მუშტი ექნებოდა.
- გოგია მცირეხანს ჩაფიქრდა და მერე იკითხა:
- ნეტავ ჰაპიროსს თუ ეწეოდა ყარამანი?
 - ჰო, პირში სულ „ყაზბეგი“ ჰქონდა გაჩრილი.
 - იცი რა, სანდრო, ამ გახსენებაზე ჰაპიროსი მომინდა, მოიტა რა, მოვწიოთ.
 - ჩუმად იყავ. აქ მოწევა არ შეიძლება. აბა ნახე, რომელი საათია?
- გოგიამ ჯიბიდან მაგიდის ვეება საათი ამოათრია.
- ეგ რაღამ წამოგაღებინა?
 - უმთვარო და უვარსკვლავო ღამეა, დრო როგორ უნდა გაგვეგო?
 - ზედმეტი ბარგია, თქვენები გაიგებენ.
 - რას გაიგებენ, მოვატყუე: გაჩერდა და ძია გიგასთან მიმაქვს გასაკეთებლად-მეთქი. ჩვენებმა იციან, რომ მამაშენმა შეკეთება იცის.
 - ზედმეტი ბარგია-მეთქი. უჰ! თორმეტს ათი წუთი აკლია. ჩააქრე ასანთი, არავინ დაინახოს შექი. სწორედ დრო არის.
 - კი მაგრამ, საიდან გინდა გახვიდე რიყეში. საბჭოს წინ, ხიდთან, სინათლეები ანთია და სხვაგან მდინარე თავ-პირს იმტვრევს კლდეებზე. ახლა ყარამანიც ვერ გავა შიგა.
 - ნუ გეშინია, მაგისტვისაც ვიბრუნე, აი, შეხედე, მე თვითონ გავლესე.
 - მერე ეგ ხერხი ჰაეროპლანი ხომ არ გგონია?

- წყაროს ბალთან ჩვენი რიყე ყველაზე ვინროა, სულ ოთხი-ხუთი ნაბიჯი იქნება. სწორედ იმ ადგილას დიდი ალვის ხე რომ დგას, ზედ კლდის პირას, ის უნდა წავაქციოთ.

- როგორ, შენ გინდა მოსტრა ის მშვენიერი ალვის ხე?

- მშვენიერი! შენც გესმის რამე სიმშვენიერისა. კაკალი ხომ არ არის, რომ დაგენანოს? გარდა ამისა, ნახევრად ქარისგან არის გადახლეჩილი.

- კარგი, მაგრამ რად გინდა ის ალვის ხე?

- სულელო, ფერდობს, რომელზედაც ალვის ხე დგას, დაქანება ხევისკენ აქვს. ცოტა რომ მივაჭრათ, მერე თვითონვე წაიქცევა და წვერს მეორე ნაპირზე დასდებს. ამაღამ მაგაზე უკეთეს ხიდს ვერ ვინატრებ.

ბიჭებმა ტანსაცმელი გაიხადეს. იქვე, საბძელში დამალეს და ტრუსების ამარა გამოვიდნენ გარეთ, კოკისპირულ წვიმასა და ქარში. სანდროს სადღაც ნაპოვნი ძველი და თავისივე ხელით დაჭლანული ხურჯინი გადაეკიდნა მხარზე.

მალე ალვის ხე აჭრიალდა, დაიჭყქა და ზღართანი მოადინა ხევის მეორე ნაპირას.

სანდრო გადააჯდა ხეს და ხოხვა-ხოხვით მივიდა ტოტებამდე. მერე ხელი ჩაავლო ტოტებს და ორიოდ წუთში მეორე ნაპირზე მოექცა.

გოგია შეჰზარა უცნაური ხიდის ქვეშ ახვივლებულმა წყალმა. წამით ჩაიხედა შიგ და ელვის შუქზე დაინახა, როგორ მოაგელებდა ლაფიან ტალღებს ხევი. უკან დაინია, მაგრამ ამ დროს გაისმა სანდროს შეძახილი და ბიჭს გამბედაობა მოემატა. ათიოდე წუთში უკვე „გროზნას“ ბაღში იყვნენ.

- წყალში ასეთ დროს არ უნდა ჩაიხედო. აქ გადმოსვლაზე შეშინდი, შენ როგორი მეომარი იქნები? დავით აღმაშენებელს კი გულადები უყვარდა. აი, მე ერთ წიგნს მოგცემ, ნაიკითხე. ასეთ ღამეში და წვიმაში გაგიჟებულ ცხენს დააჭენებდა, თივაში იძინებდა, ცივ წყალში ბანაობდა და რას არ აკეთებდა. შენ კი მაგოდენა ხეზე გავლისა შეგეშინდა.

- უკრავ შენებურად! ერთიც ვნახოთ, შიგ ჩავვარდე და დამახრჩოს! მერე რომელ მილიციელთან უნდა ვუჩივლო მაგ წყალს?

- შენ თუ დაიხრჩვე, ყვავები დაითალხებებიან. ვახტანგ გორგასალი დარიალში გავიდა. რაო? დარიალი რა არიო? აკი გეუბნები, გეოგრაფია არ იცი-მეთქი.

- დაიყა, მგონი, მოვედით. ეს ვაშლი არ არის?

- ჩუმაღ, ძალლი არ გეცეს, ეტყობა გროზნას აუშვია, ღრენა არ გესმის? მეორე მხრიდან მოვუაროთ. ქარი აქედან უბერავს.

ბიჭებს სახეში სცემდა წვიმა, გრიალებდა ცა, ისევ უკანვე იკეცებოდა შავ-შავი ღრუბლებიდან გამოვარდნილი ელვა. ხოლო ძირს, მოცხარის ბუჩქში შემძვრალი და მოკრუნჩხული ძალლი ყრუდ ღრინავდა. გრძნობდა, რაღაც არასასიკეთო ხდებოდა მის თავზე, მაგრამ კერძოდ რა, ამას ვერ მიმხვდარიყო.

ბიჭებმა გააფსეს ხურჯინი და გამოსცდნენ გაკრეფილ ვაშლს.

- ფუი! შენი ძალლობა რა ვთქვა! ესეც ძალლია რაღა. მაშ, ღირსი არ არი, სანდრო, ქვები დავაყაროთ? აკი ძალიან ანჩხლიაო?

- შენ მართლა ხომ არ გასულელდი? გადმოდგი ჩქარა ფეხი, თორემ სადაცაა გათენდება. ძალლი კი... აბა, ქარის მხრიდან მისულიყავ ვაშლთან, მაშინვე სუნს იკრავდა და ბარკალს აგახლეჩდა. ახლა წავიდეთ მალე, თორემ ლამის ცინულის ლოლუად გადავიქცე.

გოგიამ რაკი გაიგო, რომ სანდროსაც სციოდა, ყბების მოჭერას თავი გაანება და მისმა კბილებმაც კანკანი გააბეს.

გათენებას სამიოდე საათი თუ აკლდა, ნადავლი რომ ნამჭის ქვეშ დამალეს ბიჭებმა. განურეს სველი ტრუსები, ჩაიცვეს მშრალი ტანსაცმელი და მაშინვე რბილ ნამჭაში ჩანვინდ დასაძინებლად, რათა დილით სკოლაში არ დაჰგვიანებოდათ.

ის იყო გოგიამ მიღულა თვალები, რომ მეგობარმა ხელი წაჰკრა და უთხრა, თავისი მალეობარა საათის ზარი რვა საათზე დაეყენებინა, რომ სკოლაში ცხრის ნახევარზე მაინც ყოფილიყვნენ.

გოგია გაკვირდა.

- ხომ არ გაგიჟდი, მთელი ღამის ნანვალევი ვართ, ათ საათამდე მაინც არ დავიძინოთ? გავაცდინოთ პირველი გაკვეთილი, მერე რა მოხდა?

- შენ რასაც გეუბნებიან, ის გაიგონე, არავითარი გაკვეთილის გაცდენა! მომართე და ზარი რვა საათზე დააყენე.

გოგია ბურტყუნით წამოჭდა, გაიკრა ასანთს ხელი. მერე დახედა საათს, სიბნელებში „ვილაცას“ თვალი ჩაუკრა, ეშმაკურად გაიღიმა და საათის ზარი ათის ნახევარზე დააყენა.

დილით გაღვიძებულმა სანდრომ გაიკვირვა, ზარის ხმა რომ ვერ გაიგონა და გაიფიქრა: ალბათ, მომართვა დაავიწყდაო.

ბიჭმა უდარდელად მხვრინავი მეგობარი შეაჯანჯლარა.

- ადე, ძილისგუდავ, ნახე, რომელი საათია?

გოგიამ გაიღვიძა, წამოჭდა, თვალები მოიფუშვინა და მეგობარს ახედა.

- რა გეჩქარებოდა, ქორწილი მთას მიგიბრბის? ჯერ რვა საათია.

- ადე, ადე, დროით უნდა მივიდეთ.

გოგია წამოხტა, თვალები მოიფუშვინა, საათი შარვლის უძირო ჯიბეში იკრა, ქალაქში შეხვეული პური და ქათმის ხორცი ილღიაში ამოიჩარა და მეგობარს დაედევნა.

სკოლაში

სკოლა რიყის პირას იდგა. ფართო ეზოს ცალ მხარეს სასკოლო ნაკვეთი ემიჯნებოდა, მეორე მხარეს - პატარა ორბოზე, უკან - ლაცაბიძეების ბაღი, მარჯვენა მხარეს - ხევი, ხევის პირას ვეება თელები გადამდგარიყვნენ და კანჭებ-

დაკარნახებული მებაღურებივით დაჰყურებდნენ წყალს.

მზე ამოწვერილიყო და ნაწვიმარ მიწას ოხშივარს ადგენდა. ნაადრევად მოსული მოსწავლეები სკოლის უკან მოგროვილიყვნენ და ხარბი თვალთ შეჰყურებდნენ ჯერ კიდევ დაუკრეფავ წითელლოყება თურაშაულს, ხეჭეჭურასა და „თამრო მსხალს“. მეძებრებივით ყნოსავდნენ ბალიდან მოვარდნილ სურნელს და რაკი ფარნაოზისა ეშინოდათ, ქვის სროლას ვერა ბედავდნენ.

ზარმა აიძულა, დაეტოვებინათ ეს მშვენიერი სანახაობა.

ის იყო კლასში შეგრიალდნენ, რომ წუხანდელი ღამის გმირებმაც შემოაბიჯეს. ცოტა ხანს კარებში შედგნენ, მერე ამხანაგებს მიესალმნენ და დასხდნენ.

ბიჭებთან ბერძენაშვილი ვანო მივიდა.

- წუხელ სად ეშმაკებში ეხირეთ, თქვენსა მოველ და მითხრეს, ეფრემანთ გოგიასთან წავიდა სამეცადინოდო, გოგიასთან მივედი და, უკაცრავლი პასუხია, ეფრემამ კინალამ წაღდი წამომისო: შენ აქ საკაიკაცოდ არ დადიხარ, გამითახსირეთ ბიჭი, წიგნს ხელში აღარ იღებსო.

- რაო, მამაჩემმა ხომ არაფერი გაიგო?

- რა უნდა გაეგო? ბურჟუკურთელთან წავიდა სამეცადინოდო.

გოგიამ ჩაიციხა.

კლასი ისევ ხმაურობდა.

დახტოდნენ ბიჭები: გოგოებს ბაფთებს აძრობდნენ, თმებს აწინკნიდნენ, ერთმანეთს ქუდებს ხდიდნენ და ისევ ერთმანეთს ესროდნენ.

სანდრო დაიხარა და ბერძენაშვილს ყურში რალაცის ჩურჩული დაუწყა. ვანოს სახე დაუგრძელდა, თვალები დააჭყიტა და თავგატეხილივით დაიღრიალა:

- გაუმარტოს!.. ვაშა! - და რადგანაც ქუდი უკვე მოხდილი ჰქონდა, ტალახიანი ფეხსაცმელი გაიძრო და იმას დაუწყა სროლა ჭერში. ყვიროდა ვანო, ღრიალებდა და ფეხსაცმელი ყოველ ასროლაზე ტალახიან კვალს ტოვებდა ჭერზე.

აღრიალებულთან მრელაშვილი ვახტანგი მივიდა. როცა საქმის ვითარება გაიგო, მარჯვენა ხელი ასწია და განკარგულება გასცა:

- ლილის ბაფთა ჩემთან!

ნუგზარ გარეჯელმა აწივლებულ ჯავახიშვილს ბაფთა წაჰგლიჯა და მრელაშვილს მიაართვა.

ვახტანგმა მოათვალიერა გოგოები და კიდევ აიშვირა ხელი.

- დალის ქინძისთავი ჩემთან!

თვალაშვილმა ქინძისთავი მიურბენინა.

ვახტანგმა გაოცებული ბიჭების თვალწინ სანდროს მარცხენა მკერდზე მიაკრა ბაფთა.

- სკოლისა და რგოლის ერთგული სამსახურისათვის გაჭილდოვებთ!

- რა იყო, რა ვაღრიალებთ? ქვეყანა არ შეჰყაროთ, - განყრა გოგია.

უცებ ვახტანგი ადგილიდან მოსწყდა და თავისი მერხისაკენ გაქანდა.

კარებში გეოგრაფიის მასწავლებელი შემოდიოდა. ბავშვებმა თავიანთ მერხებს მიაშურეს. მხოლოდ ერთს შეაგვიანდა, იგი დაფაზე ხატვით იყო გართული.

გეოგრაფიის მასწავლებელი - სარდიონ ალადაშვილი - ამ სკოლას შეაბერდა.

ბუნებით უაღრესად კეთილსა და ბავშვების მოყვარულს, ვერ დაეთმო სკოლა, თუმცა ძლიერ იყო მოხუცებული. რაიონშიც რამდენჯერ ურჩიეს პენსიაზე გასულიყო, მაგრამ მოხუცს ვაგონებაც არ უნდოდა. ის დღე დღედ არ მიაჩნდა, თუ ბავშვების ურიაშული არ ესმოდა.

მასწავლებელი ნელი ნაბიჯით მივიდა მაგიდასთან, საკლასო უურნალო და რვეულები დააწყა და დაფისაკენ შებრუნდა.

დაფაზე გრძელცხვირა მელოტი კაცი იყო დახატული.

მასწავლებელმა არაფერი თქვა. უკან ხელებდანყობილმა დაფის წინ რამდენჯერმე გაიარ-გამოიარა, მერე მაგიდასთან მივიდა, ზედ მიეჭინა და კლასს გადახედა.

კლასი გატრუნული იყო.

მასწავლებელმა მოათვალიერა ყველანი.

- ცოტა ხანს დავაგვიანე და აიშვით თქვენებურად? ვისი ნაოსტატარია ეს, ახლავე ადგეს ფეხზე!

კლასი დუმდა.

- სჯობია თვითონვე ადგეს, ხომ იცით, რომ მე არაფერი გამომეპარება.

კლასი დუმდა.

- ვერა ბედავს?

კლასი კვლავ დუმდა.

მასწავლებელი ისევ მაგიდასთან შეჩერდა და თვალი წაბლისფერთმიან ბიჭს მიაშტერა.

- აბა, ბაჩიაშვილო, გამობრძანდით დაფასთან, - ტკბილი ხმით მიმართა

მასწავლებელმა.

ბიჭი გამოვიდა.

- აბა, ნაშალე ეს „მშვენიერი“ სურათი.

ბიჭმა ნაშალა.

- ახლა გადი გარეთ და თვალთ არ დამენახო დღეს.

ბიჭი გავიდა.

კლასმა თავისუფლად ამოისუნთქა.

მასწავლებელი მაგიდასთან დაჯდა და სიის ამოკითხვას შეუდგა.

კლასს ოთხი ბავშვი აკლდა.

- ასე ნუ მპასუხობთ, ყველა რომ ყვირის, მორიგე არა გყავთ?

- როგორ არა, მასწ... აი, ლუკას ბიჭია დღეს მორიგე.

- გაგალუკასბიჭებ შენ, როგორ ვერ უნდა გაიგო, რომ მეტსახელით მიმართვა უპატივცემულობაა ამხანაგისა. ეს ვერ უნდა შეიგნო? ეს ხომ უბრალო ჭეშმარიტებაა!

- მეტსახელი კი არ არის, მასწ... თვითონ არის ლუკას ბიჭი, უკაცრაული პასუხია,

ლუკას როგორ ნაწართავთ? სხვისი როგორ დავუძახოთ?

- შენ, ბერძენაშვილო, სხვას ნუ უდგები ქომაგად, თვითონ ვერ მომცემს პასუხს?

მრელაშვილი ვახტანგი.

- აქ ვარ, მასწ... - აღგა ვახტანგი.

- შენა ხარ მორიგე?

- მე ვარ, მასწ...

- მასწ... კი არა, მასწავლებელო, - გაუსწორა მასწავლებელმა.

- კარგი, ეგრე ვიტყვი, მასწ...

- კიდევ! მკლის თავზე სახარებას კითხულობდნენო...

- უჰ, რამდენჯერ გიხსენებიათ ეგ სიტყვა და არც კი ვიცით, რა არის სახარება, იქნებ

ავგიხსნათ, მასწ... - შეევედრა ალექსი.

- რას ამბობ, თვალთაშვილო, რა დროს სახარებაა, გეოგრაფიის გაკვეთილი გვაქვს.

- გვითხარით, მასწ... - ახლა აყლაყუდა დედაბრიშვილი წამოდგა.

- ჰო, გვითხარით, აი, ხახაბოც გეხვეწებათ, მასწ.

მასწავლებელი გაჭავრდა.

- თქვენ არ გითხარით, მეტსახელით ნუ მიმართავთ ერთმანეთს-მეთქი? აბა, წიგნი მომეცით.

დედაბრიშვილმა წიგნები მიანწოდა.

მასწავლებელმა რამდენჯერმე გადაფურცლა წიგნი და რაკი გაკვეთილს ვერ მიაგნო, დახურა და ყდას დახედა. ზედ „მეხუთე კლასის სახელმძღვანელო“ ეწერა.

- დასწყევლოს ეშმაკმა, სად არის გაკვეთილი? - თავისთვის წაილაპარაკა მოხუცმა.

კიდევ გადაფურცლა და ბოლოს ძლივს მიხვდა, რომ მეხუთე კლასის გეოგრაფიის წიგნის ყდაში შეეჭვსე კლასის სახელმძღვანელო იყო ჩადებული. გაბრაზდა

მასწავლებელი და დედაბრიშვილი წამოაგდო ფეხზე.

გოგიამ შემოფოთებით გადახედა სანდროს.

- ეს რა არის, არა გრცხვენია, ბიჭო?

- რა არის, მასწ?..

მასწავლებელმა აჩვენა, რაც იყო.

გოგიამ დახედა წიგნს და იცნო მრელაშვილის ნაოსტატარი.

ეშმაკი ბიჭი თავჩაქინდრული იდგა და ამჯერად ვერაფერი მოეფიქრებინა თავის

დასაძვრენად. ამხანაგს კი, სკოლიდანაც რომ გაერიცხათ, ვერ „გასცემდა“.

მასწავლებელმა კარგა ხანს უყურა შემოფოთებულ ბიჭს და ანიშნა, დაფასთან

მისულიყო.

- დროის გათრევა გინდოდა, მეგობარო, და იმიტომ მოიგონე ეს ეშმაკობა? ხომ არ გკონია, შენც გარეთ გაგისტუმრებ? - მასწავლებელს ხმა დაუტკბა, - არა, გენაცვალე, არა, აბა, გამობრძანდი რუკასთან.

მოულოდნელი ამბით შემკრთალი ბიჭი დაფისკენ წავიდა.

„ამ ღმერთგამწყრაღ სნაიპერს ადრევე მაინც ეთქვა“, - გაიფიქრა და ხელში

მიჩეჩებული საჩვენებელი ჯოხი უნდილად დაიჭირა.

მასწავლებელმა კიდევ ერთხელ შეათვალიერა დაფასთან მდგომი და უცებ მზერა ბიჭის შარვლის გამობერილმა ვეებერთელა ჯიბემ მიიზიდა. სათვალე გაიკეთა და დააკვირდა.

- აჰა, - წამოდგა მასწავლებელი, - წუხანდელი ნანადირევია თუ დილანდელი? აბა მოგვიყვი, ვის ბაღს აღირსე შენი ბრწყინვალე ფეხი. დასწყევლოს ეშმაკმა, ეს ხომ უბრალო ჭეშმარიტებაა, ქვეყანა მარჯვე ბიჭად გიცნობს და ჯიბეც კარგადა გაქვს გატენილი. ვაშლია თუ მსხალი? ვეღარ მოასწარი გზაში შეჭმა, მეგობარო? შენ ხომ არ დაგვაინყდა ჩვენი მცნება: ვინც არ მუშაობს, ის არცა ჭამს? აბა, მაშინ მოგვიყვი, რა შრომა მიგიძღვის მაგის მოყვანაში - ბარეაში შევლოდი, თოხნაში, დარგვაში თუ გასხვლაში?

ეფრემას ბიჭი გაშტერებულ-გაშეშებული იდგა. სახეზე აღმური ასლიოდა და არ იცოდა, თავისი ვეება ჯიბე სად წაელო და სად დაემალა.

- არ ამბობ? - შემპარავად შეეკითხა მასწავლებელი და დაბნეულ ბიჭს მიუახლოვდა.

- ოჰო, კარგა ბლომა ჯიბე გქონია!

და ის იყო წაეტანა კიდევაც, რომ ჯიბემ ისეთი ძვრიალ-წკრიალი ატეხა, მთელი ოთახი გააყრუა.

კლასი დაიძაბა, თვალეზად იქცა და გაკვირვების შეძახილი აღმოხდა, როდესაც მასწავლებელმა გახევებული ბიჭის ჯიბიდან მალვიძარა საათი ამოათრია.

მოსწავლეები ერთმანეთს აწყდებოდნენ, მუცლებით მერხებს აწვებოდნენ, ერთმანეთს ხელს ჰკრავდნენ და ხითხითისაგან ახველებდნენ. ხოლო მასწავლებელი გაკვირვებული მისჩერებოდა დაფასთან მილურსმულ გამტკნარებულ ბიჭს.

- აი, დასწყევლოს ჩემმა გამჩენმა, თუ ამისი გამეგებოდეს რამე. ეს ხომ უბრალო ჭეშმარიტებაა. რა ეშმაკად გინდა, რომ დაათრევე ამოდენა საათს?

ბიჭს თავი არ აუწევია. წარბებს ქვევიდან გახედა და ისე უპასუხა:

- გაფუჭდა და გასაკეთებლად წამოვიღე.

მასწავლებელი სახტად დარჩა.

- კი მაგრამ, მე რომელი მესაათე მნახე ან რა უჩანს ამ საათს გაფუჭებული?

ბიჭმა თავი უფრო ჩალუნა და ჭკუას ძალა დაატანა, რათა კარგი პასუხი მოეფიქრებინა.

სანდრო ახლა კი მიხვდა, დილას რატომ ვერ გაიგონა საათის ზარის ხმა. მაგრამ მაინც სკადა, მეგობარი გაჭირვებიდან დაეხსნა.

- მართალია, მასწ... გოგია ვერ მოასწრო ჩემთვის გადმოეცა საათი, მამაჩემი აკეთებს ხოლმე საათის ნაწილებს.

მასწავლებელმა აღმაცერად გადახედა ფეხზე წამომდგარ სანდროს.

- შენი დახმარებალა უნდა, როცა თვითონ ისეთი ენა აქვს, რომ ეშმაკს შეაცდენს? აბა, რა ნაწილი აკლია, როცა საათის ზარიც კი შესანიშნავად რეკავს?

- ქვეები აკლია, მასწ...

- რაო, ქვეებიო? მაშ, როგორ მუშაობს, თუ ქვეები აკლია?

- მუშაობს, მაგრამ მაინც ორი ქვა აკლია.

- როგორ თუ ორი ქვა?

- ერთი ზევიდან და ერთი ქვევიდან.

კლასი ჯერ გაოცდა, მერე ერთბაშად მიხვდა ნართაულ ნათქვამს და სიცილი ატეხა.

- სანდრო მართალს ამბობს, მასწ... ნამდვილად ორი ქვა უნდა, - წამოხტა

მრელაშვილი ვახტანგი, - დავეჭყეყოთ და აღარ დასჭირდება გაკეთება.

მასწავლებელმა გადახედა შემფოთებულ დედაბრიშვილს და საათი ისევ მას

გადასცა.

- თუ სამაიმუნოდ არ მოგიტანია, დამიბრუნებია, ხოლო თუ მეორედ კიდევ გაბედე, როგორც კლასმა თქვა, შენ საათს ორი ქვა მიემატება და მრელაშვილის საკბილო გახდება.

გამხიარულებული კლასის ზუზუნში ვერც კი მოასწრო მასწავლებელმა გაკვეთილის გამოკითხვა, რომ ზარიც დაირეკა. მიხვდა, რომ ახალი მასალის ახსნა აღარ დააყალღეს ონაერებმა.

- დასჯის ღირსნი ხართ, თქვე ეშმაკებო, მაგრამ რა გიყოთ, როცა თან მებრალეებით? ვხედავ, ყოჩალი ბიჭები ხართ, რომ მოინადინოთ, ხუთოსნები იქნებით, მაგრამ

ეშმაკობაში ამოგდით სული. აი, დასწყევლოს ჩემმა გამჩენმა, ეს ხომ უბრალო

ჭემპარიტებაა. მაგრამ არა, არა, უნდა ვუთხრა თქვენი კლასის ხელმძღვანელს,

თორემ ხელიდან წახვალთ და აფსუსია თქვენისთანების დაკარგვა. ვინ იცის, ვის რა

მომავალი გელით, ვინ იცის! - მასწავლებელმა რვეულებსა და ჟურნალს დაავლო

ხელი, - ხვალ თუ გაკვეთილი არა გცოდნიათ, ტყავს გაგაძრობთ, ღღეს კი

მიჰპატიებია.

მასწავლებლის გასვლისთანავე ბავშვებმა ისეთი ხმაური ატეხეს, სანდროს ყვირილი

დასჭირდა, რომ გამტკნარებულ გოგიასთვის გაეგონებინა, ღღეს რგოლის შეკრება

იქნება და ბიჭები გააფრთხილეთ.

- ბათეთიანები არ გინდა, მაგარი საქმე მაქვს.

რგოლის შეკრება

გაკვეთილების შემდეგ დაცარიელებულ საკლასო ოთახში ათიოდე ბიჭი შეიკრიბა.

- ამოიკითხე სია, - უთხრა სანდრომ გოგიას და ეფრემას ბიჭმაც რვეული გაშალა.

- თვალაშვილი ალექსი!

- აქა ვარ!

- ხარატიშვილი ლადო!

- აქ გახლავართ!

- ბუჩუკურთელი სანდრო!

- ვარ.

- ბერძენაშვილი ვანო!

- თქვენი მონა-მორჩილი.

- ენუქიშვილი სოსო!

- აქ ვარ!

- ენუქიშვილი სერგო!

- ია სდეს.

სანდრომ ცალი თვალით გახედა.

- ქართული აღარ გეხერხება, კნუნო?

- გარეჯელი ნუგზარი!

- ვარ.

- ბაჩიაშვილი ლუარსაბი!

- გახლავართ.

- ლაჩაშვილი ზალიკო!

- აქ ვარ.

- დედაბრიშვილი გოგია!
- ეს მე ვარ. - თითი მკერდზე მიიღო და შემდეგ ისევ განაგრძო:
- დავითაშვილი ლენა!
- არ არის.
- ჯახუნაშვილი ლილი!
- არც ის გახლავთ.
- ძალიან კარგი. არცაა საჭირო, - წამოდგა სანდრო, - უღირსი წევრი უნდა გავრიცხოთ რგოლიდან.
- ბავშვებმა ყურები ცქციტეს და ერთმანეთს გადახედეს.
- ეს როგორი რგოლის შეკრებაა, რომ არც პიონერხელმძღვანელი გვესწრება და არც მასწავლებელი? - წამოხტა ზალიკო.
- სანდრომ თვალეები გადმოკარკლა:
- ყველა რგოლის შეკრებას ვერ დაესწრებიან მასწავლებელი და პიონერხელმძღვანელი. და, საერთოდ, შენ არავინ გკითხავს, ვინ დაესწრება და ვინ არა, - მერე ბავშვებს მიუბრუნდა: - ბიჭებო! ლაჩაშვილი ზალიკო მე რამდენჯერმე შევაძინე მახეზლობაში, დღესაც დააბეზლებდა ბერძენაანთ ვანოს, გვერდში რომ არა სჯდომოდა. სწორია თუ არა?
- ბავშვებმა ჯერ ერთმანეთს გადახედეს, მერე ზალიკოს, რადგან რატომღაც არ მოსწონდათ ეს ბიჭი, შვიდივემ ერთბაშად დაასკვნა:
- სწორია!
- რგოლშიც რაც უნდა ჩუმად გავაკეთოთ რამე, მუდამ დაბეზლებული ვიქნებით, სანამ ეს კაცი აქ გვიზის.
- სწორია!
- მაშ, საჭიროა თუ არა, თავიდან მოვიშოროთ?
- საჭიროა!
- ვინ არის მომხრე, გაირიცხოს სანდრო ბუჩუკურთელის რგოლიდან ზალიკო ლაჩაშვილი?
- შვიდივემ მდუმარედ ასწია შვიდი ხელი.
- ასე გადაუსვი, გოგი, ხაზი ლაჩაშვილს!
- ზალიკოს გაკვირვებისაგან პირი დაეღო და გონზე მაშინ მოვიდა, როცა სანდრომ უთხრა, კრება დატოვეო.
- სულშეგუბებული წამოხტა და ცრემლებმომდგარმა დაუყვირა:
- შენ ვინ მოგცა ჩემი გარიცხვის უფლება? შენ ისიც შეგრჩეს, ენუქიშვილები რომ მიიღე რგოლში. მე ხომ არავისთვის არ მითქვამს? აბა, გამრიცხე, მაშ!
- მემუქრები კიდევაც? აბა, მოუსვი ახლა აქედან! ეს უკვე გათავებული საქმეა!
- ზალიკო მუქარით გავარდა გარეთ.
- ენუქიშვილო, გაჰყე უკან და სამასწავლებლოსთან უდარაჯე, შიგ არ შევიდეს. სოსო გავიდა.
- ახლა მეორე საკითხი: ახალი წევრების მიღება. ავთო თუჯიშვილი!
- თავის ასაკთან შედარებით საკმაოდ მხარბეჭიანი საშუალო სიმაღლის ბიჭი წამოდგა.
- ვინ იცნობს ამ კაცს კარგად? - იკითხა გოგიამ.
- მე ვიცნობ.
- აბა, ენუქიშვილო, რას გვეტყვი?
- აბა, კნუნო, მოგვახსენე!
- წელს მოვიდა ჩვენს სკოლაში, ჩემი დედაშვილია.

- ეგ არ კმარა.
- გამბედავი ბიჭია და ვირის ჯანის პატრონი.
- აი, ეგ მესმის!
- სანდო ჯელი ჩანს, მივიღოთ!
- უკაცრავლი პასუხია, კაი ბიჭი ჩანს!
- კარგი, ჩანერე, გოგი. ახლა: ლუკას ბიჭიც ჩვენს რგოლში გადმოდის, უნდა მივიღოთ.
- ეშმაკის ნაგლეჯია!
- ქვის ნატეხია!
- სნაიპერია!
- მივიღოთ.
- მივიღოთ!
- კარგი. ახლა კაჭანთ ვახტანგილა დაგვრჩა.
- მივიღოთ. მაგ აყლაყუდას ყველა იცნობს.
- ძალი ყფით ვერ შესწვდება.
- ალაზანში ისე გავა, ფეხს არ დაისველებს.
- ნამდვილი ხახაბოა.
- მივიღოთ!
- მივიღოთ!
- კარგი. ახლა მესამე და ყველაზე მთავარი საკითხი. ბიჭებმა ყურადღება დაძაბეს.
- ეგ რაღა საკითხია?
- ახლავე გეტყვით: ჩვენ უნდა გავიგოთ, ღვთაების გალავანს შიგნით, ფერიცვალების საყდრის ქვეშ რომ გვირაბი იწყება, მართლა გადის თურდოს ხეობის გამოქვაბულამდე თუ არა.
- ეგ როგორ შეგვიძლია, როცა გვირაბს თავი დახურეს და ზედ ფუთნახევარი კლიტე დაჰკიდეს? - ადგა ხარატიშვილი.
- მართალია, გასაღები გროზნას უდევს ჯიბეში, - დაუმატა ზაზანაშვილმა.
- გარდა მაგისა, - აიყაყვა დედაბრიშვილი ვახტანგი, - კაცი ვერ ჩასულა შიგა და ჩვენ რა ჭრელი პეპლები ვართ?
- მართალია ხახაბო. ამბობენ, შიგ სულ გველები და ჯოჯოები დადიან და აქეთ-იქით ორმოებშიც კაცის ძვლები და თავის ქალები ყრიაო.
- ჰო, ასე ამბობენ და არც არავინ ეკარება ახლოს.
- სანდრომ დამცინავი თვალით გადახედა შემფოთებულ ბიჭებს. მათში მხოლოდ გოგია და ცქვიტია ლუკას ბიჭი გამოიყურებოდნენ უზრუნველად: ერთს სჯეროდა სანდროსი და გინდ დედამინის იქით გაჰყვებოდა, ხოლო მეორე საოცარი გულადობისა და გაუტეხელობის ნიშნით იყო, რომლის თვალზე ცრემლი არავის ახსოვს, თუმცა მელანა ბებოს ხშირად დაუჭერია, ჭინჭრით უცემია ტიტველა კანჭებზე ბაღჩაში გადასვლისა და ჯერ კიდევ ყვავილში გამონასკვეული კიტრების მოპარვისათვის.
- რა ღმერთი გავინყრათ, ბიჭებო? სირცხვილია, ჩვენი სოფლის საამაყო იყალთოს აკადემია არ ვიცოდეთ! იქ ხომ შოთა რუსთაველს უსწავლია.
- როგორ არ ვიცით, - აყაყანდნენ ბიჭები, - ყოველი განჯინა ასჯერ გვაქვს მოჩხრეკილი და თითოეული ქვევრის ნატეხი სადა გდია - ვიცით.
- თქვენ როგორ გგონიათ, ის გვირაბი აკადემიის ეზოში არ არის? გალავანიც ერთი არტყია. გარდა ამისა, ბიჭებო, ჯერ კაცი არ ჩასულა და არავინ იცის, მართლა გადის

თუ არა ის გვირახი წმინდა შიოს კლდემდე და თურდოს გამოქვაბულებამდე. როგორც ამბობენ, ძველად, შიშიანობის დროს, ღვინო ამ გვირახით გაჰქონდათ შუამთის მონასტრისკენ. ეს ყველაფერი არავის უნახავს და კაცმა ვერ უნდა დაგვასწროს ამის გაგება. გარდა ამისა, თურმე, გროზნა რაღაცას ჩხირკედელაობს იქა.

ბიჭები მიხვდნენ: რაკი მონასტრის მომვლელ-დარაჯმა გაბედა გვირახთან მიხლოება, მაშინ მათ არაფერი გაუძნელდებათ.

და ერთბაშად აყვირდნენ:

- წავიდეთ, წავიდეთ! თუნდაც დღესვე წავიდეთ.

რგოლის ხელმძღვანელს გულზე სიხარული მოეფინა.

- ჰო, მაგრამ როგორ ვაპირებთ იმ გვირახის დათვალიერებას, როცა მისი სახურავის გასაღები გროზნას სად ეშმაკებში აქვს დამალული, არავინ იცის?! - იკითხა ლუკას ბიჭმა.

- სნაიპერი მართალია, თუ გასაღები არ ჩავიგდეთ ხელში, უკაცრაული პასუხია, ვერაფრით ვერ გავაღებთ, - დაეთანხმა ბერძენაშვილი.

- მოვიპაროთ!

- კლიტე გავტეხოთ!

- მსგავსი გასაღები თუ ვისმეს გვაქვს, მოვიტანოთ!

- ლურსმნით გავაღოთ!

გოგიამ ძლივს დააწყნარა აყაყანებული ბიჭები.

- ერთ რამეს გეტყვი: სნაიპერს დავავალოთ გასაღების გაკეთება, მაგის ბიძა მჭედელია.

ბიჭებს მოეწონათ ეს აზრი.

სნაიპერი წამოდგა:

- სიამოვნებით გავაკეთებდი, მაგრამ მე არ მინახავს, როგორია ის გასაღები.

ბიჭებმა ყურები ჩამოყარეს.

- მე და ლუარსაბმა ვნახეთ ის გასაღები, როცა ნამყენების კეთებას ვუყურებდით ღვთაების მონასტრის ეზოში. ხომ გახსოვს, ლუავ? - მიუბრუნდა ლუარსაბს ეფრემას ბიჭი.

- როგორ არ მახსოვს, - ადგა ლუარსაბი, - თუ გინდათ, დავიხატავთ.

- ბიჭოს, ლუამ ხომ ხატვა იცის, - წამოხტნენ ბიჭები, - დავახატვინოთ და ისე გავაკეთოთ.

- კარგი, ასე ვუყოთ, მაგრამ როდის გინდათ გვირახში შესვლა? თუ მოგვკრა გროზნამ თვალი, სულ ცემა-ტყეპით დაგვიფრენს იქიდან.

- აი, სოლომონ ბრძენი, - ცერად გახედა სოსომ ხახაბოს, - გროზნას ვინ გააგებინებს?

- მართალია, დათვალიერება ღამით უნდა მოვანყოთ, - მიხვდა ზაზანაშვილი.

- ღამე რა უნდა დაინახოთ, ხალხო, მე არ მესმის. თუ რისამე ნახვა გინდათ, დღისით უნდა მიხვიდეთ, - გატიქდა თუჯიშვილი.

- როგორ გეტყობა, რომ თავის მაგიერ ბადრიჯანი გაბია. განა იმ გვირახში დღე კი დაინახავ რამეს?

თუჯიშვილი აიქორჩრა:

- შენ გირჩევნია ენა დაიმოკლო, ლუკას ბიჭო!

ლუკას ბიჭმა, რომელსაც მამალი მგელიც ვერ შეაშინებდა, უდარდელად ჩაიცინა.

- რას იღრინები, ბოლოჭრელო გუგულო?

ავთანდილი აიღუნა და ხარატიშვილს მიანყდა:

- გამატარე ერთი, ლადო.
- ჩუმად, ბიჭებო, - წამოდგა ეფრემას ბიჭი. - ახლა მაგის დრო გვაქვს? ხალხის საჭირბორროტო საკითხს ვწყვეტთ და ამათ ხელები აეჭავათ.
- მართალია, ჩხუბის დრო არ არის, - მოიწონა ალექსიმ, - დათვალვიერება ღამე უნდა მოხდეს.
- კი მაგრამ, სინათლე ხომ დაგვჭირდება? - იკითხა სერგომ.
- როგორ არ დაგვჭირდება, აი, სანდროს ჯიბის ფარანი აქვს, - კმაყოფილებით განაცხადა ნუგზარ გარეჯელმა.
- ჯიბის ფარანი არ გვეყოფა. ყველამ თითო სანთელი მოვიტანოთ, - ურჩია ალექსიმ.
- ძალიან კარგი, მოვიტანოთ სანთლები.
- ყველამ უნდა მოვიტანოთ?
- რა თქმა უნდა.
- უკაცრაული პასუხია, ხახაბომაც უნდა მოიტანოს სანთელი?
- რა თქმა უნდა, ვახტანგმაც.
- არა, ძმაო, ვახტანგმა კელაპტარი უნდა მოიტანოს.
- ბიჭებმა სიცილი ატეხეს.
- მართალია, მართალი! თავის სიგრძე კელაპტარი უნდა იყოს.
- დედაბრიშვილი ვახტანგი მოიღუბა.
- ვინ არის თქვენი მასხარა?
- სწორია, მასხრობის დრო არ არის. სანთლებს ყველანი მოვიტანოთ, - დაასკვნა სნაიპერმა.
- კარგი, მაგრამ, თუ იქ გველები და ჯოჯოები, როგორ შევალთ? - კიდევ დაეჭვდა თუჩიშვილი.
- გველისა როგორ გეშინია, ბიჭო, - გაუმაგრა გული დეიდაშვილმა, - აი, მრელაშვილი კუდით იჭერს.
- სნაიპერმა თავი მოიწონა:
- წინ მე გაგიძღვებით.
- შენი დამბაჩა წავიღოთ, სანდრო.
- ეგრე იყოს.
- მე ერთი ძველი ხანჯალი ვიპოვე, ნამარნალს რომ ვთხრიდით მე და მრელაშვილი. იმას წამოვიღებ, - წამოხტა ზაზანაშვილი.
- მე კომბალი მაქვს გათლილი, შვინდისაა. ერთხელ კატას ვთუთქე და ნახევარ საათს იგორავა.
- მეცა მაქვს კომბალი.
- მე შამფურს წამოვიღებ.
- ბერძენაშვილი სიცილით გაიგუდა.
- ზედადგარიც არ დაგავინყდეს, თუჩიშვილო.
- კარგით, გეყოფათ, ვისაც რა მოგხვდებათ, ის წამოიღეთ.
- კი მაგრამ, გალაგანი? რით გინდათ გადაფრინდეთ იმ სიმაღლეზე? კარები დაკეტილია და იქიდან, გინდ ღიაც იყოს, ვერ შევალთ - გროზნა გაგვიგებს.
- სწორი ხარ, თვალაშვილო, ვერსაიდან ვერ შევალთ.
- რას ვერ შევალთ. მღვდლის ახოს მხრიდან გალაგანი მონგრეულია და უბრალოდ, ქვებით არის ყორესავით ამოშენებული.
- ის ადგილი ჩვენც ვიცით, ლუკას ბიჭო, - ისევ დასვა წამომხტარი სნაიპერი ეფრემას ბიჭმა, - მაგრამ დიდი ქვებია, თანაც ისე მჭიდროდ ალაგია, რომ უხმაუროდ არ

აეცლება. თუ დავანგრევთ, ისევ ჩვენ დაგვაკლდება, იქ კი თითოეულ მჭვარტილიან ქვასაც უნდა გავუფრთხილდეთ.

- მაშ, რა უნდა ვქნათ?

- გალაუნდიდან უნდა გადავიდეთ. ჩვენ უკვე შევიმუშავეთ ამის გეგმა.

„ჩვენ“-ში რგოლის ხელმძღვანელი თავის თავსა და გოგიას გულისხმობდა. ეფრემას ბიჭი მიხვდა და სიამაყისაგან გაიზარდა, გაიბერა, გაიჭვიმა და ქორივით გადახედა იქ მსხდომთ.

ბიჭებმა პატივისცემით ახედეს რგოლის ხელმძღვანელის „მარჯვენა ხელს“.

- აბა, რა გეგმაა, მოგვახსენეთ, - სული დაელია ბაჩიაშვილს.

- კიბით უნდა გადავიდეთ.

- აი, მესმის გოგრა! საიდან გამოატყვრინეთ კიბე? არა, ძმაო, მე სოფლიდან იმ სიშორეზე კიბეს ვერ ვატრევ.

- რა გული გაგისკდა, სნაიპერო, სოფლიდან კი არ უნდა ვატაროთ.

- არა, თვითონ გროზნა მოგართმევს თავის კიბეს, ეფრემას ბიჭო.

- არც მოგვართმევს და არცა გვჭირდება.

- სწორია, არ დაგვჭირდება, ჩვენ თვითონ უნდა გავაკეთოთ.

- ერიჰა! ახლა კიბეები მაკეთებინეთ, ისიც - ტყეში.

- ნუ გეშინია, ვახტანგ, ადვილი საქმეა.

- აბა, როგორია, გვითხარი ბარემ.

- აი, როგორი: მე ამ ცოტა ხნის წინ წავიკითხე ერთი წიგნი. „ყარამანის“ მოყოლას რომ დავამთავრებ, მერე იმას მოგიყვებით. ჰოდა, იქა წერია, როგორ გადაარჩინა ერთ ქვეყანაში აჯანყებული მონების მეთაურმა მტრისაგან გარშემორტყმული თავისი ჯარი.

- გვიამბე, სანდრო.

- ჰო, გვიამბე, სანდრო.

- შენი ჭირიმე, სანდრო.

- შენი ყარამანის მუშტის ჭირიმე, - შეევედრნენ სმენადქცეული ბიჭები, რაკი საინტერესო ამბავს მოჰკრეს ყური.

- მაგის დრო არ არის. მერე მოგიყვებით, ისე კი გეტყვით, ამ მეთაურმა რა მოიგონა. ხელად კი მოიგონა. სამი მხრიდან მტერი იყო გარშემორტყმული, მეოთხე მხარეს დიდი კლდე იყო. ისეთი დიდი, რომ ძირამდე ყვავიც ვერ ჩაფრინდებოდა. ჰოდა, სპარტაკმაც ეს ხერხი მოიგონა. სპარტაკი ერქვა იმ მეთაურს - ისტორიამიც ვისწავლით, ძალიან ყოჩალი იყო. ჰოდა, გადანწყვითა კიბე გაეკეთებინა და ისე ჩაეყვანა ჯარი კლდეზე.

- ტყუილი იქნება! აბა, იმსიგრძე კიბეს სად იშოვიდა?

- როგორა გგონია, ხახაბო, შენ რომ გაგიჭირდეს, მაგაზე ნაკლებს მოიფიქრებ?

- ეჰ, სნაიპერო, კაი ზღაპრები იცით შენც და გოგიამაც.

- ეს ზღაპარი არ არის, ვახტანგ, ნამდვილი ამბავია, - გააჩუმა ბიჭები სანდრომ, - ნამდვილი ამბავი, ისტორიული. წკეპლებისაგან დაწნა კიბე, ჩაუშვა კლდეზე და ისე ჩაიყვანა ძირს მთელი ჯარი.

- უჰ, აი, გამოგონება თუ გინდა, ეგ არის! მაშ, დავწნათ კიბე?

- უნდა დავწნათ.

- ჰო, მაგრამ, გვირახში როგორღა ჩავალთ? ღრმა არის.

- მართალია, თოკი უნდა ვიშოვოთ, ბიჭებო, - წამოხტა ზაზანაშვილი.

- სად ვიშოვით, ლეო, იმსიგრძე თოკს? - იკითხა გარეჯელმა.

- უნდა ვისმე ვთხოვოთ, - შეყოყმანდა ზაზანაშვილი.

- თანაც მსხვილი და მაგარი უნდა იყოს, რომ არ განწყდეს, - შიშნარევად დაუმატა აყლაყულამ.

აქამდე ჩემად მჭდარმა ხარატიშვილმა თვალები მოჭუტა და წამოდგა.

- თოკს მე მოვიტან, ბიჭებო.

- შენ სად იშოვი, რწყილა? - დაინტერესდნენ ბიჭები.

- რა თქვენი საქმეა, თოკს მე მოვიტან.

- დაჯე, ვინ გეხვეწება, ბიჭო, - ხალათის კალთა ჩემად ჩამოუნია თუჯიშვილმა.

- ხელი გამიშვი, რაკი ვთქვი, მოვიტან-მეთქი, უნდა მოვიტანო.

სანდროს გაუხარდა.

- კარგი, ლალო, მოიტანე. თქვენ უჭველად გეწეხებათ, მამაშენი ვეტყვი.

- ჩვენ არა გვაქვს, მაგრამ მელანას ვენახი ახლოს არის ჩვენს სახლთან.

- ვენახიო? - გაოცდნენ ბიჭები, - ხომ არ შეიშალე, ხარატიშვილო? ჩვენ გამარჯობას გეუბნებით და შენ ამბობ: „აღზევანს მივალო“.

რწყილამ ჩაიციხა.

- მელანა თავის ძროხას აბამს ხოლმე ვენახის პირას თოკით, როცა ნახირში არ მიჰყავთ. თოკი მსხვილია და კაი სიგრძისაც არის.

- მერე, რომ დაგინახოს, გაასწრებ?

- ვერ დამინახავს, ჩავალთ და მერე ისევ წავაბათ ძროხას.

- კარგი, ეგრე ვუყოთ.

- ეგრე ვუყოთ, მაგრამ როდისღა წავიდეთ?

- ერთი კარგი ბნელი ღამე და მეტი არც გვინდა, - ადგა სანდრო, - გოგია შეგატყობინებთ ყველას... ახლა, ბიჭებო, ეს შეკრება დავამთავროთ და მოდი, შემდეგი შეკრებები სოფლის ნაპირას, ტყესთან ახლოს რომ საბძელია, იქ გადავიტანოთ, თორემ ზალიკო მოჰკრავს ჩვენს ნათქვამს ყურსა და ქვეყანას შეგვიყრის. თქვენ რას იტყვით, ბიჭებო?

ბიჭებმა მოიწონეს.

- კაცი არ მოვა იქა და გუშაგსაც დავაყენებთ. ახლა შინ წავიდეთ, თორემ მომშივდა. რგოლი ახალმიღებული წვერებიანად სკოლის ეზოში გამოიშალა.

ორღობეში

მშვენიერი ბაღჩა-ბაღის გვერდით კოხტა სახლი მოჩანდა. წინ მწვანედ აბიბინებული ეზო ჰქონდა. კაკლის ქვეშ სანდროს თათარით სავსე დიდი თევზი ედგა და თავდახრილი შეექცეოდა. იქვე, პატარა სკამზე, მამიდამისი ჩამომჭდარიყო.

- არა, შვილო, არ შეიძლება, რა გაქვთ გასაყოფი შენ და ზალიკოს? წელან ჩემთან იყო და ყველაფერი მიაბო. რატომ გარიცხე შენი რგოლიდან, რა დაგიშავა? ზალიკო მისი მამლიშვილი იყო და მამიდას სწყინდა ბიჭების დამღურება. ძმისწული ძალიან უყვარდა, უნდოდა, ყველას თვალში კარგი ყოფილიყო სანდრო. ისე დღე არ გავიდოდა, მისთვის ტკბილეულით ყელი არ ჩაეტკბარუნებინა, შინ წასვლისას ორპირად გავლებულ ჩურჩხელას ჩაუდებდა ხელში და ეტყოდა:

- თუ კარგად ისწავლი, ორ მაგდენს მიიღებ.

ახლაც მამიდა არიგებდა და ეგონა, რომ თავჩალუნული ძმისწული, რომელიც კოვმს მარჯვდ ატრიალებდა, გულმოდგინედ უსმენდა, მაგრამ სანდროს მთელი ყურადღება თევზზე ჰქონდა გადატანილი.

„ქადაგება“ დამთავრდა, სანდრომ თევზი გვერდზე გადადგა, მცირე ხნის შემდეგ დაემშვიდობა მამიდას და ორღობეში გავიდა.

წელა მიუყვებოდა ორღობეს სტვენა-სტვენით. ჯერ კარგად არც კი იყო მიახლოებული ჯახუნანთ კარს, რომ ეზოში გაათვრებული ყეფა და შემინებული

კვილი გაისმა. ბიჭმა თვალი მოჰკრა, როგორ გაიფრიალა შავმა წინსაფარმა და ლობეს აეკრა. სანდრო უმაღლვე მიხვდა ვითარებას და იქით გაექანა. გადასწვდა ლობეს, მარგილად ჩასმული ჭივოს მოგლეჯა მოასწრო და ზედ მოვარდნილ ძაღლს ისეთი სწყვიტა, რომ კინალამ იქვე ჩაკეცა. მაინც არ მოერიდა მყეფარი. ახლა ზედ შეებლოტა, მაგრამ სანდრომ იმარჯვა და ფეხისკვრით გულადმა დასცა ქოთაკი. მალევე წამოვარდა ზეზე ძაღლი, მაგრამ განზე გამხტარმა ბიჭმა ჭივო მთელი სიგრძით გააზმანა. მაშინ კი იკადრა უკან დახევა თავდამსხმელმა და წკმუტუნით გაეცალა. ახლა თვითონ სანდრო გადავიდა შეტევაზე. მისცხო და მისცხო ჭივო და სულ წუნავილ-წუნავილით შეაგდო ეზოში. მობრუნდა გამარჯვებულის იერით და ლობეში მიკუნჭული მშვენიერი გოგო დაინახა. შემინებული გოგო ლობეს აჰკვროდა. მომუშტული ხელები მკერდზე მიეკრა და თვალეში ვეება შიში ჩასდგომოდა. სანდრომ იცნო გროზნას შვილიშვილი. არ ესიამოვნა მისი დანახვა, მაგრამ რაკი მოაგონდა, რომ მის პაპას კარგად მიუბლო, მიუახლოვდა.

გოგომ თანაგრძობითა და მზრუნველობით შეათვალა იერა ბიჭი.

- ხომ არ გიკბინა?

სანდრო მოიღუმა და ჩაიბურტყუნა:

- ზოგიერთი უფროსკლასელი უფრო მაგრად იკბინება, ვიდრე ეგ ძაღლი, - მერე მივიდა და ეკლებში გაბმული კაბის გამოხსნაში მიეშველა.

გოგომ დიდი მადლობა გადაუხადა.

- შენც იქით მოდიხარ?

- ჰო, - მოკლედ უპასუხა ბიჭმა.

სანდროს არ ეპრიანება „ბათიანებთან“ სიარული, რა დალევს გზას მებაღის სახლამდე? ამ გოგომ წელს დაიწყო სწავლა მათ სკოლაში, ოთხი კლასი თბილისში დაამთავრა. არა, მართალი უნდა ითქვას, ბიჭს ცუდი არაფერი გაუგია მისი, რაც აქ სწავლობს: ან ენა ჰქონდეს გრძელი, როგორც ყველა გოგოს, ან დასცინოდეს ვინმეს, ან იპრანჭებოდეს, პირიქით, ჯახუნაშვილი ძალიან ემადლიერება - ზოგჯერ არითმეტიკაში მამეცადინებსო. ყველას უყვარს ეს გოგო და სანდრომ არ იცის, ნამდვილი პასუხი გასცეს კითხვებზე თუ თავისებური, უკუღმართი.

- ლილი შინ არ დამხვდა. არც იმათები იყვნენ და, ალბათ, ძაღლი იმიტომ აუშვეს.

შენ რომ არ ყოფილიყავი, უეჭველად მიკბენდა.

სანდრო ჩუმად მიაბიჯებდა.

გოგო ცნობისმოყვარეობით ათვალა იერება თანამგზავრს.

- ჩვენს ეზოში თითქმის ყველა ბიჭი მოდის საბურთაოდ, შენ კი ერთხელაც არ დამინახავხარ.

„არც საჭიროა“, - უნდოდა ეთქვა ბიჭს, მაგრამ სხვა უთხრა:

- არა მცალია, არითმეტიკასა და რუსულში ცოტა მიჭირს და ვმეცადინებო.

არითმეტიკაში და რუსულში? - გოგო დაფიქრდა, - იცი რა, მე შემძლია დაგეხმარო.

ბიჭს გაუხარდა.

- პაპაშენი იცნობს არითმეტიკის მასწავლებელს? შეუძლია, კარგი ნიშანი

დააწერინოს? - და უმაღლვე იუარა, რადგანაც ქარწვიმიანი ღამე გაახსენდა, - არა, გმადლობთ, არც ისე საჭიროა.

- არა, სანდრო, შენ არ გეგონოს, თითქოს მე ნიშნის აწვევაზე გავიფიქრე, არა, მე თვითონ შემძლია, პაპა რად მინდა? აი, მოდი ჩვენსა გაკვეთილების შემდეგ და...

სანდრო შეცბუნდა.

- რა, თქვენსა მოვიდეთ? მერე, პაპაშენი? - მაგრამ მაშინვე ენაზე იკბინა: მერე რა, რომ ეჭვი აქვს? იქნებ ამან სულ არაფერი იცის? და დაუმატა: - არა, გმადლობთ, პაპაშენს ხელს შევეუშლით და იქნებ ორივე გარეთ გვიპინტრიშოს.

გოგოს ენყინა.

- აბა, რას ამბობ. პაპა ისეთი კეთილია, რომ... თუმცა თუ გინდა, მე მოვალ თქვენსა.

ეს კი იუცხოვა ბიჭმა, - ეგლა აკლია, გოგოები ატაროს!

- არა, არა, ჩვენსა ცოტა უხერხულია... ბებია მყავს ავად და...

- როგორც გინდოდეს, სანდრო, თუ როდისმე გსურდეს დახმარება, მითხარი.

ერთხანს ჩუმად მიდიოდნენ, მერე გოგომ ჰკითხა:

- რგოლის შეკრება გქონიათ, სანდრო, რატომ არ გამაგებინეთ, მე ხომ თქვენს რგოლში ვარ?

ბიჭი სახტად დარჩა და ანგარიშმიუცემლად წამოიძახა:

- ვინ ვითხრა?

- ზალიკომ. აი, ლამაზი და მსხვილკუბილებიანი ბიჭი რომ არის. რგოლიდან გაგირიცხავს, როგორ შეიძლება?

ბიჭი შედგა, გოგოს ალმაცერად ახედა: „ოჰო! დამცველი გამოუჩნდა! კიდევ დავუბეზღლებივართ“.

- ერთი სადმე ჩამივარდეს ხელში და მე გავალამა- ზებ იმას.

- როგორ, სანდრო, მართლა გარიცხე?

- მართლა. მე ტყუილად არავის ვრიცხავ.

- მერე, სად გაგიგია გარიცხვა? ეტყოდი პიონერხელმძღვანელს და, თუ არ გინდოდა, სხვა რგოლში გადაიყვანდა. გარიცხვა ვის გაუგია? დანარჩენმა წევრებმა რა თქვეს? ბიჭს ენყინა.

„რას ჩამაცვიდა?“

- დანარჩენმა წევრებმაც ისა თქვეს, რაც მე.

- რატომ მე არ დამასწარი შეკრებას? მე თბილისში პიონერთა სასახლეში დავდიოდი, შარშან რგოლის ხელმძღვანელიც ვიყავი. რატომ არ გამაგებინეთ, ასე ჩუმად როგორ შეიძლება?

სანდრო გაბრაზდა.

- თუ გინდოდა დასწრება, იქ იყავი და დაესწრებოდი.

- რატომ არ მითხარით?

- მაშ, ეგლა მაკლია, თქვენ დაგინწყით დევნა!

სანდრომ ქამარი მოიხსნა, ბალთა და ბოლო მარჯვენაში დაიჭირა, მონაკეცში ქვა ჩადო, თავის ირგვლივ დაატრიალა და გაისროლა. ქვა ბლის გამხმარ ტოტს მოხვდა, მერე ღობეზე მოადინა ჩხაკანი. ტოტიდან აფრენილ და შურდულს გადარჩენილი მიმინო რიყისკენ დაეშვა.

ბიჭმა ბრაზით გააფურთხა.

- კიდევ ავაცდინე! ამ ბოლო დროს თითქოს ხელი გამიფუჭდა.

გოგომ ქამარს დახედა, როცა პატრონი წელზე ირტყამდა, და სადნროს გვარისა და სახელის პირველი ასოები შეამჩნია გრძლად ამომწვარი. მცირეხანს უცქირა, მერე შერიგების კილოთი უთხრა:

- გაგიფუჭებია მშვენიერი ქამარი.

- შენ მაგაზე ნუ წუხხარ, ქამარი ძალიან კარგია და, თუ დამეკარგა, ადვილად ვიპოვი.

გოგო უფრო მორბილდა.

- რატომ ბრაზობ, სანდრო? ხომ შეიძლება, ჩვენც კარგი ამხანაგები ვიყოთ? აი, რაშიაქ შენ გინდა, დავგებმარები, შენ კი იყალთოს ამბები და ზღაპრები მიაგებ. ამბობენ, ბევრს კითხულობს და კარგი მოყოლა იცისო. მოდი ჩვენსა, პაპა უფრო აკადემიას უვლის, ვიდრე თავის ბაღს, შინ კი მე და დეიდა ვართ ხოლმე, წიგნებიც კარგი მაქვს.

სანდრომ თანამგზავრი ერთხელ კიდევ შეათვალა.

არა, რას ამბობს ეს ქალაქელი? ესლა აკლია, გოგოებთან იამხანაგოს. სანდროს საკმარისი ამხანაგები ჰყავს და მეტი არც ესაჭიროება. ისინი ჭირშია მასთან არიან და ლხინშია. გოგოები კი ენას ვერ აკავებენ პირში. შორს რად გვინდა წასვლა? აი, მაგალითად, თავისი და - ემა... მაგრამ საინტერესო კია ეს გოგო, ამას ბევრი წიგნი ექნება... მაგრამ, არა, ძმაო, სანდროს ქარისა არც მოტანილი უნდა და არც გატანილი.

გოგო თავიანთ ეზოს შესასვლელთან შეჩერდა.

- დიდი მადლობელი ვარ, სანდრო, შენ რომ არა ყოფილიყავი, უეჭველად დამკებუნდა ძაღლი... როცა გინდოდეს, მოდი... რგოლის შეკრება კი გამაგებინე ხოლმე.

„იგრე მემადლიერება ეს გოგო, თითქოს დიდი რამე გამეკეთებინოს, ცუდი კი არ უნდა ჩანდეს... მაგრამ არა, ძმაო, ეგლა მაკლია, ამ ზიზილპიპილებიანს ავყვე... ჩემმა მზემ, არა ღირს“, - დაასკვნა ბოლოს ბიჭმა და ღიღინით ჩავიდა რიყეში.

თხილქვეშ

დილით ოფოთმა სამჯერ დაიძახა ბაღიდან. სანდრო სწრაფად წამოხტა, ჩაიცვა, მოძებნა რვეულ-ფანქარი და ბრაგაბრუვით გავარდა ოთახიდან.

თხილებთან დედაბრიშვილი გოგია ჩამჯდარიყო, რეზინის შურდული იქვე დაედო და მოკლულ შაშვს დიდი სიამოვნებით აცლიდა ბუმბულს.

სანდრომ თვალები ჭყიტა.

- ბიჭო! სად ინადირე?

გოგიას არც აღრინდელი გამომეტყველება შეუცვლია და არც კითხვაზე უპასუხია. ფრთხილად აცლიდა ბუმბულს, თან ისე ეჭირა თავი, გეგონებოდათ, ირემს ატყავებს და ეშინია, ტყავი არ გაეჭრასო.

სანდრო ჩაცუცქდა და ხელი წაატანა.

- უჰ! შიგ გულში არ მოგიტყამს?! სად მოჰკალი?

გოგიას არც შეუხედავს, ისე უპასუხა:

- აქვე, თხილზე.

- მერე, როდის მოასწარი?

გოგია გაიჭვიმა და მოკლედ მოჭრა:

- რა მოსწრება უნდა? ვესროლე და ჩამოვადე.

სანდრომ მეგობარს ბეჭებზე ხელი დაჰკრა, რადგან შაშვი იშვიათ „ნადირს“

წარმოადგენდა და მსუქანიც ჩანდა.

- მარჯვე ხელი გაქვს, შე ღმერთგამწყრალო. შევწვათ?

- როგორც გინდა.

- კარგი. მოვხრაკოთ და შიგ კვერცხები ჩავახალოთ.

- როგორც გინდა.

ჩაცუცქელი სანდრო წამოხტა და შინ გაქცევას აპირებდა, რომ გოგიამ ხელი სტაცა.

- მოიცა, სად მიხვალ, რა დროს შაშვია. საქმეზე მოვედი.

- რომელ საქმეზე?

გოგიამ მიიხედ-მოიხედა.

- ნიკო მოხსნეს ჩვენი რაზმის პიონერხელმძღვანელობიდან.
- ჰა, რაო! რა თქვი?! გაიმეორე, რა თქვი?!
- ნიკო მოუხსნიათ ჩვენი რაზმის პიონერხელმძღვანელობიდან!
- არა, ხუმრობ?
- მართალს გეუბნები.
- საიდან გაიგე?
- ახლახან შენთან რომ მოვდიოდი, ჯახუნაშვილი ლილი შემხვდა წყაროზე.
- გოგოებს სიტყვა დაეჯერებათ? მოგატყუებდა.
- არ მოვუტყუებოვარ. უფროს პიონერხელმძღვანელს უთქვამს.
- სანდრომ თხილის ძირში დამალული პაპიროსის კოლოფი ამოიღო, გახსნა, ერთი ცალი მეგობარს მიაწოდა, ერთი შიგვე ჩატოვა და ისევ თხილის ძირში მიმალა.
- მოსწიე და „სოროკი“ დამიტოვე.
- აქ რაღაა დასარჩენი? ის ერთი ცალი შენ მოსწიე, - გოგიამ მოქაჩა პაპიროსი და დაგრაგნილი ბოლო თხილის გაბურღულ ფოთლებში გაუშვა.
- სანდრომ ტუჩები აანკლაპუნა, ნერწყვი გადაყლაპა და ხელი წაატანა.
- მოიტა, კარგი, სულ ხომ შენ არ მოსწიე.
- გოგიამ თავი გვერდზე გადასწია და წანვდილი ხელი მარცხენით აიცილა.
- ჯერ ორი ნაფაზი არ დამირტყამს. მოდი, ის ერთი ცალი შენ მოსწიე, კიდევ ვიშოვით, თუ არადა, მამაჩემს იმდენი თამბაქოს ფოთოლი აქვს გამხმარი, რომ გაზაფხულამდე თამამად გვეყოფა.
- მაგარია?
- მაგარიაო? ისეთი მაგარია, რომ ერთი ნაჯახი გატეხა იმის დაჭრაზე.
- ორივეს გაეცინა.
- სანდრომ დამალული კოლოფიდან უკანასკნელი პაპიროსი ამოიღო და მოუკიდა.
- თუ ეგ ამბავი მართალია, პირველი სადღეგრძელო იმისი უნდა დავლიოთ, ვინც ეგ გამოაპანლურა იქიდან. წავიდეთ, ნანადირევიც გვაქვს! - მაგრამ უცებ შეჩერდა და დათუქრდა, - ჰო, მაგრამ, რაზმს უპატრონოდ ხომ არ დააგდებდნენ? ვერ გაიგე, მაგ მაიმუნის ადგილზე ვინ დაუნიშნავთ?
- ვარდუაანთ გივი.
- სანდრომ მცირე ხნის შემდეგ ხელი ჩაიქნია.
- ეგეც ფეხბურთელია... გინდა პანტა ყოფილა, გინდა მაჟალო... რა ჰქენი, სანთელი იშოვე?
- მაღაზიაში, რამდენიც გინდა. ბიჭებმა ხუთ-ხუთი დაიტაცეს.
- იმ საქმისა რა ჰქენით?
- ჯერ არაფერი. ლუას კარგად არ ახსენდება გასაღების მოყვანილობა. მე გადავწყვიტე, სანერგე პანტა-მაჟალო მოვუტანოთ ტყიდან. ჩემთან კარგად არის გროზნა, მყნობას მასწავლიდა. გაუხარდება და მაშინ, მე მგონია, გადახატვასა და გაზომვასაც მოვასწრებთ.
- ძველი საბძლისკენ ხომ არ გაგივლია?
- წუხელ საღამოს ვიყავი. გამახსენდა, ვაშლი ნანვიმარზე რომ დავკრიფეთ. სველი იყო და ნამჭის გადაწევა დასჭირდებოდა გასაშრობად. მთელ ღამეს ჰაერზე იყო და გათენებისას ისევ წავაფარე ზედ.
- სანდროს მოეწონა მეგობრის გამჭრიახობა და ბეჭებზე მოუთათუნა ხელი.
- კი მაგრამ, რა მიზეზი დაუდეს ნიკოს მოხსნას?
- რა ვიცი, რაც რაზმის ხელმძღვანელად დავაყენეთ, ყოყორება დაინწყო, არასწორად ესმის პიონერებთან მუშაობა. სწავლას მოუკლო და უსაქმოდ ხეტილს

მოუხშირაო, პატარებს აბუჩად იგდებსო, რაზმის შეკრებას არ ატარებსო, კედლის გაზეთს ყურადღებას არ აქცევსო, ფეხბურთს გადაჰყვავო და რა ვიცი... მართლა, ხომ დამპირდი დღეისათვის, „ყარამანიანს“ მოგიყვებიო, მოჰყევი.

- დღეს ლექსები უნდა დავწეროთ, დავალელებული მაქვს სკოლის კედლის გაზეთისთვის. შენ კი რაზმის კედლის გაზეთის რედკოლეგიის წევრი ხარ.

- მოდი, ჯერ „ყარამანიანი“ მომიყევი და მერე დავწეროთ ლექსები.

და სანდროს რაკი მეგობარიცა და ნაკითხულის მოყოლაც ძლიერ უყვარდა, პირდაპირ დაიწყო:

- ყარამანის ამბავი ხომ მოვითავეთ, ნარიმანისაც - იმისი შვილისა, ახლა ქუჩუკ-ყარამანის ამბებია მოსაყოლი.

- ქუჩუკ-ყარამანი ვინდა იყო?

- როგორ არ გახსოვს? ნარიმანის შვილი ქუჩუკი ყარამანის შვილიშვილი იყო. აი, ჰაზარეფ-დასტი რომ მოკლა - ათასერთხელიანი დევი.

- ჰო, მახსოვს. მერე?

- მერე ამ ჰაზარეფ-დასტს ბნელეთის ქვეყანაში ერთი ნათესავიც ჰყავდა, რომელსაც ზარბაქ-დევი ერქვა. ძალიან ღონიერი დევი იყო. ახლა იმასთან ნავიდა ქუჩუკი საომრად.

და დაიწყო ამბები ქუჩუკ-ყარამანისა და ზარბაქ-დევის ომისა.

გოგია ისე იყო გატვრენილი, ისე გათვაცხვებით უგდებდა ყურს, რომ აზრდაც არ მოსვლია ჯიბიდან შურდულის ამოღება, როდესაც ზედ მის თავზე, თხილის ტოტზე, კიდევ ერთი შაში შემოსკუპდა ჭახჭახით.

ამჟამად ლუკმა გაუშვეს ხელიდან ბიჭებმა.

ბოლოს დამთავრდა მეთავე კარი „ყარამანიანისა“, ხოლო გოგია კიდევ დიდხანს იჯდა გარინდებულად.

- დღეს ეგ გეყოფა, დანარჩენი შემდეგისათვის იყოს.

გოგიამ თავი ზევით ასწია და კარგა ხანს უყურებდა თხილის ფოთლებში მოჭიატე ცის ლურჯ ნაჭერს.

- მაშ, ქუჩუკი უფრო ღონიერი ყოფილა, ვიდრე იმისი ჰაჰა ყარამანი.

- ახლა მაგისი დრო არ არის, სულელო, მე ჯერ პური არც კი მიჭამია.

- არც მე, - გამოტყდა გოგიაც.

- ჰოდა, დროით მოვითავოთ ლექსების წერა, რომ მაღიანად მივაძღეთ საჭმელს, კაი მსუქანი შაშიცა გვაქვს!

ბიჭები პირველ დამხვდნენ. ხან სადღაც იყურებდნენ, ხან ფანქრის ბოლოს მოიგდებდნენ კბილებში და გატრუნულები ღრღნიდნენ, ხან რალაცას ბუტბუტებდნენ თავიანთთვის და სალექსო სტრიქონები ეწყობოდა რვეულის კრიალა ფურცლებზე. დიდხანს აწვალეს ფანქრები, დიდხანს იცოდვილეს და ბოლოს წამოსხდნენ.

- აბა, წამიკითხე, როგორი ლექსი დასწერე?

- აბა, ჯერ შენ წამიკითხე. რაო? აბა, მაჩვენე, ხა, ხა, ხა, ხა! მე მეგონა გაზეთისთვის დასწერე. ხა, ხა, ხა, ხა! „ქუჩუკ-ყარამანისა და ზარბაქ-დევის ბრძოლა“ წამიკითხე, თუ ძმა ხარ, ხა, ხა, ხა!..

გოგია მოიღუმა, ცერად გადახედა მეგობარს, მაგრამ მაინც გატაცებით წაიკითხა: ქუჩუკ-ყარამანისა და ზარბაქ-დევის ბრძოლა.

ქუჩუკი ღონიერია,

ფეხს გადაანვდენს ველებსა,

ისე დასცემდა ზარბაქ-დევის,

ველარ ანძრევდა ხელებსა.

- ბიჭოს! კარგია, განაგრძე.
- ქუჩუკმა და ზარბაქ-დეემა
ერთად დაუკრეს ტაშია,
ქუჩუკმა გადაითხოვა, -
გინდა, გამოდი ხმალშია.
- კარგია, მერე?
- ქუჩუკმა და ზარბაქ-დეემა
ომი დაინყეს ძლიერი,
ვერ გააშველებს ვერავინ,
გინდ იყოს მილიციელი!
- ეე! შენ და შენი მილიციელი! ან იქ რა უნდოდა მილიციელს და ან რა იმათი
გამშველებელია? ეგ რაღაც ვერ გამოგსვლია კარგად, მაგრამ არა უშავს რა, მერე
გაასწორე. ახლა კი წავიდეთ, თორემ ძალიან მომშივდა.
- ეგრე იყოს. მაგრამ, იცი, რა, სანდრო? მოდი, ოფოფივით ნულარ დავიძახებ,
თორემ მიგვიხვდებიან, რაღა დროს ახლა ოფოფებიანო? მელასავით დავიჩხავლებ.
- ჰოო, ეგლა აკლია მამაჩემს. თოფი გატენილი აქვს და მაშინვე ფეხებს გაგაჭიმვინებს
თხილებში. ხომ იცი, როგორ მარჯვედ ისვრის? ბუმს, რომელ თვალშიაც ეტყვი, იმაში
გაარტყამს.
- მაშ, რა ვუყოთ?
- შაშვივით აჭახჭახდი.
- კარგი, შაშვივით ავჭახჭახდები.
- ეგრე.
- მაშ, გავწიოთ ახლა ქეიფი?
- დავცხოთ!
ბიჭებმა ხტუნვითა და ღრინანცელით წაიღეს შაშვი გამოსანანლავებლად.
კინკლაობა
დიდ დასვენებაზე თავისი რგოლის რამდენიმე წევრით განცალკევებულ სანდროს
რაზმის ყოფილმა ხელმძღვანელმა ახლოს გაუარა და გაჩერდა. მოჩურჩულე ბიჭები
გაჩუმდნენ და ავი თვალი მიაპყრეს გამოპრანჭულ ნიკოს.
- აბა, ერთი აქ მობრძანდი, ბუნტისთავო!
ბიჭები არ შეტოკებულან.
- შენ გეუბნებიან, გამხმარო!
- მე? - მარჯვენა ხელის საჩვენებელი თითი იტაკა მკერდში აყლაყულა ვახტანგმა.
- ბუჩუკურთელი მოვიდეს ჩემთან.
სანდრომ მისკენ გადმოფარდნილ ბურთს ფეხი მიარტყა, მოთამაშეებსვე გადაუგდო
და არც კი შეუხედავს, ისე უპასუხა გამომძახებელს:
- შენ არ გეკადრება ახლოს მოსვლა?
- უფროსი რომ გელაპარაკება, უნდა შეასრულო, - მოიღუბა ნიკო.
დარტყმული ბურთი ჰატარა ბეჭობს მოხვდა და კვლავ ბიჭებისკენ გადმოფარდა.
სანდრომ კიდევ დაარტყა და ისევ უკან დააბრუნა.
- რაო, უფროსიო? ბატონიშვილს ვახლავართ! დახე, კიდევ რომ არ იშლის
უფროსობას! ხომ ხედავ, შენ ახლა მოდამი აღარა ხარ? ნადი, ძმაო, ახლა მაინც
დაგვანებე თავი.
ნიკოს ცეცხლი მოეკიდა.

დიდი ხანია არ მოსწონს ეს თავისნათქვამა ბიჭი, რომელიც აქამდეც არაფერს უკონებდა, ახლა კი მთელი სკოლის წინაშე აპამპულებს მეათეკლასელსა და თავმომწონე ფეხბურთელს.

ბავშვებმა თამაში მიატოვეს და მოკამათეთ გარს მოეჯარნენ.

- იქნებ მე მიბრძანოს რამე თქვენმა კეთილშობილებამ, - წინ გამოვიდა გოგია.
- შენ, ეფრემას ბიჭო, გირჩევენია საკუთარ ტყავს გაუფრთხილდე და სხვის საქმეში არ ჩაეჩარო.

- ან იქნებ ჩემთან იკადროთ საუბარი, - მძიმედ დაუკრა თავი ბერძენიშვილმა.

- მე შევასრულებდი თქვენს ბრძანებას, - ქუდი მოაძრო სნაიპერმა.

ბავშვები იჭაჭებოდნენ სიცილისაგან.

ნიკომ რაკი დაატყო, შეთქმულებთან ჰქონდა საქმე, გაბრუნდა უკან, მაგრამ მაშინვე აიღენა და სახე მწითლე საზამთროს ნაჭერივით მოექცა, - ტანაყრილმა, შავნინსაფრიანმა მშვენიერმა გოგომ წინ გაუარა და სალამი მისცა. ნიკო მობრუნდა და ბუჩუკურთელი გაბურღა თვალებით.

- მოგივლი ჩემებურად, - უთხრა და გაბრუნდა.

იმ ადგილს თავმოყრილმა რგოლმა სიცილით გააცვილა ბრძოლის ველიდან გაქცეული.

ეფრემას ბიჭმა ამაყად გადახედა იქ მყოფთ.

- ნახე, რა დაემართა, ექიმის ქალმა რომ შეასწრო თვალი იმ ყოფაში?

- გავიჟდა.

- გადაირია.

- რალაც სხვანაირად ეპრანჭება.

- ეს კი ძალდადაც არ ავდებს. ჭკვიანი გოგო ჩანს.

- ან რა ჩასაგდება? დადის ყინჩად, მამლაყინწობს. ახლა რაღა უნდა, რაზმის

ხელმძღვანელი ხომ აღარ არის? - ღვარძლიანად თქვა შამშიაშვილმა.

- ჩვენთან აქვს დიდი გული. რალაც თვალში ვეცოტავებით. - სანდრო შებრუნდა

კლასისაკენ და ბავშვებიც თან გაიყოლა.

* * *

სანდრო გაბრაზებულია და წერაქვს უშნოდ იქნევს: დღეს სწავლის დამთავრების შემდეგ დატოვეს აქა და ახლა უფროსკლასელებთან ერთად იმ გორაკს ასწორებს, რომელიც ფრენბურთის თამაშს ხელს უშლის. შინ კი საქმე ჰქონდა და ადრე უნდოდა წასვლა. უშნოდ იქნევს წერაქვს. უხალისოდ მუშაობენ ბიჭებიც. მიიზღაზნებიან საათებად ქცეული წუთები.

სანდრო გრძნობს, რომ ვიღაცა დასდგომია თავს და მის მუშაობას უთვალთვალებს.

ითმენს ბიჭი, თავს არ იღებს, შემდეგ ბრაზდება და ბოლოს აღმაცერად ახედავს.

აჰ, ეს ხომ ნიკოა! ალბათ, რამე მიზეზი უნდა იპოვოს და იმიტომ მოსულა. ხელში თოხი უჭირავს. ჰმ! თვითონ არ მუშაობს და აქ სანდროს უწევს კონტროლს. სანდრო უკმეხად ახედავს და ზიზლით ეუბნება:

- შენ აქ რა სულთამხუთავივით დამდგომიხარ თავზე. შენი საქმე არ იცი?

ნიკო იბერება.

- დიახ, ვიცი და იმიტომაც მოვედი.

- მოხვედი, თორემ შენც სააკაძე ან გორგასალი მოხვედი. აქ რა გინდა? ორიოდ შეამჯერი და ერთი ზედადგარი უნდა გქონდეს მხარზე გადებული და სოფელ-სოფელ დადიოდე გასაყიდად.

ნიკო ბრაზისაგან სტაფილოსფერი ხდება.

- შენ იმუშავე, როგორც წესია, თორემ გასწავლი ჭკუას! აბა, ეგ ქვა რად გინდა, განზე რომ არ ავდებ?

- პურს უნდა შევატანო.

ნიკო ენთება.

- მოიცა, ბურჟუართელიო! სკოლაში რომ ვართ, იმიტომ მედიდგულები, არა? ცოტა დამაცადე და მე შენ გიჩვენებ სეირს!

ნიკოს ვილაც ექაჩება. მოიხედავს - გოგიაა.

- შენ რაღა გინდა, ეფერემას ბიჭო? - ღვარძლიანად ეკითხება ნიკო.

- შენი ნაცვამი ბუცები.

- ფეხი არ ჩავივა.

- ძალით ჩავტენი.

უფროსკლასელები ხარხარს ვერ იკავებენ.

ნიკო ირგვლივ იყურება: გოგიას უკან ფიცხი ხარატიშვილი, ბეჭგანიერი თუჯიშვილი და ცქვიტი ლუკას ბიჭი დგანან. მარცხნივ ზაზანაშვილი ლეო, ბერძენაშვილი ვანო და თვალთმაშობი ილიმებიან ცბიერად. მარჯვნივ ბაჩიაშვილი ლუარსაბი, აყლაყულა ვახტანგი და ენუქიშვილები იღრუბლებიან, ხოლო წინ პირქუში სანდრო დგას და... ეს ვილაა, ვინ მოსდგომია გვერდით წარბშეჭმუხვილი? აა! ეს გარეჯელია, - შარიანი და ჩხუბისთავი.

ნიკო უკან იხევს, რადგან ამ ქაჯის ნაგლეჯებთან კინკლაობა ხეირს არ დააყრის.

სანდროსთან დავას თავს ანებებს და ცნობისმოყვარეთა და რგოლის წრეს არღვევს.

- ადგილზე გაგისწორდები, ყარამანო.

ბიჭები ხითხითებენ და ეჭლანებიან.

- შენ ექიმის გოგოს მოუარე!

ნიკო გაათვრებული მობრუნდება.

სანდრო რჩევაზე გადადის.

- წადი, ძმაო, რას შემომტრიალებ, თვალში ხომ არ გეცოტავები? ხომ იცი,

სადამდისაც ხელს მოგანვდენ, ხეირს არ დაგაყრი?

ნიკოს მისი მეგობარი ბახსოლიანი და თანაკლასელები იჭერენ.

- გამიშვით.

სანდრო წერაქვს ავდებს და წინ გამოდის.

- გაუშვით, ბიჭებო, ერთი ქლიავივით გავუღურჯო ეგ ცხვირი.

რგოლის ხელმძღვანელს დალესისლი წევრები მიჰყვებიან, მაგრამ დირექტორის გამოჩენა ყველას აწყნარებს.

სანდრო წერაქვს უბრუნდება. დირექტორი მშვიდად ჩაუვლის „მუშებს“ და მოღუშულ

სანდროს გამხმარ ბეჭებზე ხელს უტყაპუნებს.

- ჰა, ყარამანო, როგორა ხარ?

ღამეული ექსპედიცია

მთვარეს ღრუბლები წამოჰფარებოდა და აღარც ვარსკვლავები ჭიატობდნენ ცაზე.

პირღია ვეშაჰს ჰგავდა შავ ღამეში ბურჟუართელების სახლის მაღალი სხვენი. იქ კურდღლის ძილით ეძინა სანდროს. წარამანა წამოხტებოდა ლოგინიდან, თვალღებ თვართოდ აჭყეტდა და ყურდაცქვეტილი მისჩერებოდა ჩაბნელებულ ბაღს, საიდანაც ბუს გულსაკლავი ხმა ისმოდა.

- მთელ საათს ვიჯდე ჭინჭარში ტიტველი, თუ ეფერემას ბიჭს ხვალ გვერდები არ დავუბილო! ვინ იცის, გაჭიმა ფეხები და აღარც გაიღვიძოს ხვალ შუადღემდე! ღამე

ხელსაყრელია. რა ეშმაკი დაემართა, აკი გავაფრთხილე? - ნაიბურტყუნებდა

ძილგამკრთალი ბიჭი და ისევ მიწვებოდა.

ამ ვაი-ვაგლახში ძლივს ჩაეძინა, რომ უეცრად შაშვის ჭახჭახი ჩაესმა.

ბიჭი წამოვარდა ფეხზე და ტანსაცმელს სტაცა ხელი.

სასწრაფოდ ჩაიხედა და ქამარში დამბაჩაგაყრილი გავიდა კრამიტებზე, კატასავით გასოცდა ზედ გადმოშვერილ ჭერმის ტოტზე, ჩაჰყვა ხის ტანს და ძირს ჩახტა. აქ ერთი თვითონაც წაიჭახჭახა და ლელვის ტოტებქვევიდან გამოსულ აჩრდილს მიუახლოვდა.

- სადა ხარ აქამდის? - განყრა დამბაჩიანი.

- ყველაფერი მზად არის, სანდრო, ბიჭები ძველ საბძელში იცდიან.

- თოკი იშოვე?

- თოკიც ვიშოვე.

- მაშ, წავედით.

რგოლის მეთაური თავისი „მარჯვენა ხელით“ მალე საბძელში დაბანაკებულთ შეუერთდა, სანდრომ ჯიბის ფარანი აანთო და ბიჭებს მორთულობა მოუწონა. იარაღიც შესაფერისი ჰქონდათ: ლუკას ბიჭის ნაკეთები, საფანტით გატენილი თოფები, რომელთაც ლულის ბოლოს პატარა ნახვრეტთან ანთებული ასანთის მიტანა აკლდათ, რათა ერთბაშად დაეჭახათ; „ხმლები“, რომელთაც ჭრის მეტი ყველაფერი შეეძლოთ, სადღაც ნაპოვნი, ჟანგისაგან შეჭმული სამღარიანი ხანჯალი; დიდრონი კომბლები; ორიოდე შურდული და ერთიც გრძელი შამფური, რომელზედაც ჩუმად კარგა ხანს ქირქილებდნენ, სანამ მომტანი არ გაბრაზდა და არ აიმრიბა. მეთაურმა აღრენილი თუჯიშვილი დაამშვიდა და რგოლს უბრძანა, ღვთაების მონასტრისკენ დაძრულიყო.

ფეხაკრეფით მიდიოდა ღამეში თოფიარაღმომარჯვებული ათეული და დროდადრო ჩერდებოდა მშვერავების გამაფრთხილებელ ნიშანზე. მაშინ ჩუმად გასცემდა ბრძანებას ათისთავი და ათეულიც გაქრებოდა გზიდან, ხოლო გზის პირზე ამოსულ ბარდებში გაეჩრებოდა გზისკენ მოღერებული თოფის ან დამბაჩის ლულა. გაიწვიალებდა გაუფრთხილებლად ქვას წამოკრული შამფური და მკვდრული სიჩუმე ჩამოწვებოდა ირგვლივ.

ათეულმა გაიარა ხრამი და ჩიჩქანის ვიწრო, მაყვლით გაბარდულ ხევს შეუყვა. შორს, გორაზე, უკვე აილანდა რძის საყდარი, საიდანაც თავქვე ეშვებოდა გზა მონასტრისკენ. ლეგენდები ამბობდნენ ამ საყდარზე, რომ რძეში აზელილი კირით იყო ნაშენი სიმაგრისათვის. მაგრამ საუკუნეებს მისთვის ჩამოეცვია დასავლეთის კედელი და თვალუწვდენელი კლდიდან იყალთოს ხევის ძირში გადაეჩეხა.

ბიჭებმა ის იყო აივაკეს, რომ გაისმა ჭოტის კვილი და მთელი ათეული მიწას გააფრთხო, დაზვერვიდან ფორთხვით უკან შემობრუნებული სნაიპერი მეთაურს მოუახლოვდა და მოახსენა, რომ საყდრის გვერდით რაღაც ლანდი დადიოდა უცნაური ფშვინვითა და ზმუილით. ამის გაგონებაზე უშიშარ ბიჭებს ტანში გასცრა.

- ნუგზარი იქ დავტოვე სათვალთვალოდ, მე კი წამოვედი რჩევისთვის: პირდაპირ მივითანოთ იერიში თუ გვერდი ავუაროთ და კიკაბაურებზე გადავლით მიუახლოვდეთ ღვთაებას და აკადემიას?

სანდრო წამოჭდა, გარშემო განოლილი ბიჭები მოათვალიერა და მერე ისევ ვახტანგს მიაჩერდა.

- რა უნდა იყოს, შენი აზრით?

- არც ისე ახლოს მივსულვარ, რომ კარგად გამერჩია, ისე კი... ბნელა.

რაზმის მეთაური ჩათიქრდა და მტკიცედ განაცხადა:

- პირდაპირ მივალთ იერიშზე. მომიახლოვდით!.. ეგრე!.. განეცით!.. ენუქიშვილებს ლადო წაიყვანს და მარჯვენა მხრიდან მოუვლის რძის საყდარს. კლდეს უფრთხილდით, ხევი ღრმაა და სული არ ჩაგყვებათ.

- ხელისგულივით ვიცნობ მაგ კლდეს, ღღისით ჩავსულვარ კიდეც ძირამდის.

- თვალთაშვილსა და ლუარსაბს ბერძენაშვილი წაიყვანს. ჩიჩქანას აჰყვება მარცხნიდან და დეკანოზიანთ კაკლებს ისაფრებს.

- უკაცრავლი პასუხია, საყდრამდე არ მივიდეთ?

- ჩემს ნიშანს დაელოდეთ.

- ეგრე.

- ზაზანაშვილს, თუჯიშვილსა და დედაბრიშვილს წაიყვანს სნაიპერი. გასცდება დეკანოზიანთ კაკლებს და ზურგიდან მოუვლის საყდარს.

- არაუინაც არ მინდა, მართო გოგია მომეცი, დანარჩენი შენთან დაიტოვე.

„მეთაური“ განყრა:

- როგორ ბედავ სიტყვის შემობრუნებას? წაიყვა, ვინც გითხარ!

ლუკას ბიჭი აიმრიბა.

- ხახაბოს მაინც ვერ წავიყვან, სად უნდა დანვეს და იხოხოს ამ სიგრძემ?

„მეთაურს“ გაეღიმა და მოლბა.

- კარგი, ვახტანგი ჩემთან დარჩება, გოგიასა და ნუგზარს კი ვერავის გავატან. აბა, მიხედეთ თქვენ-თქვენ საქმეს! ფრთხილად, გაბედულად! ვაჟკაცები უყვარდა დავით აღმაშენებელს!

„მოიერიშე რაზმები“ ღამეს შეერივნენ და „მეთაურის“ თვალთაგან გაუჩინარდნენ, ხოლო თვითონ „მეთაურმა“ დანარჩენი მეომრები გაიყოლია და რბილ ბალახზე ფორთხვით გასწია იმ მხარეს, სადაც, მისი აზრითა და მრელაშვილის თქმით, ნუგზარ გარეჯელი უთვალთვალედა ძველ, ნანგრევ საყდართან მორიალე ლანდს.

მზვერავი ნახნავის კვალში ისე შეხამებულებო, რომ ვერასგზით ვერ იპოვა სანდრომ. თვითონ წამოვიდა ფორთხვით ნუგზარი „რაზმისაკენ“ და მოსვლისთანავე ხელით ანიშნა ბნელში აზიდული ნანგრევი. მეთაურმა კარგა ხანს იცქირა ხელის მიმართულებით და შეამჩნია ლანდი, რომელიც ოდნავ იძვროდა ჩასათრებულებსკენ და თან უცნაურ ბგერებს გადმოსცემდა.

- რა უნდა იყოს, ნუგზარ?

შემკრთალი ნუგზარი აჩურჩულდა:

- არ ვიცი, ძმაო, მგელია, დათვია თუ რა ნადირია.

- ვერც მე გამირჩევია. რა უნდა იყოს, გოგი?

- არ ვიცი. მოდი, მივიდეთ ახლოს. თუ მგელია, წავევილოთ და გაიქცევა, თუ დათვია...

- ნუ სულელობ ერთი! რა უნდა ჩვენს ტყეში დათვი?

- მაგას რად ამბობ, სანდრო? - არ დაეთანხმა ხახაბო. - წინათ ისეთი გაუვალი მუხიანი ყოფილა აქ, რომ პაპაჩემს მოუკლავს ერთი დიდი დათვი, რომ მიეუახლოვდი, არც კი შეშინდაო. შვინდზე ასულიყო, კრეფდა და უბეში იყრიდაო. რაზმი კინალამ სიცილისაგან გაიგუდა.

- პაპაშენი მართო მონადირეობას კი არა, იმასაც იკვებინდა: ჩემისთანა სირბილი არავინ იცოდა იყალთოშიო, - ხითხითებდა გოგია. - სანდრო, გაიგე, სანდრო?! ნიშანში დასმულ ქვას ვესროლე თოფი და მერე გასაგებად გავიქეცი, მოხვდა თუ არაო. მივედი და რასა ვხედავ! ზედ არაფერი ამჩნევია ნატყვიარის მსგავსიო. ჩემს სიცოცხლეში არაფრისთვის არ ამიყვანია და გამიკვირდაო. ის იყო თითით დავინწყე სინჯვა ქვაზე - სადმე აცოცქნილი ხომ არ არისო, რომ რაღაცამ მოიღო უცებ ტყლაშანი ზედ და კინალამ თითი წამანყვიტაო. თურმე, რომ ვისროლე და გამოვიქეცი, გამომისწრია ტყვისათვის და ტყვია კინალამ შიგ თითში არ მეტაკაო. ბიჭები ნახნავის კვალში გორაობდნენ შეკავებული ხითხით-ფრუტუნით და მოლუშულ აყლაყუდას გულზე ხეთქავდნენ.

- დაიცავთ, ბიჭებო, სიფრთხილზე სულ დაგავინწყდათ. ვინ იცის, რა არის, უნდა გავიგოთ, თორემ აკადემიასთან ვერ მივალთ, თუ ზურგს უკან ეს რაღაც ნადირია თუ ეშმაკი დავტოვეთ.

- დიდი არაფერი შვილი უნდა იყოს, ტყე ახლოა და მგლებიც არიან შიგ. ალბათ, მგელია. გახსოვს, ლაცაბიძიანთ ფარნაოზმა რომ მოკლა აქ ერთი?

- ჰო, ის ამ ტყის პირას მოხდა. ლეში ეგდო მისატყუარად. ფარნაოზი კი

ჩასათრეული იყო. ეს კი ნადირი არა ჩანს... თუმცა სიფრთხილეს თავი არ სტკივა. ბიჭები გულადები იყვნენ, მაგრამ მაინც შიშნარევად ჩანვნენ ბალახებში და სცადეს, ხოხვით მიახლოებოდნენ.

ლანდმა მოძრაობა შეწყვიტა და მისკენ მხოხავ აჩრდილებს დააკვირდა. მერე უცებ თავი ზევით აიქნია, საშინლად დაიფშვინა, მკვეთრად შემოტრიალდა და ტყის პირისაკენ გაქანდა.

ბალახში განოლილი მეთაური წამოდგა და ჯაგებს იქიდან გამოსულ ლადოს ანიშნა, ახლოს მისულიყო. მერე იქვე ჩამოჯდა და ხითხითი ატეხა.

- ფუი, ძროხა ყოფილა! მეცა ვთქვი, რაღაც სავაჟუკაცო რამეს გადავეყარეთ-მეთქი.

- ჩვენც ვიცანით, - გამოტყდა ხარატიშვილი, - მაგრამ შენს ნიშანს ველოდებოდით.

- რა ეშმაკი უნდოდა ამ შუალამისას? - ახლოს მიუჯდა მეთაურს სერგო.

- ალბათ, ნახირს ჩამორჩა და მენახირემაჯ ვერ შეამჩნია. ადგა ეგეც და, რაკი მსუყე ბალახი დაიგულა, თავი აღარ გაანება.

- მერე, პატრონი რას ფიქრობს, არ ეშინია, რომ მგლებმა შეუჭამონ?

- არც ისე ძალიან ვიდარდებ! ჯობია ახლა სნაიპერსა და ვანოს ნიშანი მივცეთ და დროით ჩავიდეთ აკადემიასთან, თორემ ღამის ორი საათი იქნება, დრო კი არ იცდის. აფსუს! სად არის ახლა ჩემი საათი!

ბიჭებს გაახსენდათ გეოგრაფიის გაკვეთილი, საათით ჯიბეგაბერილი გოგია, და სიცილი ატეხეს.

გოგია მოიღუშა და სანდროს მიუბრუნდა.

- ამათ რა ყურს უკდებ? დაცალე დამბაჩა, ბიჭები მოვიდნენ.

სანდრომ ლულა ზევით უყო, ჩახმახი ფეხზე შეაყენა და დასხლიტა. დამბაჩის ჩახმახში გაჩხირული ტალი დაეცა ლულის ბოლოსთან ამართულ ფოლადის ნაჭერს, გაყარა ნაპერწკლები, მაგრამ არ გავარდა. სანდროს გაუკვირდა და, ცოტა არ იყოს, შერცხვენილმა ძირს დაუშვა იარაღი.

- რა ეშმაკი დაემართა ახლა ამ მიწის საჭმელს?! - ბიჭები გარშემო შემოისხა, ჯიბის ფარანი მიანათა და ჩუმად ჩაიხითხითა. - ხოხვა-ბლორტვაში საფაღიე გახსნილა, წამალი დაბნეულა და რაღა ეშმაკი უნდა აფეთქებულიყო? თუმცა, კარგი კი ქნა, რომ არ გავარდა, თოფის ხმა გაგვცემდა. გადი, გოგი, სამჯერ დაიჩხავლე მელასავით, მოვიდნენ ვანო და სნაიპერი.

გოგია გავიდა ნანგრევს იქით.

სანამ ბიჭები მოვიდოდნენ მანამ სანდრომ ისევ დააყარა ფალიას თოფისწამალი.

პირველი ბერძენაშვილი მოვიდა თავისი რაზმით.

- ხომ არაფერი დაგინახავს, ვანო?

- რაღაცამ გავვიარა ფუნდრუკით, მგონი, ძროხა იყო. არა, ბიჭებო?

- ძროხა იყო, კაკლის ფესვს ვიყავ ამოფარებული, ახლოს გამიბრბინა.

- სნაიპერი ხომ არ დაგინახავს?

- არა, კაკლებთან დამცლილდა და ტყის პირს გაუყვა.

ბიჭებს გაჯავრებული სნაიპერი მოუახლოვდა.

- რას აჩხავლებ ამ საცოდავს მელასავით? კინალამ თეხი არ გავაჭიმინე. კიდეც კარგი, მინდორზე იდგა და ვიცანი, რომ ადამიანი იყო.

- კარგი, დაჯექ, ვახტანგ, ხომ არაფერი შეგიმჩნევია?

- არაფერი. მართო ძროხამ ამოიფუნდრუკა და ჩვენს იქით, ტყის პირას დაუნყო ბალახს წიწვანა.

- მამ, ძროხა ყოფილა, - საბოლოოდ დაასკვნეს ბიჭებმა და თავქვე დაიძრნენ დიდი სიფრთხილით.

უზარმაზარ კაკლებს ვეება ტოტები გაეფართხათ და უფრო აბნელებდნენ აკადემიისა და მონასტრის გალაფანთან მისასვლელს.

წინ მიმავალი სნაიპერი უცებ შეჩერდა, ბიჭებს ანიშნა, წყალს მივაღეჭითო. მგზავრებმა ჩაბნელებული, მაყვლით ჩაბურღული ხევი გაიარეს და შამბნართან შეჩერდნენ.

აქედან იწყებოდა სასაფლაო.

დიდი სიფრთხილით უნდა ევლოთ გალაფანამდე.

აქა-იქ ხვდებოდათ საფლავის ქვები და მიწაყრილები. შამბი და ჭინჭარი არეულიყო ერთმანეთში. დაბურულ კაკლებს კრიკინა და უსურვაში შემოხვეოდა. ადგილ-ადგილ ზევით ატყორცნილი კვიპაროსები ცას ხევდნენ წვეროებით.

სასაფლაოს მღუმარების მიღმა, სადღაც შორს უკიოდნენ ბუები ერთმანეთს:

- თევდორე!..

- უუუ!

- იპოვე?!

- ვერა, ვერაა!

ბიჭები შეჩერდნენ. ყველას ჟრუანტელი უვლიდა ამ გაუტყეველ სიჩუმესა და ბუს შორეულ, გულსაკლავ კვილზე. თითქოს უფრო აცივდა, უფრო დაბნელოდა და კვიპაროსების ლანდებიც უფრო წაგრძელებდნენ.

სანდრო მიუბრუნდა გვერდით მდგომ სნაიპერს და ბიჭების გასაგონად მხიარული ჩურჩულით უთხრა:

- აყუდებულის მთამიც ასე იძახოდნენ ბუები, როცა მამაჩემმა პირველად წამიყვანა. მე არ ვიცოდი, თუ ფრინველი ასე დაიძახებდა. მთიბავეებმა მითხრეს: სანამ შენ ამოხვიდოდი, თავისმა მამამ სცემა ფარნაოზს, შინ გაავლო, მაგრამ, ეტყობა, არ წასულა, ჩვენს ბინასაც ველარ ნიშნულობს და გვეძახისო. მეც დამენანა ის ღმერთგამწყრალი და მოვრთე ყვირილი:

- ჰაი, ფარნაოზ! აქეთ წამოდი, ბიჭო, აქეთ!..

მთიბავეები ხითხითებდნენ და თან მეუბნებოდნენ:

- ეგრე რომ ყვირი აქედან, ხომ ხედავ, ვერ აგონებ? გადი ცოტა იქით, გასძახე ვინა ხარ, სხვა არ ეგონო ვინმეო.

მეც ავღეჭი და ზედ ტყის პირამდე გავიარე სათიბი, იქიდან ავტყევე ყვირილი:

- აქეთ წამოდი, ფარნაოზ, აქეთ! სანდრო ვარ, სანდრო, გიგას ბიჭი-მეთქი. - აბა, ნახე სიცილი! მთელი სათიბი ირყეოდა იმათი ხარხარისაგან. ბოლოს ცონდარას ბიჭმა გიორგიმ მითხრა გატყუებნო, და მეც უკან გამოვბრუნდი შერცხვენილი და გაბრაზებული.

ბიჭები ნაამბობმა გაართო და გაამხიარულა. შეიშმუნენ, სადღაც გაქრა ჟრუჟოლა-სიცივე და ხალხში დარჩენილი თქმულებაც გაახსენდათ, თუ როგორ გაჩნდნენ ბუები ქვეყანაზე. ორ-სამს წაკითხულიც კი ჰქონდა ეს ზღაპარი. გული უფრო დაუარხებინდათ და გზა განაგრძეს.

- მართლა, როგორ ამსგავსებდნენ ადამიანის ძახილს ეს საშურდულები. აბა, ყური დაუგდე, სანდრო.

- არა, არც იმდენად, მაგრამ თუ დაჰკვირვებხარ ჩვენი სკოლის ბარს როდესაც რეკავენ, იმ რეკვაში „წადი, წადი!“ ისმის და „მოდი, მოდი!“ გააჩნია, როგორ განწყობილებაზე ხარ: წასვლისა თუ მოსვლისა. ეგეც ასეა, რაკი ხალხშია დარჩენილი, რომ ბუები ეგრე იძახიანო, შენც ეგრე გესმის.

- დაიცათ ბიჭებო! ეს, მგონი, ვარდუაანთ გივის ბებუის საფლაავია, აი, ეს ბალი არ არის?

ბიჭები შეჩერდნენ და მერე ფრთხილად მიუახლოვდნენ რკინის მოაჯირს, რომელიც გარშემო შემორტყომოდა საფლაავსა და დიდრონ ბალს.

- აბა, გოგი, გაფრინდი შენი რაზმით და ჯავებში დამალული კიბე მოიტანე.

გოგია გაფრინდა.

- რაზე დავკლარდეთ ეს კიბე, არა სჯობდა, ეს ბალი მოგვეჭრა, გადაგვეგდო გალაუნის შიგნით და ისე ჩავყოლოდით? ქარ-წვიმაში გახვედით ალვის ხით და აქ გავვიჭირდებოდა?

- შენ ხომ არ გადაირიე, სნაიპერო? ხალხი აქ ისე ჩუმად მოვსულვართ, ერთი საცოდავი ძროხის მეტს არავის დაუვნახივართ და შენ გინდა, ამოდენა ნიშანი დავტოვოთ ჩვენი აქ ყოფნისა? გარდა მაგისა, ეს განგებ არის აქ დარგული, ალაამაზებს სასაფლაავს და კაი ტკბილი ბალიც იცის. ცოდოა ამის მოჭრა.

- როგორ, ალვის ხე ცოდო არ იყო? რატომ მოსჭერი?

- ჰო, ეგ მართალია, - დაფიქრდა სანდრო, - არ უნდა მომეჭრა... მაგრამ საჭირო იყო და მოვჭერი. ახლა კი არც საჭიროა და მშვენიერი კიბეც გვაქვს. აი, აჰა, შეხედე!

მოიტა აქეთ, გოგი! ხედავ რამსიგრძეა?

ბიჭებმა რგოლის ხელმძღვანელის ფეხებთან გაჭიმეს შინდის წნელისაგან დანწული, ათიოდე მეტრის სიგრძის კიბე. როგორც გოგია ირწმუნებოდა, ერთ კაცს არხეინად გაუძლებდა, რა სიმძიმისაც უნდა ყოფილიყო.

- აბა, გოგი, შენ და სნაიპერი ადით ამ ბალზე და ტოტს გაჰყევით. ეგ ტოტი გალაუნზე ეშვება. ეცადეთ გალაუნის თავზე დაანვდინოთ ფეხი და ზედ გამაგრდით. ტოტი მაგარია, მოტეხისა ნუ შეგეშინდებათ.

- ვიცით!

- დაათვალიერეთ, გალაუნის შიგნით ხომ არავინ დაეხეტება. მერე ვანო ამოიტანს კიბის ერთ თავს და თქვენ ის გალაუნის შიგნით ჩაუშვით, ჩადით და გაამაგრეთ, რომ დანარჩენებიც ჩამოვიდეთ.

სნაიპერი და ეფრემას ბიჭი ხელიკებივით გაცოცდნენ ბლის ტოტზე და მალე

გალაუნის თავიდან მოისმა ფრთხილი ხმა:

- გალაუნის იქით სულიერი არ ჭაჭანებს.

დაბლა დარჩენილებმა ბლის ძირს საიმედოდ მიაბეს კიბის თავი. ხოლო ბოლო ბერძენაშვილმა გამოიბა ქამარზე, აცოცდა ბალზე, გაუყვა გაშვერილ ტოტს, ფრთხილად დაეშვა გალაუნის თავზე და გოგიასთან ერთად გალაუნის შიგნით ჩაუშვა კიბე.

სნაიპერმა სცადა, კბილებში დაეჭირა ხანჯალი, როგორც ეს კინოებში ენახა, მაგრამ გაახსენდა, რომ უნაგვიანი იყო. მარჯვენა ხელში ჩაბლუჯა ტარი, უყოყმანოდ ჩაჰყვა კიბეს და მშვიდობით მიაღწია მიწამდე.

- მშვენიერია! ნეტავ ისევ მაღლა ვიყო, სიამოვნებით ჩამოვიდოდი ხელმეორედ.

გოგიამ გაიცინა, ჩასძახა რაზმს: ამოდითო, მერე თვითონაც დაეშვა ძირს და მრელაშვილს მიეშველა კიბის დამაგრებაში.

ბიჭები დიდი სიამაყით, ვაჟკაცური სახით აღიოდნენ კიბეზე და გალაუნის შიგნით გროვდებოდნენ.

სულ ბოლოს რგოლის მეთაური ავიდა.

- ბიჭებო! - თავი მოუყარა რგოლის ხელმძღვანელმა, - ახლა იწყება ნამდვილი საუაჟუკაცი საქმე: გვირაბში უნდა ჩავიდეთ. ვისაც გული ეთანაღრება, ის ზევით დარჩეს, - აქაც საჭიროა გუშაგები, ვინც ჩემთან ერთად გვირაბში კი არა, ავსტრალიაშიც არ დაიზარებს წამოსვლას, ის აქეთ დადგეს.

ბიჭებმა ერთმანეთს გადახედეს და ნელ-ნელა იწყეს გადასვლა სანდროსაკენ, რომელსაც უკვე გვერდში ამოსდგომოდნენ დედაბრიშვილი და მრელაშვილი. მეთაურს გუნებაში ეამა, რომ უშიშარი ბიჭები ეხვივნენ გარშემო, და განზე გადას.

- ყველა ვერ ჩავალთ, ბიჭებო, გვირაბში. ავთანდილი და სოსო უკანვე ავლენ, გალაგანზე დადგებიან კიბის გუშაგებად და გვირაბის თავთან დარჩენილს მისცემენ ნიშანს, თუ რამე მოხდა ან საშიში რამ შეამჩნიეს. დანარჩენები გვირაბში ჩავალთ ხარატიშვილი და თვალაშვილი წინასწარვე დაზვერავენ გროზნას სადგომსა და გაიგებენ: სძინავს თუ ღვიძავს. აბა, ადგილებზე! ნულარ დავიცდით.

ბალახმა გაიშრიალა და ორი აჩრდილი სიბნელეში დაიკარგა, ხოლო კიბის გუშაგთა თავები ბლის ტოტამდე აიმატა გალაგანზე.

დაზვერვამ სასიამოვნო ცნობა მოიტანა:

- გროზნას, როგორც ეტყობა, კარგად უხუხნია, მკვდარივითა გდია და იმოდენას ხრიალებს, რომ ძლივს მივუახლოვდით, შეგვეშინდა, ხომ არავინ ახრჩობსო. წევს და გამოცლილი ხელადა გვერდით უდგას.

ბიჭებმა გაიხარეს და გეზი ფერიცვალების საყდრისკენ აიღეს. მონინებით გაუარეს გვერდზე ძველი საუკუნეების ძვირფას ძეგლს - იყალთოს აკადემიას, უზარმაზარი ცაცხვი მოიტოვეს უკან, გასცდნენ ბგების ხეივანს და უძველესი შენობის კარქვეშ გვირაბის დაკეტილ ჩასასვლელს მიადგნენ.

- აბა, სნაიპერო, ახლა გამოჩნდება შენი ოსტატობა. გაიძრე კბილი! სნაიპერმა ძლივს ამოათრია ჯიბიდან ვეება გასაღები და დაკეტილი სახურავის კლიტეში გაუყარა. გაუყარა, მაგრამ, აი, უბედურება, ვერაფრით ვერ გადაატრიალა. რაზმი უსიამოვნოდ შეიშმუშნა.

- მე რა ვქნა ძმაო. როგორიც ნახატი მოიტანეს, ისეთი გასაღები გავაკეთე. თუმცა, დაიცაო!...

მრელაშვილმა ჯიბე მოიქეცა და ქლიბი ამოიღო.

- აბა, მომინათეთ.

სანთლები აანთეს.

ვახტანგმა კარგა ხანს ქლიბა ოღროჩოღროდ ნაჭედი გასაღებები და შემდეგ მოუთმენლად მაცქერალ ბიჭებს მიუბრუნდა:

- მზად არის უკვე.

ბიჭმა ხელმეორედ გაუყარა კლიტეს თავისი ნაოსტატარი, აწვალა, აბრუნა წაღმა-უკულმა, მაგრამ საქმეში ხარ?! - გაჯიუტდა კლიტე და გასაღებიც გაიჭედა შიგ. თითქმის ყველამ სათითაოდ სცადა გაღება, მაგრამ ვაკერპდა კლიტე. მაშინ ნუგზარმა, როგორიც იყო, გამოაძრო ნაუცბადეგად ნახელავი და „მჭედელს“ მიანოდა.

- აჰა, ვახტანგ, წაიღე და მეორე ბოლოც გაუჩვრიტე, შეიძლება ლაგმად ივარგოს. ის იყო ვახტანგს უგემური რალაც მოუგორდა ენის წვერზე, რომ ბლის მხრიდან მოისმა აწრიალებული და შეშინებული ჭოტის კვილი.

ბიჭები შეკრთნენ, დაიბნენ და ერთმანეთს მიაჩერდნენ.

კიდევ დაიკვილა ჭოტმა. ახლა ორი ერთად კიოდა.

ბიჭები უცებ დაიძრნენ და გარეთ გამოცვივდნენ. მხოლოდ გალაგანთან მოაგონდათ, რომ გზაში ჩაქრობას გადარჩენილი ზოგიერთი სანთელიც უნდა ჩაექროთ.

გალაგანზე მარტო სოსო იდგა, ავთანდილი განოლილიყო და ტყისკენ იცქირებოდა.

გოგია მივარდა და კიბე დაიჭირა.

- ავიდეთ, ბიჭებო!

ბიჭები მისცვივდნენ და ალახმალახ გადავიდნენ გალაგანზე.

სანდრომ კიბე ძირს ჩაავლო, ავთანდილს კავიანი შამფური გამოართვა, ბლის ტოტი მოიწოდა და მერე ფრთხილად გაჰყვა ზედ ჩამოკიდებული. მალე ბიჭებს შეუერთდა და სოსო მოძებნა.

- რა იყო, სოსო?

- რა იყო კი არა, ტყის პირიდან... შენც ხომ გაიგონე, ავთო?... დაიცათ!.. აი!.. ყური უვდეთ, ბიჭებო!.. აი, ხომ გესმით!..

ყურებდაცქვეტილ ბიჭებს უცებ ბრაგაბრუგი და საცოდავი ბლავილი მოესმათ. მალე ხმაური და ბლავილი შეწყდა და ტირილისმაგვარი ყმუილი გაისმა.

- რა უნდა იყოს, ბიჭებო? - აწრიალდა სნაიპერი.

- ძროხის ხმასა ჰგავდა, ვახტანგ.

- ძროხის ბლავილი კი არა, მგლის ყმუილი იყო.

სანდრომ სიბნელეს თვალი მოსწყვიტა. ბიჭების ჩალამებულ სახეებს დააშტერდა და დამბაჩა იძრო ქამრიდან.

- ერთის ხმაც იყო, ბიჭებო, და მეორისაც. გახსოვთ, ძროხა რომ შემოგვხვდა რძის საყდართან და ჩვენს დანახვაზე ტყის პირისაკენ გაფრთხა? ალბათ, მგლები დაეცნენ და რაკი ბლავილი აღარ ისმის, უკვე ნააქციეს და ჭამენ. უნდა ვუშველოთ, ბიჭებო! ვინ იცის, ჯერ კიდევ ცოცხალია. მგელს სინათლისა ეშინია. თუ დაგვჭირდა, სანთლებს ავანთებთ. თანაც ფარანი მაქვს და თოფებიც დატენილია. მარჯვედ, ბიჭებო! თორმეტი ვართ და ერთ-ორ მგელს კუდით ქვას ვასროლინებთ. მივალთ თუ არა, დავკვივლოთ, დავახალოთ თოფები და მერე კი კომბლებით და ხანჯლებით დავერიოთ. მგელი რა არის? გარეული ძაღლია, სხვა არაფერი. მომყეთ, ბიჭებო! ბიჭები ადგილიდან არ დაძრულან, ნელა იტკეპნებოდნენ, დუმდნენ და ერთმანეთს თვალს არიდებდნენ.

უცებ სანდრომ გოგიას ხელი წაავლო და გაიტაცა.

- წავიდეთ, გოგი! დარჩნენ ეს ლაყეები.

წასულეებს სნაიპერი და ბერძენაშვილი მიჰყვნენ, ხოლო მათ მალე დანარჩენებიც შეუერთდნენ და სირბილში თითქოს გულიც გაახალისეს.

ბიჭები გასცდნენ ჯაგნარს და, რაკი იქაურობას ხუთი თითვიით იცნობდნენ, ტყის პირას გაუყვნენ. მაგრამ უმაღლე გეზი იცვალეს, რადგან ყმუილი ახლა რძის საყდრის ფერდობიდან მოისმა.

მთვარეს ერთგან ყომრალი ღრუბლების კალთა გამოერღვია და ტყის პირი და მინდორი გაენათებინა.

ბიჭები მოტრიალდნენ.

ფერდობზე მდგარ ერთადერთ უზარმაზარ მუხას, რომლისთვისაც მესს მთელი ტანი შუაზე გაეჩხა და გამოენვა, კუდით მიჰყუდებოდა ძროხა და წინ წანვდილი წამახული რქებით იგერიებდა გააფთრებულ მგელს. დროდადრო ხან ძროხა შეზმუვლებდა, როდესაც მგელი სადმე კბილს გაჰკრაავდა, და ხან მგელი, როდესაც ძროხა რქებს ამოჰკრაავდა და განზე ისროდა.

- დაწეით, ბიჭებო, დაწეით! ხედავთ, რას შვრება ძროხა?

ბიჭები მიწას გაერთხნენ.

- მოდი, დავაცადოთ, სანდრო, და თუ ძროხა წაიქცა, მაშინ მივეშველოთ. კაი

საყურებელია, ჩემმა მზემ. ჰაი, დედასა!

- უკაცრაული პასუხია, ორივე დაღლილი ჩანს. მგელი მაინც ძლივს და დგას ფეხზე, ეტყობა, რქებით დაუღვენეს გვერდები. ყოჩაღ, ძროხაუ!

- კაი საყურებელია, ჩემმა მზემ. აი, სატრაბახო და დასაკვებნი, კინოშიაც ვერ ვნახავდით ამგვარ რამეს.

- ბიჭებო! ცოდოა ძროხა. მგელი ძლივსლა დგას ფეხზე, მაგრამ მაინც მგელია და არ ეშვება. არ გააფუჭოს ძროხა, უნდა მივეშველოთ.

ბიჭებს გულიდან ყოველგვარი შიში გადაეყარათ და ახლა სილაღეც კი მოედოთ.

- გავაფრთხოთ?

- რის გავაფრთხოთ, თუჯიშვილო! მაგ მგელს ახლა კუდით დავიჭერ.

სანდროს ისევ დაუბრუნდა ადრინდელი რიხი.

- ფრთხილად, სნაიპერო! მაინც მგელია. დაჭერა კი არა, და, თუ ცოცხალი გადაგვირჩა, სირცხვილისაგან ვერსად გამოვყოფთ თავს... ძროხა ძლივსლა დგას ფეხზე, ბიჭებო, აბა, დრო არის! ოთხივე მხრიდან შევკრავთ გზებს. ყველა თავ-თავის რაზმთან! გოგია და ვანო აქეთ-იქიდან! სნაიპერი ისევ შემოუვლის, აბა, ჩუმაღ და სწრაფად!

„რაზმები“ გაიფანტნენ.

ჭკვიანი პირუტყვი უკვე გრძნობდა თავისი სიცოცხლის დასასრულს, მაგრამ არ უნდოდა, ადვილად ჩაფარდნოდა მგელს ხელში, და უკანასკნელ ძალასაც ხარჯავდა.

ნადირიც გრძნობდა ამას, თავისი მგლური სიფრთხილე დაეინყებოდა და

ცდილობდა, ხელიდან არ გაეშვა გემრიელი ლუკმა.

უცებ მგელმა იერიში შეწყვიტა და ანთებული თვალები ირგვლივ მოატარა. მას ნადირის ალღომ არ უმტყუნა, პირი ტყისკენ ქნა, მაგრამ ღელემდეც არ იყო მისული, რომ ჩასაფრებულმა სანდრომ, დამბაჩა დაახალა და უკანვე გააბრუნა. გამხნეებული ბიჭები ძლივს მოძუნძულე მგელს დაედევნენ.

- მგონი, მოხვდა, ბიჭებო! აბა, არ გაუშვათ, მიჰყეთ, არ გაუშვათ!

შიშნაჭამმა მგელმა რაკი ტყეში ვერ შერგო თავი, ჯაგებისკენ მოუსვა, მაგრამ იქიდან გოგია გამოტყვრა თავისი ბიჭებით, დაცალა თოფი და საქციელწამხდარ ნადირს დაედევნა.

- აბა, ბიჭებო! დაჰკათ, არ გაუშვათ! დაჰკათ!..

- ვუუ!..

- ეეე!..

- დასცხეე!..

- დაჰკაა!

- მიდიი!..

გაოგნებული მგელი შებრუნდა და გეზი კიკაბაურებისკენ აიღო. მაგრამ აქაც წაანყდა ჩასაფრებულებს. თოფის ხმაზე და ყიჟინზე გატრიალდა და საყდრისკენ მოუსვა.

- დავიღუპეთ, ბიჭებო, - ყვიროდა მეთაური. - სნაიპერი ჯერ ასულიც არ იქნება, მიდით, დაენიეთ, მიდით, დაენიეთ!

მგელი ძლივს არბოდა აღმართზე. უკვე აღარ ეჭვობდა, რომ გადარჩა. ცოტაც და გაივაკებდა, დაეშვებოდა თავქვე და ჩიჩქანის ხევში მაყელის ბარდებში შემძვრალს ველარ იპოვიდნენ. ის იყო მიაღწია ნანგრევს, რომ იქიდან აქოშინებული მრელაშვილი გამოხტა და ვეება კომბალი ისე ღონივრად სთხლიშა, ნადირის თავის ქალამ ჭახანი მოიღო.

მგელი გაგორდა, მაგრამ მალევე წამოდგა და ისევ თავქვე დაეშვა. აქ უკან ჩამორჩენილი თუჯიშვილი დახვდა და ბარკალში ატაკა თავისი შამფური. მგელმა შეჰღმეულა, მისწვდა ავთანდილის შარვლის ტოტს, ბიჭს მინაზე ზღართანი მოადენინა, თვითონ წელი აითრია და ისევ კიკაბაურებისკენ გაუტია.

აქ ბერძენაშვილი ამოძვრა მიწიდან.

- უკაცრაული პასუხია, სად მიხვალ?

მგელმა ერთი ამოიგმინა კომბლის დარტყმაზე და ერთხელ კიდევ გაგორდა მიწაზე. მერე გაფოფდა, აიციდინა მეორედ მოქნიული, მაგრამ სანდრომ მოუსწრო და მენჯის ძვალზე ხანჯალს ჭახანი მოადენინა. უცებ ზაზანაშვილი დაახტა ზედ და ყელში სტაცა ხელი. მას თვალთვლილი მიეშველა. შემდეგ ენუქიშვილები მოცვივდნენ, შემდეგ ხარატიშვილი და ბოლოს ხახაბოს უზარმაზარი ლანდი დაანვათ თავზე. გაიმართა ზედახორა.

მალე მოცვივდნენ სხვებიც ყიჟინითა და ქოთქოთით. ყველას უნდოდა მგლის დახრჩობაში დაედო წილი, მაგრამ ბიჭების გროვის მეტი არა ჩანდა რა და მხიარული ჭყლოპინის მეტი არა ისმოდა რა. ბოლოს სნაიპერმა საცოდავი მსხვერპლის უკანა ფეხს მიაგნო და გოგიას ანიშნა. დაუნყეს ორივემ ქაჩვა თათს, მაგრამ სანდროს ყვირილზე თავი მიანებეს.

ნელ-ნელა აიკრიფნენ ბიჭები მიწიდან.

ბუმბუნით წამოდგა სულ ბოლოს ლეო.

- ვირები ხართ, თქვენი რჯულიც არ იყო! კინალამ მეც მგელს არ მიმაყოლეთ.

ძლივს არ წავახრჩვე?!
ყველა იჩემებდა პირველობას ნანადირევში, მაგრამ სნაიპერის ხმამ შეწყვიტა მათი ყაყანი.

- დაგვწყევლოს ეშმაკმა, როგორი მარჯვე ბიჭები ვყოფილვართ. აბა, აუნით კუდი და საყდრის ნანგრევებში ავიტანოთ. აქ თუ დავეწყეთ ტყავება, შუქი გამოჩნდება.

ვანო იღრიჭებოდა.

- უკაცრაული პასუხია, აბა, პატივი ეცით! - ქედები მოიხადეთ და იგრე მიჰყეთ უკან.

დანარჩენებმა კი ძროხა ვნახოთ, ხომ არ მოკვდა.

ძროხა იმავე საბრძოლო მდგომარეობაში დახვდათ ბიჭებს, - გაოგნებული და აკანკალებული. დაინახა თუ არა მისკენ მომავალნი, ეცადა გამაგრებულიყო ფეხებზე და რქები მოიმარჯვა, მაგრამ რაც უფრო ახლოს მივიდნენ და ადამიანები იცნო,

ალერსიან ძახილზე თავი მაღლა აიღო, შვებით ამოისუნთქა და იქვე ჩაიკეცა.

- არიქა, დავკლათ, სანდრო! უსულადო არ მოკვდეს.

- დაანებე თავი, სოსო, ეტყობა, დაღლილია, არ მოკვდება.

ბიჭები ჩაცუცქდნენ. ზოგი მუხლის თავებზე დადგა და ალერსით დაუნყეს ჩურჩული და ხელის სმა.

- ერიჰა! - წამოიყვირა რწყილამ, - ეს მელანა ბაბოს წაბლა არ არის?

- მართლა? აბა, მეცა ვნახო!

მოცვივდნენ დანარჩენნიც.

საბრალო პირუტყვმა ასწია ჩაქინდრული თავი, დიდრონი თვალები მოავლო თავის მსხნელებს და მადლობის ნიშნად ხელების ლოკვა დაუნყო ახლოს ჩაცუცქელ ხარატიშვილს.

ანგელოზები თუ ეშმაკები?

მელანამ თავის ძროხას უცადა, უცადა, მაგრამ სოფლის მთელმა ნახირმა ისე ჩაიარა მის კარზე, რომ არც ერთ ფურს ეზოსკენ პირი არ უქნია.

ადგა და მენახირესთან წავიდა.

მენახირემ გაიკვირვა:

- როგორ თუ არ მოსულა? მეორე წელია, რაც მენახირედ ვარ, და ჯერ ძროხა არ დამკარგვია.

- მამ, ახლა რაღა ეშმაკი და ჩემი გამჩენი გაგინყრა, შე თხის თავო?

- არ ვიცი, ბებო, ალბათ, სადმე ვენახში შეუხვია, ანდა ვისიმე ბაღჩაში გადავიდა.

- რაღა ჩემმა ძროხამ შეუხვია ვენახში, შე მინაგასახეთქო? ადე, აეხირე ახლავე და მოძებნე სადმე, თორემ ჩემს ჭუკას გეფიცები, წავაველებ ხელსა, გაგხდი შარვალსა და სულ ჭინჭრით გაგიხურებ ყველაფერსა.

მენახირემ იყოდა, რომ მელანა ტყუილუბრალოდ არ დაიფიცებდა თავის გარდაცვლილ ქმარს, ამიტომ პურის ჭამას თავი მიანება და უნადინოდ წამოიზლაზნა.

- აბა, რა ვიცი, ბებო, სად იქნება ახლა ის სამგლე?

- ადე, ნუ ითრევ წელსა, თორემ მოგეცეს ლხენა, მე შენ ნათქვამი აგისრულო.

ბიჭმა გრძელი შოლტი აიღო და ორღობეში ვაჟკაცურად მიმავალ ბებერს უკან გაჰყვა.

დიდხანს ეძებდნენ დაკარგულ ძროხას, ერთად თუ ცალ-ცალკე. დიდხანს ეძახდნენ სასიყვარულო სახელებს, გაბრაზებული პატრონი დაკვლასაც კი შეჰპირდა, თუ არ გამოჩნდებოდა, მაგრამ წაბლა ან მართლა არ იყო სოფელში ჩამოსული, ანდა ბებრის მუქარას არაფრად აგდებდა.

ბოლოს მელანას დაღლილი ბიჭი დაენანა და შინ გაგზავნა. ხოლო ცოტა ხნის შემდეგ თვითონაც აიღო ხელი ძებნაზე და დასაძინებლად წავიდა.

დანვა, მაგრამ კარგა ხანს ვერ დაიძინა.

დაიძინა და სულ თავისი წაბლა ესიზმრებოდა.

ხან ვითომ მგლები გლეჯდნენ და ის ვერ ეშვებოდა, ხან თვითონ წაბლა გლეჯდა მგლებს წვეტიანი რქებით, ხოლო ერთხელ კლდეზედაც გადაიჩეხა.

მელანამ სასონარკვეთით შეჰკვილა, მაგრამ კლდის ძირში მაინც ვერაფრით ჩავიდა.

გათენებისას კი ვითომ ძროხამ, როგორც იყო, მოაგნო თავის ბინას, ეზოში შემოვიდა და დაიბლაგლა.

ბებერმა გაიხარა და საწველელი ჩაარბენინა, მაგრამ, აი, უბედურება, რამდენჯერაც ცურზე ხელი შეავლო, წაბლამ იმდენი დაიბლაგლა.

მელანამ კარგად დაათვალიერა და ნახა, რომ ცური რძით ჰქონდა სავსე.

მიხვდა მელანა, რომ ძროხას ხელის შევლებისას ცური სტკიოდა, მაგრამ თანაც რძე ანუხებდა და იმიტომაც ბლაოდა.

შენუხდა ბებერი, რა უნდა ქნას? - ვერც მოუნველია და ვერც თავი დაუნებებია, ძროხა კი ბლავის...

ბოლოს, როგორც იყო, გაიღვიძა და თვალი გაახილა.

ფანჯარაში რუხი განთიადი იცქირებოდა.

დასწყევლოს ღმერთმა, მელანას ასე არასოდეს დასთენებია.

ბებერი ასადგომად აინია და იქვე გაშეშდა:

ეზოდან ძროხის შებლაგლეხა მოისმა.

- ღმერთო ჩემო, ეს ხომ წაბლაა!

მელანა თითქმის წამოფრინდა საწოლიდან, გადაიხვია კაბა და გარეთ გაფარდა.

ქლიავის ძირში ღობის მარგილზე გრძელი თოკით გამობმული წაბლა ინვა,

საბრალოდ ზმუოდა და დროდადრო თავმობრუნებული უკანა ფეხს ილოკავდა.

გახარებულმა პატრონმა თვალები და ყბები დაუკოცნა და შემდეგ ტანზე დაუნყო სინჯა.

თავი და ფერდები დაფხაჭნილი და მთლად სისხლში მოსვრილი ჰქონდა, ხოლო

უკანა მარჯვენა ფეხზე ნადირის ნაკბილარები ემჩნეოდა.

ვიშვიშებდა ბებერი და მუხლებზე იცემდა ორივე ხელს. მერე, როცა გული მოიჭერა ძროხის სინჯით, სთხოვა, რომ ფეხზე ამდგარიყო.

ძროხამ ვერ გაიგო.

- ადე, ნაბლაგ, ადე.

მაგრამ ძროხას ყურიც არ გაუბლერტია.

მაშინ მელანა გაბრაზდა და შეუძახა:

- ადე, შე მგლის საჭმელო! რას მენაზები? ახლა, ვითომ ეგრე ხარ დაგლეჯილი, რომ ფეხზე ვერ ადგე?

ძროხამ დაიბმუვლა.

მელანა კიდევ მოეფერა და წაიდუღუნა.

- მშიერი იქნება, ეს საცოდავი.

ბაღჩაში ნამგლით გავარდა, მესერის ძირში აყრილი ბალახი გათიბა და მოუტანა.

ძროხამ ზოზონით დაუწყო ჭამა, მერე თავი დაანება და დაიბმუვლა.

- წყალი ენდომება ამ ჩემი ცოდვით სავსეს.

და კასრით კამკამა წყალი დაუდგა.

ძროხამ მოსვა წყალი და ისევ დაიბმუვლა.

- ალბათ, მარილი უნდა და მე კი სულ გადავყრუვდი ბედდამწვარი. ახლავე მარილს მოვიტან, ნაბლაგ.

მოიტანა მარილი, მაგრამ საბრალო პირუტყვმა მხოლოდ ორიოდჯერ აუსვა ენა და კიდევ დაიბმუვლა.

მელანამ კული აუნია და სცადა აეყენებინა. ძროხა თვითონაც ეცადა ადგომას, მაგრამ ვერ შესძლო და ისევ ჩაიკეცა.

ახლა კი შემფოთდა ბებერი და შინ შევარდა. სასწრაფოდ წამოიყვა შიშველ ფეხებზე ჩუსტები და კოლმეურნეობის კანტორისკენ დაეშვა ვეტექიმის სანახავად.

კანტორის ეზო სავსე იყო კოლმეურნეებით, ზოგი მანქანას ელოდებოდა, რომ სიმინდის სამტვრევად წასულიყო, ზოგი რთველში მიდიოდა, ზოგი კანტორაში ადიოდ-ჩამოდიოდა, ხოლო ვეტექიმი არსად ჩანდა.

მელანა იმ ჯგუფს მიუახლოვდა, საიდანაც ჩოჩქოლ-სიცილი ისმოდა, და გაოცებულმა თვალები ჭყიტა.

ჯგუფის შუაგულში გროზნა იდგა და თავის ერთადერთ შვილიშვილს ფიცულობდა,

წუხელ აკადემიის ეზოში ეშმაკები ვნახეო.

- იქნება ანგელოზები იყვნენ, დიმიტრი პაპავ? - ეკითხებოდა ერთი და თან

ქირქილებდა.

- ვინ იცის, ანგელოზებიც იყვნენ, შვილო.

გარშემო ხარხარმა იფეთქა.

- გამოტყდი, ძია დიმიტრი, წუხელ რამდენი დალიე, სანამ მაგ სიზმარს ნახავდი.

მოხუცმა იწყინა და ქული მიწაზე დაახეთქა.

- ეგრე დაემხოს ჩემი სახლ-კარი, თუ სიზმარი ყოფილიყოს, ეგრევე ცხადლივ

ვხედავდი, როგორც შენა გხედავ.

ხალხში მორიდებულმა სიცილმა ჩაირბინა. მიხვდნენ, რომ ეწყინა გროზნას, რაკი

ნათქვამს არ უჯერებდნენ.

მოხუცი ნასვამი ჩანდა ამ დილითაც.

- კულები ჰქონდათ? - დაინტერესდა ზაზანაშვილის მამა.

- რა ვიცი, ბნელოდა და სანთლის შუქზე რა უნდა დამენახა? - ახლა კი გული

მოიბრუნა მსმენელებზე გროზნამ.

- სანთელი რალად გინდოდა, დიმიტრი პაპავ? ხომ დაგინახავდნენ ხელში სანთელს?

- კითხულობდა ახალგაზრდა მერგოლური.

- კაცო, სანთელი მე კი არ მეჭირა, სანთლები იმათ ეჭირათ.

- ოჰო! სანთლები იმათ ეჭირათ?

- მაშა, იმათ ეჭირათ.

- აბა, ანგელოზები იქნებოდნენ, - დაასკვნა მელორეობის ფერმის მწყემსმა და თვალი ჩაუკრა მერგოლურს.

- ნამდვილად ანგელოზები იყვნენ, - გაიხარა მოხუცმა, - ერთ აყლაყუდას კელაპტარი ეჭირა ხელში.

- მთავარანგელოზი ის იქნებოდა.

- შეიძლება თვითონ მიქელ-გაბრიელიც იყო.

ჯგუფი კვლავ ახარხარდა.

მელანამ უფრო ახლოს მიიწია.

- რაო, ხომ არაფერი გითხრა მიქელ-გაბრიელმა, დიმიტრი პაპავ?

გროზნა შემოთოდა:

- ჩემთვის რა უნდა ეთქვა?

- რა ვიცი, აბა. როდის გიპირებ ნაყვანასო?

ახალგაზრდები ხარხარებდნენ.

ხნიერები შეუწყრნენ მერგოლურს.

- მე მგონია, დროზე მოუკითხებია, გროზნავ, შენთვის. - ჩამქრალი ჩიბუხი ხელისგულზე წამობერტყა ვარდუაანთ გივის პაპამ.

- შენა, ბებერო, შენც მაგას ამბობ? თუ წასვლაზე მიდგა საქმე, ჯერ შენ უნდა წახვიდე.

- დაიცა, დიმიტრი პაპავ, ბევრნი იყვნენ?

- არ დამითვლია, შვილო, მაგრამ ათი-თორმეტი მანც იქნებოდა.

- საიდან შემოვიდნენ გალაგანში?

- გალაგანში კი არ შემოვიდნენ, ბიჭო, ფერისცვალების საყდრიდან გადმოცვივდნენ გიუბივით და გალაგანს იქით გაქრნენ.

- ოჰო! - გააგრძელა ზაზანაშვილის მამამ, - თუ გიუბივით გამოცვივდნენ, მამ, ეშმაკები იქნებოდნენ.

- მართალია, - იღრჩებოდა კოლმეურნეობის თავმჯდომარის შოფერი, - ანგელოზები უფრო ჭკვიანი და დარბაისელი ხალხია.

გროზნა იღუმებოდა.

- მამ, არა გჯერათ, ხალხნო?!

- გამოტყდი, დიმიტრი პაპავ, რამდენი გქონდა დალეული.

- ჩემს ლენას გეფიცებით, ხელადაზე მეტი არ დამილევია.

ხალხში ხითხითმა ჩაირბინა.

- ერთი ხელადა, ჩემო გროზნავ, კამეჩებსაც კი მზეთუნახავად მოგაჩვენებს. შენ სიზმარი გინახავს და ეგ არის, - ირწმუნებოდა ვარდუაშვილის პაპა.

- არა, ღმერთმანი, სიზმარი არ იყო, - ფიცულობდა გროზნა, - სწორედ ამ დროს კიკაბაურების მხრიდან ძროხის ბლავილი და მგლის ღმუილიც შემომესმა და იმ ანგელოზებისა თუ ეშმაკების ყვირილიც გავიგონე: „არიქა, მივემეღეო!“

ახლა უკვე მორიდებულებიც ვეღარ იჭერდნენ სიცილს, საბოლოოდ დარწმუნდნენ იმაში, რომ რაკი ძროხის მისაშველებლად გამოცვივდნენ საყდრიდან, ანგელოზები უნდა ყოფილიყვნენ.

მელანამ ყური ცქციტა, ჯგუფი გაარღვია და პირდაპირ გროზნას დაუდგა წინ.

- რაო, გროზნავ, ძროხა ბლაოდა და მგელი ღმუოდაო?

იქ მყოფებმა მიიწ-მოიწიეს და ახმაურდნენ.

- აი, მელანა ძალო, ფერისცვალების საყდარში ანგელოზები ბუდებულან თურმე.

- იქნება წმინდა შიოს კლდის გამოქვაბულებიდან მოვიდნენ ეშმაკები?

- არა, პირდაპირ კლდიდან არა, გვირაბში გამოვიდნენ.

- მერე, საყდარში როგორ ამოვიდნენ, დიმიტრიმ სახურავი გაუკეთა და ზედ კლიტე დაადო.

- ეშმაკი რის ეშმაკია, ყველგან შეძვრება და გაძვრება.

- დაიცათ, კაცო, ბოლოს ხომ ნახეთ, რომ ანგელოზები გამოდგნენ? ჰო, რაო, დიმიტრი ჰაჰავ, მერე იმ ძროხას უშველეს?

- ეე, რეები ხართ ეს ახალგაზრდები! რომ აღარ მაცლით? აი, მეღან, ჩემი თვალით დავინახე, ავეგრევე, როგორც ახლა შენა გხედავ.

- რაო, ღვინის წურბელავ, რა დაინახე? - ახლა მეღანაც დაინტერესდა.

- ისა, რომა გალაფნიდან კიკაბაურებისაკენ გაცვივდნენ ერთი ყვირილითა და ძახილით. მერე თოფების სროლაც მოისმა. ეგეთი ბათქაბუთქი აუყენეს, რომა, ყურო, ნუ გაიგონებ.

ახლა კი იქაურობა აზანზარდა ხარხარისაგან. ზოგმა ფერდებზე იტაცა ხელები, ზოგმა გულზე, ზოგი ორად მოკაკულიყო და მუცელი ხელით ეჭირა.

- ხა-ხა-ხა-ხა! ხალხო, გაიგეთ? - იჭაჭებოდა მერგოლური, - ანგელოზებს თოფები ჰქონიათ.

- ვე-ჰე-ჰე-ჰე! - ბანს აძლევდა მელორეობის ფერმის მწყემსი, - წინათ ხმლები და შუბები ეჭირათ.

- რას იზამ, - ხითხითებდა ზაზანაშვილის მამა, - ტექნიკა წინ მიდის და ანგელოზები რად ჩამორჩებოდნენ?

- არ შეგიძნევიან, დიმიტრი ჰაჰავ, რომელიმეს წელზე ატომური ბომბი ეკიდა თუ არა?

- არიქათ წყალი, თორემ მოგკვდი! - კანტორის ეზოს მესერს ჩასჭიდებოდა სიცილისაგან მისუსტებული ლაცაბიძიანთ ფარნაოზი.

გაცეცებული იდგა ნასვამი გროზნა.

შემცბარი მეღანა ხან მოამბეებს უცქეროდა და ხან მსმენელებს. ბოლოს ისევ გროზნას ჰკითხა:

- ძროხის ბლავილიც გაიგონე და მგლის ღმუილიც?

- გავიგონე, მამა.

- ხალხო, წუხელ ძროხა დამეკარგა და ვერ ვიპოვე. დილას კი, გარეთ რომ გამოვედი, თოკით ეზოს ღობის მარგილზე გამობმული დამხვდა. სულ დაკანრული და დაკბენილია.

იქ მყოფებმა უცებ მოსხიპეს სიცილი.

- რაო, რაო, მეღანა ძალო?

- ძროხა დაგლეჯილი მოგივიდა, ბებო?

- უკანა ფეხი აქვს დაკბენილი და ახლა ვეტექიმის წასაცვანად მოვედი. ძალიან უგუნებოდ არი.

გროზნა სიხარულით გაიბადრა.

- ანდე, ხომ გეუბნებოდით? - ნიშნის მოგებით გადახედა იქ მყოფთ. - ძროხა იყო-მეთქი, გითხარით და არ დაიჯერეთ, ამისი იქნებოდა.

- ალბათ, ჩემი ძროხა იყო, - დაეთანხმა მეღანა, - ნახირს ჩამორჩენია და მგელს დაუგლეჯია. აქ არ არის ვეტექიმი?

- ალაზნის პირას წავიდა ფერმაში. ბებო, სალამომდის არ ამოვა. - თქვა თავმჯდომარის შოფერმა, „პობედის“ კარი გააღო, საჭესთან დაჯდა და ბებერიც თავისთან მიიწვია. - ჩაჯექ, ბებო, ახლა ჩვენც იქ მივდივართ და შენც წავიყვანთ.

მაგრამ მელანას ისევ თავისი „ავადმყოფი“ ძროხა გაახსენდა, საჩქაროდ გაიარა კანტორის ეზო და სახლისკენ წაიხურა. ეზოში კი ნასვამი, გახარებული გროზნა და გაოცებული კოლმეურნენი დატოვა.

სალამოთი პირდაპირ შინ მიუხტა ბებერი ხარატიანთ სიმონს და შეუტია:

- სად ეშმაკებში ეხირე აქამდის, ბიჭო, რა გინდოდა ალაზანზე?

- ოო, ძალუაჩემს გაუმარჯოს! მობრძანდი, მელანა ძალო, რა გაგვირვებია, რაზე გარჯილხარ?

- დამჭირდი და მოვედი. - კიბის საფეხურზე ჩამოჯდა მელანა. - სად იყავი აქამდის?

- თერმას დავხედე, ძალო, და ცოტაც წავითევზავე.

ბებერმა მოიხედა და აივანზე პატარა ლასტმე დახვავებული თევზი რომ დაინახა, გაოცდა:

- სად იყო ამდენი თევზი, ბიჭო?

- ალაზანში, ძალო.

- მერე, როგორ დაიჭირე ამდენი?

- კოლოთოს ბოლოზე ბალახზე გამოსულიყვნენ საძოვრად. გზა შევეკარით ბიჭებმა და წყლისაკენ აღარ გავუშვით.

საქმიანად წამოდგა მელანა და ვეტექიმს შეუწყრა:

- როდემდის უნდა იყო, ბიჭო, კვიმატი? ახლავე დაანებე მაგ თევზების

გამონაწლავებას თავი და წამომყე, ჩემი ძროხა დაუგლეჯნია ნადირსა და მარჯვენა ფეხს ვეღარ ადგამს.

ვეტექიმს კინალამ დანა და თევზი ერთად გაუვარდა ხელიდან. მცირეხანს გაოცებით უცქირა ბებერს, მერე გაიღიმა და უთხრა:

- ნუ გეშინია, მელანა ძალო, ძალო კოჭლობით არ მოკვდება. - მობრუნდა და ოთახში გასძახა: - მოიტა, ბიჭო, სკამი გამოუტანე ბებიაშენს! დაჯექი, ძალო, თევზი ვჭამოთ და მერე ისეთ წამალს დავადებ შენს ძროხას, ორ-სამ დღეში ხბოსავით აკუნტრუმდეს. როდის დაუგლეჯნია მგელს?

- წუხელ, უკანა ფეხზე აქვს ნაკბენი და თავ-ტანი - სულ დაკანრულ-დაღადრული.

მასპინძელი კიდევ შეცბუნდა და დაეჭვებით დაუნყო მზერა სტუმარს.

- თუ სხვის ვენახში ან ბაღჩაში გადაიპარა და ძალო დაუქსიეს, მოუხდება. გაგიხარია, წელან ქამრით ავუჭრელე კანცები ჩემს ბიჭს. წუხელ იმასაც სადღაც უტანტალია.

დილით კი თავის დედას გაუღვიძნია და რას ხედავს: დაკანრულ-დაღადრულ ბიჭს მკვდარავით სძინავს, საწოლთან კი, იატაკზე, დახეული ხალათი და ნახევრად ლანჩაავარდნილი ცალი ფეხსაცმელი გდია.

გულგახეთქილი ქალი აღვიძებს და ეკითხება:

- ეს რა გიქნია, ბიჭო, როდის დაიკანრე ეგრე?

ის კიდევ პასუხობს:

- წუხელ, დედი.

- სადა, შვილო, სადა?

- სადა და... სიზმარში.

- მერედა, რამ დაგკანრა ეგრე, შვილო?

- რამ დამკანრა და... მელანა ბებოს ძროხა მგელს უნდა შეეჭამა და მე დავახრჩე ხელითო...

უეცრად მელანა ფეხზე წამოვარდა.

- რა ვქნა, პირი ხომ არ შეჰკარით მთელმა სოფელმა დღესა?

- რა იყო, ძალო? - გაიღიმა ექიმმა.

- რა იყო და, დღეს დილას კანტორაში მებალიანთ გროზნა ხალხს აჯერებდა: წუხელ ფერიცვალების საყდრიდან ანგელოზები თუ ეშმაკები გამოცვივდნენ ანთებული სანთლებით და კიკაბაურებისკენ გაიქცნენ ძროხის მისაშველებლად, რომელსაც მგელი სჭამდაო.

ექიმი გაშტერდა:

- ალბათ, ჩემმა ბიჭმა რაღაცა იცის მაგ ამბავზე, ლადო! ბიჭოო, ლადო!

სახლიდან ჩამიჩუმი არ ისმოდა.

ექიმმა დანა დააგდო, შინ შევიდა და მალე ისევ გამოჩნდა. გაოცების ნიშნად ხელები განზე გაშალა, წარბები ზევით აზიდა.

- ვერა გამიგია, რა, ძალო, ქაჯია, ეშმაკია თუ რა ჯანდაბაა. დასასჯელად მეორე ოთახში ჩავკეტე, მაგრამ ფანჯარა გაუღია, ძირს გადამხტარა და წასულა. სად წავიდოდა ახლა ის გარეწარი?

- ჯანდაბას იმისი თავი და შენიცა, - განყრა ბებერი, - ძროხა მიკვდება და შენ აქ ზღაპრებს მიყვები?

ექიმი დაფაცურდა. ლასტი მალლა ბოძის თავზე შედგა, რომ კატა არ მისწვდენოდა, ხელები გადაიბანა და ოთახის კარი გამოხურა.

- აბა, წავიდეთ, ძალო!

- წამლები მოვაქვს, ბიჭო?

- ნუ გეშინია, მომაქვს.

სტუმარ-მასპინძელმა ხარატიანთ უბანი გაიარეს და მრელაანთ უბნისკენ გაუყვნენ ორღობეს.

- მაშ, მელანას ძროხა მე გადავარჩინეო? - დაიწყო ბებერმა.

- ეშმაკმა იცის იმისი თავ-ტანი, რას არ მოიგონებს. - გაბრაზდა ვეტექიმი. - იმ დღეს ცხენი წაუყვანია მინდორში ბალახზე და სალამომდის არ მოვიდა. მოვედი შინ და ველოდები. არ მოდის. ავდექი და ხევისკენ გავვიდი. ცოტა ხანი ვუცადე და ბოლოს ფლოქვების ცემაც მომესმა რიყებზე. გავიხედე, მობლაკუნობს ცხენი და ზედ თავჩაქინდრული ბიჭი ზის. ისე გამიარა გვერდზე, ხმა არ გამცა. გავყევი მხარდამხარ და ვეკითხები: სად იყავ, ბიჭო, აქამდე?! - აბა! საქმეში ხარ? - ხმას არ მცემს. ბოლოს, რომ არ მოვეპვი, აილო თავი და შემომიტია: დამანებე თავი, ხომ ხედავ, მძინავსო. რამ დაგაძინა ცხენზე ამ სალამოს, მთელი ღამე ჭოტივითა ხარ-მეთქი. ის კი ის ქაჯი, მეუბნება: გიორგი სააკაძემ და მეფე ერეკლემ ეგრე იცოდნენ, - ცხენზე ეძინათ ხოლმეო... გავიხარე, მე ის ჩამოვსვი და წვეპლა გავახურე...

მალე მელანას ეზოც გამოჩნდა და ღობის მარგილზე გამობმული ძროხაც.

ექიმმა გარშემო შემოუარა „პაციენტს“, ნაკბენ-დაკანრული ადგილები გაუსინჯა და პატრონს მიუბრუნდა:

- არაფერია, ძალო, ერთ კვირაში ფეხზე დადგება.

- ჰო, უკეთესობა ეტყობა, შვილო: მთელი ბლუჯა ბალახი შეჭამა და წყალიც კარგად სვა.

ეს თოკი რაღას წაგიბია ყელზე, გაქცევის ხომ არ გეშინოდა? მოხსენი, ცოდოა საწყალი.

ბებერმა მუხლებზე დაირტყა ხელი.

- მე თავმკვდარს სულ დამავინწყდა დღეს თოკის მოხსნა.

ექიმმა თან წამოღებული ჩანთა გახსნა და იქიდან წამლები, ბამბა და ბინტი ამოალაგა.

ამოალაგა და ის იყო დაკუნთული ფეხის ხსნარით მობანვა დაიწყო, რომ ბამბა ნაკბენზევე შეაჩერა: გაშტერებული ბებერი ხელში დასაკეცად გამზადებულ თოკს შემცბარი დასცქეროდა.

- რა იყო, ძალო? - შეეკითხა ექიმი.

- რა იყო კი არა, ეს ხომ ის თოკია, ამ ერთი კვირის წინ რომ დავკარგე ვენახში? დასწყევლოს ღმერთმა, საიდან გაჩნდა ძროხის კისერზე?

ექიმმა მცირე ხანს უცქირა თოკსა და ბებერს და მერე მხრები აიჩჩია.

ბაღში

მას შემდეგ, რაც რგოლიდან გარიცხეს, ზალიკოს ბიჭებთან აღარ მიესვლება.

სანდრო ხომ სულ უკან დასდევს, მაგრამ ფრთხილია ზალიკო: თვალსა და ხელს შუა

უძვრება. ტყუილია, ვერსად მოიგდებს საცემრად ხელში... კარგა ხანია მეზობლების

ბაღი არ უნახავს, რადგან აუკრძალეს ბიჭებმა. ახლა კი რგოლიდან გარიცხეს და მამ

რალა უკრავს ხელ-ფეხს? მხოლოდ შორს არ უნდა წავიდეს, თორემ თავის მტერს

გადააწყდება სადმე. ისევ გროზნა და მისი ბაღი იყოს კარგად, - ხილს რა გამოლევს?

ერთი მსხალი მაინც ისე აღიზიანებს, რომ მეტის ატანა აღარ შეუძლია. ვერც მეტადე

მიხვდება, რომ მისი ნამოქმედარია... მათი ბაღია და გროზნას ბაღი ერთიმეორეს

მეზობლადაა. თავიანთ მხრიდან ღობეც შეათვალაიერა. გასაძრომია ერთ ადგილას

და ეძებოს მერე აკადემიის დარაჯმა! რას მიხვდება?

და ზალიკომ ბაღისაკენ გასწია. ქვეშ გაუარა ხეჭვჭურა მსხალს, დაკრეფილ

თურაშაულს, თითა ყურძნის ხეივანს და ღობეში გასაძრომს მიადგა.

კატასავით გაძვრა ღობეში, გვერდი აუქცია ლელვებსა და ოქრომუნდას, გაიარა

ვაშლების ხეივანი და ვეება მსხალს კენწეროზე მოექცა. აღარ ეშინოდა, რადგან

იყოდა, რომ გროზნამ ზედმეტად ჩათვალა ბაღში ძალოს ყოფნა მას შემდეგ, რაც

ერთი მისი საყვარელი ვაშლი ჩამოუკრიფეს.

რამდენიმე მსხალი მან ზედვე შეთქვლიოფა, უბეც გაივსო და შემდეგ ქვევით დაეშვა.

მინას რომ დაუახლოვდა, ფეხი დაუსხლტა, კინალამ ძირს ჩამოვარდა, მაგრამ

ვიღაცამ დაუჭირა ეს ფეხი და გული გაუმაგრა.

- ჩამო, ნუ გეშინია.

ზალიკომ ჩამოიხედა და გული გაუსკდა.

მსხლის ძირში სანდრო იდგა.

მაღლა ასვლა შეუძლებელი იყო, ქვევით ჩასვლა ხომ - საშინელი.

ღონიერი იყო ზალიკო. უცებ ისკუპა ხიდან და პირდაპირ ზედ დაახტა ქვეშ მდგომს,

მაგრამ რგოლის ხელმძღვანელმა თქმო მიუგდო და ჰაერში გაფრენილი რგოლის

ყოფილი წევრი ბალახში გაიჭიმა. სანდრო ზედ გადააჯდა წაქცეულს და უთხრა:

- ახლა კი შენი სიცოცხლის ფრინველი უნდა გავატერინო.

ზალიკომ კარგად იყოდა, რომ ამ სიტყვებს ყარამანი მოწინააღმდეგეს მაშინ

ეუბნებოდა, როცა ძირს დაცემულს მკერდზე შეახტებოდა თავის მოსაჭრელად.

ეტყობა, ეს ყარამანის სახელის მოტრფიალევ რალაც ამის მსგავსს უპირებდა.

- ვაიმე, მიშველეთ! - ერთი დაიყვირა და ზემოდან მოქცეულს მუშტები დაუშინა.

უცებ სანდროს უკანიდან ვიღაცამ ლაზათიანად წაუთაქა, მერე ხელიც დასტაცა და

წაქცეულს მოაშორა.

ზალიკო წამოხტა და სიხარულისაგან შეჰყვირა. მათი რაზმის ყოფილ

პიონერხელმძღვანელს მაგრად ჩაებლუჯა რგოლის ხელმძღვანელი და ნაკლული

ტიკივით აჭანჭყარებდა.

ბიჭმა უცებ ქვა იპოვა, ზურგში „მიადო“ სანდროს და მოკურცხლა, სირბილში

ხალათის კალთები ამოეშალა და მსხლები აქეთ-იქით ხელყუმბარევივით სცვიოდა.

თითო გადახტომამე თითო ვარდებოდა და როდესაც ღობეში გასაძრომს

მიუახლოვდა, უბეში ერთი მსხალიც აღარ ჰქონდა.

ნიკო სიხარულით აღარ იყო, რადგან ასეთ უადგილო ადგილას მოიგდო თავისი „დაუძინებელი მტერი“, თანაც გასამართლებელი საბუთი ჰქონდა: კაცს ახრჩობდა და ხელიდან გააგდებინა. მან ერთი სილა კიდევ გასცხო და გაიციინა.

- ჰა, როგორ ვართ ანგარიშში, ყარამანო?

სანდრომ გაინია, ხელიდან გაუსხლტა, გახტა განზე, ინდაურთან მოჩხუბარი მამალივით შემობრუნდა და ერთი თვითონაც მოუქნია.

- აი, ახლა გაჩვენებ სიერს, - იყვირა ნიკომ და ზედ მოვარდნილი ფეხის კვრით ბალახებში გააგორა.

ბიჭი მალევე წამოხტა, კიდევ გაეჭანა, მაგრამ ახლა უფრო მაგარი წიხლი მოხვდა და ისევ მინაზე აღმოჩნდა.

ნიკო თავზე წაადგა წაქცეულს და დასძინა:

- მანც, როგორ ვართ ანგარიშში, ყარამანო?

- ჯერ დამაცა ავდგე და მერე მკითხე, - უთხრა გაბრუებულმა ბიჭმა და ისევ აინია ასადგომად, მაგრამ კარგად არც კი იყო გამართული, რომ კიდევ მოსცხეს და ერთი ნიკო ათად მოეჩვენა. მხოლოდ ისინი თითქოს თხილებს იქიდან გამოცვივდნენ.

უცებ ნიკომ იგრძნო, რომ რაღაც შემოეხვია ფეხებზე. უკან მიანყდა შემკრთალი, მაგრამ იქ კუნძი დახვდა და (დასწყევლოს ეშმაკმა, რატომ წელან ვერ შეამჩნია თუ აქ კუნძი იყო?!) რაღაცამ გადასწია უკან. წინიდანაც თითქოს ფეხზე წამომდგარმა სამმა თუ ოთხმა სანდრომ უბიძგა და მინაზე ზღართანი მოაღწინა.

წაქცეულის უკან მუხლებზე დაცემული წაკუბული ფერემას ბიჭი წამოადგა და ბიჭებს უთხრა:

- მაგრად დაიჭით, არ გაუშვათ!

ნიკომ დახუჭა თვალები, მერე ისევ გაახილა. მაგრამ მოჩვენებები არ გაქრნენ და სალამოს ბინდბუნდში კარგად გაარჩია აჯაგრული სახეები: თავზე სამი ბიჭი ადგა, ხოლო ორ-ორი ოთხივე კიდურს უჭერდა.

საქმე ასე იყო: სანდროს საძებნელად წამოსულიყვნენ ბიჭები. და, რადგანაც იცოდნენ, რომ რგოლის ხელმძღვანელი ზალიკოს უთვალთვალედა მისატყუვად, მათი ეზოსკენ დაძრულიყო „ბატალიონი“. რაკი იქ ვერ ნახეს, გოგიას ეეჭვა: ბაღში ხომ არ შევიდაო, და ორღობეში გამოეფლოთ. აქედან ყველაფერი დაენახათ, გადამტვრეული ღობიდან შემოსულიყვნენ და, აი, უკვე ძირს გაჭიმული წევს ვეება ნიკო, ინეგს, ხელი ან ფეხი გაითავისუფლოს, მაგრამ თითო კიდური ორ ქაჯს უჭირავს და არ გინდა, გატოკდე? რამ მისცა ამდენი ღონე ამ თითისტოლებს! მოლაღურივით გაყვითლებული სახე ბოლოკისფრად ექცევა ნიკოს და ცრემლები ახრჩობს. ვერ დაუყვირია, რადგან შეიძლება ხმა გროზნას სახლამდე მივიდეს და მერე? ხომ დაიღუპა, ხომ სამუდამოდ შერცხვა ვაჟკაცი! არადა, რა

სულთამხუთავებივით დასდგომიან თავზე?

- ოჰ, თქვე ლანჩაკებო, გამიშვით! - იღრინება ნიკო და ინეგს მთელი ძალით, ლამის ძარღვები დაანყდეს, მაგრამ ვერც კი ატოკებს ხელ-ფეხს. მერე, ეს წყეული ლუკას ბიჭი ზედ მუხლებზე გადასჯდომია და სახეში დაცინვით უცქერის.

- გამიშვით, თორემ... - იგუდება ნიკო და ყელზე ძარღვები ებერება.

მიტყეპილი სანდრო ამ განამანიაში მიუახლოვდება. საშინელი შესახედავია და თვალები გარეულ კატასავით უელავს.

- ახლა როგორღა ვართ ანგარიშში! აბა, ახლა როგორღა ვართ? პატარებთან ვაჟკაცობ, არა? აბა, ახლა ივაჟკაცე და ადექი!

გაბრაზებულ სანდროს დაავიწყდა თავისი მცნება - ერთ კაცს ორი-სამი არ უნდა დაეხვიოსო, და ბიჭებისათვის არ დაუშლია, როდესაც მათ, სნაიპერის რჩევით,

ქამრები შეიხსნეს, შეკრეს ნიკო, ძირს დააგდეს, ხოლო თვითონ უკან ხელებდანყობილნი შემოუმწკრივდნენ გარშემო.

- გამიშვით, თქვენი!..

ფერემას ბიჭი უფრო ახლოს მივიდა და დააკვირდა.

- ჰა, რაო? გამიშვითო? პირი არ გიჩანს და საიდან ლაპარაკობ?

ახლა სნაიპერი დაიხარა ეშმაკურად.

- ეჰ, გოგლაჯან! ბინდისას შენ რალაცა ველარა ხედავ ამ სიბერის დროს. აბა, კარგად დააკვირდი, რამოდენა პირი აქვს, შარვლის ჯიბესავით მოჩანს გახეული.

- უკაცრაული პასუხია, აბა, მეც დამანახვეთ. მართალი ხარ, ვახტანგ, თითქოს მაკრატლით გაუჭრიათო.

- გაჭრილი არ არი, გახეულია. ალბათ, სადმე ლურსმანს გამოჰკრა.

ბიჭებმა ყური არ უგდეს ნიკოს მუქარას, უკან გაუკრეს ხელები და ქამრები მსხლის ტანს ისე შემოახვიეს, რომ ზედ მიკრული აღმოჩნდა ცოტა ხნის წინ თავმოძნონე ბიჭი.

- იყავი, აქ, სანამ მამალი არ იყივლებს.

- თუ არ დაგვეხსნები, უარესი მოგელის.

- ჩვენ ბატონები არა გვჭირდება.

- შენ ჩვენს საქმეში ნულარ ერევი.

- უკაცრაული პასუხია, ნიკოლოზი ჩამოვაცდეთ და შენ რა გახდი?

წუთი და, თორმეტი ქაჯი ბალიდან გაქრა.

ძველი საბძელი

ამ საღამოსაც ძველ საბძელში შეიკრიბნენ ბიჭები და მიტყუბილი რგოლის ხელმძღვანელი შუაში ჩაისვეს მომავალი სამოქმედო გეგმების შესადგენად. ჯერ კიდევ არ განელებოდათ აღგზნება, გროზნას ბალიდან რომ გამოჰყვათ.

- არა, ასფურცელასავით არ მივაკარით ხეზე? - ჩაიხითხითა გოგიამ.

- არ მოგლიჯოს და შინ არ მიიტანოს ზურგზე მოკიდებული!

- უკაცრაული პასუხია, რა უნდოდა ბაღში?

- ალბათ, მსხალი უნდოდა მოეპარა.

- შენ რას იტყობი, სანდრო?

სანდრო დუმდა. შეურაცხყოფა ჯერაც ვერ მოენელებინა. თუმცა დაუსჯელი რომ არ დატოვეს ის „პრანჭია მაიმუნი“, თავისმა მეგობრებმა დროზე რომ მოუსწრეს და მისი ჯავრი არ აჭამეს, აამაყებდა.

- ღამე იქ გვყავდეს? - ცბიერი კილოთი იკითხა ლუკას ბიჭმა.

- რატომ უნდა ავუშვათ? ნახოს ერთი გროზნამ, ბაღში ყველაფერი მაგის მოპარული ეგონება.

- ეგონება, თორემ არც კი იკისრებს! მაშ, რა უნდოდა ბაღში ბინდისას?

- რა თქმა უნდა, მსხლის მოპარვა სურდა, მაგრამ ვერ მივართვით! ისე კობტად მივაბი, რომ პირის ჩატკბარუნება აღარ დასცალდა.

- მივაბით, მაგრამ ქამარი შენ ისევ შეგრაჩა შარვალზე, ჩვენ კი ლამის ჩავგვძვრეს, გოგი, უნდა ავუშვათ, თორემ თუ მებაღემ ნახა ის ქამრები, დავილუპებით: ზედ ჩვენი გვარ-სახელებია ამომწვარი.

- მართლა, ბიჭებო! გროზნამ თუ ჩაიგდო ხელში, მშვიდობით, სკოლავ, ერთიანად დავილუპებით, - მოისაზრა რგოლის ხელმძღვანელმა. - გარდა მაგისა, ნიკოა, მაგრამ მაინც დასანანია, არც ვაუკაცობაა, რომ მთელი ხროვა ერთ კაცს მოვერიეთ. ცოტა არ იყოს, აღრენილი ვიყავ, თორემ არ მივაბმევივინებდით. მოდით, ბიჭებო, ავუშვათ. იმას

ის სირცხვილიც ეყოფა. გარდა მაგისა, სკოლაში რომ გაიგონ, ვერაფერი ველარ გვიშველის. ადრე ხომ იყო ჩვენი რაზმის ხელმძღვანელი?

- რა ხელმძღვანელი, სადაური ხელმძღვანელი? თუ რამეს დაგვაუბლებდა და არ გავუგონებდით, „წამოკვრა“ ზედ გვეკრა!

- ერთხელ ტკბილ სიტყვას არ იტყოდა. გაიჭვიმებოდა და ბრძანებდა.

- კინოში მაგას არ წაუყვანივართ და ექსკურსიაზე. აბა, რანაირი ხელმძღვანელი იყო?

- სნაიპერი მართალია, სანდრო. უკაცრაული პასუხია, ამ წინაზე ბიჭები ლახტაობას ვთამაშობდით. სწორედ იმ დროს, როცა უკვე გახურებული გვაქვს ლახტი, ეგ მოვიდა თავისი ძმაბიჭებით და გამოგვრეკა იქიდან: ჩვენ პატარა წრე არ გვეყოფა, დიდი უნდა მოვხაზოთ და თქვენ ხელს გვიშლითო. არა, რაღა იქ მოუნდა მოხაზვა, სხვაგან ადგილი არ იყო? მაგრამ პატარები რომ ვართ, გვიბრიყვებს.

- თანაც მაგის რაზმში რომ ვიყავით, ეგონა, რაც მინდა, იმას გავაკეთებინებ ამათაო.

- ვერ მივართვი! იყურყუტოს ახლა იმ მსხალქვეშ.

- იყურყუტოს, მაგრამ ქამრები არ ნახოს, ძმაო, გროზნამ, თორემ გათავდა. იმასაც მიხვდებოდა, ვინ მიაბა, და იმასაც, ის ვაშლი ვინ დაუკრიფა. მერე, შენ გგონია, დამალავს? თუ ერთი გადაჰკრა, ყველაფერს დაფქვავს.

- მართალია, მართალი! უნდა ავხსნათ, ცოდოა... გავალთ თუ არა აქედან, ჩავიაროთ ბალისკენ... მაგრამ გვიან იქნება. მოდი, სამნი წადით, ის ქამრები ახსენით და აქ მოიტანეთ. ნიკომ თუ მოინადინა თქვენი ცემა, გაექცით, და თუ მაინც ვინმეს წამოარტყა, მაშინ აღარც ჩვენ დავინანოთ შემდეგისათვის.

აღარავის გაუნეგია წინააღმდეგობა, რადგან საფუძვლიანი ეჩვენათ ეს სიფრთხილე. გოგიას ნიშანზე იმწამსვე ფეხზე წამოდგა სამი ბიჭი, ფრთხილად გაალო საბძლის კარი და სიბნელეს შეერია.

- ეს ყველა კარგი, მაგრამ ამ ვაშლს რა ვუყოთ, სანდრო, ასე დავალპოთ ნამჭის ქვეშ? - იკითხა შენუხებულმა სნაიპერმა.

- შენ ეგ რად განუხებს, ლუკას ბიჭო? შენ მაგაში შრომა არ მიგიძღვის და სადარდოც არაფერი გაქვს.

ვახტანგი მოილუშა.

- რატომ არ მიმიძღვის, ეფრემას ბიჭო, ერთი ღამით რომ დამასწარიო?

ბიჭებიც უკმაყოფილოდ ახმაურდნენ.

სანდრომ იაზრა, რომ საჭირო იყო მისი ჩარევა, თორემ შეიძლებოდა კამათს სამიში ხასიათი მიეღო.

- ჰა, ნიკო მოიშორეთ და ახლა ერთმანეთს დაუნყეთ ღრენა? იმისათვის მთელი ხროვა არ იყო საჭირო. ჩვენ ეს კი არ მოვიპარეთ, ერთი საქმისათვის დაგვკრიფეთ.

- უკაცრაული პასუხია, გინდა მომფლითე, გინდა მომგლიჯე, სულ ერთია, დაკრიფე თუ მოიპარე, იმ კაცის ბალიდან ხომ გამოიტანეთ!

- მერე, რომ გამოვიტანეთ? შესაჭმელად კი არ გამოვიტანეთ!

- არა მაშ, უღელში შესაბმელად გინდა, - ჩაიქირქილა თვალთაშვილმა.

გოგიამ ბუჩუკურთელს მიხედა.

- ვუთხრა, სანდრო?

სნაიპერი დაიღრჩა.

- „ვუთხრა, სანდრო?“ რას მაიმუნობთ? თუ სათქმელი გაქვთ რამე, სთქვი... გადაგიბამთ კუდები ერთმანეთზე და ცალკე დაძვრებით.

გოგია გაბრაზდა.

- რას მიედ-მოედები, ლუკას ბიჭო, რა სულ თქვლევებაზე გიჭირავს თვალი! ჩვენ ეს, აი, რისთვის გავაკეთეთ:

...და როდესაც „მარტვენა ხელის“ ნათქვამი მოისმინეს, ერთბაშად გაიკვირვეს:

- ბიჭოს! შენ აღარ ხუმრობ, ეფრემას ბიჭო!
- არა, საიდან მოგდის ასეთი ბრძნული აზრები?

- გოგრაა, გოგრა, ცარიელი.

ბიჭები ახარხარდნენ.

- ჩუმად! - შეუტია სანდრომ, - რა გაღრიალებთ? არავინ გაიგოს.

- ეჰ, შენც ერთი! ვინ უნდა გაიგოს? ამაღამ ნუგზარი გვეყარაულობს და ღობემძვრალას გათაჩუნება არ გამოეპარება.

- მაინც ჩუმად ყოფნა სჯობია.

უცვებ მხარ-თეძობე წამოწოლილი სნაიპერი წამოჭდა. ნამჯაზე თავისებურად გააპურჭყა და იკითხა:

- კვირას კოლმეურნეობაში ჩალის საჭრელად წავიდეთ თუ ავად გავხდეთ?

იქ მყოფნი ისევ ახარხარდნენ.

- უეჭველად ავად უნდა გავხდეთ, თორემ მთელი დღე ჩალის ჭრა? არა, ძმაო! ხელს არ მომცემს, - გულაღმა გაიშხლართა ლეო.

- მთელი დღე არ გვაჭრევენებენ, მაგრამ მაინც კეტით ვერ გამაგდებენ ალაზნის პირას, - კვერი დაჰკრა ბაჩიაშვილმაც.

- არც მე წამოვალ, კვირა იმის კვირაა, რომ კაცმა დაისვენოს.

- დაისვენო, თორემ შენც ქედს იცხილებ! თუ წახვედი, სახსრებშიაც გაიშლები.

- გავიშლები, თორემ შენ რომ საუენ-ნახევარზე ხარ გაშლილი, რაში ხარ გამოსაყენებელი, ხახაბო?

- გამოგვადგება, შენ არხეინად იყავ.

- მაინც რაში უნდა გამოგვადგეს, ლადო?

- რაში და, ჩავალთ თუ არა, სიმინდში გავიპაროთ. ალაზანი მაგას დავაფონინოთ, იმ ფონით გავიდეთ გაღმა და შინ ისე ამოვალთ იქიდან, რომ კაცი თვალს ვერ მოგვეკრავს.

- ეგ ვერ არის კარგი აზრი, ბიჭებო, - არ დაეთანხმა გოგია, - რა ფონი გვინდა? ცურვა ყველამ ვიცით. გარდა მაგისა, ჩვენ შეგვიძლია ერთი ცეცხლი გავაკეთოთ და მეორეც; ჩავიდეთ ალაზანზე, მთელ დღეს წყალში ვიბანაოთ და ვითევზაოთ. საღამოთი, შინ წასვლისას კი ისევ შევერიოთ მონაფეებში, თითქოს ჩალას ვჭრიდით.

გარეთ მგელი აყმუვლდა და სანდრო ფეხზე წამოაგდო.

საბძელში მყოფებმა ხმა გაკმინდეს და კისრები დაძაბეს.

უცვებ ნიაგმა მტრედის ლულუნი მოიტანა და რგოლის ხელმძღვანელიც მოწყვეტილ დაეშვა ნამჯაზე.

- არათერია, ალბათ, მოეჩვენა რამე გარეჯელს.

- არა, - არ დაეთანხმა სნაიპერი, - ნამღვილად ბიჭები დაბრუნდნენ. ფეხის ხმა არ გესმით?

საბძლის კარმა გაიჭრიალა და სამი ლანდი თავჩაქინდრული დადგა რგოლის წინაშე.

- რა ამბავია, ბიჭებო?

ბიჭები დუმდნენ.

- თქვით, რა ამბავია, კრიჭა შეგეკრათ?

ენუქიშვილმა თავი აიღო.

- დავაგვიანეთ, სანდრო.

- მერე რა, ჩვენ არ გინწყრებით, კაცი ხომ ამვებულია?

სერგომ საცოდავად წაიკნავლა:

- საქმეც ეგ არის, რომ აშვებულია.
- რატომ, კნუნო, რა მოხდა, განა ასაშვებად არ წახვედით?
- წავედით, ვახტანგ, მაგრამ ვერ ავეუშვით.

ბიჭებს მოთმინება დაელოათ.

რგოლის ხელმძღვანელი გაბრაზდა:

- მამ, რისთვის გაგზავნეთ? მე თქვენი ვერა გამიგია რა: ხან ამბობთ - „აშვებულია“, ხან ამბობთ - „ვერ ავეუშვითო“. თქვით, ბარემ, რა ამბავია.

- ის ამბავია, რომ აღარც კაცი დაგვხვდა ადგილზე და აღარც ქამრები, - როგორც იყო ამოღებდა სოსომ.

- რაო?! - ბიჭებს სიტუაციის დაავიწყდათ და ერთბაშად წამოიშალნენ.

- ვეღარც კაცი ვნახეთ და ვეღარც ქამრები.

სანდრო ნამჭაში ჩაჯდა მონყვეტით.

- დავლუპულვართ, ბიჭებო, და ეგ არის! - აწუნუნდა ავთო.

- ნამდვილად დავლუპულვართ, - კვერი დაუკრა ალექსიმ.

- ცუდი ამბავია, ჩემმა მზემ! - დაასვენა სნაიპერმა.

- როგორ გაიხსნა ხელები, კაცო? - გაუკვირდა ხარატიშვილს.

- იქნებ განყვიტა? - დაეჭვდა ლუარსაბი.

- ჩემი ქამრის ამბავი ვიცი, ვერ განყვიტდა.

- ალბათ, გაიხსნა, სნაიპერო.

- ნუთუ ისე უხეიროდ შეგკარ? - გაკვირდა გოგია.

- რა ვქნათ, ბიჭებო?

- რა ვუყოთ, სანდრო?

რგოლის ხელმძღვანელი ნამჭას ჩაჰყურებდა.

- ვერაფერი კარგი ამბავია, ბიჭებო. ნიკოს ვაჟუკაცობა არ გამიგია. ნამდვილად გაგვცემს და...

სანდრო გაჩუმდა.

ბიჭებმა ყურები ჩამოყარეს.

სნაიპერი ფეხზე წამოხტა.

- ამაღამვე მოვპაროთ ნიკოს ქამრები, ბიჭებო.

- შენ მოპარავ, სნაიპერო?

- მე მოვპარავ.

- დამხმარე ხომ არ გინდა?

- რა საჭიროა? ქამრები მძიმე არ არის.

- შენ იცი, სნაიპერო.

- აბა, შენ იცი!

ბიჭებმა რაკი საჭირბოროტო საკითხები მოიშორეს თავიდან და სნაიპერისაც ცოტა იმედი მიეცათ, უხმაუროდ დაცალეს საბძელი.

მსხლის ქურდი

ბაღდათიდანვე უყვარდა ხეხილი დიმიტრის. მარტო იყალთოში კი არა, ახლო-მახლო სოფლებშიც მებღე „გროზნას“ სახელით იცნობდნენ. კახეთს ვინ ჩივის, საუკეთესო ჯიშის ხეხილის ძებნაში დარიალი გაიარა, ქალაქ გროზნომდე უწია და იქ რომელიღაც სანერგე მეურნეობაში მთელ წელიწადს მუშაობდა. შინ მობრუნებული ისე ამაყობდა იქამდე გასულით, რომ გროზნოს წარამარა ხსენებით სოფელმა „გროზნა“ შეარქვა. ეს მეტსახელი ისე შეეთვისა დიმიტრის, ლამის დაივიწყეს მისი ნათლობის სახელი.

მას შემდეგ, რაც თავისი საყვარელი უმცროსი ქალიშვილი დაკარგა, დიმიტრი ღვინოს მიეძალა. სასმელმა თავისი დამართა და სულ გამოაჩერჩეტა ბერიკაცი. თავის ხელობას მაინც არ უღალატა: თუმცა ძველი იყალთოს აკადემიის მცველად დანიშნეს, მაინც სასხლავი მუდამ ქამარზე ეკიდა და მონასტრის ეზოშიც კი გაიჩინა ნერგები.

ერთხანს მარტოკა ცხოვრობდა ვეება სახლში, მაგრამ ვერ გაუძლო ეულად ყოფნას და სიძეს მოსთხოვა, შვილიშვილი გამოეგზავნა მასთან. მეორე ქალიშვილს შეებრალა მარტოხელა მამა და, რადგან ლენასაც მოვლა-პატრონობა უნდოდა, სოფელში გადმოვიდა სამუშაოდ.

პაპა ძალიან უყვარდა ლენას და სოფელიც მოსწონდა. მამამ მის ცრემლებს ვეღარ გაუძლო და, თუმცა ეძნელებოდა ბავშვის მოშორება, მაინც წასვლის ნება დართო. ლენაც შეჰპირდა, რომ ყოველ ორ დღეში წერილს გაუგზავნიდა...

იმ საღამოსაც აივანზე იჯდა ლენა და კოხტა ასოებით ქარგავდა მამასთან გასაგზავნ წერილს.

ჩაფიქრებული იყო. იქვე მიწოლილ ძაღლს, აღმასას უკვირდა, რომ გოგო მის აქ ყოფნას ვერ ამჩნევდა.

ლენას მეგობარი გოგო კიდებმონწულ სკამზე დამუდარიყო და მოთმინებით უცდიდა წერილის დასრულებას.

- აი, უკვე დავამთავრე, ლილი, - ლენამ წერილს თვალი გადაავლო, მერე გაკეცა და კონვერტში ჩადო.

- ძლივს არ იქნა? რა განწერინებს ამდენ წერილს, გოგო.

ლენამ ნაზად გაიღიმა.

- იცი, როგორი კარგი მამიკო მყავს? როგორი ჩხვლეტია უღვაშები აქვს? როცა მკოცნის, ლოყებს მსუსხავს ხოლმე.

მასპინძელი უცებ შეჩერდა და ყური მიუგდო. მერე სტუმარს ხელი სტაცა და სკამიდან წამოაგდო.

- აბა, ყური დაუგდე, არ გესმის?

- რა არის? - შეკრთა ლილი.

- ბაღში რაღაც ხმაურია.

- იცინიან კიდევაც.

- თითქოს ტირიც ვიღაც.

- არა, კვნესის.

- ნეტავ ვინ იქნება?

- არ ვიცი, ნეტავ ვინ იქნება?

- ვინმე ბიჭი შემოიპარებოდა და შეიძლება პაპაშენმა მოასწრო.

- გინდა, წავიდეთ, ვნახოთ?

- მეშინია, ლენა, უკვე ბნელა.

- არა, არა ბნელა, მხოლოდ ბინდია.

- მეშინია.

- ნუ გეშინია...

- მე ვერ წამოვალ, მეშინია.

- ნუ გეშინია, აღმასაც წავიყვანოთ. საყელურზე იქიდან წაავლე ხელი, მე აქედან წავავლებ.

ძაღლი ხალისით დათანხმდა საღამოს სეირნობაზე.

გაუარეს დაკრეფილ თურაშაულს და ლეღვების მხარეს წავიდნენ, მაგრამ ძაღლმა დაიღრინა და დიდი მსხლის მხარეს გაიწია.

უცებ ოხვრა-კვნესის მსგავსი ხმა მოესმათ და შიშნაჭამები იქით მიტრიალდნენ. ვეება მსხალს რომ მიუახლოვდნენ, აშკარად გაიგონეს კბილების კრაჭუნი და გინება.

ძალღმა დაიყეფა და მსხლისკენ გაიწია.

ბავშვები თრთოდნენ და ბინდბუნდში იცქირებოდნენ. არავინ ჩანდა, მაგრამ უცნაური ხმა აშკარად ისმოდა.

ხეს ახედეს - ფოთოლოც არ ტოკავდა.

კიდევ მიუგდეს ყური.

ძალღი ყეფდა და მსხლისკენ იწევდა.

ხეს დააკვირდნენ და ვერაფერი შეამჩნიეს.

მაშინ მეორე მხრიდან შემოუარეს და შიშისაგან ისეთი შეჰკვივლეს, კინაღამ ძალღი ხელიდან გაეშვათ.

მსხალზე კაცი იყო მიბმული.

გულგახეთქილმა ბავშვებმა უკან-უკან დაიხიეს და აყეფებული ძალღიც თან გაიყოლეს.

ხეზე მიკრულმა მისულნი შეათვალიერა.

გოგოები მილურსმულეებივით იდგნენ შორიახლო. ვერც წასვლა მოეხერხებინათ და ვერც მისვლა გაეხედათ.

ბოლოს ლენამ დაიძახა ხმის კანკალით:

- ვინა ხარ?

მსხალზე მიბმულმა მოჩვენებამ ხმა ამოიღო და დაყვავებით, ძლივს გასაგონად წაილაპარაკა:

- ამხსენით, გოგოებო.

ბავშვებს ხმა ეცნაურათ და ცოტა გულს მოეფონათ.

- დაბმული ხარ? რატომ? ვინა ხარ?

- ოჰ, ბაღღებო! თქვენი პრაკაპრუკილა მაკლია?... ვაიიი!.. ნიკო მოკვდეს, თუ სამაგიერო არ გადაუხადოს. ოჰ, მაგათი!

ნიკო? - ახლა კი იცნეს ბავშვებმა „მიჯაჭვული ამირანი“ და გაშტერდნენ.

- ჩქარა, ბაღღებო! რა პირი დაგილიათ?

- ოო! ნიკო, ნიკო! რატომა ხარ დაბმული? ვინ დაგაბა?

- ახლა მაგის დროა, ჭინჭრაქებო? ჩქარა ამხსენით!

ბავშვები მოცოცხლდნენ, აყეფებულ ძალღს შეუწყრნენ და მერე ხეზე მიკრულს მიუახლოვდნენ.

- ოი, როგორ შეუკრავთ... როგორ უნდა გავხსნათ, ნიკო?

და ნიკომაც ასწავლა.

კბილებით ჩაატრინდნენ პატარები ქამრებს და დიდი ხნის წვალეების შემდეგ, როგორც იყო ეწივნენ საწაღელს.

გაისხნა თუ არა „ბორკილი“, ბიჭი წაბარბაცდა და ბალახებში ჩაიჩოქა. მერე წამოდგა ფეხზე და სწრაფად გასწია ღობისაკენ.

ბავშვებმა თვალი გააყოლეს, შემდეგ ხელში შერჩენილ ქამრებს დააცქერდნენ.

მოისმა ღობის ლანანი და მიწაზე დაცემის თუ დახტომის ხმა.

ლენა კიდევ კარგა ხანს იდგა ბურანში წასულივით. ბოლოს გამოერკვა, მაგრად ჩასჭიდა ხელი აღავლავებულ ძალღს, ლილის ანიშნა გაჰყოლოდა, და სახლისაკენ გამოსწია.

უცებ გაახსენდა, რომ ხეზე მიკრულს მკერდზე რაღაც ჰქონდა მიწებებული. მაშინვე გამობრუნდა უკან, რადგან საბრალოს ის რაღაც მოხსნის დროს მოსძვრა და მსხლის ძირში დარჩა.

ლენამ აიღო ბალახებში ჩავარდნილი რვეულის ფურცლის ნახევი, შინ დაბრუნდა, აანთო სინათლე და დააკვირდა. ქალაქში საჩქაროდ გაკრული ხელით ეწერა:

„დაისაჯა მსხლის ქურდობისათვის“ „გ“. „დ“.

ლენამ განცვიფრებით გადახედა მეგობარს და როცა მის თვალებშიც გაოცება დაინახა, სთხოვა დაეფიცა, რომ რაც ნახა, არსად იტყოდა.

ემმაკი

საბძლიდან გამოსულმა სნაიპერმა დაღელვანთ ვანუას სახლისკენ გასწია. მიდიოდა ბიჭი და თან ფიქრობდა: როგორ მოეხერხებინა ქაშაყების წამოღება, თუ ნიკო შინ დახვდებოდა.

- რანაირად გაიხსნა ხელები, პირდაპირ საკვირველია, ეფრემას ბიჭის შეკრული მაინც არ ყოფილიყო... ძალიან ძნელი საქმე ვიკისრე, ძმაო, თუ ამაღამ ქაშაყები არ მოვიგდე ხელში, ბიჭებთან შევრცხვები.

ის იყო ნიკოს სახლს მიუახლოვდა, რომ წინ კატამ გადაურბინა. მაინც ეჭავრებოდა ეს ცხოველი და ახლა ლანძღვით დაედევნა, ხელმარცხიანმა ქვით უკანა ფეხი აათრეინა.

- ეს ძაღლის საჭმელი, რაღა ახლა გამოჩნდა? ერთი ხომ გავეუბანრე ამათ და ამ ახალბედსაც მივუხრჩობ როდისმე.

არცა ტყუოდა ვახტანგი. მოდი და ნუ შეეჭავრებოდა კატა, რომელმაც ვეება კასრში ცოცხალი თევზები ამოუჭამა.

მას შემდეგ ემტერება ნიკოს ბებია. განა იცის რამე? მაგრამ ეჭვი აქვს: მისი კატის მკვლეელი, თუ იქნებოდა, ისევ ეს „ამოსავლები“ და „არდასაცალებელი“ ლუკას ბიჭი, სხვა რომელი მეზობელი გააკეთებდა ამ „ღვთის სანყენ საქმეს?“

როცა კი თვალს შეასწრებდა ბებერი, მოიმარჯვებდა ჯოხს და ღმერთითა და საიქიოში ცხრა საყდრის აშენებით ემუქრებოდა, მაგრამ სანყენი ის იყო, რომ ამ წყეულს არც ღმერთისა ეშინოდა და არც საყდრების აშენებისა.

სნაიპერი მივიდა ეზოსთან და შეჩერდა.

- თუ ნიკო შინ არის, მიუტყუავს არ გამიშვებს, მაგრამ დამენწევა კი? ეჰ, მოდი, იმის დას დავეუძახებ: - ციალ, ციალ!

მეორე სართულის აივანზე ჰატარა გოგონა გამოვიდა და სიბნელეს გასძახა:

- ვინ იძახის?!

- მე ვარ, ციალ, ვახტანგი ვარ!

- რა გინდა, ვახტანგი?!

- მოდი, აქ, ციალ, საქმე მაქვს შენთან.

გოგონამ აივანი ჩამოირბინა და სიბნელეში ხმის მიმართულებით წამოვიდა.

ბანჯგელიანი მურა ფეხდაფეხ აედევნა, როცა სტუმრამდე მიაღწია, ასუნ-დასუნა და ბომბორა კუდის ქნევით მიესალმა.

- ციალ, ნიკო არ მოსულა?

- არა. დალისთან ვიყავ და ახლა მოვედი. ოი, რომ იცოდე, როგორი დიდი დედოფალა უყიდა დედამ დალის, როგორი ჭრელი კაბა აცვია. თვალებსაც ხუჭავს, კისერსაც ატრიალებს, ნანწავები...

სანამ გოგონა ტიტინებდა, ბიჭმა მოიფიქრა, როგორ უნდა მოქცეულიყო. შეიძლება ნიკო მოვიდა კიდევაც და ვინმესთან გაიარა დარდის გასაქარვებლად? ამას არაფერი ეცოდინება.

- ციალ, ნიკომ დამაბარა: მე რომ ქამრები მოვიტანე, ციალას მოაძებნინე და გამოგატანსო.

- რომელი ქამრები?

- რა ვიცი, რაკი დამაბარა, ალბათ, მოიტანა. გაიქეცი და ყველგან მოძებნე. მალევე უნდა წავიდე.

გოგონა გაიქცა.

ბიჭი კარგა ხანს ელოდა.

ბოლოს ციალაც მოვიდა.

- ყველგან ვეძებე და ვერსად მივაგენი. მამაჩემს თავისი ქამარი მუდამ თან მიაქვს და არც ნიკო აჩერებს თავისას შინ. დალის დედოფალასაც აქვს ქამარი, მაგრამ იმისი კაბის ნაჭრისაა. ვაი, როგორი თვალები აქვს, ვახტანგ, სულ ხუჭავს, კისერს ატრიალებს, ხელებს შლის, ნაწნავეები...

- დედაშენი ან ბებიაშენი სად არიან, ციალ?

- დედაჩემი და მამაჩემი კრებაზე წავიდნენ კლუბში, ბებიაჩემი კი ქვედა სართულშია, გაუმართავი ოთახი რომ არის. მოჭრილი სიმინდია იქ და ტაროებს ამტვრევს. თუ გინდა, მიდი. მე კი ეს ნაჭერი უნდა წავიღო დალისთვის. ქედს შევუკერავთ დედოფალას. რა სასაცილოა, ვახტანგ, რომ იცოდე: დაანვენ - თვალებს ხუჭავს, კისერსაც ატრიალებს, ხელებსაც შლის, ნაწნავეები...

ბიჭმა ყური აღარ უგდო ციალას რაკა-რუკს, მურას თავზე ხელი გადაუსვა და, რაკი ნიკო შინ არ ეგულეებოდა, პირდაპირ გასწია მათი სახლისაკენ. შეალო კარები და შევიდა.

ფუჩჩის გროვაში ჩამჯდარიყო ნიკოს ბებია. თითო-თითობით იღებდა ფუჩჩს და ატებდა ტაროს, თუ ტარო კარგი იყო, იმას ძველ საწნახელში ისროდა, თუ ღინკლა შეხვდებოდა, იმას იქვე - კალანჩხაში, ხოლო ტარომომტვრეულ ღეროებს გვერდზე, ცაკლე აწყობდა.

ბებერმა კარების ჭრიალზე ზევით აიხედა და თვალებს არ დაუჯერა. ბოლოს დააკვირდა და იცნო შავად გახუხული ბიჭი.

- აი, შე მიწადასაყრელო, შენა! აქაც შემოჰყე? ახლა ეს გინდა, მოინადირო? ვახტანგმა ახლალა შეამჩნია იქვე ჩაცუცქელი ციცა, რომელიც ნატკენ ფეხს ილოკავდა. ამას გაუეცივარო, - გაიფიქრა ბიჭმა, ყურადღება არ მიაქცია ბებიას ჯავრობას და უთხრა:

- ნიკომ გამომგზავნა, ბებო, ქამრები რომ მოვიტანე წელან შინ, ბებიაჩემი გამოგატანს და წამოიღეო.

- ქამრებიო? ქამრები კი არა, სახრითა ხარ ასაჭრელელებელი. აბა, მანდ დამიცადე! ვახტანგმა არ დაუცადა.

ყოჩალი გამოდგა ბებერი. ჯოხი მოიქნია და კარებში გავარდნილს შიგ კანტებში მონარტყა.

ეტკინა „მიწადასაყრელს“ ფეხი. სურდა, არ შეემჩნია, მაგრამ თავი ვერ შეიკავა და აყვირდა.

- აი, შე, ბებრიკანჭავ! აი, შე საფრთხობელავ! აი, შე კატების მამიდავ! დამაცადე, თუ ცოცხალი გავუშვა ეგეც. კატის გულისთვისა მცემ, შე ბებერო, შენა? დამაცადე! მაგრამ ბებერმა არ დააცადა. უკან მიჰყვა და სანამ სიბნელეში არ დაეკარგა, მანამ არ მოეშვა.

- ეგრე ვუბამ შენისთანებს! აბა, რა გეგონა, შეგარჩენდი იმის მოკვლას? კიდეც რომ მოდის და უსირცხვილო პირით მელაპარაკება... ქამრებიო! მეხი კი დაგეცეს მაგ თავზე, რაც მე შენ ქამარი არ ჩავიგდო ხელში! ახლა იმით გინდა ჩამომიკიდო ეს კატაც?

ქვედა სართულიდან გარეთ გავარდნილი ვახტანგი შორს არსად წასულა. იქვე ბაღჩაში შევიდა და მოფიქრება დაიწყო, როგორ ეგდო ქამრები ხელში. ახლა უკვე საეჭვო არ იყო: ნიკომ ქამრები თავის ბებიას ჩააბარა და უთხრა, არავეისთვის არ მიეცა, ვინც უნდა მოსულიყო.

ბიჭმა იფიქრა, იფიქრა და ბოლოს დაასკვნა, რაკი კარებიდან ვერ შევიდა, ფანჯრიდან უნდა გადაპარულიყო. მოუარა სახლს უკანიდან და ფანჯარას აშხედა, მინაჩაუსმელი ჩარჩოებიდან სინათლე სცემდა. მაგრამ როგორ უნდა ავიდეს, სანამ ბებერი თავისი ჯოხით შიგა ზის? იცი რა, ჯობია გაიხადოს ფეხთ, მერე სულ ადვილად აცოცდება კედელზე, ჩარჩოსთან ჩამოჯდება და დაუცდის, სანამ ბებერი გარეთ არ გამოვა.

ეს გეგმა ძალიან მოეწონა სნაიპერს და მაშინვე ფეხთ გაიხადა.

დიდხანს იჯდა ვახტანგი ჩარჩოსთან, მაგრამ „ბერიკანჭა“, ალბათ, მთელ ღამეს აპირებდა სიმინდის რჩევას.

ბიჭს გული გადაეღია. ძირს ჩამოსვლაც კი დააპირა, რომ უცებ ბებერმა აინია, კაბის კალთა გადაიბლერტა და გარეთ გავიდა. ვახტანგსაც ეს უნდოდა. ხოჭოსავით გაძვრა ფანჯრის ჩარჩოში, ჩახტა ოთახში, განცვიფრებულ კატას ერთი კარგი ნიხლი უჭირა, იქვე ნაგდები ტარმოტეხილი ორთითი აიღო და ქამრების ძებნას შეუდგა. სად არ აფათურა ხელი, სად არ ჩაყო ცხვირი, მაგრამ ქამრები „მინამ ჩაყლაპა“.

ალბათ, კიდევ კარგა ხანს ისუნსულებდა ვახტანგი კუთხეებში, გარედან ხმაური რომ არ შემოსმოდა. გაიხედა ბიჭმა და კიდევ კარგი, რომ გაიხედა: უკან შემობრუნებული ბებერი მარნის კარებისაკენ მოდიოდა. ახლა უნდოდა სნაიპერს რამის მოფიქრება, თორემ გაება და ეგ იყო. კარებში ვერ გავარდებოდა, - ბებერი წინ შეეჩხებოდა, ფანჯრიდან კი ვერ მოასწრებდა, რადგან წამოეწეოდნენ და ზურგს გაუხურებდნენ.

ბიჭი უცებ შემობრუნდა და ორთითიანად დარჩეულ ფუჩეჩებში შეძვრა.

ბებერი ქაქანით შემოვიდა მარანში და კარები მჭიდროდ მიხურა.

- სად ეშმაკებში დაიკარგა ის ბიჭი, რომ ჯერ არ მოსულა შინ? დასწყევლოს ღმერთმა, რას დაეხეტება ამ შუალამისას? ახლა ყვავმაც კი იცის თავის ბუდე. მამამაგისია და, ბრიგადირია, დედამაგისია და, მერგოლური. ეგ ვისლა ემსგავსება, ქაა? წინათ არა უშავდა რა, კარგად სწავლობდა. ახლა მასწავლებლები ემდურებიან. არა, უნდა ვუთხრა მაგის მამას, თორემ მთლად ხელიდან წავა. გავონილა, ქა, მე მგონია, რომ შინ წიგნს უზის, ის კი სადღაც ეშმაკებშია დაკარგული. ტახტზე მარტო გოგოსლა სძინავს და ისიც გაუხდელი მიწოლილა.

ბებერი ისევ მონდომებით შეუდგა სიმინდის რჩევას და აზრად არ მოსვლია, რომ იქვე მისი კატის ჯალათი იჯდა და ზევიდან ყოველი გარჩეული ღეროს დადებამე უსიამოვნოდ იშმუშნებოდა.

დიდხანს იყო გატრუნული ბიჭი. ბებერი კი არც აპირებდა დაძვრას ადგილიდან.

მოსწყინდა სნაიპერს, თანაც საშიში იყო: ვინ იცის, იქნებ ნიკოც მოვიდეს და მოინადინოს ამ ფუჩეჩის კუთხეში დაყრა. მაშინ რაღას აპირებს მრელაშვილი? ხომ თვითონვე ჩაუვარდება მტერს ხელში! არა, არა, ახლავე უნდა გავიდეს გარეთ, თორემ ცუდ დღეს დაანევენ, თუ აქ მოატანეს. მაგრამ როგორ გავიდეს, როდესაც კარები ისე მჭიდროდ არის მიხურული, რომ სანამ იქამდე მივა, მანამ გონზე მოსული ბებია ჯოხს გაახურებს? ფანჯრიდან კი უფრო სახიფათოა - ვერ გადაასწრებს. ისევ ეშმაკობა ჯობია.

უეცრად ბებერმა დაინახა რომ დარჩეული ფუჩეჩი შრიალით და ჩუჩუნით აინია, აინია ზევით, ასცილდა ბებრის სიმალლეს. მერე ისევ დაინია, დაინია და თავის დონეზე დაჯდა.

ბებერმა სიმინდის რჩევას თავი მიანება და თვალეზად იქცა.

- ე რაღა ემართება ამ ფუჩეჩს, ქა?

კარგა ხანს აცალა, როდესაც აღარ განმეორდა, მომეჩვენაო, დაასკვნა და ისევ სიმინდს დაუნყო რჩევა. მაგრამ დაადლო თუ არა ზემოდან გარჩეული ღერო, ფუჩჩის გროვამ ისევ დაინყო აწევა, კვლავ ასცდა ბებრის თავს და მერე ისევ ძირს დაინყო შარიმურით დაშვება.

ბებერი გაშტერდა, დაიბნა, შიშმა დაუპრანჭა სახე. როდესაც ფუჩჩი ისევ აინია და იქიდან ორი რქაც ამოეჩარა, გულგახეთქილი წამოვარდა ფეხზე: „მიშველეთ, ეშმაკი!“ - ივივლა, მისი ასაკისათვის მოულოდნელი სიმკვირცხლით ეტაკა კარებს, როგორც იყო გააღო და გარეთ გავარდა.

სნაიპერი სწრაფად გამოძვრა ფუჩჩიდან, გადაადგო ორთითის ნატეხი, აცოცდა კედელზე და გადაძვრა ფანჯრის ჩარჩოში. ბაღში ჩამხტარმა მოძებნა თავისი ფეხსაცმელი, წამოიყვანა ფეხზე, გავარდა გზაზე და პირდაპირ ბუჩუკურთელის სახლისკენ მოუსვა...

ვენახში

გულდადუღებული მიუყვებოდა ნიკო ორლობეს.

ეს რა უქნეს, იმ ცილა-მტკაველა თაღლითებმა განთქმულ ფეხბურთელსა და თავმომწონე ბიჭს? როგორ დაქანჩეს, გაქსუებული კამეჩივით დაიჭირეს და დააბეს! საოცარია, თვითონ ის სანდროს გასატყუებელ შევიდა ბაღში, სანდრო, როგორც ეტყობა, ზალიკოს „ჭკუის სასწავლებლად“, მაგრამ ის დანარჩენი არგასაზრდელები საიდანღა გაჩნდნენ ეგრე მოულოდნელად? ეშმაკები არიან, ქაჯები თუ ჭინკები? პირიქ რომ შეკრული აქვთ!

არა, ნიკო ამ შერცხვენას არ შეარჩენს იმ ლაწირაკებს, ჩაიგდებს ხელში და ცხვირიდან სულ ძმარს ადენს.

ბიჭმა ორლობე გაიარა, აუყვა ლაცაბიძიანთ აკაცების კედელს, გადაჭრა ბურღულაურისაკენ მიმავალი საურმე და თავიანთ ვენახში შევიდა. მინის სიგრილეს ყურადღება არ მიაქცია, ბლის ძირას წამოწვა.

ღამე უკვე დაშვებულიყო, ცა ღრუბლების ხმირ ნათლეთებს დაეფარა, ღრუბელთა შუა მეთიჩარა ვარსკვლავები იწყებდნენ.

ისმოდა ძაღლების შორეული ყეფა, ღვინის ქარხანაში ყურძნის მზიდავი მანქანების გუგუნი და მეურმეთა კანტიკუნტი შეძახილები.

ნიკო კარგა ხანს იყო გარინდებული და ვერც კი გრძნობდა ცნოსვის გამაღიზიანებელ და დამათრობელ სურნელს. მისდევდა თავის საფიქრალს და მხოლოდ მაშინ გამოერკვა, როდესაც ვენახის სიჩუმეში ფრთხილი ფეხის ხმა გაისმა.

ნიკომ ყური ცქვითა, გაილურსა, ვინ არის ან რა უნდა ღამით ვენახში?

ბიჭი ბაღს აეკრა.

სულ ახლოს გაისმა სვლეშა და ტუჩების წკლაპუნი.

ახლა მიხვდა ნიკო, რომ ვენახში ძაღლი შემოპარულიყო და ყურძენს ჭამდა.

გუმანით მოძებნა ღობის ძირას მიყრილი ქვები, სამი თუ ოთხი მოზრდილი აარჩია, ფრთხილად აიღო, მუცლით გაცურდა უხმაუროდ და მწკრივებშუა გაიხედა.

გამჭრიახმა თვალმა ვაზებში თეთრად რაღაც დალანდა.

უცებ ფეხზე წამოხტა, მაგრად დასჭყვილა და ზედ ქვები მიაყოლა.

ალბათ, რომელიმე „ბომბმა“ მიზანს უნია, რომ ძაღლმა შეჰყეფა და ვენახის ბოლოსაკენ გაენტო.

- ქვევით წავიდა, ბახსოლიანებისა იქნება, ეგენი დგანან ქვემოთა მხარეს.

ბიჭმა მწკრივები ჩაათავა და ბახსოლიანის ეზოს მიადგა.

- გიორგი, ჰაი, გიორგი!

ყური წაუგლო.

არავინ გამოხმაურებია.

კიდევ დაიძახა.

მცირე ხნის შემდეგ კარმა გაიჭრიალა, აივანს სინათლის ზოლი დაეცა და მოაჭირს ლანდი გადმოეყუდა.

- ვინ იძახის?

ბიჭმა იცნო ხმაზე მეგობარი და გასძახა:

- მე ვარ, გიორგი, ნიკო ვარ.

- რა გინდა, ნიკო?

- რა მინდა კი არა, ეგ ძალლი დააბი, თორემ ფეხებს გავაფშეკინებ!

- რას ამბობ, რის ძალლი, რა ძალლი?

- რა ძალლი და, ანდე ეგ თქვენი ნუკლაკი.

- რას ერჩი ჩვენს ძალლს, რა გინდა, ბიჭო?

- ის მინდა, რომ დააბა და აღარ შემოვიდეს. რა არის, მართლა და მართლა, გაათილა მთელი ვენახი. რამდენჯერ უნდა ვითხრა? მომბეზრდა, ძმაო, ავიღებ თოფსა და ვხეთქავ შიგ თავში, ჰოდა, მერე ნულარ დამემდურები.

- აბა, აბა, აბა! ნუ გააფრინე. დიდი რამე, თუ ორიოდე მტევანი გასვლიპა. ეკუთვნის კიდევაყ. დაკრეფის შემდეგ ხომ გიხარიან ხოლმე შიგ შესულ ცხენ-ძროხასა და ღორებს რომ აფრთხობს.

- შენ ნუ გამიბი სარეცხის თოკივით. აი, დავკრეფთ და მერე რამდენიც უნდა იაროს, არ ვუშლი.

- მაშინ რაღა ეშმაკი უნდა? - გაიკვირვა ბახსოლიანმა, - ძალლს ახლა აქვს პირის გასველების დრო.

- პირის გასველება უნდა და, აი, ნახავ, თუ წელს არ მოვწყვეტ! - გაჯავრდა ნიკო.

- ჰო, ჰო, კარგი. ნუ ფაფხურობ ნამეტანს.

გიორგი ძირს დაეშვა.

ღერეფანში ჯაჭვი აჩხარუნდა.

- ქედან, ქედან, ქედან! ტუგრი, ტუგრი, ტუგრი!

ეტყობოდა, პატრონის ძახილზე ძალლი მივიდა, რომ გიორგი გაუნყრა.

- როგორ იძრობ საყელოს კისრიდან, შე სამგლევე, შენს თავს დააბრალებ ახლა, რომ ეგრე გიჭირებ, აბა, კიდევ წაიძრე. ახლა ეგდე აქა და ფეხი არ მოიცვალო, თორემ, გაიგე, ძია ნიკო რას გიპირებს?

- გაგაძიანიკოვებ მე შენ, მოდი ახლა აქ.

ბახსოლიანი მოჩვენებით გაჯავრდა:

- რა გინდა, შვილო, ჯერ კინალამ ძალლი მომიკალ და ახლა მე მემუქრები?

- ოი, შენი შვილის მამას რა ვუთხრა, აჰა. გადმოდგი ფეხი, საქმე მაქვს, მე არ მესხმრება.

ბახსოლიანი პირდაპირ ვენახის ღობეს მიადგა.

- რა გინდა, გადაყენებულო სარდალო?

ნიკოს ცეცხლი მოედო.

- შენღა გაკლდა და შენც აჰყევი სხვების ფეხის ხმას?

- ჰო, კარგი ერთი, გული ყელთან ნუ გაბია. რა გინდა?

- ვენახში გადმოდი.

- მანდედან მითხარი, განა ყურთ მაკლია.

- ვენახში გადმოდი, საქმე მაქვს.

ნიკომ ღობის ხერელს ჯარჯი გამოაძრო.

გიორგი შეძვრა შიგ და მეგობრები ბლის ძირას დასხდნენ.

- შენი ხმალი და ჩემი კისერი, აბა, მითხარი, რა გინდა?

- ხუმრობის გუნებაზე არა ვარ, გიორგი, გულში ცეცხლი მიკივია.

ბახსოლიანი გაოცდა:

- რატომ წელანვე არა სთქვი? გადმოხვიდოდი ეზოში, გეტა წყლითა გვაქვს სავესე.

ნიკო აიქოჩრა.

- მე ლამის ჯავრით გულზე გავსკდე და შენ მემასხრები?

- ჰო, კარგი, დაფქვი, რა მოხდა.

ნიკომ „დაფქვა“.

კარგა ხანს ისხდნენ ამის შემდეგ ორივენი ხმაამოუღებლად.

ბოლოს ბახსოლიანმა გატეხა ღუმელის ყინული.

- ბევრნი იყვნენ?

- მთელი რგოლი, თავიანთი დამქაშებით.

- ჰოდა, შენ რაღას გადაევიდე?

ნიკომ იფეთქა:

- რას მიედ-მოედები! მე გადავევიდე თუ ისინი გადამევიდნენ?

ბახსოლიანმა დაამთქნარა.

- ეს სულ ერთია, შენ გადაევიდე თუ ისინი. ხელის გასვრად არა ღირან, დაეხსენ.

- დაეხსენო? - იდაყვზე წამოწოლილი ნიკო წამოჭდა, - ნეტავი ერთი ჩემ მაგიერ შენა ყოფილიყავ მსხალზე მიბმული, მაშინ ვნახავდი, როგორი ბიჭი იქნებოდი და რას იტყოდი.

ბახსოლიანი უსიამოვნოდ შეიშმუშნა.

- აბა, სხვა რა უნდა გირჩიო? - ხელები განზე გაშალა ბახსოლიანმა, - მართლა მოეშვი, თორემ ეგენი შენ კარგ რამეს არ შეგყრიან. იმ დღესაც რომ ნახე, მაგათი რგოლის უფროსმა კინალამ მარტო ერთი წავახდინა.

- ახ, გიორგი! რად დამიჭირე მაშინ და ერთი იმისი სეირი არ გაყურებინე! მე რომ იმ დღისით კარგად „მექეფებინა“, ეგეთ რამეს ველარ გაბედავდა.

- ეგ უკვე ძველია, ახლა თქვი, რას აპირებ?

ნიკო ჩაფიქრდა.

- ეგ რაზმი როგორმე უნდა დავიბრუნო და მერე მე ვიცი.

ბახსოლიანი ფეხზე წამოვარდა.

- რაო? რაზმი უნდა დაიბრუნო მას შემდეგ, რაც სკოლაში გაგტორეს და

ვარდუაშვილი დანიშნეს შენ მაგიერ პიონერხელმძღვანელად?

ნიკო მწუხარებისა და გააფთრებისაგან დაილრიჭა.

- მაშ რა ვქნა, გიორგი? ბოლმა ყელში მანვება და ლამის დამახრჩოს. მე ეგრე

გაფუჭებული ბაღლი არ მინახავს. ვერ იქნა და ვერაფრით მოვდრიკე. ადამიანის რიდი და შიში არა აქვს. ჯერ მაშინ შემიკლა ხელში, როცა მაგათი

პიონერხელმძღვანელი ვიყავი და ახლა სულ დამაჯდა თავზე. დამაჯდა კი არა, რა მიყო მაგ ლანჩირაკმა, კაცო, რა მიყო. ვაიმე! ერთი ახლა მომცა ხელში აქა და შუაზე

გავვლექავ.

- რაც მოგივა, დავითაო, ყველა შენი თავითაო. რაც მართალია, მართალია, არა

ტყუოდნენ, როცა ეგ რაზმი წაგართვეს.

ნიკოს ცეცხლი მოედო.

- რატომ არა ტყუოდნენ, ქარიყლაპიავ, განა მთელი წელი მე არა ვცდილობდი, რომ კაცებად მექცია? განა სულ ჭკუას არ ვარიგებდი?

- მუშტითა და სილით ჭკუის დარიგება მე არ გამიგია, ძმაო.

- მაშ, რა უნდა მექნა, როცა სიტყვით ვერა შევაგნებინე რა?

- ცემით ვირსა სცემენ.

- როცა არათფერი ესმით, მაშ, ვირები არ არიან?
- ვირები ისინი კი არა, ვირი შენა ხარ, რომ დაგაბეს და თივაც არ დაგიყარეს. ეგრეა, ძმაო, ნუ უთხარი სხვას ორმოს, თორემ თვითონვე ჩავარდებიო. რა გინდოდა, რაზე შეეხირე იმ ბაღში?
- როგორ თუ რაზე? - უარესად მოიკიდა ცეცხლი ნიკომ. - მაშ, შემერჩინა მაშინდელი მასხარად ავლება? ჯერ დედამინას არ ასცილებია და ჩხუბში მიწვევს: ნუ იჭერთ, გამოუშვითო. მოსაკლაფი ხარ, რომ მაშინ არ გამიშვი.
- გიორგიმ გაიცინა.
- ბიჭო, მადლობის მაგიერია? რომ გამეშვი, ხომ გაგნიჭნიდნენ ის რჯულზე ხელალებულები? ჩვენს ბიჭებს მაგის მეტი სერი კი არ უნდოდათ. ვერა ნახე, როგორ იდგნენ და იღრიჭებოდნენ.
- ბახსოლიანი გაცურდა, ხელის ცეცებით შეარჩია მახლობელ ვაზზე მტევნები, მონყვიტა და ერთი ნიკოს გაუნოდა.
- ჭამე, ბრაზი გაგინელდება.
- ნიკომ აარიდა.
- არ მინდა, დამანებე თავი.
- კი მაგრამ, ამ ყურძენს რაზე აჭკობთ ზედა, რატომ არა კრეფთ?
- ახლა მაგაზე მადარდე კიდევ.
- რატომ არ უნდა იდარდო, ძმაო? მაშინ ჩვენ რაღას გვერჩი? დაკრიფე და მოაშორე. ძალი არის, შიშით ვერ ამიშვია, ქათმებია და მთელ დღეს დამწყვდეულები გვყავს. დედაჩემი ამბობს, კვერცხს აღარა სდებენო. ქათამმა რა კვერცხი უნდა დადოს, თუ სუფთა ჰაერზე არ გაიარ-გამოიარა, ნავაზი არ გაქეცა და ფრთა-მხარი არ გაიშალა?
- როგორ, შენმა ქათამმა უეჭველად ჩემს ვენახში უნდა გამალოს ფრთა-მხარი? გავიდნენ რიყის მხარეს.
- რიყისკენ არ მიდიან, ბიჭო, რადგან აქ ყურძენი ეგულებათ. მაინც, რატომ არა კრეფთ, ხომ ფუჭდება ყურძენი?
- რა ვიცი, აბა, შინაური საქმე სულ ჩემზე და ბებიაჩემზეა მიგდებული.
- ჰოდა, შე დალოცვილო, შენც ადექი და დაკრიფე. ხალხი არა ვართ? ვუთხრათ ჩვენს ბიჭებს და მოგეშველებით. არც გოგოები იტყვიან უარს. კვირას მივესიოთ და ერთ დღეს სულ ბღღვირს გავადენთ.
- მაგაში კი დარწმუნებული ვარ, მართლა ბღღვირს გაადენენ. ველარც გადავურჩები მამაჩემს.
- აბა, მაშ, როდემდის უნდა იყოს დასაკრეფი.
- შენ მაგაზე ნუ კი წუხხარ, შენ ის მითხარი, როგორ უნდა მოვეუარო ამ საქმეს. სანამ მე იმ ცინგლიანებს არ გავასილაქებ, მანამ ვერ მოვისვენებ. ისევ ეგ რაზმი უნდა ჩავიგდო ხელში, თორემ ისე არათფერი გამომივა. მივალ და ვეტყვი გივის, რომ თვითონვე აიღოს ხელი. გუნდიდან გავაგდებ, თუ უარი თქვა.
- ვერ გააგდებ, გუნდი შენი კი არა, სკოლისაა. შენ მხოლოდ კაპიტანი ხარ. ეგეც არ იყოს, გინდა გააგდო, მაგისთანა გარემარბს ვერც იშოვი.
- არც მინდა, უმაგისოდაც იოლას ნავალთ.
- ბახოლიანი ჩაფიქრდა.
- თვითონ უარს არ იტყვის, ვერც ძალით ააღებინებ ხელს. ჩხუბს კი არ გირჩევ. ეჰ, შე ჩერჩეუტ-ნიკო, თუ ფლაფი გინდოდა, ქვაბს უნდა გაფრთხილებოდი. ახლა წადი და ირიკავე. განა რამდენი ხანია, რაც პიონერხელმძღვანელად დანიშნეს, და უკვე თელავში ჰყავდა მთელი რაზმი. მუზეუმი დაათვალიერებინა, ერეკლეს ციხე აჩვენა

და „ბატონისწყალზედაც“ კი ჩაიყვანა. ახლა მომავალ კვირისთვის ძველი შუამთის ჩვენებას აპირებს და იქიდან ბაში-აჩუკის გამოქვაბულშიც უნდა აიყვანოს.

- ზღაპარია, - ღვარძლიანად წაილაპარაკა ნიკომ. - მარტო ყბედობს. ეგ წმინდა შიოს კლდეზედაც აპირებდა თურდოს გამოქვაბულში ასვლას, მაგრამ ვერ ავიდა, ჯერ არც არავინ ასულა. ხალხს ეშინია და ნურც შენა გგონია ეგ შენი გივი ეგრე გულადი.

ნარუსლიანთ საბამ უთხრა, ეშმაკებით არის საესეო, და მაგანაც დაიჭერა.

- ნუ სტყუი, ნიკო, აბა, რა სისულელეა ამოდენა კაცისაგან საბა პაპას ნათქვამის დაჯერება? სწორედ ის არწმუნებდა: პაპავ, იქ ეშმაკები კი არა, ჩვენი წინაპრები ცხოვრობდნენ შიშინობის დროსო, - უცებ გიორგიმ გადაიხარხარა, - მართლა, გროზნი, თურმე, დღეს ჰყვებოდა კანტორის ეზოში: ფერისცვალების საყდრიდან ეშმაკები გამოვიდნენ და კელაპტრებით და სანთლებით მომესალმნენო.

ნიკომ არ დაიჭერა.

- აი, ჰკითხე დედაჩემს.

- მაგან თუ ერთი დალია, მერე მორჩა, ეშმაკები კი არა, იქნება ისიცა თქვას:

კიკაბაურებზე კოლეუმბი მოდიოდა „ზიმითო“.

ვილაცამ თუ რალაცამ ვენახის ღობეს სირბილით ჩაუარა და რიყისკენ დაეშვა.

- რა იყო?

- ეშმაკმა იცის მაგისი თავი, ვილაცამ გაირბინა.

- ჯანდაბას იქით წასულა. რა მესაქმება? მე იმას გეუბნები, რომ ის რაზმი ისევ მე უნდა ჩავიგდო ხელში.

- მეც იმას გეუბნები, რომ მაგაზე ფიქრს ქუდი მოუხადე. დალოცვილო, შენ ბურთს გადაჰყევი და სწავლაც დაივიწყე და რაზმიც. ვინ შეგარჩენდა?

- გიორგი, ერთი რამ მოვიფიქრე: როცა ეგ რაზმს წაიყვანს, ჩვენც უნდა წავიდეთ.

- ჩემი თავი შენ გენაცვალოს! მაინც ვაპირებდი და, თუ შენც წამოხვალ, მაგას რა სჯობია?

- არა, გიორგი, ვერ გამიგე, მე და შენ ცალკე უნდა წავიდეთ.

- რატომ ცალკე?

- ვარდისუბნის თავზე უნდა გადავიაროთ და მეორე მხრიდან უნდა ავასწროთ გივისა და მის რაზმს.

- რატომ უნდა ავასწროთ და ან იმ უგზოზე რად გვინდა ხეტიალი?

- ყური დამიგდე: უნდა ავასწროთ და, როცა ისინი ამოსვლას დაიწყებენ, ჩვენ ქვები უნდა დავაგოროთ.

გიორგი შეხტა.

- გაგიჟდი, ნიკო? რის ქვები, რა ქვები! ხომ დაეჯახა ვინმეს და მოკლა! არა, ძმაო, მე ვერ წამოვალ.

- დამაცა, მათქმევიინე.

- არა-მეთქი, და არც შენ გირჩევ, სიგიჟეა, რას ფიქრობ, რომ მოხვდეს ვინმეს?

- სულელო, დამაცა, ვითხრა. მართლა გიჟი ნუ გგონივარ. პატარა ქვებს დავაგორებთ, ისე, რომ დიდი არათფერი ავნოს ვინმეს. ერთ-ორ ბავშვს შეიძლება კოპიტი დააჯდეს თავზე, ერთ-ორს შეიძლება ხელი ატკინოს.

- მერე, გივის რა, ბაღლებს რომ რამე ატკინო?

- სულელო, გივის ისა, რომ გალანძღავენ და რაზმს წაართმევენ. ნუთუ აქამდის ვერ მიხვდი?

- არ ივარგებს, დაანებე თავი, რამე სხვა მოვიგონოთ, ასეთ ხუმრობაზე არც იფიქრო.

ახლა უკვე ძილის დროც არის. მე წავედი და მეორედ ასეთი რამ თავში არ

გააჭაჭანო.

გულაღრენილი ნიკო კარგა ხანს უგდებდა ყურს ფეხის ხმას და როცა მიწყდა, გაბრაზებით წაიბურღლუნა:

- არ წამოხვალ და მე წავალ.

ადგა, ლობეში გასაძრომს ჯარჯი ისევ გაუკეთა და შინისაკენ გასწია.

აივანზე ავიდა და ძლიერ გაოცდა, ოთახის კარი ჩაკეტილი რომ დაუხვდა.

შიგნიდანაც ბაიბური არ ისმოდა.

მიაწვა, - არ გაიღო.

- წავიდნენ სადმე თუ გადაშენდნენ ერთიანად, რა დაემართათ?

კიდევ მიაწვა კარს და ააჭრიალა.

ახლა კი გარკვევით გაიგონა შიგნით ჩურჩული.

- ღმერთო მიშველე და შენ დამიფარე მავნე სულისაგან.

ნიკომ ხმაზე ბებია იცნო და გაბრაზდა.

- რას ჩავიკვეტავთ კარები, ვინ გივარდებათ სახლში?

შიგნით წაიკნაველეს:

- ნიკო, შენა ხარ?

- მე ვარ, მაშ, ვინ ჯანდაბაა, გააღე კარები.

კიდევ რამდენიმე წუთი გავიდა.

ნიკომ რომ დაატყო, არ აღებდნენ, აყვირდა და უფრო შეანჯღრია კარი.

- რა დაგემართა, ბებო, გააღე კარები.

მცირე ხნის შემდეგ ისევ მოისმა შიგნიდან:

- მართლა შენა ხარ, ბიჭო?

- მე ვარ, კაცო, მაშ, ვინა ვარ. რა დაგემართათ, გააღეთ კარი.

კიდევ გავიდა ორიოდე წუთი და მოისმა იატაკზე ფლოსტების ფლასუნი.

ვიღაც გაჩერდა კართან და კიდევ ჰკითხა:

- ნიკო ხარ, შვილო?

ნიკო გაგიჟდა.

- ეს ხალხი გადამრევს ამ საღამოს. მე ვარ, მაშ, ვინ დარღუბაა! გააღე, კაცო, კარი!

და როცა დაატყო, არ აღებდნენ, ჯიბიდან დანა ამოიღო, ერთი პირი გახსნა, კარებში შეყო და რაზას ამოჰკრა.

კარი გაიღო და ნიკო ბნელ ოთახში შევიდა.

გაისმა ბებრის კვილი და ნიკომ ნათურის ღილიც გადაატრიალა. ოთახი სინათლემ

გაჩირაღდნა და ნიკოს გაოცებისაგან კინალამ თვალები წამოუცვივდა:

ბებიას მიძინებული ციალა აეხუტებინა მკერდზე, კარადასთან მიკუნჭულიყო და

ბებრული სახე შიშისაგან უარესად დაპრანჭვოდა.

კარგა ხანს იყო ასე ბებერი. მერე, როცა დარწმუნდა, რომ შემოსული ნამდვილად

მისი შვილიშვილი იყო, გამოღვიძებული ბავშვი როგორც იყო სანოლზე დაანვინა და თვითონაც იქვე ჩაიკვცა.

ნიკო მივარდა, ფეხზე წამოაყენა.

- რა იყო, ბებო, რა დაგემართა ან ჩვენები სად არიან?

- ისევ დაკეტე კარები, შვილო. მარანში ეშმაკია.

ნიკომ ახლა კი პირი დააღო.

- რაო, ბებო, რა სთქვი?

- მარანში ეშმაკია, შვილო, - ძლივს ამოღერდა ბებერმა.

ნიკომ კედლიდან ხანჯალი ჩამოიღო, ჯიბის ფარანი აიღო და მარანში ჩავიდა.

ვარცლი თავის ადგილზე იდგა.

ორომიც იქვე ეყუდა.

კედელთან ძველი სანახელი იდო და შიგ სიმინდი მოჩანდა.

კალანჩხაში ეყარა ღინკლა ტაროები.

მეორე კედელთან ყოველგვარი ზომის ქილები ჩვეულებრივ მწკრივად ელაგა.

გაურჩეველი სიმინდის კონები წყობად ეწყო.

მხოლოდ დარჩეული ფუჩეჩი იყო არეული და იქვე ორთითის ნატეხი ეგდო.

ემმაკი არსად ჩანდა.

ნიკომ ორთითის ნატეხი ხელში აიღო, მცირე ხანს ატრიალა, მერე კუთხისკენ

ისროლა და გაოცებისაგან ხელები განზე გაშალა.

- ღღეს ან ეს ხალხია გადარეული და ან მე აღარა ვარ ჩემს ჭკუაზე.

ლენა

სანდროს ლენა იასამნების ქვეშ დაუხვდა.

გოგო გაკვეთილებს ამზადებდა.

ბიჭმა გაიკვირვა:

- გაკვეთილებს ხვალ ვერ დაამზადებ?

- როგორ, ხვალ შენ არ მიდიხარ სიმინდის სამტვრევად?

- მე კი მივდივარ, მაგრამ გოგოებს რაღა გინდათ იქ?

- შენ, სანდრო, რატომ უყურებ გოგოებს ასე ათვალწუნებით? შენ რატომ...

- კარგი, კარგი, ლენა, წამოდი, ისე... შენ, საერთოდ, ყოჩალი გოგო ხარ... ჩემს

რგოლშიც იმიტომ დაგტოვე.

- როგორ თუ დამტოვე? მეც გარიცხვას მიპირებდი?

- არა, გარიცხვას კი არა, ისე... უნდა მეთხოვა, დალის რგოლში გადასულიყავი.

ადგილს გაუცვლიდი სნაიპერს.

- ვინ სნაიპერს?

- ვახტანგ მრელაშვილს.

- შენ გინდა, რომ მე იმ რგოლში გადავიდე, სანდრო?

- არა, მე მინდოდა შენთვის მეთხოვა, ლენა.

ფეხზე წამომხტარი გოგო ძალიან ნაწყენი დაჯდა, იასამანს ერთი ტოტი წაატეხა და ფოთლებს გლეჯა დაუნყო. მერე წარბმეყარილმა შეხედა და თითქმის ჩურჩულით უთხრა:

- კარგი, წავალ შენი რგოლიდან.

- აი, ლენა, ხომ გითხარი, კარგი გოგო ხარ-მეთქი? ახლა კი ნამდვილი გუნდი

მეყოლება, თუ ლილიც დავითანხმე.

გოგომ ყური ცქციტა.

- რა გუნდი გეყოლება?

- ფეხბურთის გუნდი. მარტო ჩემი რგოლი იქნება... და სულ ერთია, გინდა

ბუჩუკურთელის რგოლი დაუძახე, გინდა ბუჩუკურთელის გუნდი.

გოგომ წიგნი დაკეცა, იდაყვები დააყრდნო ზედ და მუშტები ლოყებზე შემოიწყო.

- მერე, გაკვეთილები?

- შენ არ შეგიმჩნევია, რომ ახლა უფრო ხშირად ვიცი ხოლმე გაკვეთილები?

- შევამჩნიე... მერე რა?

- მერე ისა, რომ არ მინდა ვინმემ თქვას, ნიკოსავით ბურთს გადაჰყვა და

გაკვეთილებს აღარ ამზადებსო. ჩვენი ბიჭები ახლა უფრო კარგად მეცადინეობენ.

ერთმანეთს ვეხმარებით, არითმეტიკაში სოსოსთან ვმეცადინეობ, გეოგრაფიას კი

ეფრემას ბიჭს მე თავად ვასწავლი... იცი, რა მოვიგონე ახლა, ლენა?

- რა მოიგონე?

- ის მოვიგონე, რომ სანამ მინდორში ბურთის თამაშს დავეინწყებდეთ, მანამდე დავსხამ ბიჭებს და მეორე დღის ვაკვეთილს ვაყოლებინებ... თუ არ იციან, სანამ სიტყვას არ მომცემენ, რომ ისწავლიან, თამაშს არ ვინცებ.

- ოჰო! - გაიკვირვა გოგომ, - ხშირად თამაშობთ?

- ხშირად.

- მაშ, რატომ „ხშირად“ არ იციან ვაკვეთილები შენი რგოლის წევრებმა?

- ჯერ არ მიჩვეულან, ლენა. აი, მიეჩვევიან და ნახავ, როგორი ბიჭები იქნებიან. ახლა უფრო უკეთ სწავლობენ, რადგან იმ კაცს ბურთს არ ვაკარებ, ვინც გამოკითხვისას არა მპასუხობს კარგად.

- შენ ყოველთვის იცი ვაკვეთილი?

- არა. - სტუმარმა გვიან გასცა პასუხი.

- როცა ვაკვეთილი არ იცი, მაშინ მაინც თამაშობ ბურთს?

- ვთამაშობ.

- რატომ თამაშობ ხოლმე შენ მაშინ, როცა სხვებმა თუ არ იციან, არ ათამაშებ?

- როგორ? - დაიბნა ბიჭი, - მე კაპიტანი ვარ და უნდა ვითამაშო.

გოგო ჩაფიქრდა, მერე თავი ასწია და სანდროს თვალებში ჩახედა.

- აი რა, სანდრო... მე ხშირად გამიგონია ჩვენი გოგო-ბიჭებისა და უფროსებისაგან, რომ შენ ყოჩალი და კარგი ბიჭი ხარ.

ბიჭს ეამა ქათინაური და კისერი მოიმამლაყინა.

გოგომ განაგრძო:

- შენ გინდა, რომ შენი რგოლი სანიმუშო იყოს, ყველა კარგად სწავლობდეს, გამბედავები და კარგი ფეხბურთელები იყვნენ?

- მინდა, რა თქმა უნდა, მინდა.

- პატიოსნები და სამართლიანები იყვნენ.

- ჰო, აბა რა!

- მაშინ, სანდრო, პირველ რიგში შენ უნდა იყო პატიოსანი და სამართლიანი?!

- როგორ! - შეხტა ბიჭი და აიმრიბა. - მე არა ვარ სამართლიანი?!

- არა.

- რატომ?

- აი, რატომ, სანდრო: შენ როდესაც ვაკვეთილი არ იცი, ბურთს მაინც თამაშობ, ხოლო სხვებმა თუ არ იციან, არ ათამაშებ.

- მერე რა, მე კაპიტანი ვარ.

- კაპიტანი რა შუაშია, სანდრო. თუ გინდა, რომ სხვებმა გაგიგონონ და დაგიჯერონ, შენს თავსაც ისე მოექცევი, როგორც სხვებს ექცევი, როცა ვაკვეთილი არ იციან... აბა, რამდენიმეჯერ სცადე, სანდრო, და ნახე, როგორი კარგი იქნება.

ბიჭი გაოცებით მიაჩერდა მასპინძელს. კარგა ხანს ისე უცქირა, თითქოს ამ გოგოს პირველად ხედავსო. მერე იასამნებს იქით გაიხედა.

- შენ მართალი ხარ, ლენა... ვეცდები ისე გავაკეთო, როგორც შენ მირჩიე...

მხოლოდ... აი, ლილის უთხარი, ზიზის რგოლში გადავიდეს... სთხოვე, მე არ დამიჯერებს, აყვირდება, ქვეყანას შემეყრის. შენ კარგი გოგო ხარ... ან პაპაშენს უთხარი. ძალიან უყვარს ლილის პაპაშენი. იმას გაუგონებს. მართლა, სად არის პაპაშენი, რამდენი ხანია, თვალი არ მომიკრავს.

- აკადემიაშია, - ლენა უცებ გამოცოცხლდა და გადაიკისკისა. - იცი, სანდრო, პაპაჩემს ფერისცვალების საყდრიდან გამოცვივნილი ეშმაკები უნახავს. გაგიგია ასეთი რამე? სტუმარი პასუხზე შეყოყმანდა. მან კარგად იცოდა, რომ სოფელში გროზნამ დაარხია ეს ხმა, მაგრამ მაინც იხტიბარი არ გაიტეხა.

- ტყუილია, ლენა. იქ არავითარი ეშმაკები არ ყოფილან.
სანდრომ სიფრთხილით აქეთ-იქით მიმოიხედა და მაგიდაზე მასპინძლისკენ ჩურჩულით გადაიხარა.

- ის ეშმაკები ჩვენ ვიყავით.
გოგომ გაოცებისაგან უკან დაინია.

- როგორ თუ თქვენ?
- ღამე წავედით. გვირაბში გვინდოდა ჩასვლა, მაგრამ სახურავს კლიტე აღევს და ვერ გავაღეთ.

- იმ ბნელ გვირაბში გინდოდათ ჩასვლა?
- ჰო, გასანათებლად სანთლები წავიღეთ.

- აჰ! - წამოიძახა გოგომ, - პაპაჩემმაც ასე თქვა, სანთლები ეჭირათო. მერე რატომღა გამოცვივდით ისე სწრაფად გარეთ?
- მელანა ბებოს ძროხას მგელი ჭამდა.

- მგელი?
- ჰო, მგელი.

- ნამდვილი მგელი?
- ნამდვილი, აბა, მაღაზიაში ნაყიდი?..

- მერე, სანდრო? - გოგო წინ გადმოიხარა.

- გადავარჩინეთ.
- როგორ, თქვენ გადაარჩინეთ მელანა ბებოს ძროხა?
- ჩვენ ვიყავით.

გოგოს თვალები უბრწყინავდა.

- როგორ გადაარჩინეთ, მგლისა არ შეგეშინდათ?
ბიჭი ამაცად გაიმართა წელში.

- ჩვენ მშიშრები არ ვახლავართ. სულ ვეფხვებივით ბიჭები ვიყავით, ერთი მგელი რას გვიზამდა? მოვკალით და გავატყავთ კიდევაც.

გოგო აკისკისდა.

- მოჰკალით და გაატყავთ კიდევაც?
- მოვკალით და გავატყავთ კიდევაც.

- არა სტყუი, სანდრო?
ბიჭი წამოდგა და უკმეხად გადახედა მასპინძელს.

- გამოდის, რომ შენთან არც ღირს ლაპარაკი.
გოგო წამოხტა და ხვეწნით ისევ დასვა სკამზე.

- მოიცა, სანდრო, მე ხომ იცი... თითქოს არა მჯერა.
- არა გჯერა და ნუ გჯერა. არავინ გეხვეწება, დაიჯერეო... აი, თუ ჩემთან მოხვალ, გაჩვენებ ტყავს. სხვენში მაქვს. გავჭიმე და, რადგან ბევრი მარილი ვერ ვიშოვე, ნაცარი წავაყარე.

- მართლა მოვიდე, სანდრო?
ბიჭი ცოტა ხანს შეყოყმანდა. მერე გაახსენდა აქ მოსვლის მიზანიც, და დათანხმდა.

- მოდი, მხოლოდ არავის უთხრა.
- არ ვეტყვი.
- დაიფიცე.
- მამა მომიკვდეს.
- კარგი, როცა გინდა, მოდი და გაჩვენებ. - სტუმარი ერთხანს დაფიქრდა, მერე ლენას ტკბილი ხმით ჰკითხა:

- ის გვირაბი არ გინახავს, ლენა?
- არა.
- არც გინდა ნახო?
- როგორ არ მინდა, მინდა, მაგრამ ჰაჰა არ მიშვებს, ეშინია.
- რისი ეშინია?
- არ ვიცი.
- იქნებ იქ ჩაბუდებული ეშმაკებისა? - გაიღიმა ბიჭმა.
- არ ვიცი, შეიძლება მაგისაც.
- შენ გჯერა, რომ ეშმაკები ნამდვილად არსებობენ?
- ლენა დათვიქრდა.
- არა, სანდრო, ეშმაკები, საერთოდ, არ არსებობენ.
- არც მოვლანდებია როდისმე?
- როგორ თუ მომლანდებია?
- აი, ღამე საღამე არ გივლია?
- როგორ არა, თბილისშიც და აქაც.
- ვინმესთან არა. მარტო თუ გივლია.
- ლილისთან ვყოფილვარ ღამე და იქიდან შინ წამოვსულვარ.
- ჩვენს ხევში თუ ჩასულხარ ღამე?
- ჩავსულვარ.
- არათყერი მოგჩვენებია?
- გოგო აიბუძვა.
- არ მომჩვენებია, სანდრო, რა ეჩვენებათ ხოლმე?
- რა ვიცი, ვინც მშიშარაა, ხშირად ეჩვენება.
- შენ მოგჩვენებია, სანდრო, როდისმე?
- ერთხელ მომეჩვენა, მთაში.
- ნამდვილად, სანდრო?
- ნამდვილად, მაგრამ მერე ადამიანი გამოდგა.
- ეგ როგორ, სანდრო, ადამიანად იქცა?
- არა, ადამიანად კი არა, თვითონ იყო ადამიანი, ჩემი შეშინება უნდოდა.
- მერე არ შეგეშინდა?
- ცოტა შევფიქრიანდი, - გამოტყდა ბიჭი, - მაგრამ ჰაჰაჩემისეული დამბაჩა მქონდა გატენილი და შიგ ანთებულ თვალებში დავახალე.
- როგორ თუ ანთებულ თვალებში?
- აი, როგორ: აყუდებულის მთა არის ერთი, სადაც ჩვენი კოლექტივი ბალახს თიბავს ხოლმე. მამაჩემმა კარგი თიბვა იცის და როცა სათიბავად მიდიან, მეც მივყავარ ხოლმე... ეს შარშანდელი ამბავია... ჰოდა, იქ, დაბლა, ხევში, ერთი ცივი წყაროა, შამბიან-ბურახიანი. იქამდე ჩასასვლელი ბილიკი ხეებითაა ჩაბნელებული, წყალი იქიდან ამოაქვთ ხოლმე მთიბავეს. ერთ საღამოს ბაზერაანთ მიხა დანაძლევებია მამაჩემს: შენი ბიჭი ახლა წყაროდან წყალს ვერ ამოიტანს, შეეშინდებაო. მამაჩემმა იცის, რომ მე მშიშარა არა ვარ, კარგიო, - უთქვამს. გამგზავნეს წყალზე. ნავედი და ტყისპირა ბულულის ქვეშ დამალული ჩემი დამბაჩა გამოვიღე, ჯიბის ფარანიც გავიყოლე. მგლებს სინათლისა ეშინიათ... მიხას თურმე ჩუმად მოულაპარაკია ლაყაბიძიანთ ფარნაობთან. ჰოდა, წყალზე წასული, ტყეში რომ შევედი, უცებ ისეთი ღრენა-ღმუილი გავიგონე, კინაღამ ხეზე არ ავვარდი. გავიხედე, მოშორებით ორი ანთებული თვალი მიყურებს.
- ვაიმე! - უცებ წამოიძახა გოგომ, - მე გული გამისკდებოდა. მერე?

- მერე არაფერი, ვიძრე დამბაჩა და დავახალე.
- მოკალი? - ალტაცებით დაიძახა გოგომ.
- ვერა.
- მაშ, როგორ გადარჩი? არ გიკბინა მაინც?
- მგელი არა ყოფილა.
- ეშმაკი? - კიდევ აიბუძვა გოგო.
- არა, ლაცაბიძიანთ ფარნაოზი იყო.
- როგორ გაიგე?
- თვითონ დაიძახა: არ მომკლა, შე ქვისნატეხო, ლაცაბიძიანთ ფარნაოზი ვარო!
- მაშ, თვალეები როგორ უელავდა?
- ორი ანთებული პაპიროსი მიეტანა თვალეებთან.
- ვაიმე! რაზე მოკლავდი!
- მაშ, რაზე მოვკლავდი!.. წააგეს სანაძლეო.
- ესე იგი, ეშმაკი არ იყო.
სანდრომ გაიცინა.
- როგორც გინდა დაუძახე, ფარნაოზი ეშმაკზე ნაკლები არ არის.
გოგო კვლავ ჩაფიქრდა.
- მაშ, შენ კიდევ აპირებ წასვლას?
- ჰო, მარტო მე კი არა, მთელი რგოლი წავალთ.
- დღისით?
- არა, დღისით პაპაშენი დაგვიფრენს იქიდან. ღამე.
- ბევრი იქნებით?
- თერთმეტ-თორმეტი კაცი.
- უჰ! იცი, სანდრო... მე ვერ წამიყვანთ?
სანდრო წამოხტა, გოგოს ახედ-დახედა და ჩაიხითხითა.
- შენა? ღამე, აკადემიაში, გვირაბში!
- ჰო, სანდრო, წამოვალ.
- მერე, არ გეშინია?
- თქვენთან არ შემეშინდება, სანდრო, და, საერთოდ, არა ვარ მშიშარა.
- შეგეშინდება.
- არ შემეშინდება.
- ინანებ ლენა.
გოგო დაფიქრდა.
- არ ვინანებ.
ბიჭმა ყინჩად გაიარ-გამოიარა მაგიდის გასწვრივ, მერე გაჩერდა და ღირსებით, დიდსულოვნად დართო ნება.
- კარგი, წამოდი.
მასპინძელი სიხარულით შეხტა.
- რა კარგია, უჭკველად წამოვალ, სანდრო... როდის წახვალთ?
- აი, საქმეც ეგ არის, ლენა.
- რა არის, სანდრო?
- რა და ისა... რომ გვირაბის გასაღები არა გვაქვს და პაპაშენი ხელშიც არ გვიგდებს.
- მაშ, რა უნდა ვუყოთ? - დაღონდა გოგო.
ბიჭმა აქეთ-იქით მიიხედ-მოიხედა.

- აი, რა ლენა, უნდა მოჰპარო ჰაჰაშენს ის გასაღები.
ლენამ უკან დაიხია.
- არა, სანდრო, მე მაგას ვერ ვიზამ.
- ბიჭმა ყურები ჩამოყარა.
- „ერიჰა! მაშ, ამდენ ხანს ტყუილად ვიქაქანე? ნუთუ გასაღებს ვერ ჩავიგდებთ ხელში!.. არა, გასაღები აუცილებელია“.
- როგორც გინდა, ლენა, მე შენთვის გეუბნები, უმაგისოდ ჩვენ იქ ვერ ჩავალთ... და არც დავუარგავთ იმ გასაღებს. ისევ მოვუტანთ.
- არ შემოიძლია, სანდრო.
- რატომ? იმას რა დიდი რამე უნდა?
- მოპარვა? არა, სანდრო, ჩემს სიცოცხლეში არაფერი მომიპარავს.
- ბიჭი დალონდა.
- როგორმე სხვანაირად ჩავიდეთ, სანდრო.
- ის ერთი ჩასასვლელია, სხვა გზა არა აქვს.
- მაშ, რა ვუყოთ?
- უნდა მოვუპაროთ.
- არ შემოიძლია.
- იცი რა, ლენა, განა ეგ ქურდობა იქნება? არ იქნება, დამიჯერე. ქურდობა რომ იყოს, მე თვითონ არ გირჩევდი. გასაღებს ისევ დავიბრუნებთ, არ დავუარგავთ.
- რომ დავუარგოთ?
- არ დავუარგავთ.
- კარგი, სანდრო, ოღონდ ნუ დავუარგავთ. ძებნას დაუნყებს და ინვალებს, - როდის-როდის ამოღებდა გოგომ.
- უეჭველად წაგიყვანთ შენც, ლენა.
- კარგი, როდის წავალთ?
- გაგაგებინებთ.
- არ გამომიშვებენ, ჩუმად უნდა გამოვიპარო.
- კარგი, გამოიპარე.
- როგორ გაგაგებინებთ?
- დღისით გეტყვით, ღამე კი გოგია ჭოტივით დაიკვივლებს.
- როგორ კვიან ჭოტები?
- აი, ასე: ჭოოტ! ჭოოტ! ჭოოტ! - დაატავრა ბიჭმა, - სამჯერ დაიძახებს და გამხმარ ნეკერჩხალთან დავიცდის რიყის პირას.
- კარგი, გამოვალ.
- ახლა წავედი, ლენა, - აჩქარდა ბიჭი.
- კარგი, წადი, სანდრო. ხვალ ხომ მოხვალ სიმინდში?
- უეჭველად.
- უცებ გოგოს რალაც გაახსენდა და გაბრუნებულ ბიჭს გასძახა:
- სანდრო!
- რა გინდა, ლენა? - ბიჭი შემფოთებული მოტრიალდა, გასაღების მოპარვა ხომ არ გადაიფიქრაო.
- იცი, რა, სანდრო, - მიუახლოვდა გოგო, - შენ და ნიკომ რაზე იჩხუბეთ?
- ბიჭი შეხტა გაოცებისაგან.
- როდის, ვინ ვითხრა?
- არაფინ, ხმები დადის.

- როგორ თუ ხმები? რა ხმებია. ზალიკო გეტყოდა.

- ზალიკო არც მინახავს სალაპარაკოდ.

ბიჭი აფეთქდა.

- ჩვენი რგოლიდან თქვა ვინმემ?

- თქვენს ბიჭებს გაზით ვერ ამოაცლი ასეთ რამეზე სიტყვას.

- მაშ, ვინ მოჩმახა?

- არავინ, მე თვითონ ვიცი.

- საიდან იცი?

- ვიცი.

- სისულელეს ამბობ.

გოგომ იწყინა.

- აქ დამიცადე, ამ წუთში მოვალ.

შემცხარი ბიჭი უნებურად გაჩერდა.

ცოტა ხნის შემდეგ გოგო სახლიდან გამოვიდა და თან მთელი დასტა ქამრები გამოიტანა.

- წაიღე, სანდრო. ნიკო მე ავხსენი მსხლიდან... სამჯერ მოვიდა, მეხვეწა და არ გავატანე... წაიღე, ბალთაზე და ამომწვარ ასოებზე ვიცანი შენი ქამარი.

იღვა გახევებული ბიჭი და მზერა ხან ქამრებზე გადაჰქონდა და ხან მის მომტანზე.

მერე გოგრის თესლივით ბრტყელი და თეთრი კბილები გამოყარა გარეთ.

- აი, თურმე რატომ ვერ მოიტანა სნაიპერმა იმ ღამეს.

კარგა ხანს არათფერი უთქვამს. მერე მაღლობა გადაუხადა და გახარებულმა შინისაკენ გასწია.

გულდანწყვეტილი გამობრუნდა გოგო, მაგრამ ჯერ კიბემდე არც კი იყო მისული, რომ ისევ დაუძახეს.

ლენა გამოტრიალდა.

მობრუნებული სანდრო წინ გაუჩერდა და ერთხანს იტკეპნებოდა ადგილზე. მერე უცებ თავი ასწია, თვალებში შეხედა და ყოყმანით თქვა:

- იცი, რა ლენა, პიონერხელმძღვანელს ნულარათვერს ეტყვი დალის რგოლში შენს გადასვლაზე...

გვირაბი

ბრონეულების მხრიდან ჭოტმა სამჯერ დაიძახა.

ლენამ თავი ასწია და ოთახი მოათვალიერა. დეიდა კედლისაკენ გადაბრუნებულიყო და ისე ეძინა, ხოლო საბანქვემ არხეინად გამოტილი ჰაჰა მადიანად ხვრინავდა.

გოგომ, როგორც გოგიამ ასწავლა, ტახტიდან მუთაქა აიღო, თავის საბანქვემ ჩაღო, ფრთხილად გადაიყვანა კაბა და კარისკენ წავიდა.

ჭოტმა კვლავ სამჯერ დაიძახა.

ლენამ რაზა ასწია.

რაზამ ჩხაკუნი მოიღო.

გოგო კარებს აეკრა და გაშეშდა.

ჰაჰას ჩუჩუნი არ გაუღია, დეიდამ საბანი მჭიდროდ ამოიჭუჭუნა და კვლავ მიყურდა.

გოგო ფრთხილად გამოვიდა გარეთ.

ალმასა კუდის ქნევით მიესალმა და დაედევნა.

გოგომ ძალლი უკანვე გააბრუნა. ეზო გადაჭრა და შედგა.

მთვარის ნალევი მკრთალად ანათებდა იქაურობას.

შესცივდა. პალტო შეიკრა და ხეთა ჩრდილებს დააკვირდა - შავად დაებნელებინათ ხევში ჩასასვლელი. შეშინდა: განა სიგიჟე არ არის ახლა ძველ აკადემიაში წასვლა?

ვინ იცის, მთელი გზა და იქაურობა მგლებით არის სავსე? შინ კი თბილა და კარები ჩაკეტილია. ხომ არა სჯობია, უკან დაბრუნდეს?

ჭოტმა კიდევ სამჯერ დაიძახა.

გოგომ გამხმარი ხისკენ გაიხედა.

ხის ტანს უცებ ვიღაცა მოსწყდა და მთვარიანში გამოვიდა. გოგომ შიშისაგან უკან დაიხია და კინალამ შეჰკივლა.

- შენა ხარ, გოგი?

- გოგია არა, სამოთხის ვარდი. თუ მოდიხარ, წამოდი, რა ფეხი გაიდგი და ადგილიდან აღარ იძვრები.

- შენა ხარ, ვახტანგ?

- მე ვარ, მაშ, ვინ ეშმაკი და ქაჯია. ხმამალლა ნურათვერს ამბობ და ჩრდილში შემოდი.

ბიჭმა ხელი ჩაჰკიდა და თითქმის ძალისძალად გაიყოლია ხევისკენ.

გოგო შიშით თრთოდა და ხელის ცეცებით მიჰყვებოდა ხეივანს.

გასცდნენ დაბურულ ხეებს, ძირს ჩავიდნენ. რიყე ნაცრისფერად ქათქათებდა მკრთალ შუქზე და გოგოსაც ცოტა გულზე მოეშვა.

- გოგია რა იქნა, ვახტანგ? აკი ის უნდა მოსულიყო?

- რაო, - იწყინა მეგზურმა, - ის ჩემზე კარგად აჯავრებს ჭოტსა?

- მე არ ვიცი, ჭოტები როგორ კივიან. შენ სანდროს მსგავსად იძახი.

- სანდროს მსგავსად! სანდრომ ჩემგან ისწავლა ჭოტების დაჯავრება.

- მერე, სად არიან ისინი?

- ჯახუნაანთ კაკალქვეშ. თოკებსა და იარაღს ამოწმებენ. თვითონ არ ინებეს წამოსვლა და მე გამომგზავნეს. ჰა, რას იგრიხები, გადმოყარე ფეხები, თორემ დაგვიანდა.

- გზაზე ქვებია, ვახტანგ, ფეხებში მეღება.

- ქვები კი არ გეღება, შენ ეღები ქვებს... არა, მაშ, გოგრა არ უნდა? რა ეშმაკად მოგათრევენ იქ, კაცმა რომ თქვას.

- რა ვიცი, შემპირდნენ, წაგიყვანთო, და მეც მოვდივარ.

გროზნას ბალის თავზე გამავალ ორღობეში გავიდნენ.

- ნელა, ვახტანგ, აქ ძალიან ბნელა.

- ბნელა და, შე დალოცვილო, შინ სინათლეში ვეღარ დასჯექი?

- წინ იარე, თორემ არაფერი ჩანს.

- წინ ვიარო, შენც მზეთუნახავი მნახე, გზა გაგინათო არა, რომ აგიღია თავი და მოდიხარ, იცი, სად მივდივართ?

- როგორ არ ვიცი, ღვთაების გალავანში უნდა შევიდეთ.

- შევიდეთ! შენც ისე ამბობ, დალოცვილო, თითქოს შუადღისას მიდიოდე და წინ დაფა-ზურნა მიგიძლოდეს.

- ნუ მეჩხუბები, ვახტანგ, მე ხომ ჩემი ნებით არ მოვდივარ?

- არა, კაბის კალთები დაგახიეთ, ჩქარა წამოდიო!

- მითხრეს და მოვდივარ.

- ჰოდა, ვინც გითხრა, იმანვე გათრიოს.

გოგო შედგა გამწყრალი.

- მე არავის თრევა არა მჭირდება, თუ არ გინდოდა, რად წამოხვედი დასაძახებლად? გარდა ამისა, ვინ მოგიტანათ გვირაბის გასაღები?

- ნუ ყვირი, ლენა.

- ჩემი ნებაა და ვიყვირებ.

- ნუ ყვირი, ლენა, თორემ ბებიაჩემსა ჰქონდეს ცხონება, მე შენ უკან გაგაბრუნო.

- მე ბებიაშენთან არაფერი მესაქმება და შენთან არც მოვდივარ. მითხარი ბიჭები სად არიან, მე თვითონ მივალ.

- ჰმ! მივა! შენმა მზემ, შენც კაკო ყაჩაღის გული გაქვს, რომ ჯახუნაანთ კაკლამდე მიხვიდე.

- აი, ნახავ, თუ არ მივალ.

- კარგი, აბა, წადი.

ვახტანგი უკან გამობრუნდა. კვრინჩხებს მოეფარა და თან ფეხის ხმას ისე ოსტატურად დაუნყო მინელემა, რომ გოგომ დაიჯერა, კარგა მანძილზე გამშორდაო.

- ვახტანგ, ვახტანგ! დაბრუნდი, ვახტანგ!

ბიჭი კიდევ აწვალეზდა, მაგრამ შეეშინდა, თანამგზავრი არ აყვირებულებო. თანაც მალევე უნდა მისულიყო დანიშნულ ადგილას. გამობრუნდა და მაჯაში ხელი ჩაავლო.

- ანდე, ხომ გითხარი, შეგეშინდება-მეთქი? ჯერ სადა ხარ? აბა, ჩიჩქანას ავეყვეთ და სასაფლაოზე გავიდეთ, გული ისე გადაგიტრიალდება, როგორც პაპაშენის გასაღები - გვირაბის კლიტეში.

- ვახტანგ, ნუ მაშინებ.

- მე არ გაშინებ. აი, შენ თვითონ ნახავ. მთელი გზა და ჯაგები ალქაჯებითა და ეშმაკებით არის სავსე.

- მართლა, ვახტანგ?

- მართლაო? თითოს იმოდენა კლანჭები აქვს, უტარო ნამგალი გეგონება.

- მერე, ეშმაკები ხომ არ არსებობენ, ვახტანგ?

- ჰო, ყველგან არ არიან. სასაფლაოზე კი უნახავთ.

- არა სტყუი, ვახტანგ?

- ვტყუი კი არა, ზოგიერთებს კულები აქვთ ისეთი, რომ მეცხვარის შოლტივით ატყლაშუნებენ.

- ვაიმე! მართლა, ვახტანგ? მაშ, უკან გაგბრუნდეთ?

- რაღა დროსია? უკან ახლა ორღობე, ალბათ, გაჭედილია ალქაჯებით.

უცებ ვეება კაკალის ჩრდილიდან ვილაც გამოვიდა. გოგო აიბუზა, ბიჭს მიეკრა და კანკალით იკითხა:

- ეშმაკია?

- არც იმაზე წმინდაა. ვერ იცან ჩვენი „ბატონის“ „მარჯვენა ხელი?“

ლენამ გაიხარა.

- გოგია ყოფილა.

- სადა ხართ აქამდის? - გაუნყრა ეფრემას ბიჭი.

- შენლა მაკლდი, განა! ანდე, ვერა ხედავ, ძლივს მოვიყვანე? გზაში სულ ჭინკები და აქლემები ელანდებოდა.

- ჩქარა შემოდით ჩრდილში! ჩქარა, - მერე მიბრუნდა და ჩუმად გასძახა: - აბა, დავიძრათ, სანდრო.

და როდესაც ბიჭების მთელი გუნდი გამოიშალა, ლენას გულზე მოეშვა და შიშის ერთბაშად გაუქრა.

- უი, ყველანი აქა ყოფილხართ, - გაუხარდა, - საით უნდა წავიდეთ?

- ხრამ-ხრამ წავალთ, ჯურულიანთ ბაღის გვერდზე ავალთ მაღლა, შაშვიანთ უბანში მიმავალ გზას გადავჭრით და ჩიჩქანის ხევს ავყვებით. შენ რატომ დაიგვიანე ასე?

- უფრო ადრე ვერ მოვახერხე გამოსვლა შინიდან. ვახტანგი კი მთელი გზა მაშინებდა: გვირაბამდის გზა სულ ეშმაკებით არის სავსე და სად მოეთრევიო. ხომ შეშინდი სანდრო წაყვანას, რატომ მაყვედრი?

ბიჭმა გაიცინა.

- მე არათფერი არავისთვის არ დამიყვედრებია. სნაიპერი კი გუშინწინ მაგრად გაუჭორე სიმინდში წამოუსვლელობისათვის და იმაზეა აღრენილი.

- კიდევ იმიტომ გამიბრაზდა: სად მოეთრევი ამ შუალამისას, შინ დაჯექიო, სასაფლაოზე ეშმაკი უნახავთო. ეშმაკი ხომ არ არსებობს, მამ, როგორ ნახეს, სანდრო?

- ტყუის, უნდოდა შეეშინებინე და შინ დაებრუნებინე, დილას აქეთ მეჩხუბება, რას აიკვიატე ეგ გოგოო.

- სანდრო, შენც გინდა, რომ არ წამოვიდე?

- შენი ნებაა, ლენა, მე შენ შეგპირდი, რომ წავიყვანდი, მაშასადამე, უნდა წავიყვანო.

- ჰოდა, მე იმასთან ხომ არ მოვდივარ, რომ მიწყრება? შენთან მოვდივარ.

- კარგი, ლენა, ნულარა გწყინს, ვახტანგი ცუდი ბიჭი არ არის, ცოტა თავისნათქვამა და ჯიუტია, თორემ ყოჩაღია, - სანდრო უცებ შეჩერდა და ჩუმად გასძახა: - მანდ ფრთხილად, ბიჭო, ჩახრამულია და არ გადაცვივდეო.

- შენ მაგ ქალბატონს მოუარე, ჩვენზე ნუ დარდობ. უშენოდაც შეგვიძლია იოლად წასვლა.

სანდრომ ჩუმად ჩაიხითხითა.

- ხედავ, ძალიან გაჯავრებულია! შენ ნურათფერი გწყინება, ლენა.

- რატომ არ უნდა მწყინოს? მე არ მეშინია და ეგ კიდევ მაშინებს. აი, შენ ნახე, ბაში-აჩუკის გამოქვაბულში რომ წავიყვანს გივი, ვივლი თუ არა ყველაზე წინ. როდის მივდივართ, სანდრო?

სანდრო ყოყმანობდა. მერე ერთბაშად თითქოს რაღაცა დაასკვნაო, უთხრა:

- ლენა, შენ ჩვენს რგოლში ითვლები... ჰოდა, რასაც ჩვენ ვამობობთ ერთმანეთში და არ ვმალავთ, შენც უნდა იყოდე. მხოლოდ თუ საჭირო არ არის, არავისთან არ უნდა წამოროშო, გესმის?

- მესმის, სანდრო.

- ხომ გვაძლევ სიტყვას?

- სიტყვას ვაძლევთ, სანდრო.

- კარგი, მამ, გეტყვი, რომ ბაში-აჩუკის გამოქვაბულში რომ წავსულიყავით, იქიდან თავგატეხილი ან ხელნაღრძობი მაინც დაბრუნდებოდი.

- რათა, სანდრო? - შეშინდა გოგო.

- იმიტომ, ლენა, რომ ნიკოს უნდოდა, იქ აესწრო და ქვები დაეგორებინა.

- მერე, რად უნდოდა ქვები?

- უნდოდა, რომ მერე გივისთვის ბრალი დაედო, რაზმს ვერ უვლიო...

- მერე?

- მერე ისა, რომ ისევ ნიკოს ნებავდა რაზმის ხელში ჩაგდება.

- რატომ, სანდრო? აკი ის ყურსაც არ იბერტყავდა მაგაზე?

- ახლა იბერტყავს. ჩვენი ხელში ჩაგდება უნდოდა და მაშინ სამაგიეროს გადაგვიხდიდა „კანონიერ“ ფარგლებში - მსხალზე მიბმისათვის. აი, რატომ.

- მერე, მაგიტომ აღარ მივდივართ გამოქვაბულში? ნიკოსი შეგეშინდათ?

- შეგეშინდა? - ზიზღით დაიჯღანა ბიჭი, - გივის რა ვუთხრა, რომ გაზაფხულისთვის გადადო იქ წასვლა, თორემ ჩვენ კიდევ მოვიფიქრეთ, რა უნდა გვექნა მაგ დროს.

- რა უნდა გექნათ, სანდრო?

- რა და, ნიკოსთვის უნდა აგვესწრო, ბუჩქებში ჩავსაფრებოდით, დაგვეჭირა, დაგვეკრა წნელებით საკაცებზე და შუამთაში თქვენთან ჩამოგვეტანა.

ლენამ არ მოუნონა:

- არ ვარგა, სანდრო, რა არის, სულ შეკვრაზე და დაბმა-დაკვრაზე რომ გიჭირავთ თვალი? რაც უნდა იყოს, თქვენზე უფროსია.

- უფროსია და მოგვწყდეს თავიდან, ჩვენ რას გვეჭიბრება? მაგან მარტო ფეხბურთი იცის. აბა, ჩვენ რომ მაგისი ტოლები ვიქნებით, ნახე, როგორი ბურთის თამაში გვეცოდინება. გივი გვწვრთნის. ჰოდა, არც იმაზე ნაკლებად იცის. აი, ნახავ, ლენა, გაზაფხულზე აწყურის სკოლას უნდა შეგვაჭიბროს. ნურსად ნუ იტყვი, ლენა, - აწყურის სკოლას. რვანლიანი სკოლაა და ბიჭებიც ჩვენზე ღიდები იქნებიან, მაგრამ აქ საქმე სიდიდებზე კი არ არის. საქმე წვრთნაზეა. იმათი ნაკრები იქნება, ჩვენი კი მთელი რგოლი, მარტო ჩვენი რგოლი, ლენა, მიხვდი? ბუჩუკურთელის რგოლი! ოღონდ ჩვენ უნდა კარგად ვიმეცადინოთ.

- მაინც მოეშვი ნიკოს.

- ჩვენ კი მოვეშვებით, მაგრამ ის არ გვეშვება. ჰოდა, ნახავ, თუ როდისმე არ მოგვიწევს საკაცებზე მაგისი დაკვრა.

- ნუ, სანდრო, არ გინდათ, ეგეც ტყუილი იქნება, რომ ქვების დაგორებას აპირებს.

- ტყუილიაო? სნაიპერმა თავისი ყურით გაიგონა.

- სად გაიგონა?

- სადა და, ნიკო თავიანთ ვენახში ელაპარაკებოდა ბახსოლიანთ გიორგის.

- გიორგის? მერედა გიორგიმ მოუნონა ეგა?

- არა, გიორგი კარგი ბიჭია, თურმე, გაუნყრა კიდევაც.

- მერე, ვახტანგმა როგორ გაიგონა?

სანდრომ უამბო ვახტანგის თავგადასავალი ნიკოს ბებიასთან.

გოგო სიცილით იგუდებოდა.

წინ მიმავალნი შედგნენ და იკითხეს:

- რა გაქვთ სახითხითო? დროზე გადმოადგით ფეხი.

- მოვდივართ, ჰო, მოვდივართ... მერე მაგათი ვენახის თავზე გადმოფრებინა ლუკას ბიჭს, იქ ლაპარაკი გაეგონა, მობრუნებულიყო, ყური დაეგდო და ეცნო ხმაზე. იმ საღამოთივე მითხრა ყველაფერი. ჩვენ ჯერ ვითათბირეთ. როგორ უნდა მოგვევლო მაგისათვის, მერე გუშინწინ გადავწყვიტეთ, გივისთვის გვეთქვა. გუშინ უთხარით და ბევრი იცინა. აღარ მივდივართ ახლა, გაზაფხულისთვის გადავდეთ.

ხრამის პირას, საიდანაც კაკლის ხეები და სასაფლაო იწყებოდა, შეჩერდნენ და გოგიას გაგზავნილ მზვერავებს დაელოდნენ.

მზვერავები მალე დაბრუნდნენ. გზა თავისუფალი იყო, კიბე - ბლის ქვეშ მითანილი.

ლენა უკვე თრთოდა და გოგიასთვის ჩაეველო ხელი.

- გცივა? - ეკითხება ბიჭი.

- არა.

- მაშ, რატომ კანკალებ?

- არა ვკანკალებ. ცოტა შემცივდასავით.

- აი, მალე გადავალთ გალაგანში და იქ ნიაფი აღარ იქნება. პაპაშენი მართლა შინ არის წასული?

- ჰო, შინ არის, სძინავს.

- აქედან მოვეუვლით, მანდ სასაფლაოს ქვა და შამბიანია.

ბიჭებს კიბე ბლისთვის გამოებათ და გალაგანში ჩასაშვებად ამზადებდნენ.

ხის ძირას შეიკრიბნენ ყველანი.

სანდრომ ჭიბეში გასაღები მოსინჯა და ხელი მაგრად მოუჭირა - როგორც იყო ეღირსა გვირაბის მოჩხრეკას.

კიბე ჩაუშვეს და დაიწყეს გალაგანს შიგნით ჩასვლა.

- აქაც მე გამიხდი სათრევი - იღრინებოდა სნაიპერი და თან კიბეზე ჩამავალ ლენას ხან ერთ ფეხს უჭერდა, ხან მეორეს. გოგიას კი ხელში ხელი ჩაეველო და ამხნევებდა.

- ნუ გეშინია, ლენა, გინდაც საფეხურზე ფეხი დაგიცდეს, მაინც არ ჩავარდები.

მალლიდან მე გიჭერ და დაბლიდან - ლუკას ბიჭი.

გოგო ძაგძაგებდა და ნელა ინაცვლებდა ფეხს.

ბოლოს ყველანი გალაგანს შიგნით მოგროვდნენ.

- აბა, ბიჭებო, ახლა გუშავი დავაყენოთ გალაგანზე და ჩავიდეთ გვირაბში. ვინ დადგება?

არავინ უპასუხა.

- მოდი, სანდრო, ისევ ისინი დადგნენ, ვინაც მაშინ იყვნენ.

- არ ივარგებს, მაშინ ავთო და სოსო იდგნენ. ახლა ცოტა უფრო მარჯვე უნდა იყოს.

- მაშინ კაჭანთ ვახტანგი იყოს, სიმაღლე, გაგიხარია, კარგი აქვს და კაკლებს ზევიდანაც გადახედავს.

- შენ დადექი, სნაიპერო, თუ კარგია, მე გვირაბში უნდა ჩავიდე.

- შენ მერეც მოესწრები, ხახაბო, იქ ჩასვლას. ღმერთმა აცხონოს, ბებიჩემი იტყოდა ხოლმე: „წინა კაცი უკანა კაცის ხიდიო“. თუმცა, ხიდად შენ უფრო ივარგებ.

- შენა, ლუკას ბიჭო, ფეხები რომ მატყლის სატყეპელას მიგიგავს, ჩემზე ნაკლები ხარ?

- ღმერთმა დამიფაროს, მე შენ მუხლებამდის ვერც კი მოგწვდები.

- აბა, ჭაჭლანს თავი დაანებეთ. არა უშავს, ვახტანგ, ჯერ შენ დადექი, მერე სნაიპერი ამოვა და შეგცვლის. შენ და ავთო იყავით. გვირაბის ჩასასვლელშიც უნდა დავაყენოთ გუშაგები. მერე იქიდან სხვები ამოვლენ, თქვენ შეგცვლიან და ჩამოხვალთ ჩვენთან.

როგორც იყო დაითანხმეს ბიჭები.

გვირაბის სახურავთან უფრო დიდი დავა გაიმართა, არავის უნდოდა მალლა დარჩენა.

საყდრის კარი დახურეს და სანთლები აანთეს.

სანდრომ ველარ მოითმინა და ჭიბიდან გასაღები დააძრო!

გაიხსნა კლიტე და სახურავს მისცვივდნენ. ახადეს, მაგრამ უკანვე მიანყდნენ, რადგან საშინელი ნესტის სუნი და დახშული ჰაერი ამოვარდა იქიდან.

- ცოტა ხანს გააღეთ კარები, ბიჭებო, ჰაერი გაინმინდოს.

რამდენიმე წუთს იყო საყდრის კარი ღია, მერე დახურეს და გვირაბის პირს შემოუმწკრივდნენ.

თვალშეუდგამი სიბნელე შემოჰყურებდათ დაბლიდან.

ახლა უკვე ბევრმა მოინადინა ზევით გუშაგად დარჩენა.

ლენა კუთხეში მიიკუნჭა და ცახცახი დაიწყო.

- მე ვერ ჩამოვალ, წავიდეთ შინ, ნურც თქვენ ჩახვალთ, წავიდეთ შინ.

სანდრომ წარბები შეჰყარა.

- გაჩუმდი, ლენა, შენი ჭუჭყუნილა გვაკლია?

- მოაბი სვეტს თოკი, გოგი, და გვირაბში ჩაუშვი.

- შინ წავიდეთ სანდრო.

- ჯერ გვირაბში უნდა ჩავიდეთ, ლენა, და მერე შინ წავალთ.

- მაშ, მე წავალ თვითონ.

- წადი, არავინ დაგიჭერს.

- მართო ვერ წავალ, სანდრო. ვაიმე, როგორი სიბნელეა ქვევით. წავიდეთ, სანდრო, გეხვეწები, წავიდეთ და მერე თქვენ წამოდიოთ მართო.

- ანდე, ხომ ვითხარი, ნუ გვინდა მაგისი თრევა-მეთქი, - უსიამოვნოდ გააპურტყა გვერდზე მრელაშვილმა, - ულოლიავე ახლა და შინაც მიაცილე, რომ სადმე ასანთის ღერს ფეხი არ წამოჰკრას.

- კარგი, ნუ სლუკუნებ, ლენა, - განყრა გოგია, - აქ რომ მოდიოდი, რატომ ადრე არ ფიქრობდი, რომ გვირაბში ელექტრონი ჯერ არ გაუყვანიათ იყალთოელებს.

- გამაცილეთ, ბიჭებო, სახლამდე გამაცილეთ, მგონი, ახლა დეიდაჩემი მეძებს, ვაიმე! პაპაჩემი გადაირევა, ვაიმე!

- ახლა აქ, უკაცრაული პასუხია, რადიო ნუ გაგვიმართე.

სნაიპერს გაუხარდა:

- გამოეთიშე, ვანო.

- გარეთ გავიყვანო?

- ჰო, გარეთ გავიდეთ, გარეთ მინდა.

- მოეშვი, ვანო. კარგი, ლენა, შენ ზევით დარჩი, გუშაგებთან. აქ ენუქიშვილები იქნებიან. ნუ გეშინია, ჩვენ მალე ამოვალთ. აბა, ბიჭებო, ვინ გაგვიძღვება წინ?

- კარგი, სანდრო, ოღონდ მალე ამოდიოთ და მე აქ ვიქნები. გარეთ, კარებთან დავდგები, იქ ისე არა ბნელა.

- როგორც გინდა, ლენა, ოღონდ ნუღარ ისლუკუნებ. აბა, ბიჭებო, ვინ მიდის წინ? ვაუკაცების რაბში შეიმშუშნა და ფეხი არ მოიცვალა ძველი ფილაქნიდან. ისინი შეჰზარა სიბნელემ და შენობის უკაცურობამ.

რგოლის ხელმძღვანელმა თვალი მოავლო ალიცლიცებული სანთლის შუქზე შემკრთალ სახეებს და გაიღიმა.

- კიდევ კარგი, ლენა გარეთ გავიდა და არ გიყურებთ.

სნაიპერი განყრა.

- ახლა ქადაგად დაეცი ერთი. რას ეხვეწები? მე მივდივარ.

- მოიცა, ვახტანგ, შენ ბოლოს ჩამოდი. აბა, ვინ მიდის წინ? - ბიჭები დაიწვინნ სირცხვილით.

გოგია გამოეყო ჯგუფს, ალექსის ხელიდან გამოჰგლიჯა მისივე ნახელავი თოფი და ჩასასვლელს მიუახლოვდა. ბერძენაშვილმა მიხედა სვეტზე მიყუდებულ სანდროს და მიჰყვა გოგიას. სხვებიც დაიძრნენ უკვე, მაგრამ ყველა შეაჩერა ხელმძღვანელმა.

- მეთაური მუდამ წინ უნდა იყოს. პირველი მე მივდივარ. სნაიპერი, როგორც ვთქვი, ბოლოში იქნება. დანარჩენები მე მომყვით, - სანდრომ იძრო ქამრიდან დამბაჩა, შეაყენა ფეხზე, ჯიბის ფარანი აანთო, ხალათის ღილზე ჩამოიკიდა. მარცხენა ხელი თოკს ჩაავლო და ნესტიან კიბეს ჩაჰყვა.

ბიჭები ანთებული სანთლებით ნელ-ნელა მიჰყვებოდნენ უკან და ჩასასვლელში ინთქმებოდნენ.

ბოლოს ჩასასვლელთან სნაიპერი დარჩა. მან სანთელი ასწია მაღლა და საყდარი დაათვალიერა. კედლებიდან და სახატეებიდან იმზირებოდნენ ლამაზფორთიანი ანგელოზები, რომელთაც ხელში გრძელტარიანი შუბები და ცეცხლის ხმლები ეჭირათ. მრელაშვილმა ღიმილით მოათვალიერა ისინი, მათგან ყველაზე ლამაზს თვალი ჩაუკრა და შემდეგ ისიც გვირაბში გაუჩინარდა.

კობე ნესტისაგან გალიპულიყო, დიდი სიფრთხილედ იყო საჭირო, რომ ვინმეს ფეხი არ დასცდენოდა და სადღაც უფსკრულში არ დაქანებულიყო.

- ფრთხილად! - ხშირად ისმოდა წინამძღოლის ხმა და მიმყოლებს ამხნევებდა. მეგზურმა მიაღწია კიბის დასასრულს, ხელი შეუშვა თოკს და ფარანი ააშუქა ზევით: ბიჭები საჩურჩხლე ძაფზე მეჩხერად ასხმული ნიგვზებით ეკიდნენ გრძელ თოკზე და დიდი სიფრთხილით ეშვებოდნენ ძირს.

მალე რაზმი მეთაურს შეუერთდა და მოლოდინის თვალი მოავლო ირგვლივ.

მენინავემ თავისი ფარანი სიბნელეში მიატარ-მოატარა.

საკმაოდ ფართო ტალანი სიგანით ათიოდე მეტრი იქნებოდა, ხოლო სიგრძეს კარგად ვერ გაარჩევდით, რადგან სინათლის ალი და ფარნის შუქი ბოლომდე ვერა სწვდებოდა. კიბის დასასრულიდან იწყებოდა ქვიტკირის კედელი, შუა ტალანს მოუყვებოდა და შორს, სიბნელეში იკარგებოდა. იგი ზოგან მეტრი და ზოგან მეტრ-ნახევრის სიმაღლეზე აზიდულიყო იატაკიდან, ხოლო აქეთ-იქით კარგა სიღრმის ორმოები მისდევდა ორივე მხარეს.

ბიჭები ნერწყვის ყლაპვით უვლებდნენ ყურს სიბნელეს, მაგრამ ერთმანეთის სუნთქვის მეტი არა ესმოდათ რა.

წარბმეყრილი გასცქეროდა მეთაური შუაზე მიმავალ ქვიტკირის დასასრულს. ბოლოს გაისმა მისი ხმა, ეს ხმა უცნაური ექოთი გაიმეორა მთელმა ტალანმა და ტანზე ბუსუსები დააყარა უშიშარ ბიჭებს.

- ეტყობა, ეს კედელი ბილიკით გასდევს ამ გამოქვაბულს და შემდეგ იწყება გვირაბი. გოგი, შენ ჩემთან მოდი. თოფი მოამზადე!.. ფრთხილად ივლით!..

მარაგზასავით განიერია ეს კედელი, მაგრამ სიბნელეში საშიშია მაინც ფეხის დაცდენა.

რაზმი ფეხათრევით მიჰყვებოდა წინ მიმავალსა და მის „მარჯვენა ხელს“.

ერთადერთი სნაიპერი იყო, წინ გაშვებას რომ იხვეწებოდა, მაგრამ „საქმის დროს“ მკაცრმა მეთაურმა უბრძანა, კიბის ძირს გუშავი დაეყენებინა და თვითონ რაზმის ზურგი დაეცვა რამე მოსალოდნელი შემთხვევისაგან.

რაზმი ნელა მიიწევდა წინ. ბილიკის აქეთ-იქით ორმოები უფრო ღრმავდებოდა, უფრო ბნელდებოდა და უფრო და უფრო პირქუში ხდებოდა. განსაკუთრებული არაფერი მოჩანდა. ღამურებსაც კი მიეტოვებინათ ეს სიბნელით, საფრთხითა და სიჩუმით სავსე უზარმაზარი ტალანი.

სნაიპერს რაღაც ცივი, ხაოიანი გაუსრიალდა ფეხებში. მან ზიზღით გადააფურთხა და მკვახედ შეიგინა. დაანათა ძირს სანთელი, მაგრამ ვერაფერი შეამჩნია. ინანა, ფეხთ რატომ გავიხადეო, და მეთაურის კითხვაზე უპასუხა: არაფერია, რაღაც მომჩვენაო. ზევით აწეული სანთლებით, თვალვდაცყეტილი მიაბიჯებდა მთელი რგოლი და მზად იყო ყოველგვარი მოსალოდნელი ხიფათისათვის.

უცებ სიბნელე გათავდა და ფარნის გრძელად განვდილი შუქი ქვიტკირის რუხ კედელს მიეჭინა. გაკვირდნენ მენინავენი: რა უნდა იყოსო. უფრო დიდი სიფრთხილით დაიწყეს მიახლოება. კედელი უფრო და უფრო ნათლად ჩნდებოდა და ბილიკის ბოლოს კეტავდა.

ბიჭებმა მიაღწიეს კედლის ძირამდე და შეჩერდნენ.

კედელს სინესტისაგან აქა-იქ ბათქაში ასცვივებოდა. აქედან ორმოები მოშორებით იყო და თავისუფლად შეიძლებოდა კედლის გასწვრივ სიარული ტალანის კუთხეებამდე. განცვიფრებული შეჰყურებდა რაზმი კედელს და მეთაურზე არანაკლებ უკვირდა, რომ გვირაბის არსებობა ზღაპარი გამოდგა. სანდრო უკვე ნანობდა, რომ ბიჭებიც მოაყვინა და თვითონაც ძილი დაიფრთხო.

გოგია მელასავით დასუნსულედა კედლის გასწვრივ და ჰაერს ყნოსავდა.

მრელამეილი დაკვირვებული კაცივით სინჯავდა „ამ დასანგრევს“, რომელიც მოულოდნელად გადაეღობა წინ „ექსპედიციას“.

მეთაური დაფიქრებული ჩამოჯდა ბილიკზე და რაზმს მიუბრუნდა:

- ტყუილად გვიწვალა, ბიჭებო! ეტყობა, ეს გამოქვაბულია თუ რაღაც ეშმაკი, ამ კედლით დამთავრდა, ხოლო გვირაბი, ალბათ, აქ ჩასასვლელია... ბილიკი აქ წყდება და ისღა დავგრჩენია, რაც არის, ის მაინც კარგად დავათვალიეროთ.

ათიოდე წუთი და, გოგია უკვე ამრეზილი იყო.

- რა მძიმე ჰაერია! აქ აირწინალი უნდა ატაროს კაცმა, თანაც ცივა თითქოს. მაშ, აქ თავდება ეს გვირაბი თუ რაღაც ჯანდაბა? დასწყევლოს ეშმაკმა, ეს რანაირი ყოფილა!

- გოგი, გოგი! აბა, მოდი აქ, გოგი!

გოგიამ მიიღბინა ვახტანგთან.

- რა იყო, ლუკას ბიჭო?

- აბა, აქ უყურე, ეს რა უნდა იყოს?

- რა უნდა იყოს? კედელია და შიგ ქვებია გამოჩრილი.

- ალბათ, ამ ადგილს ცუდი კალატომი ამენებდა.

- ვითომ კალატომის ბრალი უნდა იყოს? თითქოს წყალიც უონავსო. ალბათ,

სინესტემ ჩამოყარა კირი მაგ ქვებიდან.

რაზმის მეთაურმა რომ შეამჩნია, „თავისი თანაშემწე“ და „ქაჯის ნატეხი“ მრელაშვილი რაღაცას ჩაჰკირკიტებდნენ, დაინტერესდა და მათკენ გასწია.

- ხომ არათერს მიაგენით, ბიჭებო?

- არათერია. ალბათ, აქ თხელი კედელია და მიწიდან წყალი უონავს. ჰოდა, გოგიას ვეუბნები, გამოჩრილ ქვებზე სანთლები დავამაგროთ და ხელში ჭერა აღარ დაგვჭირდება-მეთქი.

- აბა, გაინი იქით. ოჰო! ხედავთ, რა წვრილი ქვით არის ნაშენი?

- წვრილი რად არის? აბა, დააკვირდი, მალლა და დაბლა რამოდენა ლოდები უდევს.

- მართლაც საკვირველია, რაღა ამ ლოდებზეა არის ეს წვრილი ქვები. თანაც როგორ ჩამავებულია წყლისაგან. - სანდრო მუხლებზე დაეცა და ახლოდან დააკვირდა კედელს. - ეტყობა, დიდი ხანი არ არის, რაც კირი ავლეჯია ამ ადგილს, თორემ ეს ორმო წყლით უნდა იყოს სასე. ორმოში კი გუბეც არა დგას.

- ვინ იცის, იქნებ უონავს ძირში?

- ვინ იცის? ეგეც არ არის საკვირველი. აქ კი რაღაც დაკუთხულივით ჩანს კედელი.

აბა, სნაიპერო, შენი ფხასსმული ხანჯალი მათხოვე. რა მაღალი კედელი სცოდნიათ წინათ, წყალიც კი ატანს შიგ.

მუხლებზე დამდგარმა ბიჭმა იმდენი უღირლიტა ხანჯლის წვერი, რომ კინაღამ ზედ არ მიაფშენიტა. ბოლოს, როგორც იყო, ერთი ქვა მოაძრო და ორმოში ისროლა.

- ბიჭოს! რა ადვილად გამოსძვრა! აფსუს, სად არის ავთოს შამფური! იქნებ

გამოგვენგრია ეს ადვილი. საინტერესოა, რამსისქე იქნება.

- მაგაზე ადვილი რა არის? ახლავე აქ გავაჩენ შამფურს, შენ ოღონდ ეგ ფარანი მათხოვე.

სანდრომ ახედა ლუკას ბიჭს და გაკვირდა.

- რა ეშმაკად დავიხდია ფეხთ, სნაიპერო?

- რა ვიცი, იქნებ საჭირო იყოს-მეთქი. ფეხშიშველა კი, გინდა ამ კედლის თავამდის ავალ, თუკი სადმე ფრჩხილი მოვკიდე.

- ნამდვილი კატა ხარ, შე ღმერთგამწყრალო. აჰა, ფარანი და გაიქეცი.

სანამ მრელაშვილი შამფურს მოიტანდა, სანდრომ ერთი ქვა გამოაძრო, ხოლო როდესაც შამფური მოიტანეს, საქმე უფრო სწრაფად წავიდა წინ.

დიდხანს ჩხირკედელაობდნენ ბიჭები, დიდხანს რიგრიგობით უღირღიტებდნენ ხანჯალს, შამფურს თუ „ხმალს“ და, როგორც იყო, იმ დასკვნამდე მივიდნენ, რომ აქ განჯინა ან თახჩა უნდა იყოსო. ამ აზრს ისიც ამტკიცებდა, რომ გამონანგრევს ზემოდან და გვერდებიდან ბრტყელი, მთლიანი ქვეები ჩნდებოდა. დაუღალავად მიეძალნენ შამფურსა და ხანჯალს და იქამდე უჩხიკინეს, ერთ ადგილას უკანასკნელი ქვა გამოაძრეს.

და, აი, საკვირველება - კედლის ხვრელიდან მინის მაგიერ სიბნელემ შემოანათა სახეში, რომელსაც ფარნის შუქიც ვერ გასწვდა.

გაოგნებული ბიჭები უკან მიანყდნენ. რალაცამ ცივად დასუსხა ხელებზე და სახეზე. სიბნელიდანაც ისეთი საშინელი ბუტბუტი და შიშინ-სისინი მოესმათ, რომ თავზე ბალანი აებურძენათ.

- ბიჭებო, უკან დაინით! მოდი, სნაიპერო! მარჯვედ იყავით, ბიჭებო! მოდი, სნაიპერო! ამ დროს შორს, ტალანის კიბის ძირას დარჩენილი გუშაგის სტვენაც გაისმა. სტვენის ხმა შეუერთდა კედლიდან გამოსულ ხმიანობას, მიანყდა ტალანის კედლებს, უკან დაბრუნებული საშინლად აზუზუნდა ყურებში და უგულადესნიც კი დააბნია და არია.

- უკან, ბიჭებო!.. ფრთხილად, ბიჭებო!.. მარჯვედ, ბიჭებო!.. არ შეშინდეთ, ბიჭებო, არათფერია, ახლავე გავალთ!.. - და კიბისკენ პირშექცეულ ბიჭებს სამი კაცი „ვაჟკაცურად“ იცავდა, თუმცა მათ სახეებზედაც ასახულიყო შიში და გაუგებრობა.

ბიჭები ტორტმანით გარბოდნენ ბილიკზე.

სამი ბიჭი ცახცახით, მაგრამ მაინც ნელა იხევდა უკან: სხეულდაძაბული, თვალვებამოკარკლული, „იარაღმომარჯვებული“ ფარნის შუქს არ აშორებდა პატარა ნახვრეტს, სადაც მხოლოდ მუშტი შეეტეოდა. ბოლოს ესეც დაიკარგა სიბნელეში, მაგრამ თავზარდამცემი სისინ-შიშინი და ვილაცის გაჯავრებული ბუზღუნე მაინც თან სდევდათ.

როგორც იყო ყველანი კიბესთან მიცვივდნენ, ხარატიშვილს ეცნენ.

- რა იყო, რწყილავ, რატომ დაუსტვინე?!

- არ ვიცი, ყვირილი გავიგონე და... იმიტომ დავუსტვინე.

კიბესთან ჩოჩქოლი ატყდა.

- არათფერია, ბიჭებო!.. აბა, ზევით! ფრთხილად ადით! არათფერია აქ საშიში, ბიჭებო!.. ფრთხილად, სნაიპერო!..

გარეთ გამოცვივნილი ბიჭები კიბისკენ გარბოდნენ.

საყდრის კარებიდან გუშაგები „მოიხსნენ“ და გაქცეულებს გაჰყვნენ.

ლენა უკვე ტიროდა და შველას ითხოვდა.

უკანასკნელად სანდრო და სნაიპერი ამოვიდნენ, ამოათრიეს თოკი, სასწრაფოდ დახურეს სახურავი და ზედ დაასხდნენ.

ვახტანგმა კლიტე მოძებნა, სანდრომ გასაღები გაუყარა და დაკეტა.

- თოკი არ დაგავინყდეს, სანდრო.

- არა, მოვხსენი უკვე.

- გავიქცეთ, სანდრო.

- გავიქცეთ.

და გაიქცნენ.

გალავანზე ყველა გადასულიყო, გოგიასა და ლენას გარდა.

ლენა ღრიალებდა.

გოგია ბურღუნებდა და კიბეზე ასვლას შველოდა.

გოგო ვერ ადიოდა.

სნაიპერი და სანდრო მიეშველნენ.

როგორც იყო, გადავიდნენ.

კიბის მოხსნა არც გახსენებიათ.

- ხომ გითხარი, ჩემი სათრევი იქნება-მეთქი? - და სნაიპერი რაც ძალი და ღონე ჰქონდა, მიარბენინებდა ლენას.

მეორე მხრიდან გოგიას ჩაეველო ხელი.

სანდრო უკან მისდევდათ.

რძის საყდრიდან გადაიხედეს სოფლისაკენ.

შორს, სადღაც, გაქცეული ბიჭების ლანდები მოჩანდა.

თვითონაც დაეშვნენ თავქვე.

ჯურულიანთ ბაღჩასთან შეჩერდნენ ოთხნი გულამოვარდნილნი.

ბიჭები წყრებოდნენ.

გოგომ ტირილი შეანელა.

აქედან იწყებოდა სოფელი.

თათბირი

იმ „წყეული“ ღამის შემდეგ რაღაც დაღვრემილნი დადიოდნენ სკოლაში ბიჭები.

ერთმანეთს დამდურებულუბივით ერიდებოდნენ და კლასშიაც ისე წყნარად ისხდნენ,

მასწავლებლები გაოცებულნი იყვნენ. ლენაც დაბლვერილი იცქირებოდა და

გოგოებთან ხანგრძლივ ურთიერთობასა და ყოფნას გაურბოდა. მხოლოდ რგოლის

ხელმძღვანელი, „მისი მარჯვენა ხელი“ და მრელაშვილი თუ გადაუგდებდნენ

ერთმანეთს ორიოდ სიტყვას, თორემ დანარჩენნი განცალკევებას ცდილობდნენ.

ლენამ იცოდა, რომ არავისთან არ უნდა დაედრა კრინტი, და ჩაცხებულ ლილისა და დალის უნდელი ხუმრობით იცილებდა თავიდან.

გივი შემცბარი იყო და პარასკევისათვის რაზმის შეკრება დანიშნა.

ბურჯურთელის რგოლი შეჩოჩოლდა: გადანყვიტა, რაზმის შეკრებისათვის დაესწრო

ერთი-ორი დღით და რგოლის შეკრება მოიწვია.

გოგოებიდან მხოლოდ ლენა დაესწრო.

შეკრება სკოლაშივე ჩატარდა, გაკვეთილების შემდეგ.

გოგიამ, ჩვეულებრივ, სია ამოიკითხა და დაჯდა. შემდეგ რგოლის ხელმძღვანელი

აღვა.

- გვირაბზე გვექნება საუბარი, ბიჭებო.

ბიჭებმა ერთმანეთს გადახედეს და მერე ლენა შეათვალიერეს.

- ბათუა მოიძრე, უკაცრაული პასუხია, ხომ ხელავ, რომ ამის შემდეგ შენც ბიჭი ხარ?

სნაიპერის გარდა ყველამ გაიცინა.

- თქვენ ახლა ილრიჯებით და ჩიჩქანის ფერდაზე რომ მსუბუქად გამოვბოდიტო, ის

აღარათფერი იყო? იმ წყეულ გვირაბში თქვენ წამოიყვანეთ და სათრევი მე

გამიხადეთ!

ბიჭებმა უმალ მოსხიპეს სიცილი.

ლენა აიბუზა.

- კარგი ახლა, ვახტანგ, რაც იყო, იყო. კაცს რომ სიკეთეს უზამ, კი არ უნდა

დააყვედრო.

- მე არც ვაყვედრი, გოგი. მე იმას ვამბობ, თავქუდმოგლეჯილები რომ გამოვბოდნენ,

რას ფიქრობდნენ? იქნებ უკან დარჩენილებს როგორ გვიჭირდა, იქნებ რა

გვემართებოდა, ერთხელ მაინც არ უნდა მოეხედათ უკან?

ალექსიმ რაღაც წაილულულა, ხარატიშვილმა ქვემ-ქვემ გამოიხედა, ხოლო ვახტანგ

დედაბრიშვილი საკლასო ოთახის ჭერით დაინტერესდა.

სხვებმაც თვალები აარიდეს.

მხოლოდ ბერძენაშვილმა იწყინა.

- ჩვენ წინ ვიყავით და წინ იმიტომ გამოვრბოდით, შენ უკან იყავი და იმიტომ ჩამოგვრჩი, თორემ სირბილში ვინ გაგასწრებს.

ბიჭები გამოცოცხლდნენ.

სნაიპერი ისე დაიჯღანა, რომ, ეტყობოდა, რაღაც უგემური რამის თქმას აპირებდა, მაგრამ სანდრომ დაასწრო და წამოდგა.

- ნუ იჩხუბებთ, ბიჭებო, იმ ღამეს ყველანი გამოვიქცით. მერე რა, რომ ზოგი წინ გარბოდა და ზოგი უკან? ვინც როგორ შესძლო, ისე გამოიქცა.

ბიჭები წელში გაიმართნენ.

- მაგრამ, - განაგრძო რგოლის ხელმძღვანელმა, - ხომ ვიცოდით, რომ ამხანაგი სწორედ ამ დროს არ უნდა მივატოვოთ გასაჭირში?

ბიჭები წელში მოიკაკუნენ.

- თქვენ თვითონ დამეთანხმეთ ლენას წამოყვანაზე, მერე კი გოგო უკან დატოვეთ და თქვენ წინ გამოიქცით!

ბიჭებმა ყურები ჩამოყარეს.

- შეემვი, სანდრო, ნულარ ელაპარაკები. რაც უთხარი, ეგეც საკმარისია ამათვის.

ლენა კი ჩვენს რგოლში დავტოვოთ ნამდვილად, რადგან ეგ ამათზე უკან გამოვრბოდა და გზაშიც დუღუკით არ მოგვანყინა, - ლუკას ბიჭმა გოგის გადახედა.

ლენა ჩემად იჯდა, ნაწნავის ბოლო ხელში დაეჭირა და კბილებით წინწინდა.

- კარგით, ბიჭებო, რაც იყო, იყო, - გაიცინა სანდრომ, - მოდი, ახლა გამოვტყდეთ, იყალთოში წინ რომელი ჩავიდა.

ბიჭებმა უნდილად გაიღიმეს, ერთმანეთს გადახედეს და ბოლოს ყველას თვალი აყლაყუდას მიეხინა.

ვახტანგი აიფხორა.

- ახლა, რა ყველა მე მიყურებთ, ჩემზე წინ თუჯიშვილი გარბოდა.

- მე გავრბოდი შენზე წინ? - გაიკვირვა ავთომ, - მე და თვალიაშვილი ერთად

გავიქცით დარეჯანთან ნაცანობისკენ.

- მე შენთან არცა ვყოფილვარ, - იწყინა ალექსიმ, - მე და ზაზანაშვილი ჯურულიანთ კარზე გავცვივდით.

ხარატიშვილმა გაიცინა.

- ისე როგორ შეგეშინდა, ავთო, რომ ველარ მისანი? ალექსი კი არა, მე ვიყავი.

- შენ, ვანო, ხომ არ ჩამორჩი ამათ?

ბიჭები წელ-წელა ხუმრობის გუნებაზე მოვიდნენ.

- ჯერ წინ გავრბოდი, მეგონა, ვერც ვინმე გამასწრებს-მეთქი, მაგრამ ბოლოს, უკაცრაული პასუხია, ხახაბო არ წამომენია?! წამომენია კი არა, პა-პა-პა, ბიჭებო! რო გადაყარა კანჭები, მე მეგონა, ეგ არის, აქედან პირდაპირ გიგილაანთ აბრიას სახლს გადაახტება-მეთქი.

ბიჭები ახითხითდნენ.

ლენამაც გამოიღარა.

- ჩვენ რომ გამოვიქცით, გამოსაქცევი გვექონდა, მაგრამ ვინც დარაჯად იდგა საყდართან და გალაფანთან, ისინი რაღაზე გარბოდნენ?

სერგომ წარბებქვევიდან გადახედა თავის ძმას და ავთოს.

- რა ვიცი, როგორც კი გვირაბიდან ამოცვივდნენ ლეო და ლუარსაბი,

გულგახეთქილებმა დაგვჭყვივლეს: გაიქცითო! - და თვითონაც გაიქცნენ. ჩვენცა ვთქვით: რაკი ესენი გარბიან, ალბათ, საჭიროა გაქცევაო, და გავიქცით.

- ლენა რატომღა მიატოვეთ?

- როდის მივატოვებ? - უხერხულად შეიშმუშნა სერგო, - ჩვენ გვეგონა, უკან მოგვდევდა.
- ჩვენ რას გვაბრალებთ? - იწყინა ავთომ, - პირველად თქვენ გამოიქცით. გულები ჩვენ კი არა, ჯერ თქვენ დაგისკდათ და მერე ჩვენ გაგვიხეთქეთ.
- ახლა, რა იყო იმ ცარიელ გვირაბში, ეგრე რომ გამოგაჭენათ? - გამოცოცხლდა ვახტანგი.
- ერთი იქა ყოფილიყავ, ხახაბო, და ვნახავდით, თუ ნახევარ წუთს მაინც გაჩერდებოდი.
- კარგი ცარიელი ყოფილა, ჩემმა მზემ, ის ხმაური დღესაც ყურებში მიდგას. სნაიპერმა ახედა სანდროს და იკითხა:
- რა უნდა ყოფილიყო, ბურჟუაზიული, რომ ბუტბუტებდა და სისინებდა იმ კედელს იქით? ცოტა არ იყოს, შევფიქრიანდი.
- არ ვიცი, ვახტანგ, მთელ დღესა და მეორე ღამესაც ვფიქრობდი და ვერ მივხვდი, რა უნდა ყოფილიყო. ახლაც: დავდივარ, გაკვეთილზე ვზივარ თუ ლოგინში ვწევარ, სულ ის მაგონდება და ვერაფერი გამიგია. ერთი რამ კი ცხადია: იმ კედელს იქით არის რაღაც, გვირაბის ან იმ მიწისქვეშა ოთახის მსგავსი, ჩვენ რომ ვიყავით.
- რას ამბობ, სანდრო, იმ კედელს იქით კიდევ არის რამე?
- მე მგონია, არის, ლეო, და ვფიქრობ, ეჭა რომ გამოვაძრეთ, იქიდან არის შესასვლელი.
- ნუთუ მართლა არის რამე იმ კედლის იქით?
- როგორ არ იქნება, ალექს, პაპაჩემი ამბობდა: თურდოს გამოქვაბულამდის გადის გვირაბიო.
- ისევ პაპაშენი! ხახაბო, ალბათ, ვერც კი ხედებოდი, რომ პაპაშენი გატყუებდა, თორემ სად გაგიგია, დათვი შეინდსა კრეფდეს და უბეში იყრიდეს? ჩხავანა იქნებოდი პატარაობისას, აი იმ დროს, როცა ჯერ კიდევ ორი მეტრის სიგრძე იყავ, და მაგ ზღაპრებით გაჩუმებდა. ახლა ორი საუენი ხარ და აღარ უნდა გჯეროდეს პაპაშენისა.
- ახლა, რა იყო, ლუკას ბიჭო, რომ დაგისომებია? წამომცდა, გვირაბზე კი პაპაჩემი კი არა, მთელი სოფელი ლაპარაკობს, რომ თურდოს გამოქვაბულამდე მიდისო.
- თუ მიდის, კედელი რატომღაა?
- შეიძლება კედელი მერე ამოაშენეს.
- ბიჭებო, როდის ამოაშენეს, როდის არა, მე ეგ არ მაფიქრებს, საინტერესო ის არის, რა იყო იქ, რომ გულები დაგვიხეთქა?
- შენ, მართლაც, გული ვეღარა გაქვს საგულებს, თვალთვალში. რა უნდა ყოფილიყო? ალბათ, გველი იყო. ნესტიან ადგილებში უყვარს დაბუდება.
- მართალი ხარ, სნაიპერო. ხომ გესმოდათ, როგორი სისინ-შიშინი გაჰქონდა და თან გაბრაზებული ბუტბუტებდა.
- თუ მართლა გველი იყო, კარგა დიდი უნდა ყოფილიყო, ძმაო.
- დიდი გველები იცის ნესტიან ადგილებში, ჭიან-ტბაში ამბობენ დიდ გველს. კაცებს უნახავთ: ურმის ღერძის სიმსხო ყოფილა.
- მეც გამიგია, ბიჭებო.
- მოჰყევით ზღაპრებს, რაა! რამდენჯერ ვყოფილვარ იქ და ბუერები მომიჭრია. რატომ მე არ შემხვდა? მარტო მაჯის სიმსხო გველი მოკლა მამაჩემმა. ღონიერი კი ყოფილა ეგ სატიალე: თხილის ბურჟს შემოეხვია და სულ ლაწუნს აუყენა. მერე მამაჩემმა დაადო შიგ წელში შეინდის ჯოხი და წელი მოსწყვიტა.
- არ შეგეშინდა, გოგი?
- რისა უნდა შემშინებოდა? ხელში წალდი მეჭირა და მამაჩემიც იქ იყო. ლენა შეშინდა.

- მაშ, გვირაბში გველი იქნებოდა, ბიჭებო?
- გველი უნდა ყოფილიყო, იმან იცის სისინი.
- უიმე, რაზე მეც ჩამოვიდოდი!
- იქ ჩამოსულიყავი და კაი ღროს გაატარებდი, - ცერად გადახედა სნაიპერმა. - აჰყევი ფეხის ხმას და წამოჩერჩეტდი.
- ლენა გაიტრუნა.
- ლენა ყოჩალი გოგოა, ვახტანგ, ტყუილად უწყრები. სხვა მაგის ადგილას იქვე გათავდებოდა შიშით. მაგან კი ცოტა წაუტირა და, სოფელში რომ შემოვედით, სულ გაჩუმდა.
- გოგომ მადლიერი თვალთ გადახედა რგოლის ხელმძღვანელს.
- გარდა მაგისა, ლილიც კარგი გოგო ყოფილა და ჩვენ არ ვიცოდით.
- ეგ საიდანლა დაასკვენი, ჭკუის კოლოფო!
- ნიკო ლენამა და ლილიმ ახსნეს მსხლიდან, ქამრებიც მაგათ წამოიღეს და ლილის კრინტი არავისთან დაუძრავს ამაზე, ხომ მართალია, ლენა?
- მართალია, სანდრო, მე დავაფიცე და იმანაც სიტყვა არ გატეხა.
- აი, ხედავთ, ბიჭებო? - მიუბრუნდა იქ მსხლომთ ორატორი, - ლილი ჩვენს რგოლში უნდა დავტოვოთ.
- ჰო! - აყვირდნენ უცებ ბიჭები. - მაშ, ბალიკოც უნდა დავაბრუნოთ, რადგან ძალიან ხელმარჯვედ გრეხდა ულოს და არც ჩალის ჭრაში ჩამოგვრჩა.
- გოგიამ და ვანომ ერთმანეთს გადახედეს.
- სნაიპერმა თვალი მოწკურა და მოლოდინით მიაჩერდა ბუჩუკურთელს.
- სანდრო მცირე ხანს ჩაფიქრდა.
- მაგაზე ჯერ ნურათერს ვიტყვით, ბიჭებო, ჯერ კიდე დავიცადოთ.
- რალას უნდა ვუცადოთ, სანდრო? დააბრუნე და ეგ იქნება.
- არა, ლენა, ჯერ ვნახოთ. მას შემდეგ აღარათფერი ცუდი არ წამოსცდენია ჩვენზე, მაგრამ ჯერ ვაცალოთ ცოტა კიდევ.
- გვირაბში აღარ ჩავიდეთ?
- ბიჭების უმრავლესობამ შიშნაკრავად გადახედა ლუკას ბიჭს.
- სანდრომ გაიღიმა.
- რაო, ვახტანგ, გინდა, ზუსტად დაადგინო, რამდენ წუთში ჩამოხვალ სირბილით იქიდან სოფლის თავამდე?
- სხვებმაც ჩუმად ჩაიქირქილეს.
- მაგასა ჰგონია, რომ კიდევ გამოასწრებს.
- სნაიპერი აიქოჩრა.
- ჰაი, თქვე ქეციანებო, თქვენა. აქ გულადად ყაყანებთ და იქ ქორდაცემული ქათმებივით გაიფანტენით.
- დაიცა, ვახტანგ, გინდათ, ბიჭებო, კიდევ წავიდეთ გვირაბში?
- უმრავლესობამ თვალი აარიდა რგოლის ხელმძღვანელს.
- მაშ, კარგით, ჯერ ნუ წავალთ. სხვა საქმეებიც ბევრია. გივის ვუთხრათ თუ არა რამე ამ ამბავზე?
- არა, არ გვინდა.
- ნურათერს ვეტყვით.
- ჯერ ნუ გავაგებინებთ.
- კარგით, ბიჭებო, ჯერ ნუ გავაგებინებთ. რაზმის შეკრებაზეც ნურავინ დავძრავთ ხმას ამ ამბავზე. შენა, ლენა, ლილისთვის ხომ არათფერი გითქვამს ან პაპაშენს ხომ არათფერი გაუგია?

- არა, სანდრო, არც პაპაჩემს გაუგია, არც ლილისთვის მითქვამს და, თუ საჭიროა, არც ვეტყვი.

- ჰო, ნუ ეტყვი. მაშ, ხმას არ ვიღებთ, ბიჭებო!

- ვლუმვართ, როგორც ქათმები.

გოგია გაიღრიჭა.

- ჰო, გიგილაანთ ქათმებივით თუ გაეჩუმდით, კარგია.

მთელი რგოლი ახარხარდა, რადგან გიგილაანთ ეზო სკოლასთან ახლოს იყო და ბაუშვებს ყურები წაღებულნი ჰქონდათ მამლების ყვილითა და ქათმების გნიას-კაკანით.

- არა, გიგილაანთ ქათმებივით არა, ლენას პაპის ქათმებივით.

- ახლა ჩვენს ქათმებს გადასწვდით! - განყრა ლენა.

- ნუ გწყინს, ლენა, ისინი შენსავით ჭკვიანები არიან და იმიტომ ვახსენებთ, - მოუქათინაურა სნაიპერმა.

- კარგით, ბიჭებო, ახლა წავიდეთ და ხმას ნურსად დავძრავთ.

- ეგრე იყოს, წავიდეთ.

სანდროსთან გოგია მივიდა და ყურში ისე უჩურჩულა, ლენას არ გაეგო.

- ხვალ საღამოს ძველ საბძელში ლენაც იქნება?

- ძველი საბძელი სალენაო არ არის. ზოგიერთ რამეს უჩემოდაც უნდა მიხვდე ხოლმე.

ვალდებულება

ტყის პირას მდგარ საბძელში მიმავალ მრელაშვილს დააგვიანდა, რადგან რაზმის ყოფილ ხელმძღვანელს გადაეყარა.

ნიკომ დაინახა თუ არა მისკენ მიმავალი ბიჭი, გზა გადაულობა და, ვიდრე სნაიპერი რამეს მოითქვამდა, უკვე ჩაბლუჭული ჰყავდა.

- ხომ მოგივდე ხელში, ლუკას ბიჭო! შენც იმ საღამოს იერიშის მონაწილე ხარ, თუ არა ვცდები.

სნაიპერმა დაუბღვირა.

- შენ ტუტუცი ხომ არ გადაჰყლაპე? რომელი საღამო, რის საღამო.

ნიკო დაეჭვდა - „იქნებ მართლა ბინდში მომეჩვენა და კარგად ვერ გავარჩიე, მაგრამ ესეც იმათ „ამქარს“ ეკუთვნისო“ - და ხელი უფრო მაგრად ჩასჭიდა.

გაბრაზდა ვახტანგი და გაიწია.

- გამიშვი, ერთი შენი! რა ყაჩაღივით მიხვდები გზაში?

ნიკომ წამოართყა.

- ნუ იგინები!

- შენ ვინა გკითხავს ჩემს შეგინებას?

- ხმა არ ამოიღო, თორემ მოგკლავ.

- შენ რომელი ჩემი მომკლავი ხარ, შე...

- ნუ იგინები, გალყეულო, თორემ...

- შენ რომ დაგინახავ, მაშინვე გინების ხასიათზე ვდგები.

- ხმას ნუ იღებ-მეთქი!

- რაკი ეგრე გინდა, ხმას არ ამოვიღებ, მაგრამ გუნებაში მაინც შეგაგინებ.

ნიკომ ერთი კიდეც უთაქა და გაუშვა ეს „გაუსწორებელი ელემენტი“.

სნაიპერმა რომ დაატყო, სანამ ნიკო დამეწევა, საბძლამდე მივასწრებო, ერთი ისეთი შეაგინა, თვითონვე დარჩა აღტაცებული. თანაც ცაცია ხელით გასროლილი ქვა შიგ ფეხში მოართყა და აკოჭლებული ნიკო შორს ჩამოიტოვა.

სნაიპერის დაგვიანებამ ბიჭების რისხვა გამოიწვია.

- სად იყავი აქამდის?

ვახტანგმა ნიკოს მისამართით გაგზავნა გინება.

- არსენასავით გადამიდგა გზაში.

სანდრომ დაიყვირა:

- დაჯექი და აღარ გავიგონო შენი გინება.

გაკვირდა ლუკას ბიჭი.

- ბიჭოს, შენ ეს რამდენი ხანია, რაღაც სხვანაირად უკრავ! გინება ხომ შენი

მოგონილია?

- ჰოდა, ჩემს მოგონილს მევე ვკრძალავ. დაჯექი და მომისმინე! აბა, ბიჭებო, გარშემო

შემომეხვიეთ, რომ შუქი არ გავიდეს გარეთ. წაიკითხე, გოგი!

გოგია განვა ნამჭაზე, ქალაქის ფურცელი წინ დაიდო და ჯიბის ფარნის შუქზე

კითხვა დაიწყო.

ვალდებულება

„სანდრო ბუჩუკურთელის მთელი რგოლი და ვისაც ამ რგოლთან ამხანაგობა და მეგობრობა უნდა, ვალდებულებას ვკისრულობთ რომ:

1. ნებადაურთველად არ შევიდეთ სხვის ბალ-ბოსტანში.

2. მშობლებს და უფროსებს გავუგონოთ და მასწავლებლები აღარ გავაჯავროთ.

3. ვიყოთ ერთ-ერთი საცნობრივი წრის წევრი და ცუდი ნიშნები აღარ მივიღოთ.

4. პატარებს არა ვცემოთ და თუ დავინახეთ, ვინმე სცემს, მივეშველოთ“.

სნაიპერმა ასანთი გაჰკრა და პაპიროსის მოკიდებას აპირებდა, რომ სანდრომ

ჩაუქრო ასანთი, პირიდან წაჰგლიჯა პაპიროსი, მოსრისა, გადააგდო და გოგიას

უთხრა, კითხვა განეგრძო.

გოგიამ განაგრძო:

„5. არ ვიცრუოთ, პაპიროსი არ მოვწიოთ.

ვინც ამ ვალდებულებას არ შეასრულებს, გარიცხულ იქნეს რგოლიდან“.

- აუი თვითნებურად გარიცხვა არ შეიძლებაო? - შეაწყვეტინა ლუკას ბიჭმა - ან ეს

რაღა ჯანდაბაა, ხომ გვაქვს „მოსწავლეთა წესები?“

სანდრო დაფიქრდა.

- ეგ ადგილი უნდა შევასწოროთ, გოგი. სნაიპერი მართალია, ხოლო რაც შეეხება

„მოსწავლეთა წესებს“, ვიცით, მაგრამ ესეც უნდა დაემატოს.

- კარგი, შევასწოროთ.

მერე ისევ განაგრძო:

- „ვინც ამ ვალდებულებას დაარღვევს, ჩვენი რგოლის წევრმა არ გაიკაროს ის მონაფე ახლოს. რომ კვდებოდეს, არ იამხანაგოს იმასთან. ზედაც არ შეხედოს“.

გოგიამ დაამთავრა კითხვა და ფურცელი სანდროს გადააწოდა.

სანდრომ თავისი გვარი მოაწერა და შემდეგ ისევ გოგიას გადასცა. გოგიამაც

მოაწერა ხელი და თვალთვალს გადააწოდა. ასე იმოგზაურა ამ ფურცელმა

სნაიპერამდე, ხოლო სნაიპერმა დახედა ჯიბის ფარნის შუქზე რვეულის ფურცელს და

სერგოს უკანვე დაუბრუნა:

- უჩემოდაც კარგია ეს ფურცელი, მე ხელს ვერ მოვანწერ.

ბიჭებმა გაიკვირვეს.

- ჩვენ ეს ფურცელი შენს მოსვლამდე შევადგინეთ, შევთანხმდით და შევადგინეთ.

ვისი ბრალია, შენ რომ დაიგვიანე?

მრელაშვილი ზიზღით დაიღრიალა.

- ხახაბოო! ნამდვილი ხახაბო ხარ! მაგიტომ კი არ ვამბობ უარს, რომ მე არ

ვესწრებოდი მაგის შედგენას.

- აბა, მაშ, რატომ არ აწერ?

- იმიტომ, რომ... იმიტომ, რომ მაინც შევიგინები.

- რატომ უნდა შევიგინო, როცა აქა წერია, რომ არ შევიგინებო?

- ჰოოდა, მაგიტომ ვერ მოვანერ.

- არ მოანერ? - გაბრაზდა სანდრო.

- ვერა!

- მაშ, კარგი! შენ არც ჩემი რგოლის წევრი ყოფილხარ და არც ჩემი რგოლის წევრებთან გქონია საქმე. რა მაქვს შესახვენი? ეს ბიჭები ყველაფერს შეასრულებენ, რაც იკისრეს. აი, ავთო, ვახტანგი, სერგო და სოსოც ჩვენთან იქნებიან და ბრალი შენი, რომ მართო უნდა იყო. წადი, სადაც გინდა. გინდა შაშიაშვილ კაკოსთან წადი, მაგრამ ვერც იმასთან მიხვალ, რადგან ვერა ხართ ერთმანეთთან კარგად. ბალიკოც ახლოს არ გაგიკარებს - მონინია თავისი დანაშაული და მალე ისიც ჩვენთან იქნება. ბიჭებო! დღეიდან მრელაშვილ ვახტანგს, ლუკას ბიჭს, ეკრძალება ამ საბძელში შემოსვლა და ჩვენთან ახლოს ყოფნა, ვერც ჩვენ საქმიანობაში მიიღებს მონაწილეობას და ვერც ჩვენი რგოლის შეკრებას დაესწრება. მთელი რგოლისა და ჩვენთან ერთად მყოფი სხვა წევრების მოთხოვნით, ახლავე დატოვოს სნაიპერმა საბძელი!

ბიჭებს დაენანათ ცქვიტი სნაიპერის მოშორება, მაგრამ რგოლის ავტორიტეტის შელახვას ბედთან შერიგება ამჯობინეს და ერთხმად მოსთხოვეს საბძლის დატოვება.

თავზარი დაეცა ლუკას ბიჭს, როდესაც გაიგო, რომ ეს დავიდარაბა მასხრობა არ ყოფილა. და, აჰა, სინამდვილემ შეაჭყიტა თვალეებში. უშიშარმა ბიჭმა უცბად წარმოიდგინა თავი მართო: ამხანაგებისაგან (და მერე როგორი ამხანაგებისაგან!) მიტოვებული, გოგოების ანაბარად დარჩენილი... გული შეეკუმშა და ძლივს წამოიკნავლა:

- კარგი, არ მოვწვევ პაპიროსს.

გოგია აიმრიზა.

- პაპიროსს რომ არ მოსწვევ, ეს ნაღდია, მაგრამ გინებას რას უშვრები?

- რა ვუყო, განა მე მინდა!

- არ შეიძლება! - შეუბრალებლად დაასკვნა სანდრომ. - არ შეიძლება. მართო ეგ კი არა, ამ გაზაფხულის პირას ექიმს რომ მამალი მოუკალი, სულ ჩვენს ლობესთან ყოიდაო, სამაგიერო უნდა მიუყვანო და ბოდიშიც მოუხადო.

აღარ იცოდა მრელაშვილმა, რა გზას დასდგომოდა. ბიჭების მოშორება წარმოუდგენელი რამ იყო. არადა, ხელი რომ მოანეროს და მერე გინება წამოსცდეს სადმე? აფსუს, რა ბიჭები არიან! არა, არა, ისევ უნდა დათმოს. ან რა არის გინებაში კარგი? პატრონი მოუკვდეს ყველანაირ გინებას. ამათთან სიკვდილი ურჩევნია.

და ძლივს ამოღერდა ხორხიდან:

- მოიტათ, მომეცით ეგ სატიალე...

ვახტანგმა კარგა ხანს უცქირა ბნელში და, როდესაც ქალაღდს ჯიბის ფარნის საიდუმლო შუქი დაეცა, ხელი მოანერა.

- ახლა, ბიჭებო! - დაიწყო სანდრომ, რაკი ხათაბალას მორჩა, - დღეს უნდა მოვათავოთ ყველა საქმე, რაც კი საბძელთან არის დაკავშირებული. რადგან დღეის იქით აქ აღარ შევიკრიბებით.

ბიჭებში დრტვინვა გაისმა.

- რატომ?

- ჩემად, მოისმინეთ! - განყრა გოგია.

- დღეის იქით ჩვენ საჩუმათო და დასამალი არაფერი გვექნება. მთელი ჩვენი ავლადიდება, რაც ამ ნამჯაში გვაქვს, უნდა დავუბრუნოთ პატრონს.
- რატომ?
- იმიტომ, რომ ის ჩვენ არ გვეკუთვნის, ის გროზნასია, ჩვენ არ გვინდა სხვისი ნაცოდვილარი და ნაშრომი, ჩვენს სკოლას აქვს ნაკვეთი და იქ შეგვიძლია საკუთარი ბალის გაშენება. შარშან და წელს კარტოფილი და სიმინდი ედგა ჩვენს სკოლას. წელს ავდგეთ და ნამყენი ჩავყაროთ! როგორი იქნება, სნაიპერო, შენს დარგულ ხეზე რომ ახვალ და იქიდან გადმოიხედავ?
- სნაიპერი დაეჭვებით შეიშმუნა და იკითხა:
- იმოდენა კი გაიზრდება?
- რას არ გაიზრდება! მოვრწყავთ, ძირებს ჩვენვე გამოვუბარავთ, ჩვენვე გავსხლავთ, ჩვენვე დავკრეფთ.
- ბიჭებმა უფრო ახლოს მიიწიეს და ნაზირ-ვეზირებით შემოუსხდნენ შუაში შაჰინშაჰივით ჩამჯდარ რგოლის ხელმძღვანელს.
- ახლა კი ერთი სასიხარულო ამბავი უნდა გითხრათ.
- აბა, აბა! - წააქეზეს ბიჭებმა.
- აი, რა: ლენას ვუთხარი, რომ მათი ვაშლი ჩვენ დავკრიფეთ და იმანაც გვაპატია ეს საშინელი დანაშაუ- ლი... მაგრამ როგორც ვთქვით, ვაშლი უკანვე უნდა დავუბრუნოთ.
- ეგ რაღა სასიხარულოა! - ველარ მოითმინა სნაიპერმა.
- ლენამ გვაპატია, მაგრამ გროზნამ რომ გაიგოს, დაგვხოცავს.
- მართალია, რომ არ დავუბრუნოთ, ვერსად მივიტანთ, - მაშინვე დაეთანხმა მრელაშვილი.
- გროზნას ჩვენ ისეთი რამე უნდა გავუკეთოთ, რომ ეგეც გვაპატიოს და გვირაბშიც დღისით ჩავვიშვას.
- ეგ კარგად მოგიფიქრებია, მაგრამ ისეთი რა უნდა გავუკეთოთ?
- ჰო, აბა, რა უნდა გავუკეთოთ?
- გროზნას პური არ აკლია და წყალი!
- სასმელი და საჭმელი!
- ჩასაცმელი და დასახური.
- ისეთი რა უნდა გავუკეთოთ?
- აი რა: ლენას პაპის ქათმები ღამით ხმელ ხეზე სხედან...
- ნელდ ხეზე დავაჩვიოთ? - ჩაიხითხითა მრელაშვილმა.
- რას სულელობ, სნაიპერო? საქათმე უნდა დავუდგათ.
- რაო, საქათმეო? ჩვენ რომელი ღურგლები და კალატომები ვართ?
- რა კალატომობა უნდა? ბოძები ჩავსვათ და მსხვილი წკეპლით შემოვწნათ. ჩვენი საქათმეები როგორც არის, - მიხვდა ლუარსაბი.
- მართლა, როგორც ჩვენი საქათმეებია. ზვიდან შალაფა დავაფაროთ.
- აი, საქმე! კარგადაც გავერთობით.
- მართალია, გვეყო, რაც ხუხულებს ვაშენებდით! ახლა ნამდვილი სახლი ავაშენოთ.
- სახლი არა, დარბაზი! ქათმებს საქათმეც ეყოფათ.
- დავუდგათ, კარგი გოგოა, არც დავაბეზლა მაშინ და ქამრებიც დავვიბრუნა.
- დავუდგათ, მაგისი რჯულიც არ იყოს.
- მაგრამ ჩვენს დადგმულ საქათმეში მებალის ქათმები იკადრებენ შესვლას?
- როგორ არ იკადრებენ: ქათმებმა რა იციან, რომ გროზნასები არიან?
- ნუ ვეტყვით.

- სანამ შიგ არ შევრეკავთ, არ გავაგებინოთ.

- კარგით, სულ ყველაფერზე ხომ არ ვიმასხრებთ?

- ჰოოდა, დავდგათ.

- სწორი ვითხრათ, კარგი სახალისოა.

- კი მაგრამ, ამ არამკითხევებს გროზნა კინნისკვრით არ გამოგვრეკავს?

- მართლა, - დალონდნენ ბიჭები, - ეგ კი დაგვაზინცდა.

- რაზე გამოგვრეკავს? კი არ გაუხარდება?

- გაუხარდება, მაგრამ ითაკილებს და არ იკისრებს.

სანდრომ ისევ გააჩუმა ბიჭები.

- მის ვაშლს როცა ვიპარავდით, გავაგებინეთ რამე?

- მაშ, არ გავაგებინოთ?

- ეე, რა ჩვენი გაგება უნდა, თვითონ ვერ დაინახავს?

- მაშ, რა უნდა ვუყოთ?

- აი რა, ამ ერთ კვირაში ლენა, მისი დეიდა და პაპა თბილისში მიდიან. ლენას ხომ იცით, დედა ჰყავს მკვდარი. ჰოდა, ძეგლი უნდა დაუდგან.

- რომელი პოეტი ის იყო, ძეგლი დაუდგან?

სანდროს ეწყინა.

- ასეთ დროს ხუმრობა სად გავიგონია, სნაიპერო!

- თბილისში წავლენ, მამა?

- ჰო, ერთ სამ დღეს მაინც დარჩებიან, ჩვენ კიდევ მგლებივით ბიჭები ვართ, ხელად ვეტაკებით და ერთ საქათმეს რა დიდი საქმე უნდა? როგორ ვერ დავდგამთ? ბიჭებს შეეძება მოეწონათ, ისევ აყაყანდნენ.

- დავდგამთ, მაშ!

- სამ დღეში რას ვერ დავდგამთ!

- სამ დღეში თუნდაც შვიდსართულიან საქათმეს დავდგამთ.

- ლიფტი არ დავაყოლოთ?

- შვიდსართულიანი რად უნდათ? ბელეტაჟი იყოს.

- მოდით, ბიჭებო, სინათლეც გავიყვანოთ. რაკი ვაკეთებთ, გავაკეთოთ. აი, ლუკას ბიჭმა იცის მაგის ჩხირკედელაობა.

- სინათლე რად უნდათ? უკაცრაული პასუხია, რომანების კითხვას ხომ არ დაინწყებენ ქათმები?

- რომანები! ვითომ შენც გესმის რამე რომანებისა! გაუგია სადღაც. აი, თვითონ სანდრო და გოგია მიუჩინოთ, ლექსების წერას ასწავლიან.

ბიჭები ახარხარდნენ.

გოგია გაბრაზდა.

- შენ ყველაფერს სამასხროდ ნუ ხდი, ლუკას ბიჭო, თორემ ერთხელაც იქნება კარგად მიგიმუშტავ მაგ ცხვირს.

- ნელა, ეფრემას ბიჭო, ხელი არ გეტკინოს.

ბიჭები გაიტრუნნენ.

- კარგით, კარგით. აბა, ჰა, დაესიეთ ერთმანეთს... მაშ, ასე: დღეის შემდეგ ჩვენ კლასშივე შევიკრიბებით ხოლმე.

- ახლა დავიშალოთ?

- ახლა დავიშალოთ.

რგოლის უკანასკნელი შეკრება სოფლის განაპირას, ძველ საბძელში, დაშლილად იქნა გამოცხადებული...

და როგორც კი მიჩუმდა წასული ბიჭების ფეხის ხმა, საბძელს ერთი ლანდი კიდევ მოსწყდა და ღამეს შეერია.

მოსწრებული სიტყვის ძალა

რგოლის ხელმძღვანელმა ბინდისას მოიხმო სნაიპერი და უთხრა:

- შენ წადი და, აქედან მოყოლებული - ტურის უბნამდე, შეატყობინე ჩვენს ბიჭებს, რომ ამ საღამოთი ლენა, დეიდამისი და გროზნა თბილისში წავიდნენ. ხვალ კვირაა, მაგრამ ადრე დასჭირდებათ ადგომა. წყაროს ბაღის თავში დილის შვიდ საათზე უნდა იყვნენ გადაჭრილ ალვის ხესთან, მე გოგიას გავუვლი, რომ დანარჩენ ბიჭებსაც შევატყობინოთ. აბა, ჩქარა, თორემ დაგვიანდება.

ლუკას ბიჭი წავიდა და თან გაიფიქრა: „ქაჩალი თავს არ მოიქექს, მაგრამ თუ მოიქექა, სისხლს დაიდენსო“. ახლა აღარც დაისვენებს, რაკი დაინყო. მაგრამ ის აზრი, რომ ხვალისთვის ტყეში მოუხდებათ გასეირნება, ფრთებს ასხამდა.

თითქმის მთელ ღამეს ემზადებოდნენ ბიჭები, ხოლო მეორე დღე ბოძების, ქანდარების, კავისა და ამოსაწნავი წვეპლის მოჭრას მოანდომებს. წვეპლას გოგიას ურმით ჩამოიტანდნენ, მაგრამ ბოძებსა და დანარჩენ სხვა მასალას ერთი-ორი ურემი დასჭირდებოდა. სანდრომ მამას ურემი სთხოვა და იმანაც არ დაუჭირა.

ბიჭმა ლენასგან იცოდა, სად აპირებდა შაჰა საქათმის დადგმას...

სანდრო ყველაზე ადრე ჩამოვიდა ტყიდან და თითა ყურძნის ხეივანთან წამოწოლილ ლადოს მიუბრუნდა:

- ბიჭები არ ჩამოსულან?

- გოგია და ვახტანგი ჩამოვიდნენ, მაგრამ ერთი გზობა კიდევ დაგვრჩა ჩამოსატანიო, და უკან გაბრუნდნენ... ქამრით მაინც დააბი ევ ძაღლი, შენ შეჩვეული გყავს, არ მიკბინოს.

- ნუ გეშინია, არ გიკბენს. თუმცა, ახლა ბიჭები მოვლენ და არავინ დაგლიჯოს. მოდი, ალმას, ჩემთან! წამო, წამო - სანდრომ კვიპაროსზე გამოაბა კუდბანჯგულიანი. ლადო წამოდგა და სანდროსთან ერთად დაინყო მოტანილი წვეპლების უფრო კარგად გასხევა. სამი ბიჭი დაგეგმილ და დანიშნულ ადგილებს თხრიდა საბოძე ორმოებისთვის. სანდრომ თავი მიაჩნებდა სხეპვას და ორმოები დაათვალიერა.

- ეყოფა სიღრმე?

- როგორ არ ეყოფა, წელანვე თითქმის ზომამდე იყო და ახლა ხომ უფრო ღრმად წავიდოდა.

- შენ უფრო კარგად იცი, კიდევ ნახე მაინც და, თუ აკლია, უთხარი, კიდევ მოთხარონ. მე ერთი, ხევში ჩავალ, იმ ბიჭებმა რად დაიგვიანეს, გავიგებ. წვეპლა ერთი გზობა მოუტანიათ, მაგრამ საბოძეებზე წასული ურემი ჯერაც არ ჩამოსულა.

სანდრო ჩავიდა რიყეში, მაგრამ ტყიდან მომავალი ვერავინ დაინახა. უფრო შენახდა ბიჭი, რადგან აქამდის უნდა მოსულიყვნენ. გაჰყვა რიყეს. გასცდა სკოლას და ლაცაბიძიანთ სახლს ზემოთ თავქვე მოჩახჩახე თავისი ცარიელი ურემი დაინახა. ზედ წამომსხდარიყვნენ ალექსი თვალთმაშობილი, ნუგზარ გარეჯელი და ლუარსაბ ბაჩიაშვილი. ბიჭებს ცხვირები ურმის კოფომდე ჩამოეშვათ. გაკვირდა სანდრო, დაიბნა, მაგრამ ურემს მაინც წინ შეეგება.

- რა ამბავია, რად დაიგვიანეთ. ან მასალა რა უყავით?

დარცხვენილმა ბიჭებმა ზევით ვერ აიხედეს.

ბოლოს ისევ ლუარსაბმა გაბედა:

- ტყისმცველს მიუგნია მასალისათვის და დაუტუსაღებია. შეშა ჰკონებია.

სანდროს გულს შემოეყარა.

- როგორ თუ დაუტუსაღებია?

- ისე. ერთი საბოძე იყო ჩათლილი ცალ გვერდზე და ზედ ეწერა: ეს შეშა დატუსაღებულაო.

სანდრო კარგა ხანს იდგა ჩაფიქრებული, მერე თავი აიღო და ჩაილაპარაკა:

- კიდევ კარგი, რომ შეშა ჰგონებია. არ ვარგისართ, არა. მაგხელა გოგონები გაბიათ და ვერაფერი მოიგონეთ. აფსუს, სად იყვნენ ეფრემას ბიჭი და სნაიპერი? ჩამოდიოთ ახლავე ურმიდან! თუმცა, ყველანი ნუ ჩამოხვალთ. მასალის დატვირთვაში დამჭირდებით! ლუკა წავიდეს და ნასიმინდარში შალაფის კონების შეკვრაში უშველოს დალისა და ლილის. მოჭრას კაჭანთ ვახტანგი და ენუქაშვილებიც აუვლენ. იმ გოგონებს უხარიათ, რომ საქმე დავაგაღე, მაგრამ იმათი შეკრული კონა რა უნდა იყოს? შენ დაუარე და ყველა კონა შეამონმე, არ გაიხსნას. მე მასალასაც ჩამოვიტან და იქნება კონების მოზიდვაც მოვასწრო. წადი, მე მალე ჩამოვალ.

სანდრომ ცხენს შოლტი გაუტყლაშუნა და ტყისკენვე შეაბრუნა.

გზაში ბიჭებმა თავი იმართლეს:

- ტყის მოსაჭრელი ბილეთი არა გვექონდა და იმისი შეგვეშინდა. ხომ იცი, უბილეთოდ მოვჭერით?

სანდრო ამ ამბავმა ძლიერ დააფიქრა. ახლალა მიხვდა, რომ ეს უკვე ქურდობა გამოდიოდა - ტყის ქურდობა.

ბიჭი საგონებელში ჩავარდა. თვითონვე არღვევდა იმ ვალდებულებას, რომელიც თავის „მარტვენა ხელთან“ ერთად შეადგინა. მაგრამ მალე მოიფიქრა გამოსავალი და გამხიარულდა.

- ბილეთი უნდა ვიყიდოთ და ტყისმცველს ჩავაბაროთ.

- ბილეთი? - გაიკვირვა ალექსიმ.

- ჰო, რას გაიკვირვე?

- მერე, ჩვენ საიდან ვიყიდოთ, მილიონერები ვართ?

- ბილეთს რა მილიონერობა უნდა?

- ფული ხომ უნდა?

- ვიშოვით.

- საიდან ვიშოვით?

- ძველ საბძელში რომ ვაშლი გვაქვს, ის უნდა მივცეთ.

- ვაშლი? აკი უნდა პატრონისათვის დაგვებრუნებინა?

- რას ვიზამთ, ეს საქათმე ხომ იმის პატრონისათვის გვინდა?

- კარგი, რაკი ეგრეა, ეგრე გავაკეთოთ, - დაეთანხმნენ ბოლოს ბიჭები.

- ამას გარდა, ქაჩალ გორაზე და კიკაბაურების ფერდაზე ტყის დღეს ბლომა ხეები უნდა დავრგათ. ეს იმის სამაგიერო იქნება, რაც ჩვენ ტყეს ზარალი მივაყენეთ. მე კი, პირადად, ოცი ალვის ხე უნდა შემოვუმწკრივო, აი ამ ადგილს - გაიშვირა წყაროს ბალისკენ ხელი სანდრომ, გადაჭრილი ალვის ხის ქვეშ რომ გავიდნენ. - აი, ამ ალვის ხის სამაგიერო იქნება.

ბოლოს მიაღწიეს მოჭრილ მასალას და ურმიდან ჩამოხტნენ.

სანდრომ მოძებნა ის ბოძი, რომელზედაც, ლუკას სიტყვით წარწერა იყო, გადააბრუნა და თვითონაც წაიკითხა გათლილ გვერდზე ქიმიური ფანქრით გაჩხაპნილი:

ეს შეშა დატუსაღებულაო. ტყისმცველი: მიშა დემურხანაშვილი.

სანდრომ თვალაშვილოს უთხრა, ერთი ბოძი კიდევ მოეჭრა, ის წარწერიანი ბოძი კი იქვე, თვალსაჩინო ადგილზე დაატოვებინა და დანარჩენს ურემზე დადებდა დაუნყო. როცა დადებდა მორჩინენ, გადაუჭირეს წნელები, დაუჭირეს ქანჩები და არხეინი ღიღინ-ღიღინით დაეშვნენ თავვევ.

მაგრამ ბოლომდე არ გავრძელებულა მათი ღიღინი, რადგან მხიარული ბიჭები ზედ წყაროს ბაღთან გადაეყარნენ ტყისმცველს.

თვალთშევილსა და გარეჯელს ფერი წაუვიდათ, ხოლო სანდრომ ცხენი ჩვეულებრივი ნაბიჯით წაიყვანა და ტყისმცველს დაასწრო სალამი.

- გამარჯობათ, ძია მიშავ.

ტყისმცველმა სალამი დაუბრუნა.

- გაგიმარჯოს, მაგრამ აბა, დაიცათ, - ახლოს მივიდა და სინჯვა დაუნყო, - ეს რა ამბავია, მე ეგ შეშა დავატუსალე და შენ კიდევ მიგაქვს?

სანდრომ თავი მოიქექა და ცუღლუტურად გადახედა.

- ძია მიშავ! თქვენ რომელი შეშაც დაატუსალეთ, ის იქვე დავტოვე და დანარჩენთან რა ხელი გაქვთ? აი, გაჩხრიკეთ და, თუ აქ დატუსალებულ შეშას მიაგნოთ, დამაჯარიმეთ.

ტყისმცველმა შეხედა ეშმაკ ბიჭებს და გადაიხარხარა.

- კარგით, კარგით, რაკი ასე ყოჩალი ბიჭები ყოფილხართ, დამითმია. მხოლოდ შემდეგისათვის უჩემოდ არათფერი გააკეთოთ. შემატყობინეთ და იქნებ მე თვითონ შეგირჩიოთ შეშაც და სამასალეც!

ბიჭებმა მადლობა გადაუხადეს გულკეთილ ტყისმცველს და ისევ თავქვე დაეშვნენ ურმით.

ტყისმცველმა კარგა ხანს გააყოლა ღიმილნარევი თვალი და გუნებაში გაიფიქრა: აქებდნენ და კიდევაც ყოფილან საქები ეს უნდილებიო!

დანაშაულზე წასწრება

სნაიპერმა სანდროს რჩევა დაიჯერა და მებალის სახლისკენ გასწია.

შორიდან დაიძახა.

არავინ გამოხმაურებია.

კიდევ დაიძახა.

უეცრად საიდანღაც გამომტყვრალი ძალღი ღრენით გამოეჩანა ხევში ჩასასვლელისაკენ.

ვახტანგმა ჯერ უკანვე გამობრუნება დააპირა, რიყეში, რათა იქ ქვეები აეკრიფა და თავდამსხმელს ღირსეულად დახვედროდა, მაგრამ რაკი ვერ ჩაასწრებდა, ნეკერჩხალზე ასვლა გადაწყვიტა.

დროულიც იყო: მოვარდნილი აღმასა ხეს შეეტოტა და ფეხსაცმლამდე მისწვდა. ბიჭი ნაჩვევი იყო ძაღლებთან ჩხუბს და მაინცდამაინც არ შეშინებია. ხეს მაგრად შემოხვეულმა რამდენჯერმე გაიქნია ფეხი და ძლივს გამოჰვლიტა პირიდან. მერე აცოცდა ზევით და ერთ ტოტზე მოხერხებულად ჩამოჯდა.

ძაღლიც დასუცქდა იქვე, ზევით ცხვირანეული შეჰყურებდა და ნაწყვეტ-ნაწყვეტ იყეფებოდა.

ვახტანგმა კიდევ დაიძახა:

- ლენა! დაყრუვდი, გოგო?

ძაღლი ძლიერ აყეფდა.

ბიჭმა ძირს ჩამოიხედა და გამარჯვებულის უბრუნველი ღიმილით უთხრა:

- რა გინდა, ტურების საჭმელო? ვითომ შენც ძაღლი ხარ, რაღა. ფუი, შენს ძაღლობას რა ვუთხრა! ისე მოგპარეს ვაშლი, რომ შენ ჩუჩუნიც არა ჰქენი. ფუი!

ძაღლი ვიყო და ეგრე გადაყრუვდე?! - ენა გამოუყო და დაეჯღანა.

ძაღლს ეწყინა, წამოხტა და ხეს ყეფით შეეტოტა, მაგრამ მიხვდა, რომ ვერ მისწვდებოდა, და იქვე დაყუნტდა.

- დიდხანს იჯდები მანდ? - შეეკითხა ვახტანგი.

ძაღლმა შეჰყეფა.

- კარგი. მეც არ ჩამოვალ, ვნახოთ, არ მოგწყინდება? - ტოტს გადააღლაჯა, ხეს ზურგით არხეინად მიეყუდა და აღილინდა:

ქუჩუკი ღონიერია,

ფეხს გადაანვლენს ველებსა,

ისე მივბეგვავ ალმასას,

ველარ ანძრევდეს ყურებსა! ჰეეე!..

უცვებ გაჩუმდა და ძაღლს ჩამოჰხედა.

- უუ, შე საცოდავო, ყურებიც რომ არა გაქვს! ანდე, დაუჭრიათ.

ძაღლმა შეჰყმუევლა და უკანა ფეხებით მიწა მოფხოჭნა.

- გიცხონდა პატრონი, ერთი ძაღლიან გაფხუკიანიდი. არა, გიხდება, რომ ამოდენა ბანჯგვლი გადევს ზედ? გროზნა რომ ფერმის გამგედ იყოს, მატყლის დამზადების გეგმას რა ადრე შეასრულებდა?

უეცრად ძაღლმა ყფა შეწყვიტა, ანკმუტუნდა და კუდის ქნევ-გრეხით ხის მეორე მხარეს გადაინაცვლა.

ვახტანგი ზურგისაკენ მიბრუნდა და ძირს ჩაიხედა.

ნეკერჩხლის ქვეშ მებალე იდგა და ხელმოჩრდილვით ზევით იყურებოდა.

- არიქა, დიმიტრი პაპავ, მიშველე, თორემ ლამის შემჭამოს თქვენმა ალმასამ. - მერე ენა მოიჩლიქა: - რა გინდა, ტუგრი, მე ხომ არაფერი დამიშაფებია შენთვის. ლამაზი და კარგი მაინც არ იყო. რა კარგი ყურები და ბენვი აქვს. ნუ, ტუგრი, ნუ ბრაზობ.

- რა, რაო, მამ ფერმის გამგედ უნდა ვიყო? - გააგრძელა გროზნამ და მარცხენა მხარზე გადებული წერაქვი მუქარით ჩამოიღო ძირს, - აბა, დაბლა ჩამოდი, თუ მაგ თანამდებობას დავჯერდები.

ვახტანგი შეკრთა და, ძირს ჩამოსვლის ნაცვლად, ერთი ტოტით ზევით აიწია. თან გაიფიქრა: ახლაც ნასვამი ჩანს ეს ბებერი. ნეტავ სადა შოულობს ყოველდღე, ანდა რატომ არა სწყინდება?

- არ ჩამოდიხარ? - იკითხა მებალემ.

- რაღაც ხალისი არა მაქვს, - უპასუხა ხეზე მჯდომმა.

- მამ, მე გაგახალისებ. - მოხუცი მიბრუნდა და დაიძახა: - ლენავ, გოგო, ლენავ!

მოიტა ერთი, ცული გამომიტა... რამდენი ხანია მინდოდა ამ გამხმარი ნეკერჩხლის მოჭრა და ყოველთვის მავინწყდებოდა... გაგიხარიან მე შენ ჩამოგსვამ, მანდ ბერი ქედანივით რომ ზიხარ და ლულუნებ.

ახლა კი შემფოთდა ვახტანგი.

- რა გინდა, პაპავ?

- არაფერი, შვილო, ცული მინდა.

- რად გინდა, ცული, პაპავ?

- აი, გამომიტანოს და მანდედან დაინახავ, რისთვის მინდა.

- ლენა შინ არ არის.

- შენ რა იცი?

- ვიცი.

გროზნა შეყოყმანდა.

- მართლა არ არის?

- მართლა არ არის.

- ალმას, აქ იყავ და ეს მლივი არ ჩამოუშვა ძირს.

გროზნა გაბრუნდა სახლისკენ ცულის მოსატანად.

ლუკას ბიჭი ძაღლს დაეჭყანა:

- და-და-და-და, რასა ჰგაეხარ, ძაღლო!

გროზნამ მოიხედა.

ვახტანგმა ჰაეროვანი კოცნა გაუგზავნა ძალღს.

- ნამდვილი მზეთუნახავი ხარ, მზეთუნახავი.

სახლში მცირე ხნის ფათურის შემდეგ მებალე უკანვე გამობრუნდა.

- ახლა გამახსენდა, რომ ცული გუშინ წავიღე ბიძაშენთან დასაფოლადებლად.

- ჰო, მე ვუთხარი: კარგი ფოლადი გაუკეთე-მეთქი, ბიძაჩემო, ხომ იცი, დიმიტრი პაპასია-მეთქი!

- დამიცადე მანდ, ჯახუნანთა გადავალ და იმათ გამოვართმევ.

მეტი რა გზა ჰქონდა ვახტანგს, უნდა მოეცადა.

- კარგი, დაგიცდი.

უცებ ვახტანგი ტოტზე შედგა და გასძახა:

- ნუ წახვალ, დიმიტრი პაპავ.

გროზნამ მოუხედა.

- ჩამოდიხარ?

- არა.

- არა და გაჩვენებ შენ სეირს...

- დიმიტრი პაპავ.

- რა იყო.

- ცული არ გინდა.

- ვითომ რატომაო!

- ხერხი მოიტანე.

- ხერხი? - გროზნა ჩაფიქრდა, - დამცინი, არა? ხერხითაც შეიძლება, - დაასკვნა

ბოლოს და სახლისკენ გასწია.

გროზნამ ბირდაბირი გამოიტანა და ხის ძირს მიაღდა.

- აი, შე მლივო, შენა, შენგან არი ბალის ღობე დაჭეჭილი და ის ვაშლი გაკრეფილი.

ახლა ხომ ჩემს ხელში ხარ.

ხერხი ხტოდა და ნაჭდევიდან ვარდებოდა. ბევრი ეწვალა, ბევრი უარა გარშემო,

მაგრამ პირი ვერ მოაკიდებინა.

ვახტანგმა იცოდა, რომ ჯერჯერობით საფრთხე არ მოელოდა. იჯდა არხვინად, ღიღინებდა:

ცულს მოვიტან, ცუნცულასა,

ხელეჩოს და წალღუნასა,

ხესაც მოვჭრი, ხის ძირსაცა,

შენც შეგჭამ და აღმასასაც...

გროზნა შედგა და სახელოთი ოფლიანი შუბლი მოიწმინდა.

- რაო, გიჭირს, დიმიტრი პაპავ?

- მიჭირს, - გამოტყდა გროზნა.

- ეგრეა, - ბრძნულად დაასკვნა ხეზე მჯდომმა, - ერთი კაცი პურის ჭამაშიაც არ ვარგაო.

- აბა, მაშ, რა ვქნა, შვილო, - დაეთანხმა ძირს მდგომი, - ჩემი დღენი სულ ეგრე მართხვებდა ვარ, ახლაც ის გოგო რო არ ჩამოსულიყო, რა ეყრებოდა ჩემს ყოფნაში.

- ლენა ძალიან ყოჩალი გოგოა. სულ ხუთიანები ჰყავს.

- მასწავლებლებიც ემადლიერებიან.

- ჰო, ძალიან.

სიჩუმე ჩამოვარდა.

გროზნამ ხეზე მჯდომს ახედა.

ვახტანგმა მისი მზერა დაიჭირა, მერე გამოცდილი კაცით ხეს შეავლო თვალი და ტანზე მოწონებით დაჰკრა ხელი.

- ჰე, რა შემას დაჰყრის ეს ნეკერჩხალი! ტყეში წასვლა აღარ დაგჭირდება, დიმიტრი პაპავ.

- ჰო, ხმელი შემა იქნება, - დაეთანხმა მებაღე.

ისევ სიჩუმე ჩამოვარდა.

მხოლოდ ძალლი იცქირებოდა ავი თვალით ხისკენ.

ვახტანგმა უცებ საგრძნობლად გადმოიწია. ძირს გადმოიხედა და როცა ხის ქვეშ მჯდომმა ზევით აიხედა, წარბი შეკრა და განგებისად გაიკვირვა:

- აღარა სჭრი, დიმიტრი პაპავ?

გროზნამ ხელი ჩაიქნია.

- ხერხი ვერ მივუყენე.

- ეე, ეგრეა, აი, ისევ თუ მე არ მოგეშველე, მარტოკამ რა უნდა ჰქნა, შე ბეჩავო, შენა...

ვახტანგმა ძირს ჩამოიწია, ხის ტანს მოეხვია და ზედ დაცურდა.

წუთიც და, განცვიფრებული ძალლისა და მისი პატრონის წინ იდგა.

ბიჭმა ხერხი აიღო და განახერხში ჩადო.

- აბა, შენ მანდედან გასწიე, დიმიტრი პაპავ.

გროზნა გაოცებით წამოდგა, ერთხანს ბიჭს უცქირა და მერე ხერხის სახელურს უნებურად წაავლო ხელი.

შემცბარი ძალლი ახლოს დაცუცქდა და ხერხს აქეთ-იქით დაუნყო თვალის გაყოლება.

ნახევარზე რომ მიაჭრეს, შეისვენეს. მერე ისევ მიეძალნენ და ორმოციოდე წუთში ძირს დასცეს გამხმარი ნეკერჩხალი.

- ეგრეა, სად ერთი კაცი და სად ორი!

- შენ გაიხარე, შვილო, - გადანაჭერზე ჩამოჯდა გროზნა და სიმთვრალისაგან დაბრეცილი თვალებით თამბაქოს ქისაში ჩაიხედა. ჩიბუხი გაანყო და მოუკიდა.

ვახტანგმა ტუჩები აანკლაპუნა.

- მოიტა, მომანვეინე, დიმიტრი პაპავ.

მებაღემ ჯერ გაიკვირვა და მერე ქისა მიაწოდა.

- მოსწიე.

ვახტანგმა საიდანდაც გაზეთის ნახევი ამოაძვრინა, თამბაქო გაახვია და გააბოლა.

- კაი თამბაქო ყოფილა.

- ძალიან კარგია, - კვერი დაჰკრა პატრონმა.

- რა ღონე გქონია, დიმიტრი პაპავ. მე მეგონა, დაბერდა-მეთქი.

- რას შერეები, ვახტანგ? - დასძახა ვილაყამ თავზე.

ზევით აიხედა და წარბშეყრილი ლენა დაინახა.

- რას შერეები, ვახტანგ? - გაიმეორა გოგომ, - გადააგდე ამ წუთში!

ბიჭს ლოყებზე ალმური ავარდა, პაპიროსის ნამწვი შორს გადაისროლა და საცოდავად დაიჭყანა.

- ბიჭებს ნუ ეტყვი, ლენა.

- ვინ ბიჭებს, ბიჭებთან მე რა მესაქმება?

- უჰ, ლენა, მე ყოველთვის ვამბობდი: ლენასთანა გოგო მთელ სოფელში და ქალაქშიც არ იქნება-მეთქი.

- ბიჭები საჭირო არ არიან. მე ამას რგოლის შეკრებაზე ვიტყვი.

სნაიპერს ელდა ეცა.

- რას ამბობ, ლენა, რგოლიდან გამრიცხავენ.

- შენ იმ რგოლში არცა ხარ და ვერც გაგრიცხავენ. მე ძალიან კარგად ვიცი, რომ „ვალდებულებაზე“ ხელი გაქვს მონერილი და სიტყვა კი არ უნდა გაგეტეხა. უშიშარი ბიჭი მოიბუზა.

- ჩემი ბრალი არ არის, პაპაშენმა შემაცდინა, ლენა.

გროზნამ ყური ცქვიტა.

- რაო, მე შეგაცდინე? აი, შე მლივო, შენა! - მებაღემ ტოტი შეატეხა ხეს, - მე შეგაცდინე თუ შენ შემაცდინე?

ბიჭი ფხიზლად წამოხტა და ხევში ჩავარდა.

ძალლი გამოეკიდა, მაგრამ ქვის ყუმბარებმა უკანვე გამოაბრუნეს.

- სად მირბიხარ, ვახტანგ?

- ეზოში არ მაყენებთ და მა რა ვქნა?

- წამოდი ახლა, დავინყოთ მეცადინეობა და თავის მართლებას ხვალაც მოასწრებ შეკრებაზე.

- მაშ, უეჭველად იტყვი?

- უეჭველად ვიტყვი.

- მართლა ამბობ?

- მართლა.

- მაშ, არც შენთან მეცადინეობა მინდა და არც შენი დახმარება, შენ დიდი ვერაგი ვინმე ყოფილხარ. ჯერ სახლში დაიმაღლე და მერე თავზე წამადექი, არა?

- ლილისთან ვიყავი და ახლა იქიდან მოვედი.

- ძალიან კარგად ვიცი, რაცა ბრძანდებით შენ და შენი პაპა. ვაი, მაშინ რად გამოგაცილე და, ერთი მგლებმა თუ ქაჯებმა არ შეგჭამეს!

- შენი პაპაო? კიდევ მე გადმომწვდა? აბა, მანდ დამიცადე!

ვახტანგს რა დააცდევინებდა? გაჭენდა რიყზე და ეზოში გაოცებული ლენა დატოვა.

საპატიო დავალება

მრელაშვილს სამასწავლებლოში გამოუძახეს. გაკვირვებულმა და შეშფოთებულმა ვახტანგმა მეგობრების ჯგუფი გაარღვია და მერე სართულზე ასასვლელი კიბისაკენ გაემართა.

ბიჭები სახტად დარჩნენ.

- ნეტავ რატომ დაუძახეს სნაიპერს?

- ალბათ, რაღაცა გააკეთა, რაც ჯერ ჩვენ არ ვიცით.

- მაშ, რატომ არ გვითხრა?

- ყველაფერს ხომ არ იტყვის?

- იქნებ ცუდი არაფერია, ბიჭებო, წინასწარ გულს რაზე იხეთქავთ.

კიბეზე მიმავალი სნაიპერი კი აქეთ-იქით იქცირებოდა და ცდილობდა, ლენასათვის მოეკრა თვალი.

ალბათ, მან დააბეზლა მასწავლებელთან პაპიროსის მონვეისათვის. ვაი, ერთი სადმე ჩაიგდოს ხელში და ნახავს, იმ ლამაზ ნაწნავებში როგორ ქორივით ჩააფრინდება და ნაბურჯლალს ქარს გაატანს. ბრიყვი, სულელი, ჩერჩეტი, ფუ! განყდა გოგოების სინსილა! სულ სხვების ბებლებში არიან. მაგრამ ზალიკომაც ხომ დააბეზლა, როცა ექიმის მამალი მოკლა ორლობეში? ის ხომ ბიჭია? ეჰ, როცა ღამით გვირაბში ჩასასვლელად მიდიოდნენ, რატომ მაშინ არ აურია გზა და სულ ბარდებში არ აძვრინა, რომ ერთიანად დახეოდა ის კოკობიკა კაბა და ლოყებიც დაკანროდა

გემრიელად! არა, არა, თუ დღეს გადარჩა, მერე ახლოს აღარ გაეკარება ჰაპიროსს... კიდევ კარგი, რომ ბიჭებთან არაფერი უთქვამს.

ვახტანგმა სამასწავლებლოს კარები შეაღო და შეჩერდა.

ოთახში საქმის მწარმოებელი და არითმეტიკის მასწავლებელი დაინახა. საქმის მწარმოებელი რაღაცას იწერდა რვეულში, ხოლო კლასის ხელმძღვანელს საკლასო უურნალი გადაეშალა და საჩვენებელ თითს აყოლებდა ყოველი გვარის გასწვრივ. მასწავლებელმა თავი ასწია და კარებში შეჩერებული ბიჭი რომ დაინახა, თავისთან მოიხმო.

- მოდი აქ, ვახტანგ.

ბიჭი მივიდა.

- რისთვის დაგიბარა დირექტორმა?

- დირექტორმა დამიბარა? - შეიცხადა ბიჭმა, - დირექტორმა თუ თქვენ?

- ერთმაც და მეორემაც. ძალიან გემდურებიან მასწავლებლები, ვახტანგ, ცუდად სწავლობსო.

ბიჭს გულზე მოეშვა.

მეტი არაფერი? მართო ეს არის? უჰ! ეგონა კი, უარესი რამ იქნებოდა.

- ვერ ვასწრებ, მასწავლებელო.

- რატომ ვერ ასწრებ მერე?

- იმიტომ, რომ... იმიტომ რომ... ძნელია, პატივცემულო მასწავლებელო.

- მაშ, შენი აზრით, იმ ჩაქუჩის რახუნზე უფრო ძნელია, შენ რომ სამჭედლოში იქნევ ხოლმე?

ბიჭმა თავი ჩაღუნა და მერე ქვეშ-ქვეშ გამოხედა მასწავლებელს.

- აი, რა, ვახტანგ, პირველ მეოთხედში ცუდი ნიშნები გქონდა და მეორეში მაინც უნდა ეყადო, რომ გამოასწორო, თორემ შეიძლება იმავე კლასში დაგტოვონ და ჩამორჩე ამხანაგებს. მართალია, კარგია, რომ სხვა საქმესაც აკეთებდე, მაგრამ პირველ რიგში გაკვეთილები უნდა დაამზადო. მერე დედასაც უნდა გაუგონო. აბა, გაიხსენე: შარშან შენ უკანასკნელი გაფრთხილება გქონდა და იმ პირობით გადაგიყვანეს მეხუთე კლასში, რომ ისწავლიდი. მერე, სად არის შენი დაპირება? იმეცადინე და მეცადინეობის შემდეგ რაც მოგესურვება, ის გააკეთე. განა მჭედლობა ცუდია? მაგრამ ჯერ უნდა ისწავლო. აი, დაამთავრე საშუალო სასწავლებელი და, თუ მაინცდამაინც მჭედელი გინდა იყო, მერეც მოასწრებ. ნადი ახლა, ჩაუჭეცი საგნებს და დღეიდან არც ერთმა მასწავლებელმა არ მითხრას, რომ შენ გაკვეთილზე ვერ უპასუხე.

ბიჭოს! სულ ეს არის? - შეხტა სიხარულით ლუკას ბიჭი, - მე კი მეგონა, შავ დღეს დამაყრიდნენ. ალბათ, ლენას არაფერი უთქვამს ჰაპიროსზე. არა, ძმაო, რაც მართალია, მართალია, მაგისტანა კარგი გოგო ჩვენს სკოლაში არ არის. ღამეც რა გულადად მოდიოდა აკადემიის გალაფანში გადასასვლელად! ყოჩაღ, ლენა! ის იყო კარები გამოაღო გარეთ გასასვლელად რომ, მასწავლებელმა კვლავ დაუძახა.

- დაიცა, ვახტანგ, სულ დამავიწყდა, რომ დირექტორი გეძახდა. შედი, კაბინეტში გელოდება.

ვახტანგს ფერი წაუვიდა.

ახლა კი გავები! ეს სულ ლენას ოინებია, ნამდვილად უთხრა ყველაფერი და დირექტორმაც იმიტომ დამიბარა: ფუჰ! განყდა მაგათი სინსილა! მაინც ამ ლენაზე უხეირო და ლაყაფა, ალბათ, მთელი სკოლის გოგოებშიც არ იქნება. მშიშარა! აკადემიის გალაფნიდან ისე გამორბოდა, რომ კინაღამ მეც გამასწრო. დაიცა, ჩაგიგდო სადმე ხელში!

ვახტანგმა მოკრძალებით შეაღო დირექტორის კაბინეტის კარი.

- ოო! მრელაშვილს ვახლავართ! - წამოდგა დირექტორი და ბიჭი თავისთან მიიწვია,
- მოდი სალაში, კაცო, - და უნდოდად განვდილი ხელი მაგრად ჩამოართვა.
სნაიპერი დაიბნა.

ეს რა ამბავია? მოეჩვენა, თუ მართლა ხელი ჩამოართვეს?... აკი დირექტორი
ბრაზიანიო!.. არა, აქ რაღაც სხვა ამბავია, ცოტა სიფრთხილე უნდა.

მორჩილად გაჩერდა მაგიდასთან.

დირექტორმა სკამი გამოსწია.

- დაჯექი, კაცო, რა ფეხზე დგახარ.

- არა უშავს. ვიდგები, პატივცემულო დირექტორო.

- დაჯექი, დაჯექი, აი, ხედავ? ჩვენებს კიდევ წაუგიათ, - გაშლილი გაზეთი გადაუდო
დირექტორმა. - არ წავიკითხავს გუშინდელ ფეხბურთზე?

ბიჭმა თავი გაიქნია.

- ოჰო! - გაიკვირვა, - აკი მითხრეს, რომ ფეხბურთი ძალიან გიყვარს და თვითონაც
კარგად თამაშობ. ამბობენ, ბურჟუურთელმა ჩამოაყალიბა თავისი რგოლის
წევრებიდან გუნდიო. მართალია?

- მართალია, - ძლივს ამოღერდა.

- და შენც თამაშობ იმ გუნდში.

- დიახ!

- ყოჩაღ! ყოჩაღ! საკვირველია, როგორ ასწრებ გაკვეთილების მომზადებას და
ფეხბურთის თამაშსაც?

ბიჭი შეაშფოთა ამ კითხვამ.

კიდევ გაკვეთილები? რას გადაეკიდნენ დღეს? ჯერ გაკვეთილებს მოვყვებით ხოლმე
თამაშის წინ და მერე ვთამაშობთ.

- ყოჩაღ, ყოჩაღ, - იმეორებდა კვლავ დირექტორი. - ბურჟუურთელიც ამზადებს
ხოლმე შენსავით გაკვეთილებს?

- მაშა, ისიც ამზადებს. ჩვენ ყველანი ვამზადებთ, მთელი ბიჭები.

- აბა, გაიქეცი და სანდროსაც დამიძახე.

- სანდრო არ მოსულა დღეს სკოლაში.

- რატომ?

- ბებიასთვის წამლები უნდა მოიტანოს თელავიდან.

- მერე აფთიაქი აქაც ხომ გვაქვს, სოფელში?

- ის წამალი აქ არ ყოფილა.

- მერე, დაეთხოვა მასწავლებელს?

- არ ვიცი, პატივცემულო დირექტორო.

დირექტორმა წყენის ნიშნად თავი გაიქნია.

- ეს კი ცუდია, თუ არ დაეთხოვა და ისე წავიდა. ახლა, აი, მე შენ რას გეტყვი,
ვახტანგ. დღეს ბაზერაანთ მიხა იყო აქა და...

დირექტორი მცირე ხანს შეჩერდა და ბიჭს მზერა შეაპარა.

მრელაშვილი ამ სახელის ხსენებაზე გაფითრდა.

მოსაუბრემ თითქოს ვერაფერი შეამჩნიაო, ისე განაგრძო:

- ბაზერაანთ მიხა იყო დღეს აქა და მითხრა: ჩემი ვენახის თავზე დადიან თქვენი
მონაფეხები და ყოველ გავლაზე ვენახში თითო ვაზს მიჭრიანო.

ბიჭს მხრებში ჩაუძვრა კისერი და ნიკაპი მკერდზე ჩამოუვარდა. ახლა კი გათავდა

ყველაფერი. დიდი ეშმაკი კი ყოფილა ეს დირექტორი! ფეხბურთით დაინცო და

ბაზერაანთ მიხათი გაათავა. მაინც რას გადაეკიდა ეს მიხა? ცხენს ძუა შემიჭრაო?

ძალიან კარგადაც! გაატიალა მთელი ბაღჩა და ბოსტანი, რამდენჯერ უთხრა

დედამისმა, შენი საქონელი შენს ეზოში გყავდეს, აქეთ ნუ უშვებო, მაგრამ აბა! განა გაიგო? როცა მამამისი ბრუნდება ცხვრის ფერმიდან, მაშინ ვერა ბედავს მიხა ცხენის გაშვებას, ხოლო როცა შინ კაცი აღარ ეგულება, თავს მიანებებს ხოლმე და მარტო ცხენს რა პატრონზე მეტი ჭკუა უნდა მოჰკითხო? ჰოდა, ვახტანგმაც დაიჭირა და ძუა შეაჭრა. მოუხდა კიდევაც: ახლა იმის შიშით, ფაფარიც არ შემიკრიჭონო, აღარსად უშვებს. ბიჭს კი გადაეკიდა და ერთხელ ლაზათიანადაც მიტყიპა. მას შემდეგ ძაღლის ნაკბენივით დაიხსომა ვახტანგმა ეს ცემა და მისი მოქიშპის ვენახის თავში ყოველ გავლაზე თითო ვაზს ჭრის. აი, გუშინაც...

- რაზე ჩაფიქრდი, ვახტანგ?

- ჰა? - ბიჭი შეკრთა და გამოერკვა.

- მეც ბევრი ვიფიქრე, - განაგრძო ღირექტორმა, - მეც ბევრი ვიფიქრე, მაგრამ ვერაფრით ვერ მივხვდი, ვინ უნდა იყოს... ვერც მიხამ დასახელა. ალბათ, თვალი ვერ მოჰკრა.

- რაო? - ყური ცქციტა სნაიპერმა, - ვერც მიხამ მოჰკრა თვალიო? როგორ, განა მიხა არ იყო, გუშინ საავადმყოფოს ეზომდე რომ სდია ჭიგოთი? განა ის არ მიჰკიოდა: დამაცა, ლუკას ბიჭო, თინთად აგინთებ გვერდებს, თუ დაგენიო?! კიდევ კარგი, ვერ დაენია, რა ეშველებოდა, ასეთი სირბილი რომ არ იცოდეს? მაინც რაღა ვაზის ჭრის დროს მოატანა? ჰმ, იქვე ყოფილიყო, თივის ბულულს ამოფარებული...

- ჰოდა, აი, მარტო შენ კი არა, მეც მთელი დღეა ვფიქრობ და ვერ გამიგია, ვინ არის ისეთი მონათე ჩვენს სკოლაში, რომელსაც ვერ შეუგნია, თუ რა დიდ ზარალს აყენებს ჩვენს სოფელს, სახელმწიფოსა და სკოლასაც სახელს უტეხს. განა შეიძლება გაშენებული ვაზის მოჭრა? რამდენი პრობლეა დახარჯული თითო ვაზზე და მის მოვლაზე. იმას კი, ვიღაცაა, უნდა, რომ ჩვენს სოფელში შეცოტავდეს ვაზი და ვენახებთან ნაკლები ვიყოს სხვაზე. ხოლო ჩვენს მონათეებზე უნდა იფიქრონ, რომ ბრიყვები და სულელები არიან.

ღირექტორი კვლავ გაჩერდა, შემცბარს და დაბნეულ ბიჭს შეხედა. ერთხანს უცქირა, როდესაც წარბებქვევიდან გამოჰარებული მისი მზერა დაიჭირა, უთხრა:

- ახლა იცი, რა მინდა ვითხრა, ვახტანგ?

- რა უნდა მითხრა, პატივცემულო ღირექტორო? - ბიჭი ლარივით გაიჭიმა.

- შენ უნდა წახვიდე და გამიგო, ვინ არის ის მოსწავლე, რომელიც ასე უდიერად ექცევა ვაზს და ჩვენი სკოლის სახელს ტალახში სვრის.

სნაიპერს ფერფერი წაუვიდა, მაგრამ იყოჩაღა და არა შეიმჩნია რა.

- ახლა წადი და არავის უთხრა, თუ ჩემთან იყავი, თორემ, თუ გაიგეს, მიხვდებიან და დაგიმალავენ, არავინ გეტყვის თავის სიავკაცეს.

ბიჭმა უღიმღამოდ იკითხა: „მამ, ნავიდეო?“ და როცა პასუხი მიიღო, გამობრუნდა და კაბინეტიდან გავიდა.

უგერგილოდ მიიხურა სამასწავლებლოს კარები.

ვახტანგი კიბის თავთან შეჩერდა და ჩაფიქრდა.

როგორ? მიხა აქ იყო და ღირექტორს არ უთხრა, რომ ის იყო მისი ვენახის მკათავი? მიხა ხომ იმდენჯერ შეჰპირდა, თქვენს ღირექტორს ვეტყვიო, რამდენჯერაც ბებიაშის (ღმერთმა აცხონოს) ბურნუთის შემდეგ ცხვირს აცემინებდა. არა, აქ რაღაცა ამბავია. ნამდვილად მიხა მიხვდა, რომ თუ სკოლაში იტყოდა, გარიცხვა არ ასცდებოდა ბიჭს... ჰოდა, აი, დაინდო და არა თქვა. დაენანა, ნამდვილად დაენანა... თვითონ კი, ჰოი, ღმერთმა დასწყევლოს მისი გაჩენა (როგორც ხანდახან ნიკოს ბებია ეტყვის ხოლმე)! თვითონ კი მიადგა და მის ვაზებს დაუნყო ჩეხა! არა, შენგან კაცი არ გამოვა, ლუკას ბიჭო, არა! მეორე-მესამე კლასელივით ბრიყვულად ირჩები.

ვახტანგმა კიბე ჩამოათავა და უკანასკნელ საფეხურზე შედგა.

ჰო, მაგრამ, თუ მიხამ არაფერი თქვა ჩემზე, მაშ, დამნაშავის მოსაძებნად რაღა მე ამომირჩიის?... ჰაა! ფრთხილად, მრელაშვილო, აქ რაღაცა ამბავია!.. მაგრამ რა ამბავი უნდა იყოს? ეტყობა, ღირეფტორის ყურამდე არ მისულა ჩემი „კაიკაცობის“ ამბავი, ჰოოო! ეს უკვე სხვა საქმეა, ეს კი სხვა საქმეა.

სნაიპერი კლასისაკენ გაემართა, მაგრამ კარებთან ისევ შეჩერდა.

უთხრას თუ არა მეგობრებს რამე?

ფუჰ! სანდროს რაღა ღღეს მოუნდა თელავში წასვლა?

მაშ, არა თქვას?

არა, არ უნდა თქვას. ჯერ უნდა მოიფიქროს... ეშმაკმა დასწყევლოს, ეს რა დაავალეს?... ახლა დაეხვევიან ბიჭები და მაინც გამოსტყუებენ სათქმელს. საჭიროა სიმტკიცე და ღუმილი. ჯერ კარგად უნდა მოიფიქროს, როგორ მოიქცეს... მოიმიზღვებს რამეს, სკოლაში დარჩება, მერე, ბიჭები რომ წავლენ, თვითონ ძველი საბძლისაკენ გასწევს, იქ ნამჯაზე წამოწვება და - იფიქრე, რამდენიც გნებავს...

მართალია, სანდრომ აკრძალა საბძელში შესვლა, მაგრამ ვინ გაიგებს?

ბურღელაურზე გადაივლის და ისე შევა შიგ, ძეხორციელი ვერ დაინახავს.

მაშასადამე, მხოლოდ მას დაავალეს.

მაშასადამე, იმდენი მონათუიდან მხოლოდ ის გამოარჩიის.

მაშასადამე, მას ენდობიან.

ყოჩაღ, მრელაშვილო!..

და ამაყად კისერმოღერილმა არხინად შეაღო კლასის კარი.

თავზარდამცემი ამბავი

სანდრო მთელ ღამეს „საიდუმლო კუნძულს“ კითხულობდა და გვიან დაეძინა.

დაეძინა და ახლა სიზმრებმა არ მოასვენეს: ხან უზარმაზარ გამოქვაბულში დადიოდა, ხან აღელვებულ ზღვაზე დაცურავდა, ხან ლიანებით დახლართულ გაუვალ ტყეში დაეხეტებოდა და, ბოლოს, უცნაურ მინდორზე მოხვდა.

ათასფრად ყვაოდა მინდორი უცნობი ყვავილებით. აქა-იქ ჩვენებური იები და ენძელებიც ერივნენ, ოღონდ ასჯერ უფრო ვეებერთელები. ზოგან მარწყვს ამოეყო თავი და თურამაულის ოდენა ნაყოფით წელში მოხრილიყო, ზოგან მოცხარის ბურქს დაჰკიდებოდა მწიფე მტევნები, წითელ-ყვითლად აყვავებულ მუხაზე კი ვიღაც ბიჭი ასულიყო და საზამთროს კრეფდა.

სანდრომ ნერწყვი გადაყლაპა და სთხოვა ერთი ცალი მისთვისაც ჩამოეგდო.

ბიჭმა თავი ისე დაიჭირა, თითქოს არც გაეგოს.

სანდრომ თხოვნა ისე გაუმეორა, მომწუსხველი საზამთროსთვის თვალი არ

მოუნყვეტია.

ბიჭს კვლავ ყურიც არ გაუპარტყუნებია.

მაშინ სანდრომ ამ წუნურაქ ლანჩიას ერთი კარგისა „შეუკურთხა“.

ბიჭმა გინება დიდად იწყინა, მოწყვიტა ერთი საზამთრო და ძირს მდგომს პირდაპირ თავზე დასცა.

სანდრომ მინაზე მოადინა ბრაგვანი.

ბიჭმა ხიდან ისკუპა და ნაქცეულს დაახტა.

- აი, შე მექთახორავ, შენ თითონ ვერ ახვალ ზედ? - ბიჭმა უშვერი სიტყვებით ლანძღა და გვერდებშიაც რიგიანად უთაქა. - შე ძილის გუდავ, ახლავე ადექი და გამოდი გართო! - და, რაკი ვერაფერი შეასმინა, უზარმაზარ დათვად გადაიქცა, მოჰხვია სანდროს ტორები, კიდევ უფრო უარესად უწყო ჭანჭყარი და თანაც იმ უცნაური მუხისკენ მიათრევადა.

ახლა კი იძრო ხანჯალი სანდრომ, დაუნყო დათვს ჩეხვა, მაგრამ ის წყეული დათვი არც მოკვდა და არც თავი დაანება.

მაშინ კი ინანა, რომ თან სნაიპერი და გოგია არ ჰყავდა. აფსუს, სად არის გოგია მაინც! ის რომ იყოს, დათვის ეგრე რა გაათამამებდა!

უცებ, თითქოს ამ ნატვრაზე გოგიაც გაჩნდა, დათვი წიხლის კვრით მოაშორა და წაქცეულს წამოყენება დაუწყო:

- ადე, რამ მოგკლა, კაცო.

სანდრომ მის დანახვაზე სიხარულით შეჰყვირა:

- უჰ, შენ გენაცვალე, გოგი! აბა, კარგად დამენახვე, მართლა გოგია ხარ?

- ადე, ჰო, ადე, გოგია ვარ, მაშ, ვინ ეშმაკები ვარ? ადე, თორემ სნაიპერი მოკვდება სიცივისაგან, რამდენი ხანია გარეთ იცდის.

გაოცებულმა სანდრომ თვალეები მოიფშვინტა და ოთახი მოათვალიერა: რის დათვი, რის ფლავი: თავზე გაბრაზებული გოგია ედგა და ეჭაჭგურებოდა.

- ძლივს არ ჩაგაგდე გონებაში! რამდენი გაჭანჭყარე და შენ კი მუშტები დამიშინე.

ადე, ჩქარა, რა ეშმაკმა დაგაძინა ასე მაგრად, აკი კურდღელივით ძილი ვიციო?

სანდრომ დაკვირვებით შეათვალიერა ბიჭი, მერე ირგვლივ მიმოიხედა და

დარცხვენით წაიბუტბუტა:

- სიზმარი ყოფილა! საშინელი კი იყო.

- ადე, გარეთ გამოდი და საშინელს იქ გაიგებ - ისეთ საშინელებას, რომ შენი სიზმარი იმასთან მონაგონი მოგეჩვენება.

- რა საშინელებაა?

- ადე და იქ გაიგებ.

- რა არის, ბარემ თქვი!

- ადე, სკოლაშიც არ დაგიგვიანდეს. გარეთ სნაიპერი იცდის.

შეშფოთებული სანდრო წამოხტა, ხელად გადაიკვა ტანსაცმელი, პირი დაიბანა და ჩანთაში ნახევარ პურსა და ყველს უკრა თავი.

მეგობარმა მის ბუზღუნს ყურადღება არ მიაქცია, არც ბეზიას გამოლაპარაკებია, არც დაინტერესებულ ემას უპასუხა კითხვაზე, ჰკრა ხელი და ძალით გააგდო გარეთ ისედაც აჩქარებული.

კაკალქვეშ გახევებული მრელაშვილი იდგა, თითქოს დილის სუსხს მიწაზე მიუყინავსო.

შეშფოთებული ბიჭი ქანდაკებას მიეჭრა.

- რა ამბავია, ვახტანგ?

სნაიპერმა სახეზე ახედა მოსულს და მძიმედ წაილაპარაკა:

- საბძელში ვაშლი აღარ არის.

აკაკის ხეს რომ იმწუთს ჩურჩხელები დაესხა, შეიძლება ისე არ გაჰკვირვებოდა ახალმოსულს, როგორც ამ ნათქვამმა გააკვირვა.

ვახტანგს ხელი სტაცა, შეანჯღრია და გარინდებიდან გამოიყვანა.

- ხომ არ ხუმრობ, ბიჭო?

- ვხუმრობ კი არა, ახლა ორი ქვა უნდა გეჭიროს და თავში აქეთ-იქით იცემდე, რა არის სახუმარო?

- მაშ, აღარ არის?

- აღარ არის.

- შენ თვითონ ნახე?

- მე თვითონ ვნახე და გათენებისას გოგიაც წავიყვანე.

შეცბუნებულმა სანდრომ გოგიას გადახედა.

- ერთი ცალიც ვერ ვიპოვე ნამჯაში წამლად.

- როდის გაიგე, ვახტანგ?

- გუშინ გავიგე.
- მაშ, რატომ აქამდე არ მითხარი?
- როდის უნდა მეთქვა? - გაჯავრდა ვახტანგი, - გუშინ მთელ დღეს იმ წყეულ ბებერს უსხედით შინ.
- უნდა მოსულიყავ.
- აკი მოვედი, მაგრამ ვერ ამოვეპარე, შორიდან ხომ ვერ ავეყვირდებოდი? როგორი მწარე ხელი აქვს, დღესაცა მტკივა კოჭის თავი. რამდენი გიქნიეთ ხელი გზიდან, მაგრამ თქვენ ძალადაც არ ჩამავდეთ. ნუხელ მთელ ღამეს არ მიძინია, ბოლოს ვერ მოვითმინე, დილას მივედი გოგასთან, საბძელში წავიყვანე და მერე აქ მოვედით...
- მთელ დღეს უგულისყუროდ ისხდნენ ბიჭები გაკვეთილებზე და როცა დაუმთავრდათ, მესამე რგოლი და ოთხი-ხუთი მისი ახალი წევრი ძველი საბძლისაკენ გაემართნენ. მისვლისთანავე კარებთან შეჩერდნენ და მიმოიხედეს. არსად რამე კვალის ნიშანიც არ აჩნდა.
- შესხნეს კარები, შიგ შევიდნენ და თავპირჩამომტირალეები შემოუმწკრივდნენ ნამჭას. ცოტა ხანს იდგნენ ასე, მერე ნელ-ნელა ასწიეს თავი, ერთმანეთი შეათვალიერეს და მორიდებული მზერა რგოლის ხელმძღვანელზე გადაიტანეს.
- სანდრომ დაკვირვებით დაათვალიერა ამხანაგების ჩაბინდული სახეები და მონყვევით დაეშვა ნამჭაზე.
- იქ მყოფებიც დასხდნენ.
- თქვენი აზრით, ვითომ ვის უნდა ჩაედინა ესა?
- ბიჭებმა ისევ ერთმანეთს გადახედეს და მხრები აიჩჩეს.
- შენ რას იტყვი, გოგი?
- აბა, რა ვთქვა, ჩვენ ვერ მოვიხმარეთ და ვილაც შნოიანმა გამოიყენა.
- თუ ვინმე შემოვიდა აქ, მაშ, რატომ კვალი არ ატყვია?
- განა უეჭველად კვალი უნდა დასტყობოდა, რწყილავ? - ამოიოხრა გულდანყვეტილმა მრელაშვილმა.
- რა იყო, რომ ვინმე იყო, ვახტანგ, იქნებ ღორებმა შეჭამეს?
- ღორებმა შეჭამეს! ღორებმა არა, აფთრებმა, უკაცრაული პასუხია, ნაჭამი მანაც დაეტყობოდა. ღორებმა შეჭამეს!
- პაპაჩემი ამბობდა...
- პაპაშენი არა, ძალუაშენი. რა დროს პაპაშენია, აყლაყუდავ, როცა ხალხს გული გვემღვრევა?
- ახლა, იქნება რას ვამბობ, აღარ დამაცდით?
- მაგის დრო არა გვაქვს, დედაბრიშვილო, ჭკვიან ხალხს დაგვიგდე ყური, - დაამშვიდა ლუარსაბმა ვახტანგი.
- არ დააცადოთ, დაჭამეთ ერთმანეთი. ეგრეა, ძმაო: ავი ძალლი არც თითონ შეჭამს და არც სხვას შეაჭმევს. ბებიჩემმა იცოდა (ღმერთმა აცხონოს!!) ანდაზა: „ქურდის ქურდი ცხონდაო“. წადით და ირიკავეთ ახლა! - მხარ-თეძოზე წამონვა სნაიპერი. სანდრო ამიღვრა.
- შენ ნუ იღრინები, ვახტანგ. ამ საბძელში მოტანილი ვაშლისთვის მე პირი არ დამიდვია. ყველამ იცოდა, რისთვისაც გვინდოდა. რა ვიცოდით, თუ მოიპარავდნენ?
- ჰოდა, ანდე, რომ აგვიკრძალე: საბძელში ფეხი აღარ დაადგათო, მაშ, რა გეგონა!
- ნუ მაბრაზებ, ვახტანგ!
- რა ვქნა, გაბრაზდი. ქვეყანას უვლიდი და სადაც ვაშლს მიაგენი, სულ შენი იყო. აი, ახლა იწვნიე, მოპარვა როგორი ყოფილა.

სანდროს ცეცხლი მოეკიდა.

- მე ის საქმელად არ მომიპარავს!

გოგია ნამჭიდან წამოვარდა.

- რას მივლ-მოვლდები, ლობემძვრალავ! ახლა ეგლა გინდა? შენ საქმეზე ილაპარაკე.

- საქმეზე ვლაპარაკობ, მამ არადა შენს ახატულ-ჩამოხატულ ქოჩორზე

ვილაპარაკებ.

- ნუ იკბინები-მეთქი, - და გოგიამ გოჭის კუდივით გადაგრეხილი ქოჩორი გაისწორა.

სნაიპერმა გამომწვევად გადაიხარხარა.

რგოლის ხელმძღვანელი უცებ მოეშვა, თავი მუხლებში ჩარგო და ძლივს

წაილაპარაკა:

- მოეშვი, გოგი, ილაპარაკოს. საბუთი აქვს და ლაპარაკობს. ჩემი ბრალია. ვერ

მოვუარე, დროზე ვერ ჩავაბარე პატრონს და ახლა უკვე გვიანია, დაეხსენ, გოგი.

ეფრემას ბიჭმა ანთებული თვალი მოაშორა მოქიშპეს და ნამჭაზე მიწვა.

- მამ, რა ვქნათ, სანდრო? - ვერ აიტანა სიჩუმე ზაზანაშვილმა.

გოგიამ თვალთ ანიშნა, თავი დაანებებო, მაგრამ ახლა ალექსიმ წამოაყრანტალა:

- ზალიკო ხომ არ წაიღებდა, ბიჭებო?

უცებ ყველა გამოფხიზლდა და იქვე ჩამჯდარ ლაჩაშვილს თვალეზადმოკარკულული მიაჩერდა.

- აბა, რას ამბობთ? მე... მე... ხომ დღეს გავიგე, რომ თქვენ აქ ვაშლი გქონიათ?

- თავს ნუ იკატუნებ, ალბათ, ადრეც იცოდით! - შეუტია სოსომ და უფრო ახლოს

მიჩოჩდა.

- ჰო, ვინ იცის, მართლაც ასე იყო? უკაცრაული პასუხია, ყველგან მელასავით დაძვრებოდა.

- ალბათ, ეს იყო, ბიჭებო.

- ეს იქნებოდა.

- შენ იყავ?

- თქვი, შენ იყავ თუ არა!

- ახლავე გამოტყდი!

- ჩქარა, თორემ მოვიდა!

ზალიკოს შიშისაგან გააცია. დამფრთხალმა შეხედა ირგვლივ შემოხვეულებს და ბოლოს მუდარის თვალი რგოლის ხელმძღვანელს მიაპყრო.

სანდრომ თავი ასწია და უშნოდ წაიღრინა:

- გაანებეთ თავი, მაგას თვალთაც არ უნახავს ჩვენი ვაშლი.

ზალიკომ ცოტა თავისუფლად ამოისუნთქა.

- დედას გეფიცებით, ბიჭებო... აბა, რას ამბობთ. მე... აი... თქვენთან აღარ

გამიკაროთ, თუ ვტყუოდე. დედას გეფიცებით, მე თქვენი ვაშლი თვალთაც არ მინახავს.

- მამ, ვინ ეშმაკმა წაიღო. საკვირველია, სად მიაგნო ამ ნამჭაში. ფუი! ნეტავ ერთი გულთმისნად მაქცია, ვინ ოხერი მოეხეტა.

ბიჭებმა თანაგრძნობით შეხედეს სნაიპერს, რადგან ყველაზე ძალიან მას აწუხებდა იმ ვაშლის დაკარგვა.

- აფსუს, კაცო, მეც მაგაზე მწყდება გული, ეგრე კარგი მაინც არ ყოფილიყო, -

წაიწუნუნა სერგომაც.

- ერთი, გემო მაინც გამესინჯა, მერე ჯანდაბას! - შეუერთდა მათ აყლაყულა.

- მართლა, რა იქნებოდა, ბიჭო! - ნეტარებით მინაბა თვალი თუჯიშვილმა.

- მამ, მამ, თუ შამფურზედაც იქნებოდა აგებული, - კვერი დაუკრა ბერძენაშვილმა.

ბიჭებს უეცრად სიცილი წასკდათ.

გოგია აიშრია.

- ახლა, მთლად ღორებად ნუკი გადაიქცევით მართლა. ხომ იცით, ჩვენ ის რისთვის გვინდოდა?

ახითხითებულნი დაწყნარდნენ.

- როგორ არ ვიცით?

- ჰოდა, თუ იცით, რაღა გაქვთ საღრეჭი?

მიყუჩებულმა ბუჩუკურთელმა ბიჭები ერთხელაც მოათვალიერა და წამოდგა.

- ბიჭებო, ქურდი უნდა ვიპოვოთ და საკადრისად დავსაჯოთ. იმან ჩვენ პირში ჩალა გამოგვავლო და გავგანბილა ლენასთან და ტყისმცველთან. მოვძებნოთ, ბიჭებო? ბიჭები ისე აყვირდნენ, რომ ისედაც მოფამფალელებული საბძელი შეაზანზარეს.

- უნდა მოვძებნოთ!

მხოლოდ სნაიპერმა აიჩეჩა მხრები.

- ხან „დალაგებული“ მეჩვენება ეს ბიჭი, ხან კი... ეეჰ! - მძიმედ ჩაიქნია ხელი და საბძლიდან გამავალ ბიჭებს უკან გაჰყვა.

მშობელი

ეს ერთი ხანია, რაც მრელაშვილი სინდისის ქენჯნას განიცდის მის მიერ ჩადენილი ყველა დანაშაულისათვის, მაგრამ რამდენიც სცადა გამოესწორებინა, პირიქით გამოუვიდა და უარესად მოარტყეს.

ჯანდაბას, ის რაც იყო, მაგრამ ექიმს რაღა პასუხი გასცეს, რომელსაც მშვენიერი მამალი მოუკლა. როგორ მოუხადოს ბოდიში? მისი ბებია იტყოდა ხოლმე, ღმერთმა აცხო... (ფუჰ, კინალამ კიდევ წამოსცდა!) „ცარიელა თითმა პირი გამომიქლირტაო“, ცარიელა ბოდიში რას უშველის? საეჭვოა, რომ შეარიგოს და ვერც მამალს გააცოცხლებს. არა, არა! ისევ მოკლეულის მაგიერი უნდა მიიყვანოს, თორემ უიმისოდ ექიმს ვერ დაენახვება.

და ერთ სისხამ დილას ბიჭმა დაიჭირა ოქროსბიბილოვანი, ვერცხლისდებებიანი მამლაყინა და ფეხებშეკრული სკოლაში ჩაიყვანა, რათა გაკვეთილების შემდეგ ექიმს წარდგომოდა ბოდიშითა და უკანდაბრუნებული დანაკარგით.

ორ გაკვეთილს პატრონზე უფრო მეტი გულსყურით მოუსმინა ქათამმა, მაგრამ მესამე გაკვეთილზე აბორგდა. ვახტანგმა იფიქრა, უთუოდ მოშივდაო, და ჩანთას მიაღდა. წერილად დაუფშვნა პური და მერხშივე დაუყარა. პატიმარმა რაკი „სუნი იკრა“ საჭმლისა, კენკვა დაუნყო და ისეთი კაკუნი აუტეხა ფიცარს, გულადი ბიჭი შიშისაგან გათავდა. სტაცა უცბად ხელი ნისკარტზე და ისე მოუჭირა, საცოდავმა მამალმა კინალამ სული განუტევა. პატრონმა რაკი დაატყო, მიჩუმდაო, ხელი შეუშვა. მაგრამ იმ ტურის საჭმელმა მოიბრუნა სული თუ არა, ისევ ნამცეცებს მიაღდა და ტყვიამფრქვევით არაკუნდა.

ახლა კი გაბრაზდა მისი პატივისმცემელი: ერთი-ორი უთაქა თავში და ნისკარტი დაუჭირა. სტუმარმა სასჯელის განმეორება იწყინა: აფხაკუნდა, აფხაკუნდა, ხელიდან დაუსხლტა თავის მტარვალს, გამოვარდა მერხიდან, შეხტა ზედ, გახარებულმა ერთი ყიყლიყო დასძახა, მერე გადაუფრინა კლასს და ფანჯარას ეტაკა გასასვლელად.

აბა, ეს იყო, რაც იყო! მიუხედავად მასწავლებლის გაფრთხილებისა, მთელი კლასი წამოვარდა ზეზე და ცდილობდა წესრიგის დამრღვევის დაჭერას. ატყდა რახარუხი და ბრაგუნი, აწივლდნენ გოგოები, აყვირდნენ ბიჭები, აფართხუნდა მამალი და ეს ალიაქოთი მანამდე გაგრძელდა, სანამ დამნაშავე ფრინველი კუთხიდან კუთხეში გადაფრენის დროს დედაბრიშვილის ჰაერში გაპარტყულ ხელებს არ წაანყდა.

აყლაყუდამ, გეგონებათ, საზღვრის დამრღვევი შეუპყრიათ, ისე გაიარა მერხები და აურზაურის ამტეხი მასწავლებელს გადასცა.

დღეებიანი ვაჟკაცი მაინც არ გატყდა და დარდიმანდულად გვერდზე ბიბილოგადგდებული ყვითელგუგებიან თვალებს უბრიალებდა იქ მყოფთ. ხოლო პატრონი გაფითრებული და გამშრალი იდგა მერხთან და თავი ზევით ველარ აეღო. - მაშ, ისევ შენებური მოიგონე, მრელაშვილო? კარგი რაკი ასეა, ასე იყოს: წაიყვანე ახლა ეს ქათამი და წადი. ხვალ თუ მშობელს არ მოიყვან, ისე არ დაგიშვებ ჩემს ვაკვეთილზე.

სნაიპერს მამლისთვის არც კი შეუხედავს, ისე აიღო თავისი ჩანთა, ფეხების თრევით გაიარა კლასი და გარეთ გავიდა.

მეორე დღეს გეოგრაფიის ახალმა მასწავლებელმა დაპირება შეუსრულა და გაუმეორა: სანამ მშობელს არ მოიყვან, არ დაგიშვებ ვაკვეთილზე. ეს ისე გარკვევით და ნათლად იყო ნათქვამი, რომ სნაიპერმა უკან მოუხედავად გაიარა სკოლის ეზოში ამ გაზაფხულზე მათ მიერ დარგული ცაცხვების ხეივანი, გასცდა ჭიშკართან უზარმაზარ კაკალს, გადაახტა რუს და რიყეს გაუყვა.

კარგა ხანს მიდიოდა თავჩალუნული და ბოლოს კლდის პირზე გადმომდგარი მუხის ქვეშ შედგა, მიიხედა-მოიხედა, მცირე ხანს უცქირა გაბურღულ ტოტებს, მერე საოცარი სიმარჯვით აცოცდა კლდეზე, იქ მუხის ქვეშ მწვანეზე ჩამოჯდა, ფეხები კლდეზე ჩამოჰკიდა და ჩაფიქრდა.

რა უნდა ქნას ახლა? როგორ დაენახვოს მშობლებს? როგორ უთხრას, რომ სკოლაში იბარებენ, ან ბიჭებს როგორ აუხსნას, რომ მას ეს განგებ, წინასწარ არ მოუფიქრებია? ვაკვეთილი კი გუშინ ხუთიანზე თუ არა, ოთხიანზე მაინც იცოდა. დასწყევლოს ეშმაკმა, რაც უნდა წაღმართი მოიფიქროს, მაინც უკუღმართი გამოსდის!

ჯერ იყო და, მელანას ბაღში გადაიპარა გროზნასაგან ნაჩუქარი ქლიავის საუკეთესო ჯიშის ნამყენებით. ფიქრობდა, საქანლის ტოტებად მოჭრილი ქლიავების სანაცვლოდ დაფრგავო, მაგრამ ჯერ ერთიც არა ჰქონდა ჩათლული, რომ მელანა დაადგა თავზე (დასწყევლოს ეშმაკმა, რა ყოჩალი დედაკაცია), დაავლო ერთ ნერვს ხელი და ისე გაუხურა წელს ქვევით ტანი, რომ ძლივს გადაასწრო ლობებზე, ეგ არაფერია - მაინც ვერაფერ დაინახა, მაგრამ ამ ერთი კვირის წინ კი მაგარი სირცხვილი ჭამა: სკოლის სიმღერის გუნდში დიდი სიამოვნებით მიიღეს და დაავალეს თავისი სალამური მოეტანა (ნეტავ რა ეშმაკად უთხრა უფროს პიონერხელმძღვანელს, რომ დაკვრა იცოდა), ბიჭმაც მოიტანა, სიფრთხილით დადო ჩანთის გვერდზე და თვითონ სალახტაოდ გამოვიდა გარეთ. ხოლო ისტორიის ვაკვეთილზე უცებ ნახა, რომ სალამური მარცხნივ კი არა, მარჯვნივ ედო ჩანთას. გაცეცხლდა ვახტანგი. აშკარა იყო, რომ ვიღაცა არამკითხეს აეღო და ვინ იცის, გააფუჭა კიდევაც. მაშინ ხომ დაიღუპა ბიჭი - დღეს სიმღერის გუნდში უიმისოდ როგორ გამოჩნდება? სულ გადაავინწყდა იქ მყოფები, სასწრაფოდ გამოიღო მერხიდან სალამური, ჩაჰბერა და ზედ თითებიც აათამაშა.

მიუყრებულ კლასში საამური ხმა გაისმა.

ბიჭი უცებ გონზე მოვიდა და დაფეთდა. შიშნარევი თვალები ირგვლივ მიმოავლო, მაგრამ გვიანლა იყო, მთელი კლასი ხარხარებდა. ისტორიის მასწავლებელი წარბშეჭმუხვით უცქეროდა. ეშმაკობით ცნობილმა ბიჭმა ვერაფერი მოახერხა და იმით დასაჯეს, რომ ერთ კვირას გუნდს არ მიაკარეს...

ახლა კი, ახლა რაღა ქნას და რა იღონოს? მშობლებს ვერასგზით ვერ ეტყვის, არადა ვაკვეთილზე აღარ უშვებენ. ბიჭებს კი სიტყვა მისცა, რომ ამ საგანს ოთხიანზე მაინც ისწავლიდა. მაგრამ თუ ვაკვეთილს არ დაესწრება, როგორღა უნდა ისწავლოს? აფსუს! რაღა ახლა გახდა ავად სარდიონ მასწავლებელი! ეს ერთი თვეა, ლოგინად არის ჩაგარდნილი და, მგონი, აღარც კი ფიქრობს ადგომას და სკოლაში მოსვლას.

უცებ თვალი მოჰკრა ვილაც კაცს, რომელმაც საექიმო პუნქტს გვერდი აუქცია და გეზი მათი სკოლისკენ აიღო. იგი თანდათან ახლოვდებოდა. როდესაც დათუნანათ კარს გამოსცდა, ბიჭმა დაასკვნა, რომ ეს კაცი ამის მეტად იყალთოში არ ენახა, როცა უცნობი მუხას გაუთანასწორდა, ვახტანგს თავში ბედნიერმა აზრმა გაუელვა. ფაცაფუცით ჩამოლოლდა კლდიდან და მგზავრს სალამი დაასწრო.

- გამარჯობა, ძიავე!

მგზავრი შედგა, გაუღიმა, სალამზე სალმით უპასუხა და თავზე ხელი გადაუსვა.

- შენთვის ძია კი არა, პაპა ვარ. გეტყობა, სკოლიდან მოდიხარ, გაკვეთილები უკვე დამთავრდა?

- არა, ჯერ არ დამთავრებულა.

- მაშ, რატომ ხარ გარეთ?

ბიჭი გულწრფელად მოუყვა თავის თავგადასავალს.

- ახლა მეუბნება, სანამ მშობელს არ მოიყვან, არ დაგიშვებო. მე მშობლებისათვის სირცხვილით ვერაფერი მითქვამს და თქვენ უნდა მიმყვეთ მათ მაგიერ. ნუ გეშინიათ, მასწავლებელი აქაური არ არის და იყალთოელებს ჯერ ვერაფერს იცნობს რიგიანად, - შეაგულიანა ბიჭმა, - ჰოდა, ისიც დაგიჯერებთ, რომ თქვენ მშობელი ხართ.

- მაშ, მაშ, როგორ არ დამიჯერებს, მშობელი ვარ, მაშ როგორ! - ღიმილით თქვა უცნობმაც.

- უჰ, შენ გენაცვალე, ძიავე! მაშ, წამოდი თ ახლავე და პირდაპირ იმის გაკვეთილზე მიგიყვანთ.

- წავიდეთ, თუ ეგრე საჩქაროა.

ბიჭი სიხარულისაგან გადაირია, აი, კაციც ამას ჰქვია და მოგონებაც!

ვახტანგი მკვირცხლად მისდევდა გვერდით. წარამარა ახედავდა მის კოსტიუმს და ჭაღარა საფეთქლებს, რაც დარბაისელობის უტყუარი ნიშანი იყო.

მორჩა, ყველაფერი წესრიგზეა! რომელი ბიჭი გაჩარხავდა ასე საქმეს? რას გაიგებს გეოგრაფიის მასწავლებელი, რომ ეს კაცი მისი მამა არ არის! საიდან გაიგებს, როცა იყალთოელებს ჯერ რიგიანად არაფერს იცნობს?

ბიჭის თანამგზავრს სულ დაავინცდა თავისი საქმე და ახლა მთელი გულისყური იქითკენ ჰქონდა, რომ მისი მასწავლებელი ენახა.

როგორც კი ეზოში შევიდნენ, გაკვეთილის გამოსვლის ზარი დაირეკა. მასწავლებელი გამოვიდა მათი კლასიდან და ის იყო სამასწავლებლოსკენ გასწია, რომ მრელაშვილმა თამამად მიირბინა მასთან.

- მასწავლებელო, მშობელი მოგიყვანეთ.

- მშობელი? აბა, სად არის?

- აი, აქვე დგას.

გეოგრაფიის მასწავლებელი მობრუნდა და ახედა ჩვენს ნაცნობ უცნობს. მერე გაშალა ხელები და გადაეხვია.

- მამი, მამილო. როდის მოხვედი, როგორ მომაგენ?

უცნობი თავის შვილს ეხვეოდა, თან მის ჯანმრთელობას კითხულობდა.

- როდის დაბრუნდი ექსპედიციიდან ან როგორ მომაგენ?

- იყალთოს ქვეყანა იცნობს, - მეგზურად კი ეს კაი ბიჭი მყავდა. - იგი მცირე ხანს ჩაფიქრდა და მერე ღიმილით უთხრა შვილს: - აპატიე დანაშაული, უნებურად მოსვლია, როგორც თვითონ მიაგებო.

მასწავლებელმა მამას ხელი გამოსდო და სამასწავლებლოსაკენ წაიყვანა.

სნაიპერს განცვიფრებისაგან პირი დაელო და გაოგნებული შეჰყურებდა გარსმოჭარულ მოხითხითე ბავშვებს.

მარანი მინისქვეშ

აკადემიის გალაგნის ჭიშკარზე დააკაკუნეს.

გროზნამ კარი გააღო.

კარებთან ოთხი კაცი იდგა.

მებაღე სტუმრებს შიგნით შეუძღვა.

სტუმრები ნაცნობები გახლდნენ: ორ მათგანს - გივისა და ბახსოლიანს - ორლულიანი თოფები გადაეკიდათ, ხოლო ორნი - ჩვენი განუყრელი მეგობრები - სანდრო და გოგია იყვნენ. ბიჭებს მხარზე ძალაყინები გაედოთ.

თუ გინდოდათ ძველი მებაღისათვის გესიამოვნებინათ, მისი საცდელი ნაკვეთი უნდა დაგეთვალაიერებინათ, რომელიც იქვე, გალაგნის შიგნით მდებარეობდა. ჩვენმა ექსპედიციამ ეს იცოდა და ამიტომ პირდაპირ იქით გასწია.

ნაკვეთი პატარ-პატარა კვლებად იყო დაყოფილი და მავთულით შემოღობილი.

ნასიამოვნები გროზნა შიგ შეუძღვა.

- ესენი ახალი ჭიშის თუთის ხეებია, ბრტყელი ფოთოლი აქვთ და კარგი ზრდა, ესენი წლევანდელი ნამყენებია - პანტა-მაჟალოს საძირეებზე დამყნობილი. აქვთ ანტონოვკებია, იქით - ალექსანდროვკა პირველი და მეორე, ეს შატურანები და ეს გოგრაბლები. გალაგნის ძირას კი მაისისა და გვიანური ბლებია.

ბიჭებმა ყველაფერი მოუწონეს და მერე სთხოვეს: გვირაბში შეგვიშვიო.

გვირაბს სახურავი ახადეს და ფერიცვალების საყდრის ერთ სვეტს თოკი გამოაბეს.

- ფრთხილად ჩადით, შვილო, კიბე ნესტიანია. ან ეს ბალები რაღას

ავიტორლიალებიათ? არსად ჩაცვიდნენ. - უცებ გროზნა შედგა და გაკვირდა, - ეს რაღაა, ძალაყინები რაღად გინდოდათ?

ბახსოლიანმა პატარებზე ანიშნა.

- მაგათ გვირაბში კედელი გამოუთხრიათ და ამბობენ, კედელს იქითაც გვირაბიაო.

აკადემიის მომვლელი სახტად დარჩა.

- ვის გამოუთხრია, სად გამოუთხრია, ბიჭო!

- ანდე მაგათ, ანდე! შიგ ჩასულან და გამოუთხრიათ.

- სად ჩასულან, როგორ ჩასულან?

- როგორ და, როგორც ჩვენ ჩავალთ.

- როდის ჩავიდნენ, რატომ მე ვერ დავინახე?

- მაშ, სწორედ შენ დაგენახვებოდნენ! ღამე ყოფილან.

- ღამე? რას ამბობ, ბიჭო, მე დღისით ვერ ჩავსულვარ და ესენი ღამე იყვნენ? აქ

რაღაც ავი სულები უნდა ბუდობდნენ.

- როდის იყავით, ბიჭო?

- ამ ორიოდ კვირის წინ, აი, მაშინ... შენ რომ სანთლებიანი ეშმაკები გეგონა, დიმიტრი პაპავ.

- რას ამბობთ, ბიჭო ისინი თქვენ იყავით?

- ჩვენ ვიყავით.

- ძროხა რომ მგლისგან შეჭმას გადაარჩინეს?

- ჰო, ისინი.

გაკვირვებულმა მებაღემ გაღიმებული სტუმრები მოათვალიერა და მერე ისევ

გვირაბში შეპარულეებს დააკვირდა, ცოტა ხანს უცქირა და ხელი ჩაიქნია.

- კიდევ არ გამიკვირდა, ვინ აწვალა ეგრე კლიტე-მეთქი? აი, თქვე ყაჩაღებო! ვერ მითხარით? გასაღებს მევე მოგცემდით.

- გვეგონა, გაგვიწყნებოდი, დიმიტრი პაპავ, - თავი იმართლეს „ყაჩაღებმა“. -

ერთხელ ხომ გამოგვრეკე?

- არაფერს არ გაგინწყრებით, მითხარით და მევე გაგიღებთ. ეს გვირაბი იმისთვის არის, რომ ხალხმა დაათვალიეროს. მაშინ კი გამაჯავრეს და გუნებაზე არ ვიყავი. ერთი-ორჯერ მეც გავაღე, მინდოდა ჩასასვლელი გამეკეთებინა, მაგრამ ვერაფერს გავხდი და თავი დავანებე. მას შემდეგ შიგ არავინ ჩასულა და დახე, ამათ მეორეც გამოუთხრიათ! არა მგონია, იქ იყოს რამე, შეიძლება ბნელში მოეჩვენათ. ან როგორ ჩავიდნენ შიგ, რომ არსად არ გადაცვივდნენ? მეორედ აღარ ჩამეპაროთ, თორემ თუ გავიგეთ...

ბიჭებს დაინტერესებული მებაღეც ჩაჰყვა გვირაბში და მთელი შემადგენლობა დიდი სიფრთხილით მიიყვანა ტალანის ბოლოს, ქვიტკირის კედელთან. განცვიფრებული უფროსები სიფრთხილით ათვალიერებდნენ იქაურობას და ჯიბის ფარნების შუქს ორმოებში და კუთხეებში დაატარებდნენ.

ტალანის დასასრულს იქ მყოფნი პირველად შეაკრთო კედლის იქიდან გამომდინარე უცნაურმა ბუტბუტ-სისინმა. თოფმომარჯვებულნი მიუახლოვდნენ ხვრელს.

- წყლის ხმა უნდა იყოს, ჩემი აზრით. ჰა, რას იტყვი, დიმიტრი ჰაჰაჰ, აი, ხვრელშია ცამოდის უკვე.

მებაღე გამონგრეულ კედელს ათვალიერებდა და თან ყურს უგდებდა ხმაურს.

- მეც ეგრე მგონია, შვილო, წყალი უნდა იყოს. მიწიდან ამოდის, ალბათ, და იმიტომ ბუტბუტყვებს. დასწყევლოთ ეშმაკმა, რამ აფიქრებინათ აქ გამონგრევა? - თან ჩაიჩოქა და კედელს დაუნყო სინჯა.

- დახე, დახე, გიორგი! შენ როგორ გგონია, ეს ადგილი ამ კედელზე გვიან არ უნდა იყოს აშენებული?

- მეც ეგრე ვფიქრობ, კედელში ხვრელი ყოფილა დატანებული, ალბათ, აქედან შედიოდნენ შიგნით და მერე რაღაც მიზეზით ამოუქოლავთ.

- მოანგრე, გიორგი და შევიდეთ შიგნით.

მთელ საათს უბაგუნებდნენ ძალაყინებს და ისე კარგად განმინდეს ამოშენებული ხვრელი, რომ თავისუფლად შეიძლებოდა შიგ შეძრომა.

ხმაურმა იმატა.

კედლის იქით გივი და ბახსოლიანი გავიდნენ თოფებითა და ხალათის ღილზე ჩამოკიდებული ფარნებით. მცირე ხნის შემდეგ დანარჩენებიც შეინვიეს.

საოცარი ძალით ასხამდა წყალი მიწიდან და ბიჭებს სახეში სცემდა წინწკლებს.

საიდუმლოებით მოცულ „დარბაზში“ მოხვედრილი ბიჭები ყურს უგდებდნენ შორეულ კუთხეებში გაურკვეველ ჩუჩუნს და წყლის ხმაურს.

ეს დარბაზი უზარმაზარი ჩანდა: სამხრეთით, ქვიტკირის კედელთან, რაღაც აუზისმაგვარი ჰქონდა. ამან მიიზიდა ექსპედიციის ყურადღება. ახლოს მივიდნენ და დააკვირდნენ.

- როგორც ეტყობა, აქ წყალი ყოფილა გამოყვანილი. აი, ხედავ, გივი, აუზია თუ რაღაც მისი მსგავსი.

- ნამდვილად აუზი ჩანს, მხოლოდ მიწით არის ამოვსებული.

ბახსოლიანმა დანა ამოიღო და ჩიჩქნა დაუნყო.

განცვიფრებული ათვალიერებდა იქაურობას დიმიტრი. რამდენი ხანია ამ ადგილს იცნობდა. თითქმის ოცდაათი წელი გადიოდა, რაც აქ დაესახლა, და აზრად არ მოსვლია, თუ ამ კედელს აქეთ უფრო უცნაურს წაანყდებოდა. განსაკუთრებით

აკვირვებდა კედლის ძირას ამოხეთქილი წყალი, რომელიც, როგორც ჩანდა, მიწის სიღრმიდან ამოდიოდა.

- აქ, ძირზე, მილია წყლისა, - შესძახა გიორგიმ და იქვე ძალაყინით მდგარი გივიც დააჩოქა. კიდევ კარგა ხანს ჩიჩქნეს და საბოლოოდ დარწმუნდნენ, რომ აუზის სიგრძეს წყლის მილები ჭრიდა და შიგ გამავალი წყალი სადღაც ქვევით

მიეჩანებოდა. - ნამდვილად აქედან გამოდის უკვდავების წყარო, პირდაპირ იქით მიდის ეს მიწები, - დანარჩენთ იქით გაუძღვა, სადაც წყალი მაღლა სცემდა ბუტბუტითა და შიშინ-სისინით. - აი, უყურეთ, დიმიტრი პაპა ამბობს, მიწიდან ამოდისო, მაგრამ ნახე, თუ იმ მიწებში გამავალი წყალი არ იყოს, - და წყლის გარშემო დაიწყო ჩიჩქნა.

უცებ მებაღე აყვირდა:

- ნელა, ბიჭო, ხედავ, მილი გამოჩნდა!

ბახსოლიანმა კიდევ ჩაიმუხლა და ფრთხილად გადანმინდა მიწზე მიწა.

- აი, ხომ ვითხარით, - გაიჭვიმა აღმოჩნენი, - ეს იქიდან მოდის, მილი გატეხილა და ეს წყალიც, ეტყობა, ნაწილი მაღლა ამოდის, ხოლო ნაწილი ქვევით მიდის უკვდავების წყაროსკენ.

- გივი, გივი! აბა, მოდი აქ, გივი. აი, რა ვიპოვე, ხედავ, ჯამები და ესეც სურა. ორივე გატეხილია. ფუჰ! ჭიკაყვლა მიჰკრობია ზედ. აი, ნახე.

ბიჭებს პატარა თახჩისათვის მიეგნოთ და შიგ ფათურობდნენ.

პიონერხელმძღვანელმა ყურადღებით დაუწყო სინჯვა ძველი საუკუნეების ნაშთებს.

- ეს უბრალო ნატეხები არ არის, გოგი, ხედავ, მოლურჯო ცისფერი ზოლები გასდევს. ასეთი ჭურჭლის კეთება დღესაც იციან იყალთოში.

ბიჭები ისე გულდასმით უსმენდნენ პიონერხელმძღვანელს, ვერც კი შეამჩნიეს, ძველი მებაღე თავგადახდილ ქვევრში როგორ ჩავარდა და კინალამ ფეხი მოიტეხა.

ბახსოლიანს თან ზევით ამოჰყავდა გროზნა, თან საყვედურობდა:

- მოიცა, დიმიტრი პაპავ, ერთად ვიაროთ, შენ ფარანი არა გაქვს და შეიძლება კიდევ სადმე სხვაგან ჩაეშვა.

მებაღე ბურტყუნით ირწმუნებოდა: ფეხი ღვინოში ჩავყავიო. ფარნიანებმა ბევრი იკირკიტეს, ბევრი უტრიალეს და შიგ ცოტაოდენი წყლის მეტი ვერაფერი აღმოაჩინეს.

ბიჭებმა რაკი გაიგეს, დარბაზში ქვევრი აღმოჩნდაო, სურა და მისი ნატეხები თახჩაში მიყარეს და იქით გაქანდნენ.

- თუ აქ გიჟი ცხოვრობდა, მარტო ამ ქვევრს ჩააგდებდა, ხოლო თუ ჭკვიანები იყვნენ, სხვებიც იქნება, - განაცხადა ბახსოლიანმა და ერთ ადგილას ძალაყინი დაჰკრა.

დაკვრის ადგილმა გუგუნისმაგვარი ხმა გამოსცა.

- ქვევრია აქაც! - აყვირდა გიორგი.

მართლაც, მოზრდილი ქვევრი იყო და ზედ დიდი სიპი ეფარა. ქვევრი ცარიელი აღმოჩნდა. მოხუც მებაღეს სულ დაეკარგა იმედი, რომ რალაცას „გაჰკრავდა აქ კბილსა“, - როგორც თვითონ ამბობდა.

- ტარხუნაზე ასულს ტოტი მომიტყდეს თუ აქ მთელი მარანი არ იყოს! აბა, მიდი, გივი, შენც დასცხე! - და გაფიცხებული გიორგი ნესტიან მიწას ჩხვლეტდა ქაქანით:

- კიდევ ქვევრია! აი, აჰა, გეუბნებით, ქვევრია-მეთქი!

მართლაც, ახალმა ქვევრმა დაალო პირი სარქველის ახდისას.

არც აქ აღმოჩნდა ღვინო.

ამაოდ იფურთხებოდა გროზნა, ამაოდ სწყევლიდა იქიდან „ნუნუს“ ამომხაპავს და მის გაუმაძღრობას, - ქვევრები იყო, მაგრამ ღვინო არ ჩანდა.

- ამ აკადემიის გარშემო ფერდობები, გორაკები და ახლები მაშინ ვენახებით ყოფილა დაფარული და ღვინო ბლომად იქნებოდა. მართალია, აქ დაწურული ღვინო გვირაბით წმინდა შიოს გამოქვაბულებში გაჰქონდათ, მაგრამ იგრე როგორ ამოცალეს, რომ შიგ წვეთი აღარ დატოვეს?

- ეგ კი არ არის საკვირველი, დიმიტრი პაპავ, საკვირველი ისაა, თუ გვირაბი არ იყო, მაშინ საიდან გაიტანდნენ წმინდა შიოს კლდედის?

- რა ვიცი, შვილო, მამა-პაპას ეგრე გადმოუცია ჩვენთვის. თუმცა, მეც არა მჯეროდა, თუ იმ კედელს აქეთ რამე იქნებოდა, მაგრამ ხომ ნახე, აღმოჩნდა. ვინ იცის, იქნებ ამას იქით იწყება გვირაბი?

- ძალიან შორსაა აქედან წმინდა შიოს კლდის გამოქვაბულები. ახლაც კი გაძნელდება იქამდე გვირაბის გაყვანა და შიგ გაველა. აქ რომ გვირაბი იყოს, ეს კედელი აღარ იქნებოდა. ჰა, გიორგი, შენ რას იტყვი?

- მეც ეგრე მგონია, გივი. აქ, ალბათ, მარანია და ამ ხვრელით შემოდიოდნენ შიგ, მერე კი რატომღაც ამოუქოლავთ. რას იტყვი, იმ დახშულ ადგილას საიდან უნდა იყოს ამდენი ჰაერი?

- არ ვიცი, ძმაო. ერთი რამ კი ცხადია: საიდანღაც შემოდის ჰაერი. მე ვფიქრობ, წყლის ნაწილმა, რომელიც გატეხილი მილიდან ამოდის, სადმე მიწაში გაიკვლია გზა და იმ ხევში ჩადის, რომელიც რძის საყდრის დაღმართის გასწვრივ ეშვება.

- ასე რომ იყოს, განა აქამდე ვერავინ შეამჩნევდა?

- არა მგონია, რადგან მთელი ხევი გაუვალა მაცყლის ბარდებით არის დაფარული ზამთარ-ზაფხულ.

- წყალი რად უნდოდათ აქ?

გროზნამ გაიკვირვა.

- წყალი, შვილო, ყველგან საჭიროა. ამოდენა ქვევრებს დარეცხვა არ უნდოდა? ან იქნებ, შიშინობის დროს გალაუნის გარეთ რომ ვერ გადიოდნენ, ამ წყალს იყენებდნენ ჩვენი პაპები სასმელად?

- მამ, რატომ მიდის მიღებით სადღაც, ხომ ხედავ, აუზში მიღებია. მოხუცი მებაღე დაფიქრდა.

- მე მგონი, ეგ ის წყალია, ჩვენ რომ უკვდავების წყალს ვეძახით.

- მეც ეგრე მგონია. აბა, ერთი კიდევ კარგად დავხედო. ნათხარზე გადავლისას ბახსოლიანს ფეხი გაუსხლტა და მობუყბუყე წყალში ჩაჭდა. ბიჭებმა ხელი სტაცეს და წამოაყენეს. ბახსოლიანი თან შარვალს იწურავდა, თან უგემურად იფურთხებოდა. უეცრად გვიმ ხარხარი შეწყვიტა და მერე თავისი ჯიბის ფარანი და დაჭყეტილი თვალეები წყალს დაანათა. ყინულივით ცივი და კამკამა წყალი სცემდა მინის ქვეშიდან და ოდითგანვე გაჭრილ კალაპოტში ლალად მოლიკლიკებდა.

- ბიჭებო! - დაიძახა ვარდუაშვილმა. - ეს რა აღმოვაჩინეთ, ბიჭებო! იქ მყოფებმა განცვიფრებული თვალეები მოავლეს ირგვლივ და უფრო მეტად გაოცდნენ, როცა ვერაფერს შეხედეს საყურადღებოს.

- რა მოხდა? - იკითხა ბახსოლიანმა.

- წყალი, გიორგი! ნამდვილი წყალი!

- რა წყალი, რომელი წყალი, ხომ არ შეიშალე? - უკანასკნელად გაიწურა შარვალი გიორგიმ.

- სუფთა წყალი, კამკამა წყალი, ცივი წყალი! - მიაყოლა ზედიზედ ვარდუაშვილმა.

- ჭიქა ორი შაური, ჭიქა ორი შაური. ვის გინდათ!

- თქვენი ჭირიმე, ბიჭებო! ეს რა ვეფხვები მყავს, კაცო! - წამოხტა რაზმის ხელმძღვანელი, გამტერებული ეფრემას ბიჭი დაიჭირა და ჩაკოცნა. - ვაშა! ახლა იყალთოს თავზე საღვრელად ექნება სასმელი წყალი! რაზმის შეკრება

ბუჩუკურთელის რგოლი მეტად გაოცებული დარჩა, როდესაც კლასში დიდ დასვენებაზე რაზმის პიონერხელმძღვანელი, კედლის გაზეთის რედაქტორი, რაზმის საბჭოს თავმჯდომარე და კიდევ ორი სხვა მონათვე შეიკრიბა.

ნუგზარ გარეჯელმა თვალეებთან აქეთ-იქით ხელები შემოიწყო და ფანჯარაში შეიჭყიტა.

- რაზმის საბჭოს სხდომა აქვთ, - აცნობა დანარჩენებს.

ბიჭების გაკვირვება საზღვარს გასცდა, როდესაც რაზმის პიონერხელმძღვანელმა გაკვეთილების შემდეგ რაზმის შეკრება გამოაცხადა.

- ოჰო! - წამოიძახა ბუჩუკურთელმა, - ეს, რაღაც, გეგმაში არა გვექონია და ეგრე ნაუცბადევადა რა ამბავია!

- ალბათ, რამე ისეთი საქმეა.

- მერე, რა საქმე უნდა იყოს?

- რა ვიცი, გვეტყვიან, ალბათ.

- ბიჭოს! - უცებ შეხტა გოგია, - იქნებ მაღლობა უნდა გამოგვიცხადონ სასმელი წყლის აღმოჩენისათვის?

- მართლა! ეგ როგორ ვერ გავიხსენეთ? ალბათ, ამისათვის მოიწვიეს.

- მეც ეგრე მგონია. აბა, ვნახოთ, რას იტყვიან. ალბათ, დაგვაჯილდოებენ. - გაუხარდა სანდროს.

- თუ დაჯილდოებაა, ყველა უნდა დაგვაჯილდოონ, ძმაო, - მოიღუშა ბერძენაშვილი, - უკაცრაული პასუხია, მართო ორნი რომ გაიპარენით და არაფერი გაგვაგებინეთ, ვითომ რაო, ჩვენ კი არ გამოვლრუტენით ის ადგილი?

- მართალია, მართალი! - აყვირდნენ დანარჩენებიც. - ჯილდო ყველას გვეუკუთვნის! სანდრომ დაარწმუნა, ჯილდო ყველასი იქნებაო, და პიონერული ხაზის მოუწყობლად შევიდნენ კლასში.

შევიდნენ, მაგრამ ერთბაშად დააღეს პირი, როდესაც უფროსი

პიონერხელმძღვანელისა და კლასის ხელმძღვანელის გარდა, მაგიდასთან თავიანთი რაზმის ყოფილი პიონერხელმძღვანელი ნიკო და ბახსოლიანი გიორგი დაინახეს.

მათი იქ ყოფნა დანარჩენებმაც იუცხოვეს.

- ამათ რაღა უნდათ აქ?..

ყველაზე მეტად კი მაგიდაზე დადგმულმა ლურჯნაჭერგადაფარებულმა მოგრძო კალათამ გააოცათ.

ის იყო მერხებზე დასხდნენ, რომ გვიმ მეხუთე რაზმის შეკრება გახსნილად

გამოაცხადა და სიტყვა რაზმის საბჭოს თავმჯდომარეს მისცა.

რაზმის საბჭოს თავმჯდომარე თანაკლასელებს კარგა ხანს არწმუნებდა, რომ სხვისი

ხილის მოპარვა საზიზღრობაა და პიონერისათვის სახელის გამტეხიაო.

რაზმი გაოცებული უსმენდა, ვერ მიმხვდარიყო, რატომ დასჭირდა ასეთი გრძელი

ქადაგება ამგვარ საჩოთირო საგანზე.

მესამე რგოლის წევრებმა ერთმანეთს ისეთი თვალით გადახედეს და მხრებიც ისე

აიჩჩეს, აშკარად იგრძნობოდა, რომ მათაც არაფერი გაეგებოდათ.

წინა მერხზე მჯდარმა ხახაბომ გრძელი ხელი გადაყო, კალათაზე გადაფენილი

ლურჯი ნაჭერი ოდნავ ასწია და მერხზე გადაიხარა.

ერთ წუთს ყველას ეგონა, რომ ვახტანგს განვდილი კისერი გაუშეშდა.

უეცრად ლურჯ ნაჭერს ხელი ისე უშვა, თითქოს გახურებული შამთურისთვის წაეფლოს და მეგობრებს მოხედა შემცბარ-გაოცებულმა.

ბიჭებმა მის გადმოკარკლულ თვალეებში შიში და დაბნეულობა ამოიკითხეს.

- ვაშლი, ბიჭებო, ვაშლი! - ძლივს გასაგონად წაიჩურჩულა ვახტანგმა და უმაღლვე კლასს მოედო ეს ჩურჩული.

მათი თვალი და ყური ახლა სულ იმ მოგრძო კალათაზე იყო მიჯაჭვული.

გივიმ თვალები დაუბრიალა აყლაყუდას და ისიც ისე დაპატარავდა, კინაღამ მერხში ჩაძვრა.

ხოლო სადღაც შორს ყრუდ გაისმოდა საშინელი და მამხილებელი სიტყვები.

რაო? ეს მგონი, მისი სახელი ახსენა ორატორმა. - სანდრომ ყური ცქვიტა და

ფერმკრთალ ბიჭს ვაოგნებულმა შეხედა.

რაზმის საბჭოს თავმჯდომარემ სიტყვა ახლა მათი რაზმის ყოფილ

პიონერხელმძღვანელს მისცა და დაჭდა.

ნიკო წამოდგა...

უმაღლ ყველაფერს ნათელი მოეფინა.

აი, თურმე ვის წაუღია მათი საბძლიდან ვაშლი.

აი, თურმე როგორ დაკარგულა.

მაგრამ როგორ მიაგნო?.. საოცარია! დაიცათ, ბიჭებო, სჯობია, ყური დაუვკლოთ...

ნიკო კი განაგრძობდა:

- თქვენ ყველამ იცით, რომ კომკავშირმა მე თქვენი რაზმის პიონერხელმძღვანელად

დამნიშნა და მეც კეთილსინდისიერად ვასრულებდი ჩემს მოვალეობას. - კლასში

ვიღაცამ გამქირდავად ჩაიფხუკუნა, მაგრამ ნიკოს ამისათვის ყურადღება არ

მიუქცევია. ისე განაგრძო: - მაგრამ ორ რგოლში თუ ვახერხებდი რამის გაკეთებას,

მესამე რგოლს ვერა მოვუხერხე რა. და ეს რგოლი გახლავთ სანდრო

ბურჯუკურთელის რგოლი, სადაც თავმჯდომარე ყველა უნესო და ჩამორჩენილი

მოსწავლე. ბურჯუკურთელის უდისციპლინობა იქამდის მივიდა, რომ თავისი

რგოლიდან გარიცხა ყველაზე წესიერი მოსწავლე ზალიკო ლაჩაშვილი.

რაზმმა თითქოს ახლა მოჰკრა ამ ამბავს ყური, აჩუჩუნდა და უშნოდ შეიშმუშნა.

- მეღამ თავისი კუდი მოწმედ მოიყვანაო! - გაისმა სადღაც ბოლოდან.

ნიკომ თვალებით მოძებნა მთქმელი და ზიზღით დაიღრიალა.

- გარიცხა ლაჩაშვილი და მის მაგიერ თავის რგოლში ჩუმად ჩარიცხა ორივე

ენუქაშვილი, დედაბრიშვილი ვახტანგი, ყველაზე გამოუსწორებელი თავხედი მთელ

სკოლაში - მრელაშვილი ვახტანგი და თუჯიშვილი ავთანდილი, რომელიც თავიდან

ძალიან ჭკვიანი ბიჭი იყო, ახლა კი...

- შენ თუჯიშვილს თავი დაანებე, - იწყინა ავთომ, - თუ რამე გაქვს სათქმელი, ცალკე

მითხარი...

კლასის დამრიგებელმა წესრიგისაკენ მოუწოდა ბავშვებს, ხოლო ნიკოს უთხრა:

- უფრო კონკრეტულად, დაღელაშვილო.

- კონკრეტული არ არის, მაშ, რა არის, როცა თავიანთი რგოლის წევრ გოგოებს არ

ასწრებენ რგოლის შეკრებაზე და სხვა რგოლის წევრებს ანებივრებენ? ან კიდევ

რგოლის შეკრებას რა უნდა სადღაც მიყრუებულ საბძელში?

- შენ გულს რაცა გაქვს, ისა თქვი, თორემ ჩემი რგოლისას შენ ახლა არავინ

გაკითხებს. შეკრებას, თუ მინდა კოლოთოში მოვანყო.

გივი აიმრიზა და წარბშეკრულმა გახედა ბურჯუკურთელს.

- აი, აჰა, ახლაც არ მაცლის ლაპარაკს.

- დაგაცადოთ, თორემ, უკაცრაული პასუხია, შენც ოქრო ამოგდის პირიდან.

- წყნარად, პიონერებო! - წამოდგა თავმჯდომარე.

- აი, სულ ასეთი ყოვლად უმაქნისი და უვარგისი ხალხი ჰყავს შეყრილი თავის

რგოლში.

- სტყუი!

- ცილისწამებაა!

- სტყუი!

- ვტყუი? - გაგულისდა ნიკო, - ვტყუი? აბა, ჰკითხეთ თქვენი რგოლის ხელმძღვანელს, რუსულსა და არითმეტიკაში როგორი ნიშნები აქვს! აბა, ჰკითხეთ, ვინ არის, რომ არათურად აგდებს უფროსებსა და ხელმძღვანელ ამხანაგებს, აბა, ჰკითხეთ, ვინ დაეხეტება ღამლამობით სხვის ბაღში!

- არც შენა ხარ ხამად სხვის ბაღში ხეტიალს, მაგრამ, მგონია, გადაეჩვევი იმ საღამოს შემდეგ.

გოგია წამოძახილებისათვის გააფრთხილეს.

ნიკო გააცოფა ამ გახსენებამ. მან მრისხანე თვალი დაარჭო დედაბრიშვილს და

ზედიზედ მიაყარა:

- აი, თქვენ მეუბნებოდით, რომ უფრო კონკრეტულად მელაპარაკა. მაშ, ვილაპარაკებ: აი, ამ გარეწარმა ბუჩუკურთელმა და მისმა „მარჯვენა ხელმა“ - ეფრემას ბიჭმა გოგიამ, ბერძენიშვილმა, თვალთაშვილმა, ბაჩიაშვილმა, ხარატიშვილმა და ყველამ, ვინც სანდროს რგოლშია, ერთ ღამეს მოჭრეს წყაროს ბაღის ნაპირას მდგარი ალვის ხე და აღიდებულ ხეხევეას გაღმა გავიდნენ. გავიდნენ, შევიდნენ დიმიტრი შაპას ბაღში და დაკრიფეს მისი თურაშაული. ნაიღეს, საბძელში დამალეს და ზამთარში უნდოდათ ეჭამათ. აი, ეს ვაშლი.

ნიკომ ლურჯი ნაჭერი გადაჰვლიჯა კალათას და იქიდან წითლად გამოანათა თურაშაულმა.

ვახტანგმა ცდუნებას ვერ გაუძლო, ნერწყვი გადაყლაპა, მსხვილი ტუჩები გაანკაპუნა და ბრიალა თვალები მოარიდა მაცდურად მოცინარე ვაშლს.

კლასში გუგუნმა ჩაიარა.

ნიკოს დამცინავად აეგრიხა ტუჩის კუთხე.

უფროსი პიონერხელმძღვანელი მღუმარედ იჯდა.

გივი საჩვენებელ ჯოხს ატრიალებდა ხელში და თან ქვემ-ქვემ უცქეროდა აჩუჩუნებულ რაგმს.

მხოლოდ არითმეტიკის მასწავლებელმა ვერ შეიკავა თავი და გაოცებულმა იკითხა:

- ნუთუ მართალია, რაც აქ ითქვა?

- სრული სიმართლე გახლავთ, პატივცემულო მასწავლებელო, - დაადასტურა ნიკომ.

- აი, მე და ბახსოლიანმა წამოვიღეთ საბძლიდან ეს ვაშლი, - შემდეგ თავის

მეგობარს მიუბრუნდა, - სწორია, თუ არა, გიორგი?

- სწორია, - უგემურად დაუდასტურა ბახსოლიანმა.

- მერე, თქვენ როგორ გაიგეთ, რომ საბძელში ვაშლი იყო?

ნიკო მცირე ხანს შეყოყმანდა.

მესამე რგოლის წევრებმა ერთმანეთს ეჭვის თვალთ გადახედეს, მერე მზერა ნელ-ნელა ლენაზე გადაიტანეს და მრისხანედ ჩააცვიფდნენ.

ლენა ჩუმად იჯდა ერთხანს, მერე, რაკი მიბჯენილი მზერა შეამჩნია, ერთბაშად

შემფოთდა და დამფრთხალმა მიმოიხედა ირგვლივ.

ათიოდე წყვილი თვალი მას ზიზღითა და მუქარით უცქეროდა.

როგორ? ნუთუ ჰგონიათ, რომ მე გავეცი? - ფიქრობდა გოგო.

ნიკომ ყოყმანი დაძლია და განაგრძო:

- ერთ საღამოს მრელაშვილი შემხვდა ორღობეში მიმავალი, შემაგინა და ქვაც მომარტყა ფეხში.

- თვალეზიც მოუთხრია შენთვის! - გაისმა საიდანლაყ.

- ვენაცვალე იმ ცაცია ხელში, - დაუმატეს ბოლოში.
- წყნარად, ბავშვებო, - დუმილი დაარღვია უფროსმა პიონერხელმძღვანელმა.
- მომარტყა ფეხში ქვა და გაიქცა, - განაგრძო ნიკომ. - გამოვედევნე. ბნელოდა, მაგრამ მაინც თვალი არ მოვაშორე. ვდიე, ვდიე და დავინახე, რომ სოფლის გარეთ გავიდა, ტრისტანაანთ მოლობილთან ვილაცას შეხვდა, იქ იჩურჩულეს ცოტა ხანს და მერე ძველი საბძლისკენ წავიდა. მე გვერდი ავუქციე „გუშაგს“, ძველ საბძელს უკანიდან მოვუარე, კედელზე ყური მივაღე და ყველაფერი გავიგონე, რაც იქ ითქვა. მაშინ გავიგე ამ ვაშლის მოპარვის ამბავი. წავედი, ბახსოლიანს უთხარი და იქიდან წამოვიღეთ.

სანდრო თანდათან გონზე მოდიოდა.

- მერე, ვინ გეხვეწებოდა, წამოიღეთ?

- ჰო და ჰო, რა ძალა გადგა, ვინა გცემდა კეტს თავში!

- ვინ გითხრა, გინდა თუ არა, წაიღეთ?

- ვინ მითხრა და, ჩემმა სინდისმა, - ამაყად გასცა პასუხი ბრალმდებელმა.

სანდრო ფეხზე წამოვარდა.

- მაშ, დაამტკიცე, რომ შენ სინდისი გაქვს, და მე დავამტკიცებ, რომ ჩუმათხევი აღმა მიდის.

- აქ არაფერს არ უნდა დამტკიცება, ბუჩუკურთელი, ყველაფერი დამტკიცებულია.

რაზმი უკვე გუგუნებდა.

რაზმის საბჭოს თავმჯდომარემ კვლავ წესრიგისაკენ მოუწოდა პიონერებს.

- დაამთავრე? - შეეკითხა გივი ნიკოს.

- არ დამიმთავრებია.

- მაშ, განაგრძე.

- დიხაც, რომ, განვაგრძობ. აი, ამხანაგებო, ასეთია ამ ვაშლის მოპარვის ამბავი და თქვენ რა გგონიათ: ამ ბათხელს მეღანა ბებოს რომ კიტრები დაუკრიფეს ბოსტანში, ვინ იქნებოდა? ნამყენი ქლიავები რომ მოუჭრეს, ვინ იქნებოდა? შაშვიოაანთ ზაქარას რომ ვენახის ღობე გამოუმტვრია, ვინ იქნებოდა? ბაზერაანთ მიხას ცხენს რომ ძუა შეაჭრა, ვინ იქნებოდა?

ნიკომ ცოტა ხანს შეაჩერა ბრალდების სეტყვა.

„მარჯვენა ხელმა“ ამით ისარგებლა და მის მაგიერ განაგრძო.

- მეღანა ბებოს რომ მგლებმა ძროხა დაუგლიჯეს, ვინ იქნებოდა? ყურაანთ ილოს რომ „მოსკვიჩი“ გადაუბრუნდა და ფეხი იღრძო, ვინ იქნებოდა? შათირიანთ ოთარას რომ ცხვირზე მეჭეჭი ამოუვიდა, ვინ იქნებოდა? ბაზარაანთ დათას რომ...

გივიმ რის ვაი-ვაგლახით გააჩერა ეშხში შესული ეფრემას ბიჭი.

ნიკო დაიბნა.

- აბა, მაშ რა ყველაფერს ჩვენ გვაბრალებს? - არ ცხრებოდა გოგია.

- ჰო და ჰო, - ახლა უკვე სხვებიც აყაყანდნენ, - ჩვენს მეტი ვერავინ ნახა?

- გვიპოვა რაღა, ქვეყნის ამომგდებნი!

- ახლა ყველაფერს ჩვენ ნუ კი წამოგვკიდებთ!

- დაისვენე, ნიკო, ქარი ამოიღე, ამდენი ქაქანი მუხლი მოგეჭრებოდა.

- შენ ჩვენ თავი დაგვანებე, თორემ განა მოჭრეს გროზნას ბაღში ის მსხალი!

ნიკოს ლოყებზე სიბრაზის ალი აუვარდა.

ბიჭები ხითხითებდნენ.

გივი განწყრა და წამოხტა.

- თქვენ აქ რა ბაზარი გამართეთ? დააცადეთ ერთმანეთს და რიგრიგობით

ილაპარაკეთ. აბა, შენ რა გინდა, ბერძენიშვილო?

- მე? - წამოდგა ვანო, - რა უნდა მინდოდეს, ნიკოს დაჯკვიანების გარდა?

გივიმ წამომდგარი ბიჭი დასვა.

- შენ, ბერძენაშვილო, ღობე-ყორეს ნუ ედები. თუ სათქმელი გაქვს რამე, თქვი, თუ არადა ხელს ნუ გვიშლი, თორემ გარეთ მიგაბრძანებთ, - შემდეგ კვლავ

საქციელწამხდარ თანაკლასელს მიუბრუნდა და უთხრა: - განაგრძე, ნიკო.

- აბა, რაღა უნდა განუგრძო? - ძლივს ამოღერლა, - აქაც კი პირში მებმებიან და გარეთ რაღას იზამენ? აბა, რა უნდა მექნა ამათთვის, როცა მაგათი პიონერხელმძღვანელი ვიყავი? ამ ერთ რგოლთან ვერაფერი გავანწყვე. მე მომხრე ვარ, რომ სანდრო მოიხსნას რგოლის ხელმძღვანელობიდან და გაირიცხოს სკოლიდან.

- შენ ჩემს გარიცხვას არავინ არა გკითხავს.

- შენა, - გამობერა ტუჩები ვახტანგმა, - კაიკაცი რომ ყოფილიყავი, არავინ არ მოგხსნიდა ჩვენი რაზმის ხელმძღვანელობიდან. პაპაჩემი ამბობდა...

გივიმ ჩააჩუმა დედაბრიშვილი, მოგუგუნე კლასს მრისხანედ გადახედა და ნიკოს მიუბრუნდა.

- მოათავე?

- მოვათავე, - დაფასთან ახლოს მოძებნა სკამი და დაჯდა.

- აბა, ვის უნდა სიტყვის თქმა, - წამოდგა რაზმის საბჭოს თავმჯდომარე.

რაზმი მცირე ხნით გაიტრუნა.

მესამე რგოლის წევრებმა საკლასო ოთახი მოათვალიერეს.

- მე მინდა.

- გამოდი.

მაგიდასთან პირველი რგოლის ხელმძღვანელი დალი ფოცხიშვილი გამოვიდა. მან აჩქარებით გადაიყარა უკან მოკლელუდა ნაწნავები და დაიწყო.

- რაც აქ ილაპარაკეს სანდროს შესახებ, მე სრულ სიმართლედ მიმაჩნია...

გოგო შედგა და რაზმს თვალი მოავლო.

დედაბრიშვილ ვახტანგს წარბი შეეკრა, ტუჩები უფრო აებურცა და იბღვირებოდა.

ლუარსაბს ორი მტკაველი ერთმანეთისათვის მიედო, ცერი ცხვირზე მიეჭინა და შორიდან უჩვენებდა.

თვალაშვილსა და ხარატიშვილს თავი თავზე მიეტყუებინათ და სინანულის ნიშნად მწყობრად აქანავებდნენ.

შაშვიაშვილ კაკოს იდაყვი მერხზე დაედო, ცალი ყბა პეშეში მოექცია და შუბლზე

ქოჩორჩამოყრილი გასუსულიყო.

მხოლოდ ბერძენაშვილს შეეკრა ორი მუშტი და ერთმანეთზე ურახუნებდა, ვითომ,

გარეთ რომ გახვალ, ეგრე დაგნაყავო.

დალიმ შეამჩნია ეს და მოიღუშა.

- დამემუქრე, დამემუქრე, არ მეშინია! ნიკომ აქ სულ მართალი ილაპარაკა. სანდრომ წამართვა მე და თავის რგოლში წაიყვანა ენუქაშვილი სერგო, სოსო, დედაბრიშვილი ვახტანგი. წაიყვანა თავის რგოლში და ახლა მაგას თხუთმეტი ბავშვი ჰყავს რგოლში, მე კიდევ შვიდი. სად გაგონილა, რომ ერთ რგოლში შვიდი იყოს და მეორე რგოლში

- თხუთმეტი?

დალიმ მცირე ხანს შეისვენა, უფროს პიონერხელმძღვანელს გადახედა და მერე ისევ განაგრძო:

- ამიტომ მე მოვითხოვ, რომ ჩემი რგოლის წევრები დამიბრუნოს, თვითონ კი

საკადრისად დაისაჯოს.

დალი დასაჯდომად გაემართა.

ნაპირზე მჭდომმა ხარატიშვილმა მერხიდან ფეხი ოდნავ გამოყო და მიმავალს დაუდო.

გოგო წამოედო და წაბარბაცდა.

ხარატიშვილმა სწრაფად შესწია ფეხი.

გივიმ თვალი შეასწრო, ამრიზა და რალაც ჩაიწერა ბლოკნოტში.

- კიდევ ვისა სურს ლაპარაკი?

დალის ადგილი არსენაშვილმა ზიზიმ დაიკავა.

- აქ სულ სანდროზე იყო ლაპარაკი, რომელიც წინათ მართლაც ცელქი იყო. ახლა აღარ ცელქობს, მაგრამ მოიგონებს ხოლმე რალაცას და აკეთებს. ზოგჯერ კარგი გამოსდის, ზოგჯერ ცუდი. აბა, მამ, რა მოსაგონია, რომ ფეხბურთელთა გუნდი ერთი რგოლიდან იყოს? რად უნდა, ერთ რგოლში რომ შეყარა თითქმის ყველა ბიჭი, განა რამდენი ხანი გავიდა, რაც რგოლის ხელმძღვანელად აირჩიეს? აირჩიეს და მაშინვე ჩემი რგოლიდან თავისკენ გადაიბირა მრელაშვილი და თუჭიშვილი. ახლა შაშვიაშვილი ვაკოს გარდა, სულ გოგოები მყავს რგოლში. ჩემად რატომ მიჰყავს? აი, ბაჩიაშვილი ლუარსაბი წინათ ჩემს რგოლში იყო, მაგრამ ითხოვა და სანდროსთან გადაიყვანეს. ადრე ჭკვიანი ბიჭი იყო. ერთად ვმეცადინებოდით ხოლმე არითმეტიკაში, ახლა ახლოსაც აღარ მეკარება. თუჭიშვილიც ჭკვიანი იყო, ახლა გაეშმაკდა და მეუბნება (გოგომ დააჯავრა ავთოს): „განა გოგო ვარ, შენს რგოლში ვიყო. ვინც კაი ბიჭია, სულ სანდროს რგოლშია“. სანდროც სარგებლობს მათი ნდობით და რაცა სურს, იმას აკეთებინებს ბავშვებს.

- აბა, ცუდს რას ვაკეთებინებ ბიჭებს, შე კანწავ, შენა! - გაბრაზდა სანდრო და წამოხტა.

გივი განყრა.

- დაჯექი, სანდრო. შენს ადგილზე მე გამოჩენისაც კი შემრცხვებოდა.

სანდრომ ტუჩები მოკუმა, მოიღუმა, უნდოდა რალაც ეთქვა, მაგრამ თავი შეიკავა და მონყვევით დაჯდა.

- ჰოდა, დამიბრუნოს ჩემი რგოლის წევრები. ორივე დამიბრუნოს და თვითონაც საკადრისად დაისაჯოს ამისათვის და ვაშლის მოპარვისათვის. მოიხსნას რგოლის ხელმძღვანელობიდან.

უშიშარ ბიჭს გასცრა ამ ნათქვამზე და აწრიალებული თვალებით მიმოიხედა.

მეგობრების უმრავლესობა ცდილობდა, თვალებში არ შეეხედა მისთვის.

- გოგი! - წასჩურჩულა გვერდზე მჭდომს, - გოგი, შენ უნდა გახვიდე.

- ვერ გავალ, სანდრო, - ჩურჩულითვე უპასუხა ეფრემას ბიჭმა.

- გადი, ნუ გეშინია.

- ვერ გავალ, ბიჭო.

რაზმის საბჭოს თავმჯდომარემ მეორედ დაიძახა:

- კიდევ ვისა სურს სიტყვის თქმა?

- გადი-მეთქი, გეუბნები!

გოგია უწადინოდ წამოიზღაზნა. მაგიდასთან უხერხულად დადგა და თავჩალუნულმა დაიწყო:

- აქ ნიკომ სულ ტყუილი ილაპარაკა. ჩვენ არც ვაშლი მოგვიპარავს და არც საბჭელში დაგვიმაღავს. ეს, ალბათ, თვითონ ნიკომ დაკრიფა და მერე ჩვენთვის დასაბრალებლად აქ მოიტანა.

ამ მოულოდნელმა განცხადებამ რაზმი აათორიაქა და ზოგიერთი გულუბრყვილო დააეჭვა კიდევაც.

აქა-იქ გაკვირვების ძახილი აღმოხდათ:

- ყოჩაღ, ეფრემას ბიჭო!

- გოგრაა, გოგრა, ცარიელი!
- მიდი, დასცხე!
- მიდი!

გოგია მეგობრების მხარდაჭერამ და შეძახილმა წააქეზა.

- თავიდანვე ჩემზე და სანდროზე იყო გადაკიდებული, არსად არ გვასვენებდა, მუდამ თავში გვიტყაპუნებდა, ეზოში ლახტობასაც კი გვიშლიდა და ბურთს ხომ ახლოს არ გვაკარებდა. ახლა ველარაფერს გვაკლებს, რაკი ჩვენი რაზმის პიონერხელმძღვანელი აღარ არის, და ეს მოგვიშარა.

რაზმში ხმაური გაძლიერდა.

გივიმ ჩაიღიმა და დედაბრიშვილს უთხრა, დამჯდარიყო.

- კიდევ ვის უნდა სიტყვის თქმა? არავის? აბა, ბერძენაშვილო, მანდ რომ იფოფრები და არ ისვენებ, გამოდი და თქვი, რა გინდა?

- არაფერი, რა უნდა მინდოდეს?

- მაინც, მაინც, გამოდი და თქვი, მანდ რას ახურხურებ ბავშვებს?

ვანო გამოვიდა, გივის გაუღიმა, ნიკოს ცბიერად ახედა და მერე კლასის ხელმძღვანელს შეავლო თვალი.

- ჰო, აბა, თქვი, რა გინდოდა?

ვანო ჩუმად იღვა.

- ენა გადაყლაპე? - გაბრაზდა ნიკო, - იქიდან რომ მსხვილ-მსხვილებს ისროდი, აბა, თქვი, თუ ბიჭი ხარ.

ბიჭმა ცერად გადახედა შენიშვნის მომცემს და კვლავ გაჩუმდა.

- აბა, რის თქმა გინდოდა, ვანო? თქვი, ნუ გერიდება, - დაუყვავა უფროსმა

პიონერხელმძღვანელმა, - აღიარებ თუ არა დანაშაულს?

ვანომ გაიკვირვა:

- დანაშაულს? რომელ დანაშაულს? დანაშაული იმან აღიაროს, ვისაც დაუშავებია, თორემ მე მარტო იმის თქმა მინდოდა, რომ გასულ კვირას ჩვენმა კოლმეურნეობამ კომბაინი დაკარგა და ახლა, უკაცრავლი პასუხია, ისიც ჩვენ არ დაგვაბრალონ-მეთქი.

რაზმი ერთხანს გატრუნული იყო, მერე ერთბაშად ახარხარდა და

პიონერხელმძღვანელი და არითმეტიკის მასწავლებელიც გააცინა.

ბახსოლიანი მეგობრის წყენას მოერიდა, მაგრამ მასაც აუგრისა ღიმილმა პირი.

გივი აიშრიბა.

- წადი, ახლა, ვანო, და ჭკვიანად დაჯექი, თუ არ გინდა, რომ რაზმის შეკრებას ფანჯრიდან უყურო. კომბაინი არსადაც არ დაკარგულა, ლენვა დაამთავრა და სარემონტოდ წაიღეს. აბა, ჯახუნაშვილო, რას იტყვი?

- არაფერს, პატივცემულო პიონერხელმძღვანელო.

- როგორ თუ არაფერს? აი, თქვენი ყოფილი პიონერხელმძღვანელი ამბობს, რომ ბუჩუკურთელი რგოლის შეკრებაზე არ გასწრებდათ შენ და ლენას, მართალია?

- გამოდი, ლილი, გამოდი. გამოდი და თქვი, - მართალია თუ არა, რაც აქ ითქვა თქვენზე, - ჩაერია უფროსი პიონერხელმძღვანელი.

გოგო გამოვიდა და დადგა მაგიდასთან.

- აბა, რას იტყვი, ლილი?

- მე, მე რა უნდა ვთქვა?... სანდრო, მართალია, წინათ არ მასწრებდა ხოლმე რგოლის შეკრებაზე, მაგრამ ახლა უკვე დავესწარი გასულ შეკრებას და დამავალა კიდევ, რომ ჟიულ ვერნის „საიდუმლო კუნძული“ წავიკითხო და მომავალ შეკრებაზე მოვეუყვე ჩვენი რგოლის პიონერებს... ცელქი კი... ცელქი არის, იმიტომ, რომ

დასვენებაზე სულ ლახტაობას თამაშობს და სახლშიაც ყოველთვის რაღაცას ჩხირკედელაობს.

- მიედ-მოედება რაღაცეებს! - წამოხტა ნიკო და გივის მკვახედ შეხედა. - შენ სულ ისეთები გამოგყავს, რომლებიც არათუ არაფერს ამბობენ დანაშაულზე ანდა მისი დამქაშები არიან. აბა, ლაჩაშვილს გამოუძახე, რატომ ზალიკოს არ ჰკითხავ რამეს.

გივის ეწყინა თანაკლასელის შეპაექრება, და მოიღრუბლა.

- ყველა ერთად ხომ არ ილაპარაკებს? ლაჩაშვილსაც ვკითხავ. აბა, ზალიკო, შენ რას გვეტყვი? - მერე ნიკოს ყურთან დაიხარა, - ხომ ნახე, რომ მაგ გოგომ მაინც არ დამალა, რომ რგოლის შეკრებაზე არ ასწრებდა? გამოდი, ზალიკო, მაგიდასთან გამოდი.

- აქედან ვიტყვი, პატივცემულო ჰიონერხელმძღვანელო.

- მაგიდასთან გამოდი და რაზმს უთხარი, რაც სათქმელი გაქვს.

ბურჟუაზიის რგოლი დაიბღვირა.

სანდროს იმედი გადაუნყდა. ეტყობა, ზალიკო ახლა კი „დაიქოქება“ და ყველაფერს „გადმოალაგებს“. მისი მეგობრები კი რატომღაც ღუმან, ანდა მაიმუნობით მონაფეებს აცინებენ. აფსუს! სად არის ახლა სნაიპერი! ეშმაკის ნაგლეჯი, რაღაცას მოიფიქრებდა. ფუ! რაღა ახლა მოუნდა კლასში მამლის გამეება და... კარგი, ეს ყველაფერი ჯანდაბას, მაგრამ გუშინწინ რაღამ ჩამტერევიანა ქვით კლუბის თანჯარა? ან რა ხუმტურმა წამოუარა, რომ კლუბის გამგეს აგინა? მერე რა, რომ კინოს სანახავად არ შეუშვეს: ბილეთი არა ჰქონდა და არ შეუშვეს, მერე რა მოხდა? ის თუ ყოველ კინოს არ დაესწრო, ის დღე გლოვის დღედ აქვს გამოცხადებული... ახლა რაღა უნდა ქნას? აფსუს, რა ბიჭია! ცოდო არ არის, ეგ გარეთ დახეტილობდეს და ზალიკო აქ ნებივრობდეს, ჩემს რგოლში?.. ჰმ! ჩემს რგოლში! ვინ იცის, შემარჩენენ კი რგოლსა? თუ მარტო ეს მაკმარეს, კიდევ რა უშავს?.. აი, მაგალითად... მაგრამ დაიცა, ზალიკო რაღაცას ლაპარაკობს.

- დიახ, ცუდად ვიყავით თავიდანვე ერთმანეთთან, - ამბობდა ლაჩაშვილი, - ერთმანეთს სულ ჯიბრში ვედევით.

- რა დიდი ქურუკ-ყარამანი შენა მყავხარ, რომ ჯიბრში ედევით?

- დაიცა, გოგი, ილაპარაკოს, - ნაუმუჭლეუგუნა სანდრომ.

- ანდე, ქვეყნის ამომგდები თვითონ მანდ არის, თქვენ გვერდით, და მოხსენებას კითხულობს, - წამოხტა ხარატიშვილი.

- ეგ არის, ეგა, მაგან „გააცია“ გროზნას მსხლის სახსენებელი, - მიეშველა სერგო.

- ეს ვაშლიც მაგისი მოპარული იქნება, - მხარი აუბა ზაზანაშვილმა.

- მაგისი და ნიკოსი, - დაუბეჭდა სოსომ.

- დაიცათ, ბიჭებო! - წამოვარდა სანდრო, - დააცადეთ, კაცმა ილაპარაკოს.

- ჰოდა, ადგა და მაგანაც გამრიცხა რგოლიდან.

ნიკოს პირზე ვარდი მოეფინა.

- მიდი, ზალიკო, ნუ გემინია.

- რატომ გამრიცხა მერე? იმიტომ, რომ მრელაშვილი ვახტანგი დავაბეზღე, როდესაც ორლობეში ექიმის მამალი მოკლა.

ნიკოს ბრაზისაგან ქვედა ტუჩები ჩამოუვარდა.

რაზმი აგუგუნდა.

ზალიკო შეჩერდა და მაგიდაზე თითოთ რაღაცის ხაზვა დაიწყო, მაგრამ რაკი, თავის ჭკუით, კარგად ვერ დახაზა, ისევ განაგრძო:

- მართალია, სანდროს უფლება არა ჰქონდა, რომ გავერიცხე, მაგრამ ახლა რომ ვუფიქრდები, სწორად მოიქცა, რადგან მე დამაფიქრა ამ ამბავმა და რგოლის დანარჩენ წევრებთან დამოკიდებულებამ... უკანასკნელ ხანებში კარგად მექცევა.

ალაზნის პირას ჩალაც ერთად მოვჭვრით და შევკარით კიდევ. რგოლის შეკრებაზე დამასწრო კიდევ და ახლა უკვე კარგად ვართ ერთმანეთთან.

- ტყუილად გვებულებულები, ეგ ნანა ვერ დაგაძინებს, გენაცვალე!

სანდრო მიტრიალდა და ნუგზარი გაგმირა თვალებით.

გარეჯელი უკმაყოფილოდ შეიშმუშნა, რაღაც წაიბუტბუტა და მიყურდა.

- ჩვენ უკვე შევრიგდით საბოლოოდ... მას შემდეგ არც ვინმე დამიბებლებია და არც დავაბებლებ... დედას გეფიცებით, არ დავაბებლებ...

ბიჭს კინალამ ცრემლი მოერია, მაგრამ მალევე დასძლია თავი, გამობრუნდა და თავის ადგილზე დაჯდა უჩუმრად.

გოგოებმა თანაგრძნობით გადახედეს მერხზე თავდამხობილს.

გივი კმაყოფილი ილიმებოდა.

ნიკო გაოგნებულიყო: „რა ღმერთი გაუნყრა ამ ლაჩაშვილს. მთელ იმედს მაგაზე ვამყარებდი და ეს რა გამოატყვრინა უცებ?“

კიდევ ერთი ხელი აიწია და მასაც ნება დართეს, ელაპარაკნა.

კაკო შაშვიაშვილმა მაგიდასთან ადგილი დაიკავა და სეტყვასავით დააყარა:

- ვინც დამნაშავეა, უნდა დაისაჯოს, კიდევაც. რას ელოლიავებით? სხვისი ვაშლი დაკრიფა? - მოიხსნას რგოლის ხელმძღვანელობიდან. ასეთი პიონერი რგოლის ხელმძღვანელად ვის გაუგონია? ან ლაჩაშვილი რაღა წმინდანად მიგაჩნიათ? ეგ სულ გასარიცხია სკოლიდან. თავიდან ეგვეც მაგათი ძმაკაცი იყო, მერე რაღაცაზე წაიჩხუბნენ. ახლა, ეტყობა, ისევ ერთად კურკურებენ. მარტო სანდრო კი არა, მაგისი რგოლის ყველა წევრი გასარიცხია. ამ წინაზე, ექიმის სახლთან რომ ორლობეა, იქ კინალამ მარგილზე არ ჩამომავეს. კიდევ კარგი, ვერ შესწვდნენ, თორემ ახლა ჩემი ძელებიც აღარ იქნებოდა.

- აბა, როდის, შე ქაჩალ-მებატევე, შენა, როდის იყო?

- როდისა და, გაკვეთილები რომ დაგვიმთავრდა და შინ მივდიოდით.

- შუადღისას ყოველთვის გაკვეთილები გვიმთავრდება და შინ მივდივართ.

- სად იყო, სადა, ზურიას ბიჭო?

- სადა და, სწაიპერამ რომ ექიმის მამალი მოკლა, იქა. რაც არის, სულ მრელაშვილია, იმან მოიგონა მარგილზე ჩამოგება. მეცნენ ოთხნი, ამწიეს და იმ წვეტიან მარგილზე უნდოდათ ჩემოვეგე. კიდევ კარგი, ვერ ასწვდნენ. თვითონ კი იდგა განზე და ილრიჭებოდა.

- უნდა შეგვეშინებინე, შე მშიშარავ, შენა! მარგილზე არა, უკაცრაული პასუხია,

ტელეფონის ბოძზე უნდა ჩამოგვეგე.

- ვიცით, რის მუცლის ტკივილიცა გაქვს.

- ვიცით, ვიცით, ჩვენს რგოლში არ მიგიღეთ და იმიტომ.

კლასის ხელმძღვანელმა ვითომდა გაიოცა:

- მერედა, რატომ ეგ კი არ მიიღეთ თქვენს რგოლში?

- იმიტომ, რომ მშიშარაა, პატივცემულო მასწავლებლო, - წამოხტა თვალიაშვილი.

- მართალია, მშიშარაა, - კვერი დაუკრა ხარატიშვილმა.

- რას ჰქვია, მშიშარაა? თქვენ ხომ ყველა ბიჭი გინდოდათ თქვენს რგოლში

ყოფილიყო?

- ყველა რად გვინდოდა? - განცვიფრდა ბაჩიაშვილი, - ჩვენ ისეთებს ვიღებდით, ვინც ყოჩალი იყო და არც რამისა ეშინოდა. ეგ კი ერთი გუდურა ფიჩხით დანთებულ ჭიაკოკონაზე ვერ გადახტა, ცეცხლი დიდიო. განა ჩვენთვის არ იყო დიდი ცეცხლი? ქოჩორი სულ შეგვიტრუსა, მაგრამ მაინც ვხტებოდით.

- კარგი, კარგი, გეყოფა, ლუარსაბ, დაჯექი. - მერე უფროს პიონერხელმძღვანელს მიუბრუნდა არითმეტიკის მასწავლებელი და ჰკითხა: - თვითონ სანდროს არაფერს ათქმევინებთ?

- როგორ არა, პატივცემულო გიორგი. უთხარი, გივი, გამოვიდეს.

გივი წამოდგა.

- აბა, სანდრო, შენ რას გვეტყვი? აი, ამბობენ, რომ ვაშლი მოიპარე შენი რგოლის წევრებთან ერთად ლენას პაპის ბაღში და ძველ საბჭელში დამალე, რომ ზამთარში გეჭამათ.

- მე არ მითქვამს, რომ სანდრომა და მისმა რგოლმა მოიპარა ვაშლი, - წამოდგა ბახსოლიანი.

- როგორ? - შეხტა ნიკო სკამზე, - იქ არ იყავ, რომ წამოვიღეთ საბჭლიდან?

- წამოვიღეთ, მაგრამ მე ვერ ვიტყვი, რომ ეს სანდრომა და მისმა რგოლმა მოიპარა.

ნიკომ გაცხების ნიშნად რაზმს მოხედა და ხელები გაშალა.

მესამე რგოლს ცოტათი გულზე მოეშვა.

მერხიდან სანდრო გამოდიოდა.

გოგიამ შემკრთალი თვალები შეავლო და გზა დაუთმო.

ბიჭს სახე მწითლე პამიდორისფერად ჰქონდა მოქცეული.

სანდრო ერთხანს უხერხულად იდგა მაგიდასთან და სიტყვა ისე დაიწყო, რომ თავი მაღლა არ აუღია. მერე თანდათან დაიბრუნა გამბედაობა და რაზმმაც გარკვევით გაიგონა მისი ადრინდელი მტკიცე ხმა.

- ჩემზე აქ საკმაოდ ბლომად ილაპარაკეს... ამ ნალაპარაკევიდან უმეტესობა მართალი იყო: ჩვენ დავეკრიფეთ ლენას პაპის ბაღში თურაშაული.

მესამე რგოლი შეჩოჩქოლდა და დაიბნა: ხომ არ გადაირია ჩვენი ყარამანი?

სანდრომ განაგრძო:

- ჩვენ დავეკრიფეთ, მაგრამ თვითონ ნიკომაც კარგად იცის, რომ იმ ბაღში მთელი რგოლი ვაშლის კრეფის დროს არ ყოფილა. ჩვენ ორნი ვიყავით, მე და

დედაბრიშვილი გოგია.

- მაშ, მთელი რგოლი როდისღა შეხვედით ვაშლისათვის? - იკითხა უფროსმა პიონერხელმძღვანელმა.

სანდრომ ერთი კი შეავლო თვალი შეკითხვის მომცემს და გაყურდა.

- როდის იყავით? აბა, სთქვი, სანდრო, როდის იყავით.

- მხოლოდ ერთხელ იყო მთელი რგოლი იმ ბაღში და მაშინაც ვაშლისათვის არ შესულა.

- აბა, მაშ, რა გააკეთეთ იქ?

- ეს ნიკოზე კარგად არავინ იცის, რაც გააკეთეს, მხოლოდ ვაშლი კი არ მოუპარავთ.

- რაო, რას აკეთებდნენ, ნიკო?

ყოფილი პიონერხელმძღვანელი სიბრაზისაგან შუშა კიტრით გამწვანდა.

- მელანა ბებოს ძროხა შესულიყო შიგ და იმის გამოსაგდებად შევიდნენ, - იცრუა ნიკომ.

ბახსოლიანმა ღიმილი ვერ შეიკავა.

- მართალია, დედაბრიშვილო?

- დიახ, პატივცემულო პიონერხელმძღვანელო. ჩვენ ის დავიჭირეთ და მსხალზე მივაბით, რომ ბაღში არაფერი გაეფუჭებინა.

ბიჭები ჩუმად ხითხითებდნენ.

ნიკოს სურდა, იატაკი გამსკდარიყო და შიგ ჩავარდნილიყო.

- კი მაგრამ, მთელი რგოლი რად უნდოდა ერთ ძროხას?
- ოჰ, ჩვენ იმ ძროხას კარგად ვიცნობთ. ის ისეთია, მთელი რგოლი რომ არ ყოფილიყო, სათითაოდ ყველას რქებზე წამოგვაგებდა.
- წიხლიც იცის.
- კუდიც გრძელი აქვს.
- ყურებიც.
- ყურები რა - ვირი ხომ არ იყო.
- ვირი არა, მაგრამ კაი მუტრუკი კი გახლდათ. თუმცა რა განსხვავებაა, - უკაცრაული პასუხია, მუტრუკი ხომ ბოლოს მაინც ვირი უნდა გახდეს.
- საქმეზე ილაპარაკე ბერძენაშვილო, რა დროს ძროხაა? - შენიშნა მასწავლებელმა, - განაგრძე, სანდრო. ესე იგი, მარტო შენ და გოგიამ მოიპარეთ ვაშლი.
- სანდრო ჩუმად იყო.
- თქვი, სანდრო, რას ღუმხარ?
- ჩვენ ის დავკრიფეთ, არ მოგვიპარავს!
- ეს როგორ უნდა გავიგოთ? - გაოცდა მასწავლებელი.
- ჩვენ ის ვაშლი იმიტომ კი არ დავკრიფეთ, რომ, როგორც აქ ნიკომ ბრძანა, ზამთარში გვეჭამა...
- აბა, მაშ, რა ეშმაკად მოიპარეთ! - წამოხტა ნიკო, - საძოვარზე გასაყვანად ხომ არ გინდოდათ?
- იმიტომ დავკრიფეთ, რომ მერე ისევ პატრონისათვის დაგვებრუნებინა.
- გივის გაეცინა:
- ბიჭო, თუ ისევ დაბრუნება გინდოდათ, რაღასა ჰკრეფდით, იქვე ყოფილიყო.
- ამასაც თავისი მიზანი ჰქონდა, გივი.
- ხედავთ, - წამოხტა ისევ ნიკო, - მოპარვასაც თავისი მიზანი გამოუძებნა.
- აბა, რა მიზანი ჰქონდა? - დაინდო პიონერხელმძღვანელმა.
- არ, რა: იმ გვირაბში, სადაც ახლა წყალი აღმოვაჩინეთ, წინათ არ გვიშვებდა დიმიტრი პაპა... ჩასვლა კი აუცილებლად გვინდოდა. შიგ კი ვერ ჩავდიოდით, რადგან გვირაბის სახურავს კლიტე ედო და გასაღები მებაღეს ჰქონდა შენახული. ჰოდა, მე და გოგიამ გადავწყვიტეთ, მისი ახალი ჯიშის თურაშაული დაგვეკრიფა და მერე გვეთქვა, რომ დაკარგულ ვაშლს ვუპოვდით და უკლებლივ ჩავაბარებდით, თუ გასაღებს მოგვცემდა და გვირაბში ჩავგიშვებდა... მერე ჩვენ გვირაბში ჩავედით და ვაშლის დაბრუნება შეგვაგვიანდა... რომ აუცილებლად უნდა დაგვებრუნებინა უკლებლივ, ეს ლენამაც კარგად იცის, რადგან გამოვუტყდით ჩვენს დანაშაულში...
- აღიარებ, რომ მოპარვა იყო თუ დაკრეფა, ეს მაინც დანაშაულია?
- ვაღიარებ, ვაღიარებ და დიმიტრი პაპასთანაც მივალ პატიების სათხოვნელად.
- გივიმ გაიღიმა და მოწონების ნიშნად თავი დაუქნია.
- მრელაშვილი იქ არა ყოფილა მაშინ? - შეეკითხა მასწავლებელი.
- უწინილოდ კრუხი იქნება? - დაასწრო სანდროს ნიკომ, - ისიც იქ იქნებოდა.
- არა, მრელაშვილი დაკრეფის დროს იქ არ ყოფილა.
- გივი გადაიხარა და კლასის ხელმძღვანელს ჰკითხა ჩურჩულით:
- მრელაშვილის საკითხსაც დღეს განვიხილავთ?
- არა, - თავი გაიქნია არითმეტიკის მასწავლებელმა, - აქ არ ესწრება და გარდა მაგისა, გადანყვეტილია, შაბათ საღამოს შედსაბჭოს სხდომაზე იქნეს განხილული მისი საკითხი.
- რაზმის პიონერხელმძღვანელი უსიამოვნოდ შეიშმუშნა და მობრუნდა.
- შეკითხვები ხომ არა გაქვთ ვინმეს? - ადგა რაზმის საბჭოს თავმჯდომარე.

- ყველაფერი ნათელია, რაღას აჭიანურებ? - ახედა ნიკომ.

- კარგი, დაჯექი, სანდრო. აბა, თვითონ ლენა გამოვიდეს, რას იტყვის. ლენა შეკრთა. ერთხანს ათვალეფრა მაგიდასთან მსხდარნი, მერე წამოდგა, წინსათვარი გაისწორა და მერხიდან გამოვიდა.

- აი, სანდრო ამბობს, რომ იცოდა, რომ ვაშლი ჩვენ დავკრიფეთ და დაბრუნებაც გვინდოდა. მართალია? - ჰკითხა რაზმის საბჭოს თავმჯდომარემ.

- მართალია, - დაუდასტურა გოგომ.

გივიმ და უფროსმა პიონერხელმძღვანელმა ჯერ ერთმანეთს გადახედეს, მერე მასწავლებელს მიუბრუნდნენ:

- თქვენ რას იტყვით, პატივცემულო რებო?

- მე? - გაიკვირვა მასწავლებელმა, - მე არაფერს, თვითონ ილაპარაკონ.

- ჰო, მაგრამ, რატომ არ მოხვედი და ჩვენ არ გვითხარი?

- რა საჭირო იყო თქვენთან მოსვლა? - ცერად გახედა გოგომ რაზმის საბჭოს თავმჯდომარეს. - მე ვიცოდი, რომ ჩვენი ვაშლი სანდროსთან ინახებოდა და მას ხელს ვერაფერს დააკარებდა. გარდა მაგისა, პაპაჩემმა ეგ ვაშლი ეს ერთი ხანია სანდროსა და მის რგოლს აჩუქა.

- სტყუის! - ავარდა და დავარდა ნიკო, - სტყუის! ეშინია, სანდრომ არ მცემოსო, და სტყუის.

ბურჯუკურთელმა მიზლი ვერ დამალა და წამოხტა.

- ლენა კი არა, შენ თვითონ სტყუი, რომელმა გოგომ შემოგჩივლა ჩემზე?

- მე არც სანდროსი მეშინია და არც თქვენი, ნიკო, - განყრა ლენა, - მე მხოლოდ მართალს ვამბობ: პაპაჩემმა ეს ვაშლი აჩუქა მთელ რგოლს. მას შემდეგ, რაც მაგათ ჩვენი ბალის კუთხეში საქათმე დაგვიდგეს.

კლასი ახმაურდა:

- საქათმეო? რა საქათმე?

- მაშ, ეგ მართალია? - იცინოდა კლასის ხელმძღვანელი, - მეც სადღაც მოვკარი ყური. ამათ რა საქათმე უნდა დაეღვათ?

- სხვათა შორის, ჩვენს საქათმესაც არ ჩამოუვარდება ამათი ნაოსტატარი, - არწმუნებდა გივი.

- ყოჩაღ, ბავშვებო! - წამოსცდა მასწავლებელს.

- მთელი მრელაანთ უბანი მაგაზე ლაპარაკობდა, სანამ წყალს აღმოაჩენდნენ.

- ყოჩაღ, ყოჩაღ, ბავშვებო! - იმეორებდა აღტაცებული მასწავლებელი, - რატომ რაზმის შეკრებაზე არ განიხილეთ?

- უნდა განგვეხილა, მაგრამ, - გივიმ ღიმილით დაადო ხელი კალათას, - აი, ამან დაგვასწრო.

- არა უშავს, არც შემდეგისათვის იქნება დაგვიანებული. ახლა კი ლენას მოვეუსმინოთ. აბა, რას ამბობდი, ლენა?

- მე იმას ვამბობდი, პატივცემულო მასწავლებელო, რომ ეგ ვაშლი პაპაჩემმა სანდროსა და მის რგოლს აჩუქა და ნიკოს უფლება არა ჰქონდა, საბჭოიდან წაეღო სხვისი კუთვნილი ხილი. ჩუმად წაიღო, მაშასადამე მოიპარა. თუ თვითონ მოიპარა, ამოდენა ბიჭმა, მაშ, სანდროსი და მისი ამხანაგებისა რად უკვირს?

იქ მყოფნი გაოცებულნი უსმენდნენ გოგოს.

- ანდე, რომ გეუბნებოდი, - უჩურჩულა ბახსოლიანმა მეგობარს, - ანდე, რომ გეუბნებოდი, თავი დაანებე-მეთქი, ხედავ, როგორ შეატრიალეს? უყარე ახლა კაკალი.

ნიკო შემფოთებისა და მოუთმენლობისაგან უსიამოვნოდ დაიპრანჭა.

- მე მოვიტხოვ, რომ თავიანთი კუთვნილი ვაშლი დაუბრუნდეს ბუჩუკურთელსა და მის რგოლს... სულ ერთია, თუნდაც პაპაჩემს ჩაუტანოთ, ის მაინც ამათ გადასცემს. - დაამთავრა ლენამ.

ლენას გამოსვლის შემდეგ რაზმში ერთხანს სიჩუმე იყო, მერე რაზმის საბჭოს თავმჯდომარე წამოდგა.

- ხომ არავისა აქვს კიდევ სათქმელი?

მოსწავლეთაგან სათქმელი აღარავის ჰქონდა.

უფროსმა პიონერხელმძღვანელმა რაზმის ხელმძღვანელს უთხრა:

- მაშ, დაიწყე, გივი.

ვარდუაშვილიც წამოდგა და დაიწყო...

* * *

...ყველანი წავიდნენ.

წავიდნენ ყველანი.

დატოვეს მარტო და წავიდნენ.

ნუგზარიც წავიდა, ვანოც, ალექსიც, ლადოც, ავთოც - ყველა, ყველა.

მხოლოდ გოგია დარჩა ცოტა ხანს, ეხვეწა, შენც წამოდიო, მაგრამ ბიჭს მერხიდან თავი არ აუწევია, იდაყვის კვრით მოიშორა.

და, აჰა, ახლა მარტოდმარტოა ამ უზარმაზარ საკლასო ოთახში.

როგორ დაიწყო და როგორ დამთავრდა ყველაფერი!

კიდევ კარგი, რგოლის ხელმძღვანელობიდან არ მოხსნეს, თორემ ბიჭებს ვინ ჩივის?... მაინც რა ბიჭები წაართვეს, რა ბიჭები! - მარტო სნაიპერი სამ კაცად ღირს, ხოლო ხახაბო, აყლაყუდა ხახაბო... ეჰ, ახლა ყველა თავ-თავის რგოლს დაუბრუნეს: ლუარსაბი ზიზის რგოლში გადავაო. ჩიჯავაძე ნელი შენთან გადმოვაო,

თვალთაშვილი - დალისთანაო...

- ჰეი, ბუჩუკურთელო, დაუდგა შენს რგოლს აღსასრული!

ვინღა დარჩა მასთან? ძალიან ცოტანი. თუმცა, ბალიკო დაიბრუნა, კარგად ილაპარაკა მასზე. ყოჩაღ, ლაჩაშვილო! არ ეგონა, თუ ასეთი ფხა ჰქონდა. ბალიკოს გარდა, სხვამაც ბევრმა ილაპარაკა. ილაპარაკა და სწორედ ეს უკლავს გულს. მაინც ეს ზიზი ასე რამ გაანინმატა. რა კარგად იყვნენ ერთმანეთთან. კარგი წიგნები მოჰქონდა ხოლმე მისგან, თუმცა, თვითონაც ბევრჯერ უთხოვებია. ერთხელ ტირიფის წვეპლისაგან კალათაც დაუნნა... უფროსი პიონერხელმძღვანელიც კარგად უსქქროდა, ახლა კი... ან გივი რაღამ გააცეცხლა ასე. ფუი, რა ეშმაკად წაეხეტა იმ ღამეს ბაღში. რა უნდოდა, თავისთვის გდებულებო... ღმერთო, ეს რგოლები ვინღა ეშმაკმა მოიგონა. - კაცს ვისთანაც უნდა, იმასთან უნდა იყოს და ითამაშოს, ვისი რა საქმეა... გოგისაც მისი გულისთვის მოსცხეს... არა, მაინც რამ მოაგონა გროზნას თურაშაულის დაკრეფა? განა როგორც ფიქრობდა, ისე რომ მოქცეულიყო, მებაღე დაუჭერებდა, რომ მისი დაკრეფილი არ იყო? განა არ ჰკითხავდა, როგორ მიაგენიო?

ფუჰ! ასეთი სისულელე ჯერ არ ჩაუდენია სანდროს.

გავიხილა, კაცს წაართვა რამე და მერე მისი დაბრუნებით სხვა რამ აიღო მისგან? არა, რატომ დღემდე ვერ მიხვდა, რომ ეს პატოსანი საქციელი არ იყო? მერე რომ საქათმე დაუდგა? ეს მაინც ვერ ამართლებს, - თუ კაცს სიკეთეს უშვრები, არც უნდა დააყვედრო. რა სისულელე ჩაიდინა, რა სისულელე! განა მაშინვე რომ მოეფიქრებინა და გასაღებზე ადრევე მოლაპარაკებოდნენ ლენას, ასეთი რამ დაემართებოდა? თუმცა, ისიც მაგრად შეახურეს გასაღების მოპარვისათვის.

ეჰ, სულ აირია ყველაფერი, ყველაფერი გაფუჭდა! როგორც ერთი წვეთი მღვრიე წყალი ერთ ჭიქა წმინდა წყალს გააფუჭებს, ისე ამ ოხერმა ვაშლის ამბავმა წაახდინა

იმოდენა სასმელი წყლის აღმოჩენა. ახლა, ალბათ „ნერგებში“ გასაგზავნ წერილს შეცვლიან და ქვეყნის სამასხარაო და სასირცხვილო გახდება მისი გვარი...
ან იმ ერთიანად დასალპობს აქამდე რაღას ინახავდნენ? ხომ დაასკვნეს, რომ მეტყვევისათვის უნდა მიეცათ ხე-ტყის ბილეთში? ახლა ან იმას რაღა პირით უნდა შეხედოს? არ ემეტება ნავაჟკაცარი, მაგრამ მეტი გზა არ არის, ისევ მგლის ტყავი უნდა მიუტანოს.

აი, აჰა, კაცი ერთს თქვრობს და მეორე გამოდის...

კარგა ხანია, ცდილობდა, ისეთი რამ გაეკეთებინა, რომლითაც მისი გვარი გაზეთში მოხვდებოდა... და, აჰა, აუსრულდა ნატვრა: ქვეყანა წაიკითხავს და ქვეყნის სამასხარაოც გახდება.

ჰე-ჰეი, ბურჟუაზიული, ნეტავ როდის ისწავლი ჭკუას!

წადი ახლა და იარე მთელი რაზმის წინაშე გაკიცხულმა, შერცხვენილმა და თავლაფუდასხმულმა!..

ბიჭმა მწარედ ამოიგმინა და თავი ნელ-ნელა ასწია. ასწია და გოცებისაგან თვალი გაუშტერდა.

მის წინ გოგო იჯდა.

სანდროსთვის რომ კეტი გერტყათ, თვალიდან ერთ ცრემლს ვერ გადმოაგდებინებდით სხვების დასანახავად, არამცთუ მისი კვნესა მოესმინათ. შუბლი შეიკრა და მკვახე რაღაცის თქმა დააპირა, მაგრამ გოგოს შუქიან თვალებში იმდენი სიბრაღული და თანაგრძნობა დაინახა, რომ გადაიფიქრა.

მოეშვა და უნდოდა იკითხა:

- დიდი ხანია, რაც აქა ხარ, ლენა?

- თავიდანვე დავრჩი, სანდრო. გარეთ გიცადე და, რომ არ გამოხვედი, მეც კლასში შემოვედი.

- მერე, რატომ დარჩი?

- შენ გიცდიდი.

- მე რა დაცდა მინდოდა, სახლის გზა ამერევა?

- არა, სანდრო, მაგრამ შენი ამ გუნებით შინ მისვლა არ შეიძლება. უნდა დამშვიდდე და შინ ისე წახვიდე. გინდა, ჩემთან წამოდი. დიდი, სურათებიანი ალბომი მაქვს,

კარგი სურათებია ძალიან, დავათვალიეროთ.

- მომეშვი, ლენა, შენი თავი არა მაქვს.

- ნუ, სანდრო, ნუ გაჯავრდები, ახლა დამშვიდებაა საჭირო. რა ვუყოთ, რომ გაგკიცხეს? მართალია, სტყუოდი, მაგრამ არც ისე, როგორც იქ დახატეს.

ბიჭმა ხელი ჩაიქნია.

- ეჰ, ლენა, რა საჭიროა ასეთი გულის გაკეთება? მე ძალიან კარგად ვიცი, რაც იყო...

შენც ხომ იცი, ლენა, რომ ის ვაშლი ცუდი განზრახვით არ დამიკრეფია... მაგრამ მაინც ცუდი გამოვიდა. თუ კარგად დავუფიქრდებით, მართლაც ცუდი გამოდის... ეჰ, ახლა გინდა უჩუქნია ჰაჰაშენს ის ვაშლი, გინდა არა... მაინც როდის გითხრა, რომ ის ვაშლი იმათთვის მიჩუქებიაო?

გოგო მცირე ხანს დუმდა, მერე ძლივს წაიჩურჩულა:

- არასოდეს, სანდრო, არასოდეს არ უთქვამს ჰაჰაჩემს... ახლაც არ იცის, ვინ დაკრიტა და ვინ არა.

- ჰა?! - წამოხტა გოცებული ბიჭი, - როგორ, შენ არ იყავი, რომ გამოხვედი და მთელი რაზმის წინ გვითხარი?

- ჰო, მე ვიყავი, სანდრო, - ძლივს ამოიკნავლა გოგომ. - მე ვიყავი და ტყუილად ვთქვი.

ბიჭი ერთხანს გაშტერებული უცქეროდა გოგოს, მერე ერთბაშად მოეშვა, მოცელილივით დაეშვა მერხზე და ზედ დასხმულ მელნის ლაქას ჩააცვივდა. მამ ტყუილი თქვა? მამ ვაშლი არ უჩუქებიათ? მამ, ამ გოგომ, ამ თითისხელამ ასეთი ტყუილი თქვა? გოგომ, რომელსაც არასოდეს არ უთქვამს ტყუილი... და ახლა თქვა, მხოლოდ მისი გულისთვის თქვა, რომ როგორმე განსაცდელი შეემსუბუქებინა მისთვის... აი, თურმე როგორი ყოფილა ეს გოგო და დღემდე კი არ იცოდა.

ბიჭმა ნაზად შეხედა და რბილად უთხრა:

- კარგი, ლენა, ნუ სტირი. ტყუილი კარგი არ არის. და თუ გინდა, რომ ჩვენ კარგ მეგობრებადვე დავრჩეთ, არასოდეს აღარ თქვა ტყუილი.

გოგომ წამწამებზე დაკიდებული ცრემლი მოიწმინდა.

- მე არა ვტირი, სანდრო, მე მხოლოდ შენ დამენანე და იმიტომ ვთქვი ტყუილი.

ახლაც იმიტომ დავრჩი, რომ ყველამ მიგატოვა. ყველა წავიდა. შენ როცა რამეს მოიგონებ ან აკეთებ, მაშინ უნდისხარ იმათ, ასეთ დროს კი ყველა შემოგეფანტა.

ბიჭს კინალამ ცრემლი მოერია, მაგრამ გული გაიმაგრა და ახლა თვითონ დაუნყო დამშვიდება:

- არათერია, რაც იყო, იყო. ჩვენი ბიჭები მე არასოდეს არ მიმატოვებენ. ახლა იმიტომ დამტოვეს, რომ მდგომარეობას მარტო უფრო კარგად ჩავუფიქრდები. ისინი კარგები და ჭკვიანები არიან, ლენა. ასე ადვილად ნუ გადაყვრით, ხომ გახსოვს, რგოლის ხელმძღვანელობიდან ჩემი გამოცვლა რომ ახსენეს, რა დღეში იყვნენ? არა, ლენა, ისინი მე არ მიმატოვებენ... ოღონდ შენ, ლენა, უნდა შემპირდე, რომ თუნდაც ჩემს სასარგებლოდ, თუნდაც პაპაშენის სასარგებლოდ და, საერთოდ, ტყუილს აღარ იტყვი...

- კარგი, აღარ ვიტყვი, სანდრო. ოღონდ, შენც უნდა შემპირდე, რომ გვიგზე არ გაბრაზდები, ნიკოსავით არ აითვალწუნებ და კვირასაც ტყეში ნაჰყვები თქვენს ბიჭებს სასკოლო ნაკვეთის ღობის წვეპლის ჩამოსატანად.

- კარგი, კარგი, ლენა. მე გივის არ ავითვალწუნებ. გივი, საერთოდ, კარგი ბიჭია. წვეპლაზე კი, როგორც შევპირდი, წავიყვან ბიჭებს, რადგან სიტყვის გატეხა არ მიყვარს. ნიკოს კი, თუ სადმე შევხვდი, ან ის იქნება და ან მე. ჩვენს ბიჭებთან ერთად შევხვდები და ისეთ დღეს დავაყვრით, საკაცით წასაღები გახდეს.

- ოჰ, ოჰ, სანდრო! - წამოდგა გოგო. - შენ ყოველთვის ჩხუბზე ნუ გიჭირავს თვალი, გახსოვს, ერთხელაც თქვი, საკაცებზე უნდა დავგვეკრაო. ეს რაღა მოგონებია? რა საჭიროა საკაცე?

- კარგი, ლენა, არ არის საჭირო და არც იქნება... აიღე ახლა ჩანთა და წავიდეთ თქვენსა, პაპაშენს უნდა პატიება ვთხოვო.

გახარებულმა გოგომ ჩანთა აიტაცა.

მკაცრი განაჩენი

წყაროს ბაღის თავში გადაჭრილ ალვის ხესთან შეიკრიბნენ დილით ბიჭები. აქ ერთხანს იცადეს. როდესაც ხარატიშვილიც გამოჩნდა, რიყეში ჩავიდნენ და ხევს აუყვნენ.

მღუმარედ მიდიოდნენ ქამარში წალღვაჩრილები.

ფეხქვეშ კენჭები და ქვიშა ხრამუნობდა.

ისუსხებოდა ხევ-ხევ მომავალი პირქარი.

იშვიათად თუ გადაუგდებდნენ ერთმანეთს თითო-ოროლა სიტყვას.

ასე იარეს „უკვდავების წყარომდე“.

მხოლოდ აქ შეჩერდნენ და ამოიდგეს ენა.

აღმართზე რიყიდან ორი ურემი ადიოდა და თან ხრეში და ქვიშა მიჰქონდა.

სასაფლაოს მხრიდან მანქანა დაეშვა მუხრუჭების ღრჭიალით, მისაქციელთან ბოლო მოიქნია და ბიჭებს სახეში ცემენტის მტვერი და ბოლქვებად გამოვარდნილი კვამლი მიასუნთქა.

ძარაზე შემდგარმა ლაცაბიძიანთ ფარნაოზმა გაიცინა და ხელით რაღაცა ანიშნა, მაგრამ მანქანა მოსახვევს მოეთვარა და ვერა გაიგეს რა ამ ნიშნისა.

პირველად ბერძენაშვილი შედგა და დანარჩენთ მოუბრუნდა:

- ცემენტსა და ქვა-ქვიშას ეზიდებიან ბიჭებო! ეტყობა, წყლის აუზს აკეთებს ჩვენი კოლმეურნეობა.

ყველამ კამეჩებს დაუნყო ცქერა.

ივრისებოდნენ ლომა კამეჩები აღმართზე და ნელა მიაჭრიალებდნენ მძიმე ტვირთს.

- ხედავთ, ბიჭებო, იმ ღამით ჩვენს აქ წამოსვლასა და წანწაღს უქმად არ ჩაუვლია? - გორმასზე შედგა ხარატიშვილი, ცალი ხელი ნუგზარს დააბჯინა მხარზე და ცალითაც დონიჩი შემოიდგა.

სხვებსაც მოედოთ უცებ სიამაყის გრძნობა და მეურმეს სალამზე ისე გაფუყულებმა გასცეს დაგვიანებული პასუხი, ქვიშაზე წამოსკუპებულ ვარდუაშვილის პაპას

სიცხლისაგან ხველება აუტყდა.

- რაო, ჩიტირეკიებო, რა მეფე ერეკლეს მოლაშქრეებივით გადმომდგარხართ მაგ კლდეზე. დიდი ამბავი, თუ თქვენი ჩიჩქნის დროს წყალმა ამოყო თავი.

ბიჭებს ეწყინათ მოხუცის დაცინვა. თვალთაშვილს უნდოდა ეპასუხა, მაგრამ გოვიამ წაავლო ხელი და შეუბღვირა.

ავთო და ენუქიშვილები ჩამოსხდნენ, წაღდეგი ტარით დააყუდეს, ნიღრებზე ნიკაპები ჩამოდეს და უგულისყუროდ დაუნყეს ცქერა უკანა ურემს, რომლის ერთი თვალი ქვას წამოსდებოდა და ამაოდ აჭრიალებდნენ უღელს კამეჩები.

განზე გამდგარი სანდრო უცებ მოსწყდა ადგილს, დაეშვა ძირს და იქვე მყოფ ლაჩაშვილს მიაძახა:

- მოდი, მიშველე, ზალიკო!

ზალიკო დანარჩენ ბიჭებთან ერთად კარგა ხნის შემდეგ პირველად მიდიოდა ტყეში და ახლა, სანდროს ძახილზე კი არ ჩავიდა, ჩაფრინდა.

როგორც იყო გამოაცალეს ქვა.

- ეს პირველი გზობაა, ძიავ? - შეეკითხა მეურმეს.

- პირველი გზობაა.

- კიდევ ბევრი დაგჭირდებათ?

- რა ვიცი, რამდენიც საჭირო იქნება, იმდენს მივიტანთ. რაკი სოფელს სასმელი წყალი გაუჩნდა, ქვა-ქვიშის სიბევრეს ვინ ჩივის.

- წყალს როდისღა გავიყვანთო?

- როცა აუზი გაკეთდება და მილი ჩაიყრება.

ბიჭებმა კვლავ ამაყად გადახედეს ერთმანეთს და მერე გვერდ-გვერდ აჰყვნენ ზევით მიმავალ ურემს.

მონასტრის გალაფანთან ჭიშკარი დაკეტილი დახვდათ. ურმებმა გვერდზე გაუხვიეს.

ბიჭები მოემუნენ მათ და მღვდლის ახოს აუყვნენ, გადაიარეს, მურყნიანის დაღმართი ჩაათავეს და ტყეს შეერივნენ.

პირველად ვეება პანტას დაუტრიალდნენ ირგვლივ, მაგრამ ერთი ცალიც ვერ იპოვეს კბილგასაკრავად.

- სათიხეებს ქვემოდან აქვს კოლმეურნეობას მელორეობის ფერმა, სულ აქეთ დაუდით ლორი და რას გაუშვებდნენ შეუჭმელს, - ტუჩები გამობურცა აყლაყუდამ.

- ზევით წავიდეთ, ბიჭებო, იქ შეიძლება ზღმარტლსაც გადავყვართ, - ნალდი ქამრიდან მხარზე გადაინაცვლა ნუგზარმა.

- ზევითა სჯობია, უკაცრაული პასუხია, აქ წვეპლა ნაკაფი ჩანს და სალამომდისაც ვერ მოვჭრით, - ურჩია დანარჩენთ ბერძენაშვილმაც.

ბიჭებს რჩევა ჭკუაში დაუჯდათ და ხალისით შეჰყვნენ დიდი ნარუალისაკენ მიმავალ ფერდობს.

- ბიჭებო! - უცრად შედგა ენუქიშვლი სერგო, - ბიჭებო! დილას, სანამ მე წამოვიდოდი წყაროს ბაღში, სადაც გუშინ შეკრება დაუთქვით, ჩვენკენ ნიკომ ამოიარა დაუღლული კამეჩებითა და ქამარში ცული ჰქონდა გაყრილი. ალბათ, ტყეში მიდიოდა. შენც ხომ დაინახე, სოსო?

- ჰო, - დაუმონმა ძმამ, - პირის დაბანის დროს გავიხედე და ისეთი შემომიბღვირა, იმ სისხამ დილაზე კინალამ სიცხემ სამას გრადუსამდე ამიწია.

ბიჭებმა ყური ცქციტეს.

ნიკო? მაშ, ნიკო ტყეშია? ოჰო! საით წავიდა?

- არ იცი, საით გაუხვია? - დაინტერესდა ხარატიშვილი.

- რა ვიცი, ჩვენს სახლს ზემოდან შუამთისკენა და წმინდა შიოს კლდისკენაც მიდის გზა, ხვინჭვიანისკენაცა და აქეთ - ნარუალისკენაც.

- ეეჰ, არ ვარგისხართ, არა, - გაჭავრდა თვალთაშვილი, - უნდა გეთვალთვალათ, საით წავიდა.

- მოდით, ბიჭებო, წვეპლა მეორე კვირას მოვჭრათ, - უცებ წინ წამოხტა ლუარსაბი, - მეორე კვირას მოვჭრათ წვეპლა და დღეს კი მთელი ტყე მოვიაროთ და სადმე გადავეყრებით.

ბიჭებს აღფრთოვანება მოედოთ.

ზალიკოს არ ეჭაშნიკა და უსიამოვნოდ შეიმშუშნა.

- დაანებეთ თავი, ბიჭებო, - ურჩია სანდრომ. - ამოდენა ტყეში ერთ კაცს ვერც ვიპოვნით და მთელ დღესაც გავაცდენთ. ხოლო, თუ აქ სადმე შეგვხვდა, ისე ვცემოთ, რომ ჩვენვე გაგვიხდეს აქედან ჩასატანი.

- რად უნდა დავანებოთ? - აღრინდა ხარატიშვილი, - დაგავინცდა ბაღში მწვანეზე გორაობა? ერთი ჩვენ არ მოგვესწრო და ნახავდი, როგორ „გაქეიფებდა“. იმ ერთმა კრებამ როგორ წაგახდინა, ისევ ხომ შენ დაგტოვეთ რგოლის ხელმძღვანელად? აი, სნაიპერი რომ აგვერჩია, პირველი ის ეტაკებოდა ტყესა და ძებნას დაუწყებდა. მაგრამ სად არის სნაიპერი? ეს მერამდენე დღეა, რაც აღარსად გამოჩენილა, სად დაიკარგა? აღარც სკოლაში ჩანს და აღარც სკოლის გარეთ. უკანასკნელად კი ავთოს უნახავს.

- თავისი ბიძის სამჭედლოში იყო და ცხელ რკინაზე ჩაქუჩს ურახუნებდა გუშინ სალამოს. მითხრა: ბორკილსა ვჭედავ თქვენი ბურჟურთელისათვის, რომ ღამლამობით სხვის ბაღში და საყდრის ქვეშ გვირაბში აღარ იაროსო. ქათმები ხართო და მეტი არაფერიო. გაიბატონეთ, დაისვით თავზე და ისიც დადის გამამლაყინებულიო. თქვენს გაკეთებულ საქმეს თვითონ ითვისებს და მადლობას იმას ეუბნებიანო. იმ წყეულ გვირაბში მე და გოგიამ გამოვთხარეთ ის ადგილი, წყალი მე გამოვაჩინე პირველად, თვითონ კი არც გამაგებინა იგრე წაიყვანა ვარდუაანთ გივი და თავისი თავი და ის აღმომჩინებდად გამოაცხადაო. მე ვუთხარი: მაშ, ჩვენთან აღარ მოხვალ-მეთქი? და ვურჩიე, სკოლას დაბრუნებოდა. იმან ხახაბოს თავისოდენა ურო მომიღერა და მითხრა: დამეკარგე აქედან, თორემ მაგ ხოკერს მუხა ნესვივით გავიხეთქავო. მე შემეშინდა და გარეთ გამოვვარდი, ის კი კარებზე გადმოდგა და მომაცოლა: დიდი რამე მოხდა, თუ მამალი გამეშვა კლასში და კლუბის გამგეს მწკლარტე რამე ვაკადრეო, ღირსი იყო და მიტომაო. წადით და, სადაც გინდათ, მიჩვილეთ, არ მინდა თქვენი სკოლაო.

უცნაურად იმოქმედა ამ ნათქვამმა ბიჭებზე. მათ ხომ საკუთარ ძმასავით უყვარდათ ურჩი და თავისუფალი სნაიპერი? მასაც ხომ ასევე უყვარდა ისინი და მათი გულისთვის არათფერს მოერიდებოდა? ისინი ხომ ისე შეეჩვივნენ მასთან ერთ რგოლში ყოფნას, რომ უსნაიპეროდ ვერც წარმოედგინათ? აი, გუშინწინ შეკრებაზე დაშალეს ეგრეთ წოდებული „ბუჩუკურთელის რგოლი“. მაგრამ ბიჭები მაინც ერთად იქნებიან. უსნაიპეროდ კი... ეჰ! აფსუს, სნაიპერო!.. მაგრამ არათფერია, მასწავლებლები ისევ დააბრუნებენ, ღირექტორი ისევ დაუბრუნებს სკოლას, შარშანაც ასე იყო გაქცეული... ეჰ, თვითონ ბიჭების ბრალიც არის, სანდროს ბრალიც არის. ასე მკვახედ არ უნდა მოჰქცევოდნენ... სანდრო კი... ნუთუ მართლა ბატონობს მათზე? ეს როგორ? - დიდი ხანია, რაც ბატონობას პატრონი მოუკვდა! მაშ, რა ცხვრებივით ემორჩილებიან?

- ბიჭებო! - წალდი ქამარში გაიყარა ბერძენაშვილმა, - მართლა და მართლა, ერთი კაცი ხომ არა წყვეტს ყველაფერს? უკაცრაული პასუხია, ნიკოს მოძებნა უნდა თუ არა? თუ თვითონ ემინია, ჩვენ არ გვემინია. გაუშვი, დარჩეს. აბა, ვინ მოდის?

- წავიდეთ, წავიდეთ! - აყვირდნენ ბიჭები.

- წავიდეთ.

გოგიამ სანდროს თანაგრძნობით გადახედა და მორცხვად აიჩჩა მხრები: ვითომ, რა ვქნა, მიყვარხარ, ძმას მირჩევნიხარ, მაგრამ ამათ უნდა გავყვეო.

მარტო ზალიკომ არ მოიკვალა ფეხი ადგილიდან.

სანდრო გაშტერებული იყო. ასე არასოდეს არ დაბნეულა, ასე არასოდეს არ მორღვეულა. ვაი, ბუჩუკურთელო, ეს რა ამბავია შენს თავს? ნახე, ბატონადაც კი გამოგაცხადეს?

და უცებ ბიჭი მიხვდა, რომ ჩათრევას ჩაყოლა სჯობდა.

- წავიდეთ, ზალიკო. ჰეი, ბიჭებო! დაიცადეთ, მოვდივართ!

ბიჭებს სიხარულით ჭყლოპინი აუტყდათ, სანდროს ხმა რომ გაიგონეს.

- ვაშა! მივდივართ! ვაშა! - და ეცნენ ტყეს.

საომარი განწყობილება პირველად მნიფე ზღმარტლმა გაუნელათ, ხოლო მეორედ - უნაყოფო ყიალმა და დაღლილობამ.

- სულელები ვართ. - ჩამოჯდა გოგია, - ვინ იცის, ნიკო ტყეს რომელ მხარეს მოექცა, რას იტყვიან, სოფელში რომ უნკეპლოდ ჩავიდეთ?

ბიჭები უცებ დააფიქრა ამ ამბავმა.

- დავბრუნდეთ, ბიჭებო, - დაინყო ლაჩაშვილმა.

- მართლაც, სჯობია, დავბრუნდეთ. ჯერ წკეპლა მოვჭრათ და მერე, თუ დრო დარჩა, ნიკო მოვძებნოთ, - დაჰყაბულდა ბაჩიაშვილი.

- აქ სად უნდა მოსჭრა? აქ წკეპლას სად იპოვი? სულ დიდი ხეებია.

- მაშ, ქვემოთ წავიდეთ, ბიჭებო.

- არა, სჯობია დიდი ნარუალის თავზე გადავიაროთ.

- პატარა ნარუალს დავუყვით.

- პატარაზე სჯობია, ბიჭებო, იქ შეიძლება წკეპლაც შეგვხვდეს.

ხალისჩამქრალნი დაემშენნ თავქვე.

საამოდ შრიალეზდნენ რუხი ცაცხვები და ამოლტილი ქორაფები, გლუვქერქიანი წიფლები და მკვრივძარღვიანი რცხილები. მაგრამ ლამაზი ტყის მშვენიერი მუსიკა გულაღრენილი ბიჭების ყურამდე არ მიდიოდა.

- ოჰ, ერთი ახლა შემომახვედრა აქა ის ჭორფლიანი მაიმუნი და... დაიცათ, ბიჭებო! -

შედგა ბერძენაშვილი და სახეგაბრწყინებული მოუბრუნდა დანარჩენთ: - გესმით?

ადგილზე გაშეშდნენ და კისრები დაძვინეს.

შორს, სადღაც, პატარა ნარუალის ფერდაზე, ცულის ხმა ისმოდა.

ზალიკომ მოიხედა და შეძრწუნებულმა დაინახა, როგორ გაებადრათ ბიჭებს სახეები.
- ნამდვილად ნიკოა, ბიჭებო! - აღტაცებით დაიძახა სანდრომ და ხელი მალლა ასწია.

- ვაშა! ისევ ჩვენი ხარ, ყარამანო! აბა, გაგვიძეხ!@- აღმოხდათ იქ მყოფთ და გაქცეულ რგოლის ხელმძღვანელს დაედევნენ.
ბიჭები გარბოდნენ, ბუჩქებს ზედ ასტებოდნენ, წვრილ-წვრილ წონკებს მათ ფეხქვეშ ტკაცატკუცი გაუდიოდა.

- ახლა სულ ერთიანად ვაზღვევინებთ, რაც ჩვენთვის უვნია და დაუშავებია.
ხახაბოს შემდეგ სანდრო მირბოდა.

- მიდი, ვახტანგ! გადაყარე კანჭები, შენებურად! - აქეზებდნენ ბიჭები და აყლაყუდაც ისე გარბოდა, რომ პალტოს კალთები გაშლილი ფრთებივით უფრიალებდა განზე.

- ნელა ვირბინოთ, ფინიში შორს არ არის, ბიჭებო! სად წაგვივა?

- მიდი, ნუ გეზარება, ლადო, ეგრე, ჭიქურ უნდა მივიდეთ.

და კვლავ გაიქცნენ.

უეცრად სადღაც ახლოს საშინლად დაიჭეჭა, რაღაცამ ძირს ისეთი ზღართანი მოადინა, გეგონებოდათ, მიწა იძრაო, და ზედ კაცის ყვირილიც გაისმა.

ბიჭები ერთბაშად დამუხრუჭდნენ.

კიდევ მოისმა შემადრწუნებელი „მიშველეთ!“ და ჩვენი გმირებიც მოსწყდნენ ადგილს. შემოურბინეს პატარა ტბას, ჩაძვრნენ ჩაშავებულ ხრამში, ალოლდნენ ზევით და აქაქანებულნი თავზე წაადგნენ ყვირილის ამტეხს.

ვეება წიფელს მომჭრელი, დროზე ვერ გასცლოდა და ერთი ტოტი ფეხებზე დასცემოდა. წაქცეული ველარ იცილებდა დასცემულ ტოტსა და ისე ყვიროდა, ბიჭები შეჰზარა.

უფრო ახლოს მივიდნენ და ისე შეჩერდნენ, თითქოს მესერს წააწყდნენო.

- ნიკოა, ბიჭებო! - დაიძახა ხარატიშვილმა.

იდგნენ გაშტერებულნი და ხან ერთმანეთს ახედავდნენ და ხან კიდევ ხის ქვეშ მოყოლილს, რომელიც სიმწრისაგან ღმუოდა და იკლაკნებოდა.

ყველაზე ადრე ბერძენაშვილი მოვიდა გონს. უმაღლესი ნალდი ქამრიდან და ხეს სწორედ ის ტოტი მიაჭრა, რომელიც ფეხებზე დასცემოდა მათ „დაუძინებელ მტერს“. მოსცილდა ტოტი თუ არა, სანდრო ეცა მხრებში წაქცეულს, მაგრამ ნიკოს დაძვრა ადგილიდან არც ისე ადვილი იყო. მაშინ მიეშველნენ დანარჩენებიც, გამოათრიეს გვერდზე და საჩქაროდ დაუნყეს წინდების გახდა.

გმინავდა და დედას უხმობდა საშველად ფეხებდაჩეჩვილი, ხუჭავდა და ახელდა მიბნედილ თვალებს, ათვალთვლებდა თავზე წამომდგართა სახეებს და, როდესაც იცნო ვინც იყვნენ, გმინვა შეწყვიტა, მაგრამ დიდხანს არ გაჰყვა ვაჟკაცობა საბრალოს და ისევ საცოდავად აკუნესდა.

მარცხენა ფეხზე ტყავი მთლად გადაჰყვლეფოდა, ხოლო მარჯვენაზე თითები დანეწკვოდა. ეს კი ძალიან საზიანო ჩანდა მთელი სკოლის განთქმული

ფეხბურთელისათვის.

ლადომ საგულდაგულოდ მოიქეცა ჯიბეები, მერე გარედანაც დაირტყა ხელი შარვალზე და რადგან არ აღმოაჩნდა ის, რაც ამწუთას საჭირო იყო, იქ მყოფთ მიუბრუნდა.

- შესახვევი ხომ არაფერი გექნებათ, ბიჭებო?

ყველამ მოიჩხრიკა ჯიბე-უბე, მაგრამ არავის არ აღმოაჩნდა.

ახლა ცხვირსახოცები მოიკითხეს.

მხოლოდ სამს აღმოაჩნდა ცხვირსახოცი.

შეუხვიეს, მაგრამ ვერ უშველა. სისხლი თქრიალით მოდიოდა და სახვევს გარეთაც გამოატანა.

დანოლილი კვნესოდა და თრთოდა.

უმწეოდ უცქერდნენ ბიჭები ერთმანეთსა და სისხლში მოსვრილ ფეხებს.

მაშინ ბურჯუკურთელმა გვერდზე ისროლა პალტო, გაიხადა ხალათი და მეზღვაურის ლურჯბოლებიანი მაისური გაიძრო.

ბიჭები დაძაბული მოლოდინით უმზერდნენ სწორად გავლებულ წვრილ ბოლებს.

ერთხანს დასცქეროდა პატრონი მაისურს, რომელიც მის სიამაყეს წარმოადგენდა.

ამას წინათ მამამ ჩამოუტანა თბილისიდან და ტოლებშიც თავი მოჰქონდა. აფსუს! რა

ლაზათიანია, რა ბოლები აქვს, რა... მაგრამ აქ ბიჭს დაჭრილის კვნესა შემოესმა და

წუთიერი ჩათფრებისაგან გამოარკვია. უცებ გახედა მეგობრებს, რომელნიც

დანანებით და მოლოდინის თვალით შესცქეროდნენ, და სწრაფად დაუსვა წაღდი.

მთელი ნაჭრები, რაც მაისურიდან გამოვიდა, ზედ დააბორბლეს ფეხებზე და ძლივს

შეუნწყვიტეს სისხლი.

დაჭრილი ისევ კვნესოდა, თუმცა დაჟეჟილი თანდათან უბუჟდებოდა და ტკივილიც

უყურდებოდა.

გარეჯელმა წაიდუღუნა: უნდა რამე ვილონოთ და საავადმყოფოში როგორმე

ჩავიყვანოთო.

ბერძენაშვილმა თუჯიშვილსა და გრძელკანჯას უთხრა: წვეპლები მოძებნეთო.

თვითონ ხარატიშვილი გაიყოლა და ლატნების მოსაჭრელად შევარდა წვრილიანში.

მალე დაბრუნდნენ ბიჭები. თხილისა და შვინდანლის წვეპლები დაგრიხეს, წნელები

რცხილის ლატნებს შუა დაბლანდეს, შიგ ხშირფოთლებიანი წვრილ-წვრილი ტოტები

ჩააფინეს, რათა ავადმყოფს ზურგი არ სტკუნოდა, და საკაცეც მზად იყო.

- შემოდგომა იწურება, ბიჭებო, და ამ წონკებს სიარულში ეს ფოთლები გასცვივა.

სჭობია პალტოები ჩავაფინოთ, - და სანდრომ თავისი პალტო საკაცეზე დაფინა.

- პალტოები რომ გავიხადოთ, არ შეგვცვივა? - იკითხა ვახტანგმა.

- რა შეგაცვივს, ხახაბო, ამოდენა კაცის თრევაში ოფლი ისე გავივა, როგორც

თავმჯდომარის იორლა ცხენს, - მიახვედრა გოგიამ და თავისი პალტო მუთაქასავით

დადო საკაცის თავთან დაკეცილი.

ბიჭები იხდიდნენ პალტოებსა და დაუნანებლად ჰყრიდნენ საკაცეზე.

- ყველანი ნუ გაიხდით, - ურჩია სანდრომ. - ამ ხეს ხომ უნდა ჩატანა სოფელში და

კამეჩებსაც ჩარეკვა? ერთი სამი ბიჭი დავრჩეთ, გავსხიპოთ ხე, დავკრათ ჩანგალი და

დაღელაანთ ეზოში ჩავიტანოთ.

ენუქაშვილებმა და ხარატიშვილმა ისევ გადაიცივეს პალტოები და ხესა და კამეჩებს

მიუბრუნდნენ.

თვინიერი პირუტყვები, რომელთაც არა ესმოდათ რა მათ თვალწინ დატრიალებული

უბედურებისა, იქვე მიწოლილიყვნენ, უდარდელად იცოხნებოდნენ, დროდადრო

ფშვინავდნენ და მორჩილებით აბრიალებდნენ ვეებერთელა შავ თვალებს.

ბიჭებმა ფრთხილად დაანვინეს პალტოებზე ავადმყოფი.

ოთხმა ფრთხილად ასწია საკაცე და დაეშვა თავქვე. დანარჩენნიც უკან გაჰყვნენ,

რათა დაღლილებს შენაცვლებოდნენ.

წყაროს ბალის თავამდე ისე ატარეს, ფეხი არ ჩაუკრეფიათ, აქ კი ცოტა ხანს შეისვენეს

და ისევ გასწიეს.

საბრალო ნიკო თვალს არ ახელდა, მალ-მალ ისვამდა გამომშრალ ენას გახურებულ

ტუჩებზე.

სოფელში შესვლისას წყაროზე მიმავალ ლენას გადაეყარნენ.

გულგახეთილ გოგოს კინალამ სურა გაუვარდა ხელიდან ამ უცნაური პროცესის დანახვაზე.

- რა იყო, ვახტანგ, რა ამბავია, ხომ არავინ დაშავდა?

საკაცის წინა სახელოურებში ცხენივით შებმული ხახაბო აიმრიზა და ტუჩები უარესად გადმოაბრუნა.

- გაინი განზე და გამატარე! როდის იყო, რომ ჩვენ რამეს ვაშავებდით.

- რა იყო, ვანო, ვინ არის? - ახლა ვანოს ეცა გოგო ხელში.

ვანო შეჩერდა და ცუღლუტურად აიხედა მალლა.

- რა ვქნა, მზე არ ჩასულა ჯერ და, უკაცრაული პასუხია, შენ უკვე ველარა ხედავ?

- ნიკო! - შესძახა უცებ ლენამ და გვერდ-გვერდ გაჰყვა საკაცეს, მერე უცებ შედგა და ორივე ხელი ლოყაზე იტკიცა, - მაშ, შეასრულე შენი დაპირება, სანდრო? მაშ, მაინც დააკარ საკაცეზე?

სანდრო ჯერ გაკვირვებული მობრუნდა, მერე მიხვდა ლენას მიუხვედრელობას და გაიღიმა:

- ხომ იცი, ლენა, რომ მე სიტყვის გატეხა არ მიყვარს?

- არ გიყვარს და, აი, ნახავ, თუ შენც ისე არ გაგრიცხავენ, როგორც მრელაშვილი გარიცხეს.

- რაო, მრელაშვილი გარიცხესო? - ბიჭებს კინალამ საკაცე გაუვარდათ ხელიდან.

- როდის გარიცხეს, რას ამბობ, ლენა?

- როდის და, გუშინ. დილას ჩემი თვალითა ვნახე საკლასო უურნალი, როცა რაზმის კედლის გაზეთსა ვწვდივით მე და დალი. ხაზი აქვს მის გვარს გადასმული. აი, ნახეთ, თუ თქვენც ეგ დღე არ მოგვლით! - გოგომ სურას დაავლო ხელი და აჩქარებით მიატოვა თანაკლასელები.

ბიჭებმა საკაცე და ცხვირები ერთად დაუშვეს ძირს და შემფოთებულთ ერთმანეთი მიშნაკრავად მოათვალიერეს.

- ეეჰ, ახლა კი ნამდვილად დაიშალა ბურჟუაზიის რგოლი, - ამოიოხრა ბერძენაშვილმა და საკაცისაკენ დაიხარა.

მოულოდნელი აღმოჩენა

ძალიანაც არ ეხალისებოდა სნაიპერს ფიჩხზე წასვლა, მაგრამ პალტოზე მაინც შემოირტყა ქამარი და შიგ წალდი გაიყარა.

მონყენილი მიუყვებოდა ორლობეს.

საშველად ვისი გაყოლებაც შეეძლო, ყველა სკოლაში იყო წასული. ბიჭებიც რაღაც დამნაშავეებით უქცევდნენ გზას. გუშინწინ სანდრო შეხვდა ჯახუნაანთ კაკალთან.

ბღვერით აუარეს ერთმანეთს გვერდი. მოსახვევთან მოუხედა და შეამჩნია, რომ რგოლის ხელმძღვანელიც უკან იყურებოდა. მეტი არაფერი. მხოლოდ ლენა მოვიდა წუხელ სადამოს და „აუბნა“ თავისი „ბულბულის ენა“, მაგრამ ვახტანგმა ხმელი ნეკერჩხლის მოჭრა შეახსენა და კუდამოძეებული გაუშვა შინ.

და ისევ მარტო დარჩა.

დღეს კი ყველაზე მეტად შეიგრძნო მარტოობის სიმწარე...

სოფლის თავში უკანასკნელი სახლი შაშვიშვილ კაკოსი იყო. ძალღმა ყვეფით ჯერ ღობე-ღობე სდია, მერე თათებით ჭიშკარი გამოალო და გზაზე გამოუვარდა.

ვახტანგმა წალდი იძრო. დაედევნა და ნირწამხდარი უკანვე შეავლო.

- რა პატრონივით ავგულა და მშიშარა ხარ, შე მგლის საჭმელო.

სოფლის თავში გზა სამად იყოფოდა.

სნაიპერი შედგა და პაპიროსს მოუკიდა.

ჩაფიქრებულ ბიჭს ვარდუაშვილის პაპა წამოადგა თავს.

- აქეთ წახვიდე - მალე დაბრუნდე, - ხელი აკადემიისკენ გაიშვირა. - იქით წახვიდე - გვიან დაბრუნდე, - ხვინჭიანისკენ ქნა პირი; ბოლოს თურდოსკენ მიტრიალდა და ჩიბუხი ამოიღო, - აქეთ წახვიდე და - ველარ დაბრუნდე.

ვახტანგმა მესამე გზის დასასრულს გახედა, სადაც კლდის თავზე რუისპირელების ძველი სასაფლაო მოჩანდა, და პაპას უგემურად აჰხედა.

პაპამ ჩიბუხი გააწყლო, ცეცხლი მოაკიდებინა და გაიოცა:

- რა გამობენტერებული მიყურებ? უეჭველად ქვა უნდა იყოს ჩაფლული და ზედ ეწეროს? - მერე შემობრუნდა და თვითონ იქით გასწია, საიდანაც გვიან მობრუნდებოდა, მაგრამ მაინც მობრუნდებოდა.

ვახტანგმა მძულვარებით გააყოლა თვალი ბერიკაცის მხარზე გადებული ცულის ლაპლაპს და, რადგან ჩვეული იყო, ყოველთვის საწინააღმდეგო ექნა და ეთქვა, თავად თურდოს კლდისკენ წავიდა.

გზა აქაც ორად იყოფოდა: ერთი ძირს ჩადიოდა თურდოს წისქვილებთან, მეორე - გვერდს უქცევდა სასაფლაოს და მთაში ჭიანჭისკენ მიუყვებოდა კლდეს.

კლდე ძალიან მაღალი იყო, თითქმის თვალუნვდენელი, შიგ უამრავი გამოქვაბული გამოეკვეთათ. დაბადებიდან სიკვდილამდე ყოველი იყალთოელის ოცნება იყო, ცალი თვალით მაინც შეეხედა რომელიმე მათგანში, მაგრამ მიუდგომლობა და სიპირქუშე ყოველთვის კურნავდა ასეთი წადილისაგან.

ასახელებდნენ ორიოდ გულადს, რომლებმაც მაინც სცადეს ბედი. ერთი მათგანი მეორე დღეს იპოვეს კლდის ძირში დაფლეთილ-დაღენილი. ხოლო დანარჩენებისა არავინ არათფერი იცოდა, ცამ უყო პირი თუ მიწამ.

თვითონ წმინდა შიოს სახელობაზე აგებულ მონასტერსაც კი მას შემდეგ ნაძრახი ადგილივით უვლიდნენ გვერდს.

ამ ადგილს ტყე აიყარა. ყველა ჯიშის ხე და ბარდი გადაება ერთმანეთს. სანამ ეს მეექვსე-მეშვიდე საუკუნის დიდებული ძეგლი სახელმწიფოსაგან დაცულად არ გამოაცხადეს, მანამდე ახლო არავინ გაჰკარებია.

გადმოცემით, აქედან იწყებოდა იყალთოს აკადემიის ის დიდი გვირაბი, რომლის არსებობაც, ბუჩუკურთელის რგოლის აღმოჩენით, ლეგენდა გამოდგა.

გზა შორს უვლიდა მონასტერსა და ტყეს. მხოლოდ ერთადერთი წვრილი ბილიკი უხვევდა გზიდან და ტყეში შედიოდა.

მაცდური იყო სნაიპერისათვის ეს ბილიკი. მის დანახვაზე ყოველთვის ხელახლა იფიცავდა: როგორც კი გაიზრდებოდა, იმ გამოქვაბულის საიღუმლოს საქვეყნოდ გამოიტანდა.

გზის მოსახვევში ფიჩხით სავსე მარხილი იდგა. შიგ შებმულ ცხენს ფერდები მძიმედ უცემდა. ნესტოებიდან ოხშივარი ორტოტად გამოსდიოდა. ქურანა ცხენი კუდალა იყო. დაიცათ!... კუდალა კი არა, ძუა ჰქონდა ძირში მოჭრილი!

ვახტანგს ეცნაურა და ირგვლივ შემფოთებით მიმოიხედა.

ცხენმაც, თითქოს იცნო თავისი პარიკმახერი, კუდი მორცხვად გაიქნია და დაღლილი თვალები საყვედურით მიაპყრო.

სნაიპერს გაახსენდა დირექტორთან გატარებული ათიოდე წუთი და გული დაიარხინა.

როგორც კი მარხილს იქიდან ბაზერაანთ მიხამ ამოყო თავი, სნაიპერმა გაუღიმა.

- მარხილის ფეხი ხომ არ გაგიტყდა, ძია მიხავ, მოგეხმარები.

მიხა თვალებს არ უჯერებდა.

ვახტანგმა მიხას სახე დაკვირვებით შეათვალიერა და ღიმილი პირზე შეახმა.

- რა ნაცნობი ყონალივით იღრიჭები, ლუკას ბიჭო? შენმა ფეხებმავე მოგიყვანა მიქელ-გაბრიელთან? - მიხამ მოზრდილი წკეპლა შეაჭრა ფიჩხს და, რაკი მარხილს ვერ გადმოახტა უკანიდან მოურბინა. - აბა, დამაცადე!

ვახტანგს რა დააცდევინებდა! მიიხედ-მოიხედა და თავქვე გაქცევა ამჯობინა.

მოსახვევებში წამოენია მიხა, მაგრამ სნაიპერმა მოუკურდღღღურა და ახლა ზევით გაიქცა. მთელ ათ წუთს ურბენდნენ მარხილს გარშემო. მერე მიხა ფიჩხზე აბობღდა, ვახტანგი ისევ თავქვე დაეშვა.

გზა კარგი იყო და მიხა სწრაფად დარბოდა.

სნაიპერმა ველარა უსაშველა რა და, როცა ის იყო, მიხას ხელი უნდა ეტაცნა აფრიალებული პალატოს ბოლოსთვის, ერთიჯ მოუკურდღღღურა და წმინდა შიოსკენ მიმავალ ბილიკზე გაენთო.

მიხა მიხვდა, რომ ბაკში შეიმწყვდია ჭედილა, და მუქარით დაედევნა.

- ახლა სადღა წამიხვალ, ძაღლის ლეკვო?

ვახტანგს გადანაჭერზე გამოედო შარვალი და ფრიალ-ფრიალით წაიღო ტოტის ნახევი. შიშველი, გადმონვდილი ხის წვეროკინები სახესა და ხელეებს უშხვეპავდა, მაგრამ ერთხელ აღებული სტარტის სიჩქარე არ შეუნელებია.

აღარც მიხამ დაზოგა თავი.

მონასტრის ეზოში შეცვივდნენ.

სამჯერ შემოურბინეს ირგვლივ მონასტერს.

ბოლოს სნაიპერი იძულებული იყო, კარებში შევარდნილიყო.

მიხაც შივ შევარდა აქოშინებული.

- ახლა სადღა წამიხვალ, სნაიპერო?

ერთ წუთს შედგა შიგნით მიხა და მიიხედ-მოიხედა.

ნიშნის სიბნელიდან უცებ გამოხტა სნაიპერი და უკანვე გავარდა გარეთ.

ელვის უმალ გამოჰყვა მიხაც.

კიდევ ერთხელ შემოურბინეს მონასტერს.

მიხამ ქვას წამოჰკრა ფეხი და წაიქცა. წამოდგომისას თვალი მოჰკრა, როგორ გადაეელო სნაიპერი დახავსებული კედლის ნანგრევს და კვლავ მონასტერში გაუჩინარდა.

- ახლა სადღა წამიხვალ, სნაიპერო? - მივიდა მიხა და კარწინ ლოდზე ჩამოჭდა, - განა კიდევ შიგნით შემოვალ. აქ გავათენებ ყარაულობაში და შიმშილით სულს ამოვხდი. ახლა ველარ გამისხლტები. გირჩევენია, შენი ნებით გამოხვიდე.

ნახევარი საათი გავიდა და სნაიპერი არ გამოსულა.

- სანამ არ გამოხვალ, აქედან ფეხს არ მოვიცვლი.

გავიდა კიდევ ნახევარი საათი.

უეცრად მონასტრის აღმოსავლეთით მიწაზე რაღაც ისე მძიმედ დაეცა, რომ ბრაგვანის ხმა გარკვევით მოისმა.

მიხა ჭერ გაოცდა, მერე რაღაც იაზრა, სასწრაფოდ წამოხტა და კედელს შემოურბინა.

კედელთან მოშორებით ოთხკუთხედი ქვა ეგდო. ქვის იქით, უზარმაზარი ბებერი რცხილის ქვეშ, მაყვლის ბარდებში, თხილის ნაყარი ყლორტები მსუბუქად ირხეოდა.

მიხამ მალღა, ვინრო სარკმელს ახედა. ქვა სარკმელს მოჰკლექღდა და ის

ჩამოვარდნილიყო. მიხამ კვლავ ქვას დახედა და გაიკვირღა: თუ ეს აქ დაეცა, ეს თხილის ყლორტები რაღას ტოკავს ამ ბარდებში?

ისევ სნაიპერი გაიხსენა. სხვა მხრიდან შემოურბინა, არ გამეჰაროსო, და ისევ კარს მიუღარაჭღა.

- გამო, ლუკას ბიჭო, შიგ ძირში უნდა დაგაჭრა ეგ მუტრუკის ყურები.
ლუკას ბიჭი არ გამოვიდა.

შეუადღე გადაიხარა.

- როდემდე იქნები მანდა? გამო, ერთი რიგიანად დაგინითლო ლოყები.
ლუკას ბიჭი არც ახლა გამოვიდა.

სამხრობამ მოატანა.

- არ გამოდიხარ? გამო, ერთი ჯაგრცხილის სახრით ავინთო გვერდები.
ვერც ამ დაპირებამ მოხიბლა ლუკას ბიჭი.

მოსაღამოვდა და მიხასაც მოშივდა. მოშივდა და შამფურზე აგება დაუპირა სნაიპერს.
ვერც ამით გამოიტყუა თავისი ცხენის დალაქი.

ბინდისას უფრო ძალიან მოშივდა მიხას და ახლა ცოცხლად შეჭმა შეუთქვა, მაგრამ
რაკი მაინც არ გამოვიდა, წამოდგა და მონასტერში შევიდა.

ახლა უკვე სრული სიბნელე გართხმულიყო შიგ. ფეხებქვეშ კენჭები და საქონლის
გამხმარი სკორე ხრაშუნობდა. დროდადრო შედგებოდა და ყურს წაუგდებდა.

სულიერის ჭაჭანება არ იგრძნობოდა. მიხა ხელის ცეცებით სინჯავდა კედლებსა და
ნიშებს. თანაც გასავლელ კარს თვალს არ ამორებდა. საიდანაც საღამოს ბინდი
იჭრებოდა.

სნაიპერი არ ჩანდა.

შეფიქრიანებული მიხა გარეთ გამოვიდა. მონასტერს ერთხელ კიდევ შემოუარა და
როდესაც ბებერ რცხილასთან მივიდა, შემცხარი შედგა, თვალეზად იქცა, გაშეშდა,

მერე მუხლები მოუღუნდა და თმებმა ნაბდის ქუდი კინალამ მტკაველზე ასწია:

მაყვლის ბარდები შეინძრა, აქეთ-იქით გადაინია, იქიდან მარგილის წვერივით
რალაცამ ამოყო თავი და მერე თავით ფეხამდე იარაღში ჩამჭდარი მოჩვენება
ამოძვრა.

ცივად ელაგდა მუზარადის წვერი ბინდბუნდში.
მუქარით ჩხარუნობდა ჩაბალახის ტოტები და წვრილთვალა ჯაჭვის ჟანგიანი
კალთები.

მრგვალ, უზარმაზარ ფარზე ატოტებული ჯოჯო ვერცხლისფრად ბრჭყვინავდა და
გახლეჩილი პირიდან გადმოგდებულ ვეება ენას ასავსავებდა.

ავად ლაპლაპებდა შიშველი ხმლის გაუხუნებელი ფოლადი.
მოჩვენებამ ერთი მიიხედ-მოიხედა, ფარი მარცხენა მხარზე მძიმედ შეისწორა,

თავისთვის რალაც ჩაიბურღლუნა და აკოჭლებული ტყეზე გამავალ ბილიკს ხმლის
ბჯენით გაუყვა.

კედლის ნანგრევს აკრულ მიხას თვალი მანამდე არ მოუწყვეტია, სანამ მოჩვენება
თვალს არ მიეფარა. ერთხანს გარინდებული უცებ მობრუნდა და რცხილის ძირში
მაყვლის ბარდებს უნდობელი მზერა დაასო. დიდხანს უცქეროდა. მერე კვლავ
ირგვლივ მიიხედ-მოიხედა და რაკი დარწმუნდა, საეჭვო აღარა იყო რა, თვითონაც იმ
ერთადერთ ბილიკს აედევნა.

როდესაც გზაზე გავიდა, იქ აღარც ცხენი დახვდა და აღარც მარხილი. თავქვე
მიმავალი აბოლებული მტვრის ღრუბელი იმას მოწმობდა, რომ მისი ცხენი რალაცას
დაეფრთხო და თავ-პირის მტვრევით გარბოდა.

მიხას დაფრთხოვა არ გაჰკვირვებია, ოღონდ იფიქრა, მარხილი არ დაამტვრიოს და
თვითონაც არსად გადაიჩეხოსო. წკეპლა გადაავლო, ქუდი მოიშვლიპა, მაზარის
ბოლო აიკალთავა და თავის ცხენს უკან გამოენთო.

გადასახედთან რომ მივიდა, გული ამოვარდნაზე ჰქონდა. აქედან უკვე მოჩანდა
გაშლილი სოფელი. სოფელში სინათლეები აენთოთ.

დიდხანს იწვა მიხა და დაღლილი მეძებარით ქასქასებდა. გახურებულ სხეულსა და ქანცგამოლეულ კუნთებს ნეტარებას ჰგვირდა წოლა და მიწის სიგრილე. ჯავის ძირი, ხმელი ბალახი და სოფლიდან წამოსული უთვალავი მიწიერი ვარსკვლავის შუქი თვლებში გადასული სიზარმაცით ავსებდა გაბუჟებულ ტანს.

დიდხანს იწვა მიხა და იგერიებდა ძილის ანგელოზს. მერე შეშინდა, მიწის სიგრილემ არ დამცადოსო, უნდობლად წამოდგა და ლასლასით დაუყვა დაღმართს სოფლისაკენ.

შინ მისვლისას მეტად გაოცებული დარჩა, ცხენი და მარხილი იქ რომ არ დაუხვდა. შემცბარი ცოლი უყვებოდა როგორ შემოვარდა ეზოში ცხენი და მერმე მარხილზე წამომჭდარმა ვილაცამ თუ რალაცამ როგორ გაავლო უკანვე ჭენებით.

მიხას ცოლისათვის არაფერი უთქვამს, გაბრუნდა და სოფელზე მიმავალ ორღობეს დაადგა. აივნებიდან და ფანჯრებიდან გამოსული სინათლის შუქზე კარგად მოჩანდა მარხილიდან მარაოსავით გადმოშვებული ფიჩხის ბოლოებით დაგვილი გზა.

მრელაანთ უბანში შესვლისას პირდაპირ ლუკას სახლისაკენ გასწია.

ლუკას ცოლს თონე გაეხურებინა და მთელი ეზო ცეცხლს გაეჩახახებინა.

- სად არი შენი ბიჭი? - მისვლისთანავე იკითხა მიხამ და იქაურობას თვალი მოავლო.

სათონის მოშორებით, ღობის ძირას, ახალმოჭრილი ფიჩხი ეყარა. ნაწილი დაეკუნათ და ნაწილი ეტყობოდა, თონეს შთაენთქა.

ლუკას ცოლმა მიხას ერთი შეხედა და მერე თონეს ფიჩხი ჩაუმატა.

- შენთან წამოვიდა, გზაზე არ შეგხვდა?

- არსად არ შემხვედრია. ცხენი და მარხილი სადღაა?

ლუკას ცოლი აიმრიზა.

- რა ვქნა, გაბუჟებული ბალღით მეკითხები? თუ სიკეთე ჰქენი და ცხენ-მარხილი ათხოვე ბიჭსა, რაღას აყვედრი?

- ცხენ-მარხილი ვათხოვე? - შეხტა მიხა, - ვინ გითხრა, რომ ვათხოვე?

- აბა, რომ არ აჩუქებდი, მე კი არა, მთელმა სოფელმა იცის, - მწარე ენა ჰქონდა

ლუკას ცოლს.

- შენ არავინ გკითხავს, ვის ვაჩუქებ, ვის არა, ან თვითონ სად არი და ცხენსა და მარხილს რა უყო?

- ფიჩხი გადმოცალა და მერე შენთან წამოიღო მარხილი.

- ცხენი?

- ცხენიც. თვითონ ხომ არ შეეებებოდა მარხილში.

- შინ ვიყავი. იქ არც ცხენია, არც მარხილი.

- გზაში ავცდებოდათ. ბაყბაყდევი ხომ არ არი, ცხენიც გადაყლაპოს და მარხილიც.

მიხამ ერთიცი მიიხედ-მოიხედა და აივნის სვეტზე ჩამოკიდებული ჯაჭვის პერანგი და მუზარადი შეამჩნია. იქვე, კედელზე ეყუდა შიშველი ხმალი. ლალად თამაშობდა ზედ ცეცხლის არილი. ხმლის ნახევარზე მეტი ვეება ფარს დაემალა. დაზარნიშულ ფარზე ვერცხლისფერი ქერეჭით დაფარული საზიზღარი ჯოჯო გართხმულიყო. მიხას მზაკვრულად შემოჰყურებდა და გახლეჩილი პირიდან გადმოვდებულ უზარმაზარ ენას ასავსავებდა.

მიხა ერთხანს გაშტერებული უცქეროდა გარდასულ საუკუნეთა ამ უსულო მონწემთ,

მერე პურის მცხობელს დააკვირდა და მუქარით წაიღრინა:

- რაც დაგიჭრია, ეგ ჩააყარე, დანარჩენ ფიჩხს ხელი არ ახლო. ფიჩხი ჩემია, მოვალ და ნავიღებ.

მიხა გაბრუნდა და თან სახტად დარჩენილი ლუკას ცოლის დაბნეული მზერა

გაიყოლა.

* * *

შუადღისას სნაიპერს ჭიშკართან ძახილი შემოესმა. ტახტიდან წამოიწია, ჩოქზე დადგა და ფანჯარაში გაიხედა. მერე უცებ გამოალო და თვითონაც გასძახა:

- მოდი, მოდი, აქა ვარ, შინ!

აივანზე ბრავაბრუგი გაისმა და ოთახში განუყრელი სამეული შემოვიდა.

ვახტანგს თავქვეშ ხელები ამოეწყო, მუთაქაზე ნებივრად მისვენებულიყო და თვალებს მზებზე განოლილ კატასავით ნაბავდა.

როგორც ივარაუდა, ისედაც მოხდა: ჯერ სალამიც არ გაეთავებინათ, რომ სამივეს სიტყვა პირშივე გაუწყდათ, ფეხები ერთ ადგილზე მიეყინათ და თვალები ბუდიდან ამოუცვივდათ. დიდხანს იდგნენ ასე, თითქოს ეკლიან ღობეს წაანყდნენო. ბოლოს პირველად გოგიამ იპოვა ხმა და ამოიხროტინა:

- ეს... საიდან, სნაიპერო?

სნაიპერს არაფერი უთქვამს: იწვა გულალმა, თითებს მკერდზე ათამაშებდა და ტკბებოდა მომხდარი შთაბეჭდილებით.

- სად გიშოვია, ვახტანგ, ესენი? - როგორც იყო ამოღერდა რგოლის

ხელმძღვანელმაც.

- უკაცრაული პასუხია, ნამდვილია? - გაბედა ვანომ და ფარხმალზე დამხობილ მუზარადს ხელი გადაუსვა.

სნაიპერი მეშვიდე ცაში ფრინავდა.

- შენია?

- ჩემია.

- სად გიშოვია?

- ადგილი მეგულება.

- როგორ, კიდევ გეგულება ასეთები? - შეხტა ბურჯურთელი.

- რამდენიც გინდა. იმდენია, ფეხს ვერ აუქცევ.

- ხომ არ შეიშალე, სნაიპერო?

- ყველაზე უვარგისები წამოვიდე. პირველად ესენი მომხვდა ხელში და იმიტომ.

სამეულმა ერთმანეთს გადახედა, მერე გამშრალი ტუჩები მოილოკა და ისევ ჯაჭვ-მუზარადსა და მათ პატრონს მიაჩერდა.

სნაიპერი ზეიმობდა: პირველად ხედავდა რგოლის ხელმძღვანელს

გასაცოდავებულს, დამცირებულსა და დამხობილს.

- არა სტყუი, სნაიპერო?

- ტყუილი თქვენსკენ მოიკითხეთ.

- სად არის? - ხარბად იკითხა ეფრემას ბიჭმა.

სნაიპერი გვერდზე კვნესით გადმობრუნდა და თვალები ბოროტად აენტო.

- ვინ ვითხრათ, რომ სკოლიდან ჭკუნალრძობობისათვის გამრიცხეს? ძალიან

სცდებით, თუ მართლა სულელი გგონივართ.

- რას ამბობ, ვახტანგ? ვის ჰგონიხარ სულელი? - ენა მოიჩლიქა ეფრემას ბიჭმა.

- შენა და შენს ამფსონებს. რამ გაფიქრებინათ, რომ მესხიერებამ მილალატა?

გინდათ, ერთხელ კიდევ ნახოთ თქვენი მონგრეული სიტუაციები გაზეთში? გამოვიდნენ აღმომჩენები! მოდი, გეტყვი, სადაც არი. ვარდუაშვილი გაიმძვარეთ და წადით...

ოლონდ, ლენას წაყვანაც არ დაგავინწყდეთ... იცით რა ფასად დამიჭდა აღმოჩენაცა

და შოვნაც? აბა, შემომხედეთ! აი, ნახეთ ჩემი ფეხი. ჩემი ზურგი და ჩემი გვერდები.

„სად არი, ვახტანგ?“ - გაჭიანურებით გაღეჭა გოგიას ნათქვამი. - შენ მე ვინ გგონივარ,

ეფრემას ბიჭო? - იდაყვებზე წამოიწია. - ახლა რომ ენიდან თაფლი მოგწვეთაფს,

მაშინ სად იყავ, როცა მრიცხავდნენ? ან თქვენ სად იყავით? კაციშვილს არ

გავხსენებთ და ახლა, როცა გაიგეთ... არა, მიხამ თუ იყბედა რამე, მართო ამაზე იტყოდა. დანარჩენი, რაც ვნახე, ჩემ გარდა სულიერმა არ იცის. და მერე, იცით, რა ვნახე? მე რომ ვითხრათ, თმა ყალყზე დავიდებათ. ოო, სამივე სამ შეშლილად იქცევით და იმგვარად, რომ არც ერთი საგიჟეთი არ მიგიღებთ დასაჯკვიანებლად... მეკითხებიან, სად არისო! ერთბაშად არ ვადმოგილაგოთ!

მოჭადოებულებით იღვინ ბიჭები, უსიტყვოდ უცქეროდნენ ხან სნაიპერის ჩამოლადრულ თავ-პირს, გადაქლეშილ ხელსა და შეხვეულ ფეხს, ხანაც ტახტთან მიდგმულ სკამზე დანყობილ ბრწყინვალე იარაღს.

- მიხა... უკაცრაული პასუხია, მიხა რალა შუაშია?

- მართალია, მიხა არაფერ შუაშია. შუაში მე ვიყავი. წინ და უკან კი მიხა და მისი ცხენ-მარხილი.

ბიჭებმა კვლავ გადახედეს ერთმანეთს.

როგორც იყო ბერძენაშვილმა ფეხი წინ წადგა და ვახტანგს შუბლზე ხელი დაადო.

სნაიპერმა დაიღრინა და ხელი ააღებინა.

- შენ ისევ მაგათთან მიდი და თქვენ მიადეთ ხელი ერთმანეთს. ოლონდ თითის მიკაკუნებაც არ დაგავინცდეთ.

ვანომ ტუჩები გადმოაბრუნა და მხრები აიჩეჩა.

- სიცხისა არაფერი ეტყობა.

დანარჩენ ორს ხმა არ ამოუღია.

სანდრომ ძლივს მოსწყვიტა თვალი ფარზე გაპარწყულ ჯოჯოს საშინელ

ბრჭყალებიან ფეხებს და უკვე ხმაში სიმაგრე გაურია.

- ახლა რასაც გეტყვი, იმიტომ კი არ გეტყვი, რომ, გინდა თუ არა, თქვა შენი

საიდუმლო. ჩვენ არც მიხა გვინახავს და არც შენი აღმოჩენისა ვიცოდით რამე.

უბრალოდ, მოვედით, რომ შეგვეტყობინებინა: მთელმა ჩვენმა ბიჭებმა ვთხოვეთ

გივის, კლასის ხელმძღვანელთან და დირექტორთან ეშუამდგომლა... მერე ჩვენც

შევეყვით და შენ მაგიერ დავიფიცეთ, რომ ცუდს აღარაფერს ჩაიდენდი... ისინიც

ადგნენ და აღგადგინეს სკოლაში.

სნაიპერი ჯერ ისევ თავის ნამოქმედართა და ნათქვამით ტკბებოდა. შემდეგ სახე

თანდათან შეეცვალა, დამცინავი ღიმილი გაუქრა. ერთხანს გატრუნული იწვა, მერე

უეცრად გადმობრუნდა და მანჭვით წამოჭდა.

- ვის ატყუებთ, ვისა! იპოვეთ რალა ნეკზე მკვინი. ეგ ფარდაგი ზალიკოს დაუგეთ,

თეძო არ ეტკინოს. მეც მნახეთ არიფო! თქვენთვის ფერიცვალების საყდრის ქვეშ

ამოთხრილი ორმოც საკმარისია. ნამდვილი გვირაბი კი მე აღმოვაჩინე, მე! მე

აღმოვაჩინე... მაგრამ არ გეტყვით. არაფერსაც არ გეტყვით, კიდევ რა აღმოვაჩინე.

არც იმას გეტყვით, როგორ წავანყდი იმ... არა, არაფერსაც არ გეტყვით. მე

შემიძლია, ის თქვენი ამოჩიქნილი წყარო ორი-სამი კილომეტრის იქიდან ისე

დავწყვიტო, წვეთიც აღარ გამოვუშვა და სხვა სადინარი მივეცე. მე შემიძლია, მთელი

თქვენი ნაცოდვილარი წყალში ჩავყარო და ქარს გავატანო. მე შემიძლია, ისევ...

მაგრამ თქვენთან ლაპარაკიც არა ღირს. თქვენ კაცს ისე გასწირავთ, უკან არ

მოიხედავთ. მე თქვენ მომატყუებთ?! - ვახტანგი ისევ გადანვა და ამაყი თვალი ჭერს

მიაპყრო.

იდგა განადგურებული სამეული და ცნობისწადილით იწვოდა: სად რას გადაეყარა

სნაიპერი ან რა იყო ისეთი, რომელიც გადატრიალებას მოახდენდა იმ ღამის

ექსპედიციებში და აკადემიისქვეშა აღმოჩენებში.

- ჩვენ არ ვტყუით, ვახტანგ. ნამდვილად აღგადგინეს, - კვლავ ხმა გაეზარა

სანდროს.

- საკლასო ჟურნალშიც ხარ ისევ, ჩემი თვალით ვნახე, - თათულად იღვრებოდა ეფრემას ბიჭი.
- უკაცრაული პასუხია, რატომ არა გჯერა? დაეჭვებული სნაიპერი მხარ-თეძოზე წამოიწია.
- დღეს აღმადგინეს?
- დღეს. ახლა პირდაპირ იქიდან მოვრბივართ. აი, ჩანთები.
- სხვა ბიჭებმაც იციან?
- მთელმა სკოლამ იცის. გვიმ თქვა, შეუძლია ხვალ დილითვე მოვიდეს სკოლაში და პირდაპირ თავის მერხზე დაჯდესო.
- პირდაპირ დაჯდესო?
- პირდაპირ.
- ირიბად რომ დაეჯდე?
- გოგიას სასო წარეკვეთა.
- კიდევ არა სჯერა. თუ გინდა, ადექი, წამოდი და შენი თვალთ ნახე საკლასო ჟურნალი.
- ძალიან კარგად იცით, რომ ვერ ავდგები და ვერ წამოგყვებით.
- აი, ურწმუნო თომა. - სანდროს უკვე წყენამ გადააჰკრა. - გეუბნებიან, ალგადგინესო, მაშასადამე, ალგადგინეს.
- აბა, ლენა დაიფიცე.
- რა შუაშია ლენა? - სანდროს უკვე ფერი ეცვალა. სნაიპერის გამჭირდავი ღიმილი დაიჭირა და აიქოჩრა, - შენ, სნაიპერო, ღმერთს მადლობა უთხარი, რომ წევხარ და ფეხი გტკივა, თორემ ეგ ფარ-ხმალიც ვერ გიმველიდა, მომაკვდავი ხევსურივით რომ დაგინწყია გვერდით. წავიდეთ, ბიჭებო, - გაბრუნდა და წავიდა. ბიჭებს ფეხი არ მოუცვლიათ.
- სანდრო, გეხუმრე, სანდრო! მობრუნდი, ყველაფერს გეტყვი! გეხუმრე, ბიჭო! გარეთ გაცვივნილი გოგია და ვანო ბიჭს კიბის თავზე წამოეწივნენ და მხრებში ჩააფრინდნენ.
- რა დამდურულივით აქოთქოთდი, რა იყო, კაცო, შენი გულისთვის კაცმა ვეღარ უნდა იხუმროს?
- თუ ხუმრობა უნდა, ბაზერაანთ მიხას ეხუმროს. გამიშვით ხელი.
- ახლა შენ გაჯიუტდი ბებერ თხასავით.
- ბიჭებმა თითქმის ძალისძალად შეათრიეს სანდრო ოთახში.
- რა იყო, რა პატრუქმოდებული დინამიტივით ხარ ამ ბოლო დროს, ბუჩუკურთელო. კაცი გახარებული ვარ, სკოლაში აღვუდგენივარ და ორ წუთში ორი სიტყვა ვერ უნდა შემარჩინო? აბა, დასხედით. ოლონდ კვირას ფიჩხის მოჭრა უნდა მიშველოთ.
- შენ მიდი, სნაიპერო, თუ გინდა, მთელ ეზოს ფიჩხით ავივსებ, - გოგიამ სკამი მიითრია.
- დილით გვიან წავედი ტყეში. გავცდი თუ არა სოფელს, გივის ჰაჰა არ გადამეყარა?! ვთქვი: უკვე დავითარსე-მეთქი. ხვინჭიანისკენ ვაპირებდი წასვლას, მაგრამ საითაც ის წავიდა, იქით რა წამიყვანდა? წმინდა შიოსკენ წავედი. მაინც დამთარსა: გზის თავში, ტყის პირას გაჩერებულ მარხილთან, ბაზერაანთ მიხა ჩაცუცქულა და რალაცას ჩალიჩობს. დამინახა თუ არა, ქორივით არ გამომენტო? დიდხანს მდია და ბოლოს წმინდა შიოსკენ გამავალ ბილიკზე გამიგდო. აბა, იქ მოვერბინეთ მონასტერს. ბოლოს შიგ შევვარდი და ნიშში დავიმაღლე. ისიც შემომყვა და მეძებს. როგორც კი გამცდა გამოვხტი ნიშიდან და ისევ გარეთ გამოვვარდი. იმწამსვე გამომყვა. სად წავიდოდი? ჯერ მინდოდა ტყეში შევარდნა, მაგრამ ვიფიქრე: გაბმულია ერთმანეთში ყველაფერი, იმ ერთი მგელივით სადმე რომ გავიჭედო, მერე რაღა ვქნა-მეთქი! ისევ

მონასტერს ვუვლით გარშემო. გავრბივართ და თან მიხას ვუყვირი: უკულმა ვუვლით, არ შეგვეწვევა, მოდი, შებრუნდი, შენ გაიქეცი და მე გამოგიდგები-მეთქი! ვინ დაგიჭერა? ბოლოს ველარა ვუსაშველე რა და ისევ შიგ შევვარდი. მიხამ ჭკუა იხმარა და შიგ აღარ შემომყვა. დაჯდა შესასვლელთან და მყარაულობს. თან მპირდება, აქ უნდა გავათენო. ვფიქრობ: აქ ეს შერეკილი მიხა შიმშილითა და წყურვილით სულს ამომხდის, კაცი ვერ გაიგებს, სადაური სად მოვკვდები, ისევ უნდა გავიპარო-მეთქი. კლდისკენ გამავალ სარკმელზე ავფოთხდი. ვხედავ: ერთი ქვა მოჰკვლეჯია და დაბლა გადავარდნილა. ვცადე და გავვტიე. მერე არც ვაციე და არც ვაცხელე, ერთი უზარმაზარი ბებერი რცხილის ქვეშ გაბმულ მყვლის ბარდებში გადავხტი, რომ რბილად დავცემულიყავი. გადავხტი, ბიჭო, და, ქვესკნელში არ წავედი?! ვაი, ამისი რჯული დაიქცა, ეს ფეხი მაშინ გადავიქლიოზე. აი, ნახეთ, სულ გადაყვლეფილი მაქვს.

- მოყევი, მოყევი, ფეხს მერე ვნახავთ, - გოგიამ ნერწყვი გადაყლაპა.
- წავედი ქვესკნელში და არც მახსოვს, მე ჩავანგრე თუ თვითონ იყო ჩანგრეული, რალაც მაინც რბილად დავეცი. ვიფიქრე, ნამდვილად მოვკვდები-მეთქი, მაგრამ ვგრძობ, რომ გვერდები მიხურს, სახე მწვანის, ფეხი მტეხს და ცხვირიდანაც სისხლი მომდის. ვვდივარ გულალმა და არა ვტოკვდები. მინდა, სისხლი შემინყდეს. აღარ მახსოვს, როდის შემინყდა. როცა ავდექი, ვნახე, აღარ მომდიოდა. გავიკარ ჯიბეზე ხელი და პაპიროსი...
- პაპიროსს ისევ ეწვევი?
- დამაცა, ბურჯურთელი, რა პირში მეხდღვენი, კაცი ვკვდები და ეს პაპიროსს მიკრძალავს.
- ხომ არ დაგავინყდა ვალდებულება?
- მე არ დამვინყებია, მაგრამ, მგონი, შენ გავინყდება, რომ მაშინ მე თქვენს მარაქაში აღარ ვითვლებოდი.
- მაინც ვერ გაიმართლებ თავს. კარგი, ჰო, მიდი.
- თუ ყოველთვის ეგრე მეტაკები პირში, ხმასაც აღარ ამოვიღებ.
- დააცა, სანდრო.
- რა დროს პაპიროსია. მერე, ვახტანგ?
- ვწევარ და ვფიქრობ: ახლა ზევიდან ერთი ლოდი და მიხას ტირილილა მაკლია, თორემ ნამდვილად მკვდარი ვარ-მეთქი.
- არა, იქ გაჩერდი, პაპიროსი რომ ამოიღე.
- ჰო, ამოვიღე პაპიროსი და მოვუკიდე. ასანთის სინათლეზე ვხედავ ჩემი საფლავის აქეთ-იქით იგეთი ხერელები გადის, კაცი თავისუფლად გაიმართება, ბიჭოს! ეს სადა ვარ? მაღლა ავიხედე - სიბნელეა; იქით გავიხედე - სიბნელეა; აქეთ გავიხედე - სიბნელეა. საით წავიდე? მოდი, საითაც უფრო სიმშრალეა, იქით წავალ-მეთქი. მივდივარ, მივდივარ და რას ვხედავ...
- რა იყო? - ერთად შეხტა სამივე.
- არათფერი.
- როგორ თუ არათფერი?
- არათფერი, კაცის დამლილი ჩონჩხი ეგდო და გვერდითაც ეს ფარ-ხმალი ეყარა.
- მერე, ეგ არათფერია?
- რაც მერე ვნახე, იმასთან შედარებით არათფერია.
- რა ნახე, ვახტანგ?
- რა იყო, ვახტანგ?
- თქვი, სული ნუ ამომხადე!
- მაცდით, რომ ვთქვა?
- აბა, მიდი.

- აბა, მიდი.
- აბა, ჰე.
- მიხას დევნაში წაღდი დავკარგე სადღაც. ხელში არაფერი მაქვს. ვიფიქრე, უნდა შევიარაღდე-მეთქი. ავიღე ეს ჯაჭვის პერანგი, იქიდან ძვლები სულ წამოვბერტყე და მე გადავიცვი. ეს მუზარადიც იქ ეგდო, მოშორებით. ფარი კი მიძიმე გამოლდა. თან ფეხი მტკივა. ხმალი კი მაგრად ჩაუბლუჯე. კარგად რომ დავიტვირთე სანყალი კაცის ვირივით, მერე მივხვდი, რომ ველარსად წავიდოდი. ხელები დაკავებული მქონდა და ასანთს როგორღა ავანთებდი? ფარი ისევ დავაგდე და ეგრე გავყევი. კიდევ ერთი ჩონჩხი ეგდო, მაგრამ იმას არც რამე ეცვა და არც სადმე იარაღი ეყარა. ისევ წავედი.
- არ გეშინოდა?
- რისა უნდა მშინებოდა, იარაღში ვიჯექი.
- მერე?
- მერე გავიხედე და რას ვხედავ.
- რა იყო, ვახტანგ?
- რაღაც შუქივით კიაფობს სადღაც.
- რა იყო, ვახტანგ?
- რა იყო, ბიჭო!
- მივდივარ, მივდივარ და რას ვხედავ... ბიჭებო! - უცებ წამოჯდა სნაიპერი და აკენესდა. - ბიჭებო, წმინდა შიოს მონასტრიდან აკადემიამდე წამდვილად მიდის გვირაბი, ფერისცვალების საყდრის ქვეშ ამოხეთქილი წყალიც იქიდან მიდის, იმ გვირაბით. მე თვითონ ვნახე უზარმაზარი ქვის აუზი. თიხის მილებით მიჰყვება წყალი გვირაბს. აუზი თურდოს კლდის გამოქვაბულშია. უამრავი გამოქვაბულია. ოთახები ერთმანეთს ხვრელებით უერთდება. ერთს კი ხის კარი აქვს, იქითა მხრიდან დაკეტილია. ყველა ვერ დავათვალიერე. იქიდან მთელი თურდოს ხეობა ხელისგულივით მოჩანს. შიგ უამრავი ოთახია, მთელი სოფელი დაეტევა, იარაღი და კაცის ჩონჩხები რიყის ქვასავით ყრია. კიდევ ბევრი რაღაცეებია თახჩებში. დაღამებისა შემეშინდა, თორემ კიდევ დავათვალიერებდი. ოოჰ, ბიჭებო! წმინდა შიოს მონასტრიდან წამდვილად არის გვირაბში ჩასასვლელი. მე ვერ მივაგენი, მაგრამ წამდვილად არის ჩასასვლელი!
- მაშ, როგორ ამოხველ, სნაიპერო?
- უკანვე, ისევ იქ მივედი, საიდანაც ჩამოვვარდი. წამზღვლევეზე ავედი და კარგად დავათვალიერე იქაურობა. ქვევრის წამტვრევები ეყარა. იქვე ჩამოდიოდა ხის დიდი ფესვი. ხმლით საფეხურები გამოვჭერ კლდეზე და ფესვამდე ამოვცოცდი ზევით.
- ესენი როგორღა ამოიტანე?
- ძალიან გამიჭირდა. ორჯერ ჩავვარდი ძირს, მაგრამ ყოველთვის მახსოვდა, რომ ზევით მიხა მიცდიდა. უამისოდ როგორ გავბედავდი მალლა ამოსვლას.
- ვინ ამოთხარა ის ორმო, სნაიპერო?
- ორმო კი არა, მე მგონი, ქვევრია იქა, უზარმაზარი. ზედ გვირაბის თავზეა ჩაგდებული. შიგ იმ დიდი რცხილის ფესვია ჩაკიდული. მერე ან იმ ფესვმა და ან რაღაცამ ქვევრს ძირი გააგდებინა და გვირაბში ჩააგდო.
- რას მიჰქარავ, ლუკას ბიჭო, ფესვი ქვევრს რას უზამს?
- რას ამბობ, ვანო, ჩვენ ოცდაათწამიანი ქვევრი დავგვეღვარა ღვინით სავსე. მერე მამაჩემმა ნახა და თქვა, ფეს- ვს გაუხვრეტიაო, და მოჭრა ის დიდი ხართუთა, მარანთან რომ იდგა.
- დაიცათ, ბიჭებო. მერე, ვახტანგ?

- მერე არაფერი. როგორც იყო ამოვედი და იმ ბარდებიდან გამოვძვერი. ჯაჭვი მაცვია, მუზარადი მახურავს და ფარ-ხმალი მომარჯვებული მაქვს. მიხა კი არა, ახლა მთელი ბაზერანთ უბანი რომ დამეცეს, ფიქრი არ არი. გავიხედე, მიხა თავისი სიტყვის პატრონად დარჩენილა და კედელს აკრული მე მყარაულობს. დამინახა და იქვე გაშეშდა: ან რამე მოჩვენება ვეგონე, ან ავი სული. ბილიკზე ისე გავედი, რომ ადგილიდან ფეხი არ მოუცვლია. მივდივარ და ფეხი თანდათან მტკივა. ვფიქრობ, მიხა მალე მოვა გონს და ამ რკინეულით დატვირთულს დამენევა, მოდი, გადავყრი-მეთქი. თანაც ფეხი მტკივა. არა, თუ დამენია, ეს უფრო გამომადგება-მეთქი. გავიხედე და რას ვხედავ იმ ბინდებუნდში: ამ ჩვენი მიხას ცხენი თავისი მარხილით ისევ იქ არ არი?! ოღონდ ნათესში გადასულა სანყალი და დამშეული ახლად ამონვერილ ჯეჭილს წინკის. გამოვიყვანე გზაზე, დავჯექი მარხილზე და, რომ ვუცხუნე ხმლის ყუა, მაშინვე ფრთები გამოისხა. მოვქრივარ და ვფიქრობ: მიხამ ნიშადურიც რომ ამოიციხოს, მაინც ვერ დამენევა-მეთქი. ჩამოვედი თუ არა შინ, დედაჩემმა პირი დაალო: ეგ ხარახურა სად იშოვე ან ცხენი და მარხილი ვინ მოგცაო?
- მიხამ მათხოვა-მეთქი, გადმოვცალე და უკანვე წავეყვანე. დედაჩემი კი მომძახის: ჩემ მაგიერ დიდი მადლობა მოახსენეო... ის უნამუსო მიხა კი მოსულა და ფიჩხი უკანვე წაუღია. მარტო ის შემრჩა, რითაც პური გამოაცხო დედაჩემმა.
- ეგ არაფერია, ფიჩხს ჩვენ მოგიჭრით. ის მაცვლის ბარდები სად არი?
- აა! ვერ მოგართვით! სანამ ფეხი არ მომირჩება, არ გეტყვით.
- ამის თქმა რად გინდა, სანდრო? დიდი რცხილააო, მოვძებნოთ და ვიპოვიო. სნაიპერმა თვალები ნაკვერჩხლად აქცია.
- ეფერემას ბიჭო, შენ რომ იქ უჩემოდ ფეხი მისდგა, ბარემ წინასწარ ეზიარე.
- ვახტანგი მართალია, გოგი, დიდი უნამუსობა იქნება უამისოდ იქ წასვლა. ნუ გეშინია, ვახტანგ, მე ვაგებ პასუხს იმ რცხილაზე, სანამ ფეხი არ მოგირჩება.
- კარგი, სანდრო, შენი იმედი მაქვს.
- გივის არ ვუთხრათ?
- მომირჩეს და მერე ვისაც გინდათ, უთხარით.
- მოდი, რომ მალე მორჩეს, საავადმყოფოში გადავიყვანოთ.
- ე-ე-ე, ვანო, ხომ არ გავინწყდება, რომ მთელ საავადმყოფოს ერთადერთი ოთახი აქვს და იქაც ნიკო წევს?
- ახლა ხმასაც აღარ გავცემს. შეიძლება იმღეროს კიდეც: „ერთ ბედქვემა ვართ, ლაბაგ, მე და შენო“.
- ნიკოს ძალღი არ ენდობა, მე იქ რა მიმიყვანს?
- იმ ორმოს იქით აღარ წასულხარ გვირაბში?
- ცოტა თავქვეა, თანაც რატომღაც სველი. შემეშინდა, არსად გადავიჩეხო-მეთქი... იქით კი, იქით რა ამბავია! უუუ, ბიჭებო! მთელი გამოქვაბული სავესეა... არა, სანამ თქვენი თვალით არ ნახავთ, არ დაიჭერებთ.
- უკაცრაული პასუხია, მაინც როდის წავალთ, როდის?
- როგორც კი ფეხი მომირჩება.